

RAINER MARIA RILKE

DIE AUFZEICHNUNGEN
DES MALTE
LAURIDS
BRIGGE

Aus dem Deutschen übersetzt
und
mit einem Vorwort versehen
von Naira Gelaschwili

TBILISSI, „MERANI“ 1992
„LOMISI“

რადიკალური მარქსიზმი

მალტა ლაურინდს ბრიბას ჩანაწერები

გერმანულიდან თარგმნა
და
წინასწარმეტყველება დაურთო
ნაირა გელაშვილმა

XX საუკუნის უდიდესი ავსტრიელი პოეტის რაინერ მარია რილკეს რომანი „მალტე ლაურიდს ბრიგეს ჩანაწერები“ გადმოგვეცემს ახალგაზრდა კაცის თვითდადგენის რთულ და წინააღმდეგობრივ პროცესს.

რედაქტორი იზოლდა ლეშავა

4703000000—37

რ----- --91
პ 604 (08)—92

© გამომცემლობა „მერანი“
გამომცემლობა „ლომისი“

რ. შ. რილკის რომანი

ამ ერთადერთი რომანის შექმნით რილკესთვის იმდენად მნიშვნელოვანი სულიერი აქტი განხორციელდა, რომ კარგა ხანს გაუგრძელდა ამის შედეგად წარმოქმნილი დაღლილობა და ნერვიული უმოქმედობა, და თორმეტი წელიწადი დასჭირდა დაგვირგვინებას იმ ახალი შემოქმედებითი ეტაპისა, რომელიც მხოლოდ „მალტეს“ შემდეგ შეიძლებოდა დაწყებულიყო.

რილკემ რომანს „მაღალი წყალგამყოფი“ უწოდა: განასახა რა მალტეს ტკივილადქცეული, ავადმყოფურად განატიფებულ პიროვნებაში საკუთარი სულის ნაწილი, თავისი „ორეული“, ამით მან, გოეთესა და მისი ვერთერისა არ იყოს, მწერლისა და პერსონაჟის ის ცნობილი ურთიერთობა „გადაატანა“, მალტეს დაძლევას რომ გულისხმობდა რილკეს პიროვნებაში, მალტესგან განთავისუფლებას და იმ გზით წასვლას, რომელსაც პოეტი ცხოვრების წინაშე სულ სხვარიგ დგომასა და გამძლეობასთან უნდა მიეყვანა, ვიდრე ეს ახალგაზრდა ბრიგეს ზედა წილად.

(რილკე რომანზე მუშაობას შეუდგა 1904 წლის 8 თებერვალს, რომში, და ინტერვალებით მუშაობდა მასზე თითქმის მთელი ექვსი წლის განმავლობაში. ნაწარმოები გამოიცა 1910 წლის 31 მაისს ორ ტომად. (ლიბციგი, გამომცემლობა „ინჰელ“-ი). ამ დროისათვის რილკეს ადრეული ნაწერების გარდა უკვე გამოქვეყნებული ჰქონდა: „როდენი“, „ეორსვედე“, ლექსთა კრებულები: „კე-ნი“, „სურათთა წიგნი“, „ახალი ლექსები“, რეკვიემები. რომანი ამ ლექსების პარალელურად იწერებოდა, რამაც განსაზღვრა მათი პრობლემატიკის გარკვეული ერთიანობა. რომანის გამოცემიდან 1922 წლამდე, როცა გასრულდა „ოლინოური ელევგები“ და „სონეტები ორფეისისადმი“, რილკემ მხოლოდ ერთი კრებული „მარიამის ცხოვრება“ გამოაქვეყნა და მასზეც ძველი. ვამოქვეყნებელი ლექსები იყო გადამუშავებული. ასე რომ 1910 წელი რილკეს შემოქმედების შუა პერიოდს ავირგვინებს).

„ჩანაწერები“ ზღვარს უღებენ მეტისმეტად გაზრდილ ტკივილებს — წერა რილკე. ამ „მეტისმეტად“ ანუ სახიფათოდ გაზრდილ ტკივილთათვის მიჯნის დადება რილკეს შინაგანი გადარჩენის გზა იყო. მალტეს სახის შექმნა, რომელიც რილკეს სიტყვებით, „ნაწილობრივ საკუთარ საფრთხეთაგან არის შექმნილი“, შინაგანი კრიზისის მხატვრულ ქმნილებად გარდასახვა — როგორც საკუთარი ავადმყოფობის გაცნობიერება, ჭავუთარ განცდათა ობიექტივაცია და გამანაღლება — გარკვეულად უკვე წარმზიდგენდა მათ დაძლევას და ხიფათის თავიდან არიდებას. მხოლოდ ამგვარი გამიჯნის შემდეგ შეიძლებოდა გზის განგრძობა და ახლის დაწყება (მხოლოდ ახლა შეიძლება, ნამდვილად რაღაც დაიწყოს კაცმა) — რილკე, წერილებიდან).

ამასთან, პოეტის შემოქმედებით შუაგზაზე წარმოქმნილი ეს რომანი, ერთის

მხრივ „წყალგამყოფად“ რომ გვევლინება, მეორეს მხრივ, მისი შემოქმედების ერთგვარ შინაგან აუზს წარმოადგენს, სადაც თავს იყრის ამ უზარმაზარი პოეტური მდინარების თითქმის ყველა შენაკადი და განშტოება: ის პრიზმასავით კრებს რილკეს პოეზიის უმნიშვნელოვანეს მსოფლმხედველობრივ პლასტებს, ძარეულ ცნებებს, მოტივებს. აჯამებს წინა პერიოდს და წინასწარმეტყველებს გვიანდელს. აღრეული შემოქმედებიდან მომდინარე მაგისტრალური ხაზები აქ საბოლოოდ მუშავდება, სრულიქმნება ანდა უფრო ღრმავდება და რომანში ჩასახულ პრობლემებთან ერთად საბოლოო გადაჭრასაც თუ სიმძაფრეს გვიანდელ პოეზიაში აღწევს. „ჩანაწერები“ რილკეს შემოქმედების ფარულ გეგმად შეიძლება მივიჩნიოთ.

საუკუნის დამდეგს შექმნილი „მალტე ლაურიდს ბრიგეს ჩანაწერები“ ქრონოლოგიურად წინ უსწრებს მეოცე საუკუნის დასავლურ რომანს და ჩანასახობრივად მოიცავს მისი განვითარების მრავალ არსებით ნიშანს. რომანში წამოკრილი პრობლემები დასავლეთის წამყვან ფილოსოფიურ მიმართულებათა (სიცოცხლის ფილოსოფიის, ფენომენოლოგიისა თუ ექსისტენციალიზმის) უმნიშვნელოვანეს საკითხებად გვევლინება.



თვად რილკე მიუთითებს, რომ რომანში ერთმანეთს ექსოვება სამი პლასტი: „ბავშვობის მოგონებები“, „პარიზის უშუალო შთაბეჭდილებანი“ და „მალტეს ნაქითხოვის რეზინესცენციები“, მედიტაციები ისტორიულ პიროვნებათა (ბეთპოვენის, იბსენის, იაკობსენის, სეზანის, საფოს, ბეტინა ფონ არნიმის, კარლოს მამაციისა თუ გრიშა ოტრეპიევის) ირგვლივ.

ბავშვობა რილკესთვის ადამიანური ყოფიერების ყველაზე რთული, ამოუხსნელი, საიდუმლოებით მოცული მონაკვეთია. ერთის მხრივ, ბავშვობა შიშის, ძრწოლის, მარტოობის, უფროსთა უცხო სამყაროში ჩაკარგულობის, უმწირობისა და უსასრულო ტრამვების საუფლოა (გარემომცველი სამყაროს სიუცხოვე და მტრული ბუნება, ხილული და უხილავი საფრთხე მალტე-ბავშვისთვის შენივთულია გამანადგურებელ პლუტონიციად, კოსმარულ ხილვად, რასაც ის უწოდებს „დიდს“); მეორეს მხრივ, ბავშვს შესწევს უნარი ცხოველივით უშუალოდ აღიქვას სამყარო. ლექსში „ბავშვობა“ („ახალი ლექსები“) რილკე აღნიშნავს, რომ ბავშვობა ის პერიოდია, როცა მხოლოდ ის გვემართებოდა, რაც ემართება ცხოველს და საგანს“. ხოლო თუ რა „ემართება“ ცხოველს, ანუ რა არის ცხოველის არსი — რითაც ის რადიკალურად განსხვავდება ადამიანისაგან — ეს დაბუსტებულია მერვე დღინოურ ელევიაში, სადაც ნათქვამია, რომ ცხოველი ერთიანად მზერად ქცეული არსებაა, მთელი მისი არსება თვალია, და ასე მთელი არსებით ქვრეტს იგი „განხმულს“, „ლიას“ ანუ სამყაროს გულის-გულს. ცხოველს „თავისი აღსასრული ზურგს უკან აქვს, წინ კი მისთვის მხოლოდ ღმერთია“, და როდესაც ცხოველი „მიდის, მიდის მარადისობაში“. ადამიანის მზერა კი შებრუნებულია, წინ ხედავს მხოლოდ სიკვდილს, და მხოლოდ ცხოველის იერთ შუქრლია იცოდეს, თუ „რა არის გარეთ“. ადამიანი მუდამ სამყაროს პირისპირ რჩება; სამყაროს როგორც რალაც „სხვის“, რალაც მისგან განსხვავე-

ბულის პარისპირაფონა — ეს არის ადამიანის ბედისწერა. ადამიანი უმზერს მუდამ ქმნილებას, სხეულს, ფორმამოცემულ, ჩაკეტილ საგნობრიობას და არა განხმულს, არა „არსადობას არას გარეშე“ ანუ მარაულისობას. მხოლოდ ბავშვი თუ ახერხებს ხანდახან. გარინდების წუთებში, მიუახლოვდეს „განხმულს“. ამასვე ახერხებენ „დიდი მებრძვნი“, (ანუ ისინი, რომელთა უპასუხო სიყვარულით აღძრულა ტანჯვა მთელი სამყაროს აგიზგიზებულ სიყვარულში გადაიზარდა და მარადისობას შეერთო). ანდა სიკვდილს მიახლოვებული ადამიანი; რადგანაც „სიკვდილთან ახლოს მყოფნი, სიკვდილს ვედარ ეხედავთ“, არამედ მხოლოდ იმ ღია სივრცეს, რაც მის უკან იშლება. ამგვარად მხოლოდ ბავშვის, უპასუხოდ მოყვარული მებრძვის, და მომავლადის შინაგანი მდგომარეობა შეიძლება მიუახლოვდეს ცხოველის შინაგან მდგომარეობას: ანუ მთელი არსებით, მზერად ქცეული არსებით იხილოს „განხმული“, სამყაროს პირისპირ კი არ იდგეს, არამედ მასში.

ბავშვობის ათვისება (რილკეს სიტყვებით: „ბავშვობის განხორციელება“) თვითშემქმნებელი ადამიანის უპირველესი, ურთულესი ამოცანაა. ბავშვობის გაუცხოებერებელი შთაბეჭდილებების, განცდების, შეგრძნებების გაცნობიერების, ბავშვობის საიდუმლოს ამოხსნას უნდება მაძიებელი სულის მთელი ცხოვრება: ზრდადარტულების ასაკიდან სიკვდილამდე.

რაც შეეხება პარიზს; სამშობლოდან გადახვეწილი მალტე სწორედ ცივილიზებულ პარიზში გადააწყდა ყველაზე მძაფრად ცხოვრების საშინელ შეუცნობლობას, აქ დაინახა ადამიანის სრული უმწეობა და მოუშადებლობა ცხოვრებისა და კერძოდ, ახალი სინამდვილის — ქალაქის წინაშე. აქ დაუშვა შემზარავი შეესაძლებლობა: რომ აღმოჩენათა და წინსვლათა, კულტურის, რელიგიის, და ამქვეყნიური მთელი სიბრძნის მიუხედავად, მაინც ცხოვრების ზედპირზე დარჩა ადამიანი... რომ არაფერი ნამდვილი და მნიშვნელოვანი დღემდე არ არის დანახული, „რომ მთელი მსოფლიო ისტორია მცდარად არის წარმოდგენილი“...

პარიზი რომანში „დიდი ქალაქის“, ურბანისტული გარემოს კლასიკური სახეა. დიდი ქალაქი კი, როგორც საერთოდ, ასევე რილკესთვისაც ადამიანის უკიდურესი გაუცხოების ადგილს წარმოადგენს. ხოლო რაც შეეხება „შეუცნობელს“ რომანის ნამდვილ თემად რომ გვევლინება, იგი რილკესთან „გაუცხოების“ ფაქტორთანაა დაკავშირებული, რადგანაც „შეუცნობელი“ მის ერთ არსებით (სიკვდილის) განზომილებაში არის ადამიანისათვის აწ გაუცხოებული, აწ დამორბედილი, — ოდესღაც მისი უახლოესი, „უსაკუთრესი“ არის.

რამდენადაც ურბანისტულ სინამდვილეში ადამიანი ფიზიკურად ყველაზე უფრო ახლოსაა სიკვდილთან (რომანის პირველივე ფრაზა), ხოლო შინაგანად ყველაზე უფრო გაუცხოებულია მისგან (როგორც ბუნებას მოწყვეტილი), ამდენად სწორედ ქალაქი იქცევა „საშინელების“ მაქსიმალური განცდის ადგილად. „საშინელება“ აქ წარმოგვიდგება, როგორც მაქსიმალური ფიზიკური მიახლოება უკიდურესად უცხოსთან.

ამ უკიდურეს, ზღვარსმიხულ შინაგან გამძაფრებაში ისახება მალტეს შემოქმედება. ყოფიერების გამოუცნობი სახის წინაშე მარტოდმარტო მდგომი, ცხოვრების ზედპირზე დარჩენილი მალტე აცნობიერებს აუცილებლობას, ჩასწვდეს

ცხოვრების დაფარულ არსს, რათა ამოავსოს ის ვაცდენილი და გამორთვებული, კაცობრიობის შემცენების ისტორიაში რომ აღმოუჩინია. მისი მიზანია ამ „ამო-
უხსნელის“ ჩაწერა, ხოლო იმპულსი ამ ჩანაწერებისა — ყოფიერების შეუცნობ-
ლობით გამოწვეული შიში. მალტეს ჩანაწერები შიშის წინაშე და შიშის წინა-
აღმდეგაა აღმოცენებული („მე რაღაც ეილონე შიშის წინააღმდეგ: მთელი ღა-
მე ვიჯექი და ეწერდი“).

წერის დაწყებას წინ უსწრებს ფუნდამენტური მნიშვნელობის სულიერი აქტი, რომლის გარეშე არავითარი შემოქმედება არ არსებობს: „მე ვიწყებ ხედვას, მე ვსწავლობ ხედვას“. ჰეშმარტი ხედვის სწავლა, ნამდვილი მზერის მოპოვება არის ნაწარმოების მაგისტრალური ხაზი, რომელზედაც ასხმულია რომანის ყვე-
ლა, ერთი შეხედვით, დაუკავშირებელი და მოულოდნელი პასაჟი (და არა მარ-
ტო აქ: ხედვის, მზერის კვრეტის ცნება რილკეს მთელ შემოქმედებაში მუშავ-
დება, და გამაერთიანებელ ხაზად გასდევს მას. (ამ პუნქტში რილკეს შემცენების მოძღვრებას, რასაც წარმოადგენს მთელი მისი პოეტიკა, პუსერლის ფერმონო-
ლოგიასთან ანათესავენ)).

მალტე იწყებს ხედვას, ხედვას, რომელიც გაახილვადებს საგანთა და მოვლე-
ნათა შინაგანობას, ხანგრძლივი „ჩამზერით“, სრული კონცენტრაციით ამოიკი-
თხავს ყოველი საგნის შინაგან მოძრაობას, პირველ რიგში კი საკუთარ წიაღში
„ჩამბრუნებულ“ აღმოაჩენს თავისი სულის უღრმეს და ფარულ ადგილს, („მე
მაქვს რაღაც შინაგანი, რომლის შესახებ არაფერი ვიცოდი წინათ“), სადაც
თავს იყრის ყოველივე — გარედან შემავალი, გარდაიქმნება, სახეს იცვლის და
თამაშდება ნამდვილი მოქმედება. იბსენისადმი მიმართულ პასაჟში ეს ადგილი
შედარებულია საიდუმლო ქიმიურ ლაბორატორიას: მიმდინარეობს ურთულესი
და უფაქიზესი პროცესები. ცეცხლის შუქზე განათებულ ქურქლებში მოცახტავს
ნივთიერებათა მსგავსად აქ ხდება განცდათა, მოგონებათა და წინათგანობათა
აღრევა, აფეთქება და დაწმენდა. ამ განცდათა ფერისცვალებისა და მიმორჩევის
საზომი იოტი და მისხალია.

მაშასადამე, მალტეს ეს შინაგანი გაზრდა — ნამდვილი ხედვის მოპოვება და
შემოქმედების დაწყება პარიზში, ყველაზე ძნელ ადგილას ხორციელდება. პარიზს
აქ მეორე ფუნქციური დატვირთვა აქვს: მის ფონზე განხორციელებულია უცხო-
ეთში ყოფნის, სამშობლოდან წასვლის იდეა, რაც მოგზაურობის მოტივს უკა-
შირდება. რომანის მნიშვნელოვანი შინაგანი პლასტიკი მოგზაურობაა. მალტე ლა-
ურიდს ბოივე უსამშობლო, მოხეტიალე, ნიადაგ გზადმყოფი ყარბიბა და წარ-
მოადგენს ცნობილი ლიტერატურული სახის — მოგზაურის სახის თანაცემურ
განვითარებას, რომელიც ისევე ძველია, როგორც თავად ლიტერატურა. ერთის
მხრივ, მალტეც, ისევე როგორც რომანტიკოსი გმირი, — ყარბიბი და მოგზაურია,
იმდენად, რამდენადაც ღეღამიწაზე, წარმავლობის ნაქაღში მოხვედრილი ჯერსად
ვერ შეჩერდება („დასარჩენი არსად არ არის“). სახლს და სამკვიდროს ჯერსად
პოვებს, ნიადაგ მიდის და ეშვილობება: მისი უსახლკარობა, მიუსაფრობა,
მიწაზე მის შინაგან უადგილობას შეესაბამება („ვერი არა მაქვს თავზემით და
მაწვიმს თვალბში“). მაგრამ განსხვავებით რომანტიკოს მოგზაურისაგან, მიწის-
გან გაუცხოებული იმ ქვეყანას რომ აღიქვამს სახლად, კერად და სათვისტომოდ,
და ცდილობს, რაც შეიძლება სწრაფად განვლოს წარმავლობის გზა, მალტე იმ

ქვეყნისაგან ისევე გაუცხოებულია, როგორც მიწიერი ცხოვრებისაგან („მე ხომ ძლიერ მოვიკიდე ამქვეყნად ფეხი... და რა უნდა ექნა იმ ქვეყანაში?..“).

მოგზაურობის იდეის შესაბამისად რომანი იწყება პარიზის ქუჩის სწრაფად კადრებით, გამვლულის მიერ ფიქსირებული ქუჩის ეპიზოდებით და მთავრდება ძე შეტომილის ლეგენდის რილკესეული (მალტესეული) ინტერპრეტაციით. ეს არის სახლისა და ქერის, საკუთარი თავისა და ადგილის, ღმერთის მამიბელი ყარობის გზა. ამავე დროს ძე შეტომილის ლეგენდაში დანახულია ღრმა აზრი საკუთარი კერის, „შეჩვეულ მზამზარეულ ურთიერთობათა“ მტოვებისა და უცხო სამყაროში დროებით გადახვეწისა, რაც საკუთარ თავთან ნამდვილ დაბრუნებას ემსახურება. ძე შეტომილი მალტესს მითიური პროტოტიპია. მალტიც ხომ უცხოეთში (კონკრეტული აზრით — პარიზში, ზოგადი აზრით — ქალაქში, როგორც ბუნებიდან წასული) იწყებს საკუთარ თავთან მიახლოებას, საკუთარ ადგილის გარკვევას.

თავად მოგზაურობა რომანში უშუალოდ არ არის ნაჩვენები, ის წარმოდგენილია მოგონების ასპექტში და მინიშნებულია ზოგადად („ნიადაგ გზაში ვიყავი. ღმერთმა უწყის, რამდენ ქალაქში ვარ ნამყოფი“). მაგრამ აქ მოგზაურობის შედეგია გაცხადებული: ნამდვილი ხედვის მოპოვება და შინაგანი მოგზაურობის — შემოქმედების დაწყება. მალტესს შემოქმედება უყუსვლით იწყება: სვლო სათავისაქენ. მისი პირველი საღვთოა ბავშვობა. პარიზი რეალური მოგზაურობის უკანასკნელი ადგილია (პარიზში იწყება და წყდება მალტესს ჩანაწერები).

რა არის ეს უმთავრესი ნაკლი ადამიანური ცნობიერებისა, რის გამოც კ-კო ასეთი მოუზადებელი და ახალბედა აღმოჩნდა ცხოვრების წინაშე? რის შედეგადაც სიცოცხლე ისეთსავე თავზარს სცემს როგორც სიკვდილი? — დაიწყებული ცოდნა სიცოცხლისა და სიკვდილის არსებით ერთიანობისა (რომანის პირველსავე ფრაზაში ეს ორი ცნება შეპირისპირებაშია მოცემული). მათი, როგორც ურთიერთგამომრიცხავი ძალების შეურიგებელ წინააღმდეგობაში აღქმა მომაკვდინებელი სულიერი წყობა, დამლუბველი ცნობიერება, ამოზარდილი სპყაროს მთლიანობის ვერშემცნობი ხედვიდან და თავის მხრივ გამაპირობებელი ადამიანის სულ უფრო მეტი შინაგანი დაღმასვლისა. „რაც „მალტესში“ ასეთი ტანჯვაგამოვლილი და ყველა საშუალებათაა გამოთქმული, მხოლოდ ეს გახლავთ, როგორ არის შესაძლებელი ცხოვრება, თუკი ამ ცხოვრების ელემენტები ჩვენთვის ერთიანად შეუცნობელია? მე ვერც კი მოვახერხე ამ უღრმესი შინაგანი ვალდებულებით შექმნილ წიგნში მთელი ჩემი განცდილობა გამომეტება იმის თაობაზე, რომ ადამიანებს საუკუნეების მანძილზე ცხოვრებასთან აქვთ საქმე — და ამ უპირველესი, უშუალო, კაცმა რომ თქვას, ერთადერთი ამოცანის წინაშე (რადგან სხვა რა საქმე გვაქვს ან დღეს ან ხვალ ანდა ბოლომდე)? ასე ახალბედებით უმწეოლ, ასე შიშით... და საყოდავად ელგავართ? არ არის განა ამოუხსნელი? სიკვდილი. ჩვენ მიგვაჩნია, რომ ის სიცოცხლის აზრს კლავს და გვიხშობს... ჩვენ ის განვდევნეთ, რათა სიცოცხლის აზრის პოენაში ხელი არ შეეშალა, ის, რაც სინამდვილეში ისეთი ახლობელია ჩვენთვის, რომ ჩვენს წიაღში მანძილს ვერც კი დავადგენდით მასსა და სიცოცხლის გულისგულს შორის. სიკვდილი დარჩა გარეთ... ის გაუაძვევით... ბუნებამ კი არაფერი იცის ამ ჩვენეული, რაღაცნაირად მოხერხებული განდევნისა: როცა ხე ჰყვავის, მასში სიკვდილიც

ისევე ხარობს, როგორც სიცოცხლე და ყანაც ხომ სიკვდილით არის აღესილი“ (რილკე, წერილებიდან).

სიცოცხლისა და სიკვდილის ურთიერთმიმართება, როგორც ცენტრალური მნიშვნელობის პრობლემა, რილკეს ადრეულ შემოქმედებაშივე ყალიბდება და მისი მსოფლმხედველობის, მთელი მისი პოეზიის მამოძრავებელ ღერძად იქცევა. რა არის სიკვდილი? რატომ მეშინია მისი? თავის პერსონაჟს რილკე ამ უმძაფრესი შეკითხვის გზაზე აყენებს. გზაზე, რომელიც გარდაუვალად უნდა მივიდეს ერთადერთ პასუხთან. შეკითხვის სიმძაფრისა და პასუხის პოვნის აუცილებლობას ქალაქის რეალობა განსაზღვრავს: რადგანაც ქალაქში ადამიანის თვითგაუცხოვება, საკუთარ არსს მოწყვეტა კულმინაციას აღწევს, სწორედ ეს უკიდურესი დაძაბვა კატეგორიულად მიანიშნებს ადამიანს, იპოვოს მიზეზი საკუთარი თავის კარგვისა.

სწორედ ქალაქის გნისასა და ორომტრიალში დაინახა მალტემ სიკვდილის ახალი, ახალ დროში ჩამოყალიბებული სახეობა: უსახო სიკვდილი; უცხო სიკვდილი; არაორგანული, არაბუნებრივი, არავისი და არანამდვილი, რომელსაც მასიურ ქარხნულ პროდუქციისავით ამზადებს და უშვებს დიდი ქალაქი. ეს სიკვდილი სწორედ მასიურ, არაინდივიდუალურ, ერთხაირ ტანსაცმელს არის შედარებული, მაშინ როდესაც ნამდვილი სიკვდილის სიმბოლოს, უფრო სწორად სიგნატურას რილკესთვის ნაყოფი და მისი თესლი, გული წარმოადგენს. („ადრე სიკვდილი საკუთარ წიაღში ჰქონდათ, როგორც ნაყოფს თესლი აქვს გულში“): „ღმერთო, მიეცი ყველას საკუთარი სიკვდილი“ — ლოცულობს პოეტი. ჭერ კიდევ თავის ადრეულ ლექსებში („ქაშანი“). ეს კი ნიშავს მიეტყვას ყველას მისი საკუთარი, ბუნებრივი, ნამდვილი ცხოვრება. ადამიანი, რომელიც თავის სულიერ შესაძლებლობებს, პიროვნების თვითდგენას ახორციელებს, სახესა და აზრს აღეცხავს თავის ცხოვრებას, კვდება „საკუთარი“, ნამდვილი, „დიდი სიკვდილით“. რადგან ქმნიდა და ამწიფებდა რა თავის ცხოვრებას, ქმნიდა, ზრდიდა, ამუშავებდა თავის სიკვდილსაც: ეს სიკვდილი უკვე მისია, მისი შინაგანი არსიდან, ცხოვრების ღრმა კანონებიდან და გულიდან აღმოცენებული. ამდენად მახლობელი და საკუთარი, საკუთარი და ნამდვილი ცხოვრება აცოცხლებს, ჰკვებავს „საკუთარ სიკვდილს“, თავისი თავით აპურებს, ბეშევიით ზრდის მას. ყოველი ადამიანი „საკუთარი სიკვდილის“ დამბადებლად უნდა იქცეს, რაც საკუთარი და ნამდვილი ცხოვრების განხორციელებას ნიშნავს („სიკვდილი — კარგი ნამუშევარი, წიაღში ჩაღრმავებით შექმნილი, საკუთარი სიკვდილი, რომელსაც ვკვირდებით, რადგან ჩვენ ვცხოვრობთ მას“. რექვიემი (მაგრამ ქალაქის ნაჩქარევი, სახელდახელო, ზერევე ცხოვრება ბადებს უღლეურ, მოუშფიფებელ „ცუდად და მუშავებულ“ სიკვდილს, „სიკვდილის მკვდარ ჩანასახს“ („სიკვდილის მწვანე ფესლს“). „უცხო სიკვდილის“ ხილვა მალტემი „ნამდვილ სიკვდილზე“ ფიქრს აღძრავს და შიში ამ უსახო სიკვდილის წინაშე სიკვდილის საიდუმლოებასთან დაკავშირებულ ბავშვობის მოგონებებს გამოიწვევს; სწორედ ამ მოგონებებით, როგორც ცენტრალური მნიშვნელობის ეპიზოდებით, იწყება მალტეს შემოქმედება. მალტე იხსენებს თავის ორ წინაპარს: მამის მამას — კამერპერ ბრიგეს და დედის მამას — გრაფ ბრაეს.

კამერპერი ბრიგე მისთვის საკუთარი სიკვდილის უკანასკნელი მფლობელია.

პარიზის ქუჩის ნერვულ დინამიკაში შემოდის ის ეპიური სიღინჯე და სივრცე, რომელსაც კამერპერის ხანგრძლივად ნაცხოვრები, კარგად დაპურებული, ევება, თითქმის სკულპტურული სიკვდილი იწვევს („პაპაჩემს, კამერპერ ბრიგეს ჯერ კიდევ ეტყობოდა, რომ თავის წიაღში სიკვდილი დაჰქონდა და რა სიკვდილი“). ხოლო რაც შეეხება „მის უდიდებულესობას გრაფ ბრაეს“, ეს ღრუიდივით მომნუსხველი პიროვნება მალტეს ასხენდება როგორც სიკვდილ-სიცოცხლის საიდუმლოების უკანასკნელი მფლობელი. ურნეკლოსტერის სასახლეში გათამაშებული სცენა ზომანის ცენტრალურ პასაჟს წარმოადგენს. ეს არის მალტეს მთავარი მოვლენა, მისი ბავშვობის უმთავრესი დანატოვარი, რომელიც ახლა უნდა ათვისოს და გააცნობიეროს მან. ეს ეპიზოდი გვევლინება სიცოცხლისა და სიკვდილის შემდგომი ცხოვრების ურთიერთგამსკვალულობის, ერთმანეთში არსებობის მაქსიმალურად გამაძვრებულ გამოვლინებად, უმკვეთრეს ილუსტრაციად.

ურნეკლოსტერის ძველთაძველი სასახლის სულიერ ატმოსფეროს ქმნის სასახლის პატრონის გრაფ ბრაეს მავიური მზერა: ამ კაცს სიკვდილი არაფრისმთქმელ შემთხვევად მიაჩნდა და მთლიანად უგულვებელყოფდა. ვინც კი ერთხელ ხსოვნის წიაღში მიეღო, ისინი (ხანდახან კი არ ასხენდებოდა) სულ არსებობდნენ და მათი სიკვდილი იოტისოდენა ცვლილებებსაც კი ვერ იწვევდა. თავადი ბრაე ისეთი ტონით ლაპარაკობდა საუკუნის წინ გარდაცვლილ აღამიანებზე, თითქოს ისინი ეს-ეს არის გასულიყვენი ოთახიდან და ყოველ წუთს შეიძლებოდა შემოსულიყვენ (აქი შემოდინ კიდევ!). თავად ბრაეს უახლოესი მეგობარია მისი პატარა შვილიშვილი ვიკი. (ყოფდღე ერთად მიუყვებიან გარდაცვლილ წინაპართა პორტრეტების გალერეას: უსიტყვოდ მათთან და ერთმანეთთან მოსაუბრენი). რომანში ლაპარაკია, ამ ორი არსების ერთმანეთისკენ მიმართულ მზერაზე. ბავშვისა და ბერიკაცის ეს შეთანხმებული, სრული მზერა ქმნის ურნეკლოსტერის სასახლეში იმ ზეგარძნობად ველს, სადაც საიმედოდ დაიარებიან გარდაცვლილები. და არაფერია ბერიკაცისთვის აქ უჩვეულო: ის ხომ იმ სამყაროს ბინადარია, სადაც მკვდრები, ცოცხლები და დასაბადებელნი ერთად არსებობენ („სამყაროს შიდა სივრცე“). ის შინაგან, „დაუთვლელ დროში“ მყოფობს არაღჩამგდები გარეგანი, „აწმყოლ, წარსულად და მომავლად დარბეული დროისა“ (მ. პაიდევერი). სასახლის პატრონი, თავადი ბრაე ნამდვილი შემნახველია გარდაცვლილთა ყოფიერებისა, არა მათი წაივარი, თუნდაც ხშირი გახსენების აზრით, არამედ იმ აზრით, რომ ის მათთან და ისინი მასთან ერთად ცხოვრობენ. (გრაფი ბრაე ამ სასახლის ღვთაების, ადგილის დედის აზრს იძენს. სახელწოდება „ურნეკლოსტერი“ — მიუთითებს სასახლის ფარულ მნიშვნელობაზე: ურნეკლოსტერი საყდარი — საძირბი. საყდარი, რომელიც იხანავს. (ამ სიტყვას მივეყვართ სახლისა და ადგილის ღვთაებათა — ლარების რილკესულ გაზარებმასთან, რაც მის ადრეულ კრებულში — „ლარების შესაწირი — ჩამოყალიბდა). მთელი მისი პიროვნებიდან ღიმილით, ხმითა თუ მზერით სწორედ ეს საიდუმლო ცოდნა გამოაშუქებს: მის საქციელში მკლავდდება ფარული მოთხოვნა — გარემომოყოფნიც უზიარონ ამ საიდუმლო ემას. მალტეს მამას იგი ნიდავ მის გარდაცვლილ მეუღლეზე, ე. ი. თავის შვილზე ელაპარაკება: „და — მისი ყოველი წინადადება ისე მთავრდებოდა, თითქოს მოხუცი კითხულობდა, სად არისო“. ეს შეკითხვა ბიბლიური შეკითხვის აზრს იძენს (რ. ეპელსპაიმერი), როდესაც კითხვა „სადა ხარ?“ „სადა არის“ აღამიანის

ეთიკური ადგილის, სამყაროში მისი ადგილის ვარკვევას გულისხმობს. ბერია-
ცი ფაქტორად ამას ეკითხება თავის სიძეს; რატომ ვერ ხედავ, რატომ არ იცო
სად არის შენი მეუღლე, ამდენად: სადა ხარ, სად დგახარ შენ? მალტეც ხომ
მუდამ დედის გახსენებას ცდილობს დედის სასახლეში. თითქოსდა ბრავს მიერ
ინსპირირებული კიდევ აღიდგენს დედის ფერგამქრალ ხატებას, სახეს, შემდეგ
რომ „ყველგან თან ახლავს“. მალტე უბირატესად დედის გენების მტარებელია.
ამ გენების პოტენციითა ათვისება სურს, წინააღმდეგ მამისაგან მიღებული შიში-
სა სიკვდილის წინაშე.

დედამ უანდარძა მალტეს სიკვდილზე ფიქრი, თავად ულსგორის სასახლეში
მართოდ დარჩენილი სიკვდილ-სიცოცხლის საიდუმლოს ამოუცნობლობამ და-
ავადა. დედამ ვერ გაიაზრა ინგებორგის სიკვდილის გამოცანა: როგორ, და რო-
მელი ცხოვრებებიან ამოიხარდა ეს საოცრად მშვიდი და უწყინარი სიკვდილი;
როგორ შეესაბამებოდა სიკვდილზე დასტური ინგებორგის სიხარულით გაშუქე-
ბულ ცხოვრებას. მაგრამ მან იცოდა, რომ ამაზე ფიქრი იყო მთავარი და მალტეს
დაუბარა საიდუმლოს ამოხსნა: „იფიქრე, მალტე, ამაზე, ეგების რაიმეს მიხედვე,
როცა ღიდი გახდები. ეილაც ხომ უნდა არსებობდეს, ვისაც ამგვარი ამბები ეს-
მის. ასე მგობია, ყველანი ძალზედ მოუცლელნი არიან და ვერც კი ამჩნევენ ამ
ქვეყნიდან როცა მივდივართ. თითქოს ვარსკვლავი ვარდებოდეს და არავინ ხე-
დავდეს და არავენ ნატრობდეს რასმე“. მთელი რომანი არის ცდა დედის ანდერ-
ძის განხორციელებისა: მალტესეული „მემენტო მორი“.

გრაფ ბრაუნსა და ურნეკლოსტერის სასახლის გახსენება მალტეში ააღორძო-
ნებს სიკვდილისა და სიცოცხლის განუყოფლობის აზრს. მისთვის არსებითი ხდება
მიწიერ და მარადიულ საუფლოთა წონაწილობაში განცდა და ამ წონასწორობის
შენარჩუნება: დედამიწის, ადამიანთა ცხოვრებისადმი ყურადღების შენელება,
მისი დაკარგვა და გაპოტოვება. ანუ „დედამიწაზე ფეხმოუკიდებლად“ იმქვეყნი-
ური რეალობისაგან გ. დახრა ისეთივე მცდარი და ნაკლებოვანი გზაა, როგორც
მხოლოდ „აქ დარჩენა“, ცხოვრების მხოლოდ ფიზიკური, ხილული საზღვრებით
შემოზღუდვა: „გზა ღმერთისაგან არ უნდა ეწინააღმდეგებოდეს გზას ცხოვრები-
საგან, ღმერთის სიყვარული და სიცოცხლის სიყვარული ერთმანეთს უნდა და-
ემათხვას და არა ის, რაც ახლა ხდება: რომ მათ სხვადასხვა ტიპები აქვთ განსხ-
ვავებულ სიმაღლეებზე“ (რილკე, წერილები). შემეცნების გზა, შემეცნებელი
მზერა, რომელსაც რომელიმე ეს საუფლო გამორჩება, რომელიც ორივე ტიპარ-
ში ვერ გაინათლება, როგორც დარღვეული წონასწორობის მაუწყებელი — ნა-
ლოვანია და მასზე ადამიანური ცხოვრების წესი ვერ აიგება. რილკეს ეს მსოფლ-
მხედველობრივი პოზიცია გოეთესას თანხედება: „გსურს შეაბიჯო მარადიულ-
ში? ჩემი მოიარე წარმავალი ქვეყნიერება“. რილკეს პოეტი ხომ ხანგრძლივად
მოგზაურობს ადამიანურის საუფლოში, მიწიერ საგანთა შორის, რათა შეაგრო-
ვოს „მთელი ცხოვრების აზრი და სიტყვა“, რათა ბოლოს ანგელოზთა წინაშე
მდგარმა „განადიდოს“ მიწიერი ყოფიერება. „ღუიხოური ელეგიების“ ეს ადგი-
ლი მშვენიერად გადმოგვეყვამს რილკესეული სამყაროს წონასწორობის სურათს:
ბოლოს პოეტი ანგელოზთა წინაშე წარსდგება, მაგრამ ანგელოზებს დედამიწის
შესახებ ესაუბრება.

რილკე მუდამ თავის განსაკუთრებულ მისიად აცნობიერებდა დედამიწის: ჭა

რული აზრის, „ჩვეულებრივ ცხოვრების“ საიდუმლოს ანოკითხვას. სიცოცხლე ისეთივე დიდი საიდუმლოა, როგორც სიკვდილი და მარადისობა. ვინც ჩვეულებრივი, უბრალო საგნების და ცხოვრების სასწაულებრიობის, საიდუმლოების შეგრძნებას დაკარგავს, განწირულია ზედაპირული და ცალმხრივი არსებობისთვის. ეს ქეშმარიტებაც დედისაგან შეითვისა მალტემ. „ჩვენ სასწაულებრივი სულ სხვაგვარად გვესმოდა. მიგვაჩნდა, რომ ყველაზე ჩვეულებრივი და უბრალო რამ ყველაზე უფრო სასწაულებრივი იყო“. აი, რას წერს რილკე სწორედ მალტეზე მუშაობის წლებში კლარა ვესტპოფ-რილკეს, თავის მეუღლეს, რომელიც იმხანად ბუდისტური მოძღვრებით იყო გატაცებული; „შენ ისე პირდაპირ მიემართები ახლა ღმერთისკენ, არა, მიფრინავ, თავს გადაეველე ყველაფერს და პირდაპირი გზით მიქრი. მე კი უკვე ვიყავი იქ, ჩემს ბავშვობაში და ახლა იქიდან მოვდივარ. წარმომგზავნეს (ოლონდ არა იმისათვის, რომ იმ ქვეყანაზე გაიმართ), რათა ადამიანურის სიღრმეში ჩავიდე, ყველაფერი ვიხილო, არაფერი გამომჩინოს და უკუვაგდო ღმერთის იმ უმარავ ფერისცვალებათაგან, სადაც ის თავს ჩქმალავს, ჩამუქებული და ვერაშესაყნობად წარმოგვიდგება. მე ის კაცი ვარ, სოკო-მბსა და სამკურნალო ბალახებს რომ აგროვებს სტენარეთა შორის. ის დაკუთვლია და პატარა, უმნიშვნელო საგნებითაა დაკავებული. მაშინ, როდესაც გარშემო ხენი აღმართულან, ხმას ცას უწევენ და შემოქმედს განადიდებენ. მაგრამ მოვა დრო, როცა ნაყენი მზად შექნება და უამი, როცა ამ სითხეს, სადაც ყველაფერი — შხამიანი და მომაკვდინებელი — განზავებულია ძლიერმოქმედების გულისთვის, მას მივაახლებ, ავიტან ღმერთთან, რათა წყურვილი მოიკლას და ძალუმაღ იგრძნოს თავისი შუქის ჩქეფა ძარღვებში“. ამ ცხოვრების ესენციის ღმერთთან მიახლების მისტიკაა გვიანდელი სონეტები და ელეგიები.

ვისაც ცხოვრების, ადამიანთა და საგანთა თვალეებში „ჩაშხერის“ ხანგრძლივი გზა არ გაუვლია და ცხოვრების მიღმა „პირდაპირ“ მიაბიჯებს მარადიულში: საგანგებო სეანსებით, ვარჯიშითა თუ მწიგნობრობით, ის ილუზიური ცოდნის მყიფე გზას ადგას. ეს რილკესთვის ნაჩქარევი, სულსწრაფი და სიადვილის მაძიებელი გზაა, ისეთივე მცდარი, როგორც მხოლოდ ემპირიულ-ლოგიკური კა-თუნალობის ფარგლებში დარჩენა. ამიტომ არის, რომ გარდაცვლილის გამოცხადებას მხოლოდ ის უძლებს, ვინც „ცხოვრება იცის“, ვინც უღრმესი ყურადღებით აყურადღებდა და კითხულობდა ცხოვრებას, ბუნებას და საკუთარ სისხლს („წიგნები ცარიელია... საკუთარი სისხლი უნდა იკითხოს კაცმა“). ვინც გარდაცვლილს სიცოცხლის ყოვლისმომცველი ერთიანობის ჩვეულებრივ წვერად აღიქვამს და მას ყველა დანარჩენთა გვერდით აყენებს: თავადი ბრავ და მისი გაზრდილი ბავშვი—ერიკი. რაც შეეხება დანარჩენთ: ალჰიმეოს ბიძას, სპირიტინზმით გატაცებულ დეიდას და პედანტური, ცალმხრივი რაციონალიზმის კაცს — მალტეს მამას, — მათ, ყველას, როგორც მოუშზადებელთ, ანადგურებს გარდაცვლილის გამოცხადება. მალტეს მამა მუშტებშემართული უმხედრდება ქრისტიან ბრავს გამოჩენას, როგორც სიკვდილისა და ცხოვრების მთლიანობის ფაქტს.

ურნეკლოსტერის ეპიზოდში გარდაცვლილის გამოცხადება არ წარმოადგენს თეოთმიზანს. გრაფ ბრავს შინაგან ცხოვრებას, რომელიც ისედაც სამყაროს გულის მარადიულ სიცოცხლესთან კავშირში მიედინება, არ სჭირდება სულთა

ამგვარი გამოხმობანი. ეს თავად გარდაცვლილთა საქმეა. „მალტემდე“ ცოტა ხნით ადრე მეგობარი ქალის, უდროოდ გარდაცვლილი ნიჭიერი მხატვრის; პაულა ბეკერისადმი მიძღვნილ რეკვიემში რილკე გამოთქვამს აზრს: მკვდრებს დიდი საქმე აქვთ, მათ არ სცალიათ. ისინი იქ უნდა იყვნენ: „გარდაცვლილ ყოფიერებაში“, შეითვისონ ეს მეტამორფოზა და უხილავად, შინაგანად დაეხმარონ მიწაზე დარჩენილთ. მაგრამ თუკი ისინი, სხვადასხვა მიზეზის გამო (ეს შეიძლება იყოს მათი განსაკუთრებით მძიმე ბედისწერა. რაღაც უჩვეულო საწუხარო, როგორც ქრისტიანე ბრავეს შემთხვევაში) მიზიდულობის ძალას დაპყვებიან და „დათვლილ დროში“, საგანთა შორის დაბრუნდებიან, პოეტი მომზადებული უნდა შეხედდეს მათ და ისევე მიიღოს, როგორც ცხოვრების ყველა დანარჩენი გამოვლინება: „არა მგვრის ძრწოლას გარდაცვლილთა შემოხედვა და თუკი მოლოდინ, კიდევაცა აქვთ იმის უფლება, რომ ჩვენს მზერაში ყოველი საგნის მსგავსად შეჩერდნენ“. აქ მნიშვნელოვანია სწორედ ეს — „ყოველი საგნის მსგავსად“ და არა, გარდაცვლილთათვის უპირატესობის მინიჭებით, არა იმგვარად, რომ მათი მნახველი ამოვარდეს ამქვეყნიური ცხოვრების სფეროდან; საგანთა სამყაროდან, გაედევნოს მათი „მკვდარყოფნის“ გზებს და მათ „ყოფიერებაში ჩაიკარგოს“, რაც წონასწორობის დარღვევა იქნებოდა. მაშასადამე, უფრო სწორია, რომ გარდაცვლილი იქვე დარჩეს (თავის უხილავ არსებობაში და აღარ მოისურვოს საგანთა სამყაროში ხელახლა შემოქცევა, აღარ გახილუადდეს. მაგრამ თუ ამას სჩადის, აქვს კიდევ ამის უფლება. ანალოგიურ აზრს გამოხატავს შელაპარაკება გრაფ ბრავესა და მალტეს მამას შორის (როგორც ვიცით, მალტეს მამა მუშტებშიმართული გაემართა ოთახში შემოსულ ქრისტიანე ბრავესაკენ, რადგან იგრძნო, რომ ის გარდაცვლილი იყო). ამ დროს გრაფი ბრავე გარდაცვლილთა ამ „უფლებას“ მრისხანე მკველად წარმოგიდგება. „ფიცხი ხარ, კამერპერო, და უზრდელი, რად უშლი ხალხს წაგებს საქმე აკეთოს?“ „ვინ არის ის ქალი?“ „არავინ უცხო. ქრისტიანე ბრავე. ის; ვხსაც, დიახაც, უფლება აქვს, აქ, ჩვენთან იყოს“.

გარდაცვლილი ინგებორგის გამოცხადების ეპიზოდში იგივე აზრის სხვა ასპექტია გადმოცემული: ზოგჯერ ადამიანები გაუცნობიერებლად გადააბიჯებენ სიცოცხლისა და სიკვდილის, ხილული და უხილავი ცხოვრების მიჯნას, უნებლეთ წაშლიან გონებაში ამ ზღვარს, მაშინ მათ წამიერად ფაქტის სახით წარმოუდგებათ ამ სამყაროთა ერთიანობა. როდესაც მოულოდნელად ყველას ერთად დაავიწყდა, რომ ინგებორგი მოკვდა, და ყველამ ერთად დაიწყო ლოდინი, სადაც არის მოვაო, — ინგებორგი მოვიდა. აქაც ხაზგასმულია ამ მოლოდინის უბრალოება და ბუნებრიობა: რაღაც „თვალშისაცემად“ კი არ ელოდნენ (არა სპეციალურად, არა საგანგებო ღონისძიებებით), არამედ „ჩვეულებრივად“, „ყოველდღიური მოლოდინით“. მაგრამ ადამიანები ვეღარ ხელავენ უხილავ ინგებორგს, რისი უნარიც შენარჩუნებული აქვს ძალს, (რომელზედაც რილკე სხვაგან ასე იტყვის: „შენ ხელავე სულებს და გაშინებს ჯადო-სიტყვებით“). მათ მხოლოდ ის დაინახეს, რომ ძალმა დაინახა ინგებორგი. ამ შემთხვევაში ცხოველი იქცა მედიუმად ხილულ და უხილავ სამყაროთა შორის.

მაშასადამე, სრული და ნამდვილი მზერა მოიცავს ხილულ და უხილავ ნამდვილეს. მაგრამ ჯერ ხილულისა და წარმავალის წიაღში, სიბნელეში უნდა შეაღწიოს მან. ამასობაში კი ცხოვრება თვალუწყდენელი საშინელებით ვასე-

ნილა, რადგან ფიქრით, სიტყვით თუ საქმით ჩადენილი „საშინელება“ როდეს
ქრება: გროვდება, დედდება, ქმნის საშინელებისა და შიშის ერთიან, წარუვალ
ვალს, რომელიც მაქსიმალურად სწორედ ქალაქის სინამდვილეში გამკვირვდება
და ჩამომძიმდება (გავიხსენოთ პასაჟი: „პაერის ყოველი ნაწილაკი საშინელებით
გასენილა...“). ქალაქი რაკესთვის საშინელების კონცენტრირებული ველია და
შიშის მეტაფორა. უცხო და ზარდამცემია მისი ხმები, რიტმი, სიჩუმე, სურნე-
ლი... (რომანის დასაწყისი) და რაც მთავარია, — მისი მასიური ყოფიერება,
სადაც ადამიანისთვის უსაზღვროდ ძნელია პიროვნული საწყისის შენარჩუნება.

შიშისმომგვრელი დეტალებითაა აღწერილი ნერვიულადამყოფთა კლინიკა,
სადაც ავტომატური, ყოველგვარი თანაგრძნობისაგან დაცლილი წესრიგი მე-
ფობს. აქ პროფესიული, ერთნაირი გულგრილობით იღებენ და უშვებენ სნე-
ულთა ურიცხვ რიგებს, როგორც ქალაქის ფაბრიკები და მალაზიები მზა,
ერთნაირ პროდუქციას. ნაჩქარეობა და სისწრაფე, რაც შეჭრილია ახალი ცხოვ-
რების ყველა სფეროში. მეურნალობას განსაკუთრებით შეშაჩაჟ დაღს ასვასს.
მალტეს მიერ აღწერილი კლინიკა აუტანელი, კომპარული სინამდვილეა, სადაც
ნატიფი სულის ადამიანს ნაცვლად ვანკურნებისა, ემართება ნამდვირი, ფსიქი-
ური სტრესი. და ეს ყოველივე არ გახლავთ მხოლოდ გვაროვნული არისტოკრა-
ტის წუბილი (რომელიც „საერთო მისაღებში, ყველასთან ერთად დაბარტა“).
ეს სულიერი არისტოკრატის, პიროვნების, ხელოვანის ტანჯვაა, რომელიც ხე-
დავს პიროვნული საწყისის კარგვას ადამიანური ღირსების შემლახვ ყოფი-
ერებაში, სულის ჩახშობას ქალაქის მასიურ უსახობაში.

სწორედ ხელოვნების დევალაცია, სულიერ ღირებულებათა საყოველთაო
დაცემა, ხელოვანის სამყაროს გამაუფასურებელი, დემაგოგიური ხელყოფა —
გახლავთ იმ უამრავ „საშინელებათაგან“ — ერთ-ერთი, რომელიც ახალ დრო-
ებას მოჰყოლია. ბეთჰოვენისა და იბსენისადმი მიძღვნილ პასაჟებში მალტე
უეცრად გამძაფრებული ტონით (ჩვეულებრივ მისი ინტონაცია დეპრესიულ-
ელეგიური ან ლირიულია, მშვიდად სერიოზული ან მტკივნეულად დაძაბული)
უმხედრდება ხელოვანის სამყაროს ბიურგერულ „მომხარებას“, გამოყენებას,
მისი შინაგანი საიდუმლოს შერყვნას პრიმიტიული „გაგებითა“ და ნიდვამით.
რადგან მალტეს მიანიია, რომ აღრე ადამიანს მეტი ბუნებრივი სიბრძნე ჰქონდა,
(„აღრე იცოდნენ, ან შეიძლება გუმანით გრძნობდნენ, რომ სიკვდილი საკუთარ
წიაღში ჰქონდათ, როგორც ნაყოფს თესლი აქვს გულში“), ცხადია, ხელოვნე-
ბასთანაც მეტი შინაგანი სიახლოვე ექნებოდა. ხოლო ახლა, როცა ადამიანთა
ძირითადი მასა სულიერი გამოფიტვითაა დასნეულებული და არანამდვილი
ცხოვრებიდან „არანამდვილი სიკვდილისაკენ“ მიემართება, ბუნებრივია, ის ხე-
ლოვნების ნამდვილ არსს უსასრულოდ მოწყვეტილია. ახალი დროის ხელოვანი
შინაგანად გაცილებით უფრო გამოიწვლია საზოგადოებისაგან, თუნდაც სოციალ-
ურად სულაც არ იყოს გარიყული. როდესაც მალტე ძალზე ლაკონურად მი-
ანიშნებს, თუ როგორ კითხულობენ იბსენს, ცხადი ხდება მისი თვალსაზრისი
თანამედროვე მკითხველის შესახებ: დღევანდელი მკითხველი თავად კი არ
მალდება ნაწარმოების სიმალღემდე, არამედ ნაწარმოები დაჰყავს თავის ღო-
ნებზე. იგი არად ადგებს ხელოვანის სამყაროს დიდ შინაგან მთლიანობას და თა-
ვის შესაფერის პატარა ნაწილს (იბსს, რომელიც კმაყოფილებას ანიჭებს) იწოვს

მისგან. მასასა და სულიერ პიროვნებას, ხელოვანს შორის ჩაბუდებული შტრობა ხელოვანისათვის განსაკუთრებით საშიში ხდება მისი შემოქმედების საყოველთაო აღიარების დროს. რადგან განდიდება ხელოვანისა მასთან ბრძოლის უსაშინელებს, შენიღბული ფორმაა, რაკი განდიდება უმეტესად ხელოვანის სამყაროს გაყალბებას ნიშნავს. რილკეს რომანში ნაწინასწარმეტყველებია ხელოვნების (პოეზიის, მუსიკის) ფალსიფიკაციის უზარმაზარი მასშტაბები — სახელმწიფოებრივი დემაგოგია ხელოვნების მიმართ, რაც არცთუ დიდი ხნის შემდეგ ასე განხორციელდა თუნდაც გერმანიაში.

განდილების გზით ათენიერებენ პოეტის, მწერლის, მუსიკოსის ველურ ქვეყანას, ამწყვედვენ იდეოლოგიისა თუ ვიწრო პირადი ინტერესების გისოსებში, მათ, რომელთა სამყაროს ნამდვილობაც, უპირველეს ყოვლისა, უსაზღვრო შინაგანი თავისუფლების ნიშნით ვლინდება.

„დიდება — ეს საჭარო ჩამონგრევა შემოქმედი და ქმნადი სულისა, რომლის შენების ადგილზედაც ბრბო იჭრება და ქვებს განზე უყრის“.

„თუკი ასე გიმხედრდებიან ისინი, ვინც შენ არად გაგდებენ... და თუ მათ ყველას სურს ამოკბირკვოს ძირფესვიანად შენი ძვირფასი აზრების გამო, რას შეედრება ეს ცხადი საფრთხე. შენსავე თავში რომ განგამტკიცებს და გამოგაწრობს, გვიან მოსული დიდების იმ ცბიერ მტრობას, რომელიც შენ უ ვ ნ ე ბ ე ლ ს გაგხდის, რადგან როგორც ქარი მტვერს, ისე გაგფანტავს“

„შენ, უმარტოესო.. როგორ შეიძლეს და დაგეწიენენ ამ განდილების გზით და წყალობით! განა რა ხანმა განვლო მას აქეთ, რაც თავად შენს არსს უმხედრდებოდნენ, ახლა კი შენთან გაუბიათ ურთიერთობა, როგორც ტოლ-სწორთან. შენს სიტყვებს ყველგან თან დაათრევენ თავიანთი სულის ბნელ გალიებში, აჩვენებენ მათ მოედნებზე და აღიზიანებენ კიდევ ჩუმ-ჩუმად გისოსების იმედით — შენს სიტყვებს — ამ საშინელ გარეულ მხეცებს“.

სიტყვის შებლაღვის ტრავედიია აქ ასე მტკივნეულად განცდილი, ნამდვილი სიტყვისა, რომელიც თავისი შემაშინებლად უძირო სიღრმის, შეუვალი, თავდაპირველი მნიშვნელობის, თავისი დამატყვევებელი ძალის გამო თავისუფალ, ველურ, საშიშ მზესაა შედარებული: და ეს დამატყვევებელი სიტყვა თავად არის დატყვევებული ადამიანთა სულის ბნელ გალიებში.

რაც შეეხება მუსიკას (ბეთოოვენის მუსიკაზეა, კერძოდ, ლაპარაკი), რასაც სამყაროს სულიერ თაღს უწოდებს მალტე, თუკი იგი მსმენელში არ ჩასახავს მარადიულს, არ ააცხადებებს მის სულს მარადიულთან მიახლოების მომავლენებელი ნეტარებით, ასეთი „მოსმენა“ მუსიკისა მხოლოდ გართობაა და იგი შედარებულია უსიყვარულო სექსუალურ ურთიერთობას, როცა მექანიკური ურთიერთშეერთებით გაბერწებულ სხეულებს დაუკარგავთ ჩასახვის, განაყოფიერების, მუცლადლების, ნეტარებისაგან გონდაკარგვის უნარი და ნაცვლად სიყვარულში ჩაკარგვისა ამაზრხენ, ფუჟ, ხორციელ თამაშში იფიტებიან.

ასე თანმიმდევრულად აცნობიერებს მალტე ახალი დროის „საშინელებებს“, ცდილობს იპოვოს იმ გამოუცნობი სენის ძირები, რომელიც შეპყრია ადამიანის სულს, მისი სიყვარულის, სიცოცხლისა და სიკვდილის ნიქს, რწმენას, ხელოვნებას. მაგრამ რა შიშიმეც არ უნდა იყოს ცხოვრება, რილკეს მოთხოვნა პოეტისადმი უღმობელია: პოეტს, ხელოვანს არა აქვს უფლება არ-

ჩვენნი მოხსენიოს სინამდვილის წინაშე. სუბიექტური მოწონება-დაწუნების კრიტერიუმით მიუდგეს მას: მან ყველაფერი უნდა მიიღოს, რათა გააცნობიეროს. პოეტის გული დუქანად და კარგანსული სიერეა. სადაც ერთნაირად შეიჭრება სიცოცხლე და სიკვდილიც. მშვენიერებაც და სიმახინჯეც, სიყვარული, ხრწნა და ავადმყოფობა და იქ გაჭედება. ეს გული მთელი სამყაროს რანჯვათა და ბედისწერათა გზაჯვარედინია.

ბოდლერის ლექსის „ლუში“ (და წმინდა ეულოენის ფლობერისეული ლევენდის ანალიზი სწორედ ამ აზრის ჩამოყალიბების პროცესს წარმოადგენს: ლუში და ყვავილი ერთნაირად ითხოვს პოეტის მუხრასა და ყურადღებას, და სიცოცხლის მთელი ორგანიზმის შესამეცნებლად ორივეს ეძლევა პოეტის გული: რადგანაც „ყოველ ყოფიერში მყოფობს“ კედომა, ხრწნა და აყვავება. სინამდვილის ბოლომდე მიღება, ამაზრუნვისა და საშინელის საკუთარ შინაგან ნათელში განზნან, სრული თავმიცემა. არის ფერხთა განზნანის რილკესეული თის-ტურია. პოეტის მოწამეობრივი გზა: „მთავარი ეს უნდა იყოს, იღებს მუ არა ვინმე თავისთავზე. კეთროვანს მიუწევს გვერდით და გაათბოს იგი სიყვარულის ღამეთა გულმსურვლებით“. მხოლოდ საკუთარი თავის ასეთი სრული დაძლევის შემდეგ, საგნის ასეთი გაშინაგნების წყალობით იწყება პოეტის წმინდანობა და ზრამალეობა. ისევე როგორც შემაზრუნ კეთროვანს ჩაქვეულო წმინდა ეულოენი მაცხოვრის ხელებში აღმოჩნდება და მასთან ერთად ზეამალდება. ხელოვანი, ვინც ერთხელ მაინც უუუაგდებს სინამდვილის რაიმე სახეს, ერთხელ მაინც გააბრუნებს კარზე მომდგარ „კეთროვანს“, „სამარადეამოდ განიღვენება წყალობის შუქიდან“, რადგან „ნამდვილი საქმე, საკუთრივ სამუშაო ხელოვანისა“ მხოლოდ ამ სიყვარულისა და საკუთარი თავის სრული გაღების შემდეგ იწყება: „და ვინც აქამდე ვერ მიაღწია, ის ცაში იხილავს... ზოგ-ზოგ წმინდანსა და პატარ-პატარა წინასწარმეტყველებს... მაგრამ ხო-კუ-საი, ლი-ტაი-ჰე და ვი-იონი, ეკაპარნი, როდენი და სეზანი. და ყველაზე მეტად კი თავად მამაზეცი-ერი, იქაც მხოლოდ მონათხრობით ეცოდინება“.

სილაშახის არა მხოლოდ როგორც დამთავრებული მოცემულობის მის საკუთარ იგივეობაში აღქმა, არამედ სილაშახის თვითგამანძილების პროცესს გაღვენება ვიდრე მის უკიდურეს გაუსცობამდე — სიმახინჯემდე, ანუ სინამდვილის ყოველნაირი გამოვლინების ერთნაირად მიღება (გავისხენით მალტეს კომენტარით ბოდლერის ლექსზე) — რილკეს პოეტის ეს ბირთვი გარკვეულად ექსპრესიონიზმის კრედოს უახლოვდება და საფუძველს აცლის მისი შემოქმედების როგორც ესთეტიზმისადმი წაყენებულ ბრალდებებს.

მაგრამ განსხვავებით ექსპრესიონისტი პოეტისაგან, ვინც „ფეთქდება და ლავასავით გადმოინთხევა“ (რილკე), ვისი ლექსიც „კივილად“ ამოსკდება, — რილკეს შემოქმედებითი გზა განცდიდან — ლექსამდე ძალზედ რთულ და ხანგრძლივ პროცესს წარმოადგენს და თავისი შერჩეული, შეკავებული, „გარდაქმნილი“ ემოციებით. სუბიექტურობიდან მანსიმალური ობიექტურობისაკენ სწრაფით სწორედ იმპრესიონისტული და ექსპრესიონისტული ლირიკის პრინციპებს უპირისპირდება. „ლექსები ეს განცდები კი არ არის, როგორც ჰგონიათ, ეს გამოცდილებანია“ (მალტე)... „...ო. ძველი წყევლა პოეტთა თავზე: მუდამ მოსთქვამენ იქ, სადაც მხოლოდ თქმა ვეალებათ, როგორც სნეულნი იყე-

ნებენ ჩივილის ენას. რათა აღწერონ, რა როგორ სტკივათ“ (რეკვიემი). მალტეს, როგორც შემოქმედის გზა ამ ეგზალტირებულ-სპონტანური, სუბიექტური ჩივილიდან „ობიექტური თემისაკენ“ გადასვლის გზაა, რაც მისი პიროვნების შინაგანი გარდაქმნის საფუძველზე სორცეულდება და განსასლვრავს რაიანის სტილის განვითარებას.

რომანოს თქმად თანდათან აღებურად თსრობის პრობლემა იქცევა: წამოიჭრება რა „ნამდვილი თსრობის“ აუცილებლობის საკითხი, ამ საკითხზე თსრობა ახალ სისის ოხრობად გვევლინება.

მალტე იხსენებს: ბავშვობაში მის გარშემო მყოფ ადამიანთაგან არაიის შევალრო რაიშე ისეთი ეთქვა, ისეთნაირად მოეთსრო გარდაცვლილი ქალის — ინგებორგის შესახებ, რომ მალტეს ის დაენახა. მხოლოდ მაშინ ახერხებდა მალტე აღრე გარდაცვლილი ახალგაზრდა ქალის „დანახვას“. როდესაც დედა იხსენებდა მას. დედა სხეებრით გარედან კი არ აღწერდა ინგებორგის სამყაროს, წყრილმანებში კი არ იფანტებოდა (კორექტივი ნატურალისტური სტილის მიმართ). არამედ ის ჰყვებოდა სრულიად უცნაურ ამბავს, რომელიც მოხდა ინგებორგის სიკვდილის შემდეგ: როგორ „მოვიდა“ გარდაცვლილი ინგებორგი თავისიანებთან. მაგრამ ამ ეპიზოდამდე დედა ორად-ორ თავისებურებას აღნიშნავდა ხოლმე ინგებორგისას: „ის ყველას სიხარულს გვანიჭებდა, მალტე, მამაშენსაც კი, სწორედ რომ სიხარულს ანიჭებდა“. და მეორე: როდესაც ინგებორგი კვდებოდა, უცბად საწოლში წამოჯდა და... რაღაცნაირად, თავისთვის ჩაილაპარაკა: „ნუ სწუხართ, კარგია, რაც ხდება. მე მეტი მაინც აღარ მინდა“. ამრიგად, „ნამდვილი თსრობის“ ნიშანს წარმოადგენს საგნის, ადამიანის არსებითი შინაგანი თვისების აღმოჩენა და მისი გამომავლინებელი უმკვეთრესი გარეგანი დეტალის მიგნება. მხოლოდ ასე განხორციელდება „ნამდვილი თსრობის“ მიზანი: მსმენელმა (მკითხველმა) დაინახოს ის, რაზეც მოუთხორობენ.

როიანის მეორე ნაწილში მალტე უფრო პრინციპულად მსჯელობს „ნამდვილი თსრობის“ შესახებ: ახლა, ახალ დროში ადამიანებს აღარ შესწევთ ნამდვილი თსრობის, მოყოლის უნარი, ძველ დროში ნამდვილად უნდა სცოდნოდათ თსრობა. „მოხუც გრაფ ბრაეს ჯერ კიდევ უნდა შესძლებოდა თსრობა“ (გაიხსენოთ: „პაპაჩემს, კამერჰერ ბრიგეს ჯერ კიდევ ეტუობოდა, რომ თავის წიაღში სიკვდილი დაქონდა“ — მალტეს წინაპრები უკანასკნელი მფლობელნი არიან ბუნებრივი, ადამიანური სიბრძნისა, პირველადი ცოდნისა). ნამდვილი თსრობის უნარით ყველაზე მეტად დაჯილდოებულია თავადი ბრაე. და განა შემთხვევითია, რომ მხოლოდ ეს ორი ადამიანი ახერხებს თსრობას და განსაკუთრებით კი თავადი ბრაე — სიკვდილ-სიცოცხლის მიჯნის უარყოფელი, მამასადამე, ხილულ და უხილავ სამყაროთა ერთიანობის მხედველი? თავად ბრაეს შინაგანი მზერა სხეულის მიღმა სულს ჰკრეტს, სიკვდილის მიღმა უხილავ სიცოცხლეს, მამ ხომ ცხადია, რომ ყველაზე მეტად მას შეუძლია აღმოაჩინოს საგნის უხილავი, დაფარული სინამდვილე და მისი გამომავლინებელი მთავარი გარეგანი დეტალი. ამავე დროს, როგორც დედა, ასევე თავადი ბრაეც თსრობისას მთლიანად გარდაისახებოდნენ ხოლმე იმ ადამიანად, რომლის შესახებაც ჰყვებოდნენ. მამასადამე, მათ ჰქონდათ ხელოვანისათვის აუცილებელი უნარი სრული შინაგანი გარდასხეულებისა იმ საგნად, რის გამოთქმასაც ცდილობდნენ.

გრადი ბრავ სავანს, ადამიანს, რომელზედაც ლაპარაკობდა, მართლაც რომ
აჩვენებდა, ვაჩვენებს და ჩვენებს ახრით. ქმნდა.

აქვე, მსაღმარებლის თნათნობით იქნეს ნაშთი თარობის უნარს; იგი როლი
კმაყოფილება პნოთონი კაცის კონკრეტული ნაკობის გარეგანი აღწერით.
არ ვთხუთავს, იღვანებებს, იმ გარეუძლას, იმ გამალოგობრე-
ბელ მოძრაობს, ამ კაცის სხეულში რომ ჩაბთობებოდა და თქვებს ს.პ.მ.ს.ს.ს.
ვინაობა, იმ გარეგანი, ხელეუ ვინაობა, და ადგილი შენგან სინამ-
დიელ მსაღმარებლის აწარმოებელი ქართული ძალი თანხობიერებაში წარმოად-
გენილ და სწორედ უ მომხმარებელი იქვეა მსაღმარებლის თარობის გარეგანი არსებით
განხილ: მთავარი შინაგანი მოძრაობის, შინაგანი თვისების ცალკე და მისი
გამოვლენა, სხვის მარობრივ-ემოციურად შეწყობილი წარმოსახვა. ხილული
სინამდვილის ისეთი აღწერა, რომელიც თანხად არ ისახავს გამოავლინოს მისი
საშეკლებით უბიძგი შინაგანი რეალობა, მეორეხ რისხივანი ნიშნების, ჩე-
ვების, თვისებების უბიძგი, თუნდაც ვირტუოზული აღწერა (როგორც ყვებოფ-
ნენ მსაღმარებლის მახლობელი ინგებორგის შესახებ) გარეგან-აღწერალობითი თსრო-
ბა, რომელიც მთლიანად ბუნდოვანება სხვის კონტურს და შეუქლებელს
ხდის მისი ერთგვარად არსის დანახვას.

ბილუღუილავი სინამდვილის ერთერთ-ავშირის ჩვენება, ჩვენება იმია,
რომ მოელა ხილული რეალობა განმსკვალულია უბილავით ვანაპრობება რო-
მანის სტილის სპეციფიკას, რომლის ფარული ბუნება (ალარაფერს ვამბობთ
მის შეკრა სპეციფიკაზე: რომ იგი წარმოადგენს ტრადიციული პროზის ყველა
ნიშნის ერთიან რუვევას) განსაზღვრელია ნათქვამისა და უთქვამის (მინაშენ-
ბული) ცაქიზი დიდიქტიკით.

ის სავროლი შინამდვილი რასაც ვთქვით, რომანი თარობის მანერა, მთხრო-
ბელს იტოვებდა, მანაებდა თნათნობის ფარული ლოგოვა. შეიძლება
შეგადართო მსაღმარებლის განცდას ინგებორგის სეკრეტუროს მოსატელი უჭრას თვა-
ლიერებისას: „...იქმნებოდა ტანების უნაერთად რბილი და დაბურული ერთი-
ანობა, იმია გ.შ.მ. რომ ისინი რაღაც მსგავს ურიოერთავშირში იყვნენ, მაგ-
რამ ამაზე არა ვამბობენ“.

რილკემ თვისი ერთადერთი რომანი ნეკატოვს შეადარა, რომელია პოზიტი-
ვადაც გვიანდელი ელეგია და სონეტები დაასახელა. აეტორმა თავადვე მი-
უთხრა, რომ რომანში ცხოვრება მის ტრაგიკულ ფილოსოფიაშია წარმოდგენი-
ლი, მისი დაპროსპირებული ძალები უმძაფრეს კონფლიქტში იმყოფებიან, ხო-
ლო ელეგიაში მიღწეულია ის სულიერი მდგომარეობა, ის მზერა, როცა დი-
სონანსები შერაგებისავე მიემართებიან, როცა წინააღმდეგობათა ტანჯვით
სმოპობებული დაზავება წონისწორობისა და სიმშვიდის, ზემის ნათელს გამო-
ახიეებს. განსაკუთრებით ეხება ეს ნათქვამი სიციხისა და სიკვდილის და-
პროსპირებას. რილკე წერს: „დუანოური ელეგია“ არის ტანჯვით მოპოვე-
ბული დასტური სიციხლეზე და სიკვდილზე, როგორც ერთსა და იმავეზე“.

თვითაღზრდის, თვითდაწმუნების, მზერის, სმენის, მაქსიმალური შინაგანი
კონცენტრაციის გრძელი და მტანჯველი გზის გავლა დასჭირდა ცივილიზებული
დასავლეთის, დიდი ქალაქის შვილს — რილკეს, რათა ელიარებინა სიკვდილ-სი-
ციხის არსებითი ერთიანობა და გამოეთქვა დასტური სიკვდილზე, როგორც

ქვეს თქვენი გავტეული... რადგან ეს არის დანაშაული, თუკი რამეა — არ გავა-
მრავლოთ საყვარელი ადამიანის თვისუფლება ყველა იმ თვისუფლებათა გუ-
ლისთვის, ჩვენში რომ ვფარავთ. ჩვენ ერთი გემართებს მარტოოდენ, როდესაც
გვიყვარს — დავთმოთ ერთერთი, რადგან როდესაც ერთმანეთს ვიჭერთ, — გვე-
აღვიღება, არა სჭირდება ამას სწავლა და ძალისხმევა. (რეჟივიმი).

სანგრძლივი ფიზიკური ერთადყოფნა უმეტესად შინაგანი ურთიერთდაკარ-
გვის საწინდარია და შინაგან ურთიერთშეხარჩუნებას ფიზიკური სიშორე ხელს
უწყობს ხშირად. რომანის მეორე ნაწილში ჩართული სიმღერა გასათიარო სვე-
დით გადმოგვცემს ამ ადამიანურ, უცნაურ სიძნელეს, ერთ-ერთს მრავალ სხვა
წინააღმდეგობათა შორის. „შენ მარტო მტოვებ და ერთადერთი შემიძლია გავ-
ცვალო აქ. შენ წამო იყავ შეჩერებული, და ახლა ისევ შიშალი მგებებს, ყო-
ველი ჩვენი შერს თავს მკონებს, შენითაა სამყარო სხე, ქაიცი შენა ხარ
და უკვალო კეთილსურნელი. ო, ყველა ქალი დამკარგვია, შეგოვამდე ვისაც
ხილავები, შილოდ შენ ერთი ისე და ისე დაიბადებო. რადგან არასდროს
შივითივს, ხარ განუყრელი“. სწორი სიყვარულის სწავლა, სიყვარულისა მო-
ყვანისადმი, სატოფოსა თუ ღმერთთაადმი ახალი ადამიანთა უპირველესი ამოცანაა.

საუბუნის სარბიელზე მოგუგუნე საბედისწერო ძალები, რომელთა დამლე-
პველი მოქმედება მალევეს მაგალითზე იქნა ნაჩვენები, „თავისი ბუნებით არ
იციან დამანგრეველი“ (რილე). იკვლისხმება: არ არიან მხოლოდ დამანგრე-
ველნი. მათი (როგორც ყოველი განსაცდელის) ორმაგი ბუნებიდან გამომდი-
ნარე, ისინი ადამიანს უბიძგებენ ატროფირებული ყოფიერებიდან არაუბოთი
გამოფხიხლებსაიკენ, ითხოვენ მისგან აზრისა და მზერის მკესამღურ კონცენ-
ტრაციას, იმ შესაძლებლობათა ათვისებას, რომელთა გამოაშკარავების უნარი
მხოლოდ ამგვარი სიმძაფრის გამოცდას შეუძლია (პოლდერლანის „მსოფლილ
ღამის“ დიალოგტკაც). რწმენა, რომელიც უკიდურეს ძნელბედობას გაუძლებს,
ურყვეად ნაწრთობი საფუძვლის სახით „ახალი წარმატებისაიკენ“ წაიყვანს ადა-
მიანთა მოღვმას. მალტემ ვერ გაუძლო ამ გამოცდას: ვერ მოაღწია საშინელე-
ბის მეორე მხარეს, მეორე სახეს, სადაც მისი ტყვიელები „უსახზნო ნეტარე-
ბად გადაიქცეოდა“. თუმცა გონებით გაცნობიერებული ჰქონდა ამ განსაცდე-
ლის წესი და აზრი და ახალი გზების ბუნება (ამე წაიჭიქვევი და ველარ ვღბე-
ბი, რადგანაც სულმთლად დამსხვრეული ვარ).

რილე წუბდა, რომ ვერ ჩაღრთავდებოდნენ რომანის ამ არსებით გაჩინუ-
ლებამში) საერთოდ, მას გერმანელი მკითხველი არ ესახებოდა სასურველ მკა-
თხველად). მასში დეკადენტურ სიუჟეტს დაინახავდნენ მხოლოდ და „ბრიკეს,
როგორც დამფრთხალი კაცის სასოწარკვეთილ წიგნს, გვერდზე გადასდებდნენ“,
რაც იმის ნ-შანი იქნებოდა, რომ „მას თავი და ბოლო ვერ გაუგეს“. მაგრამ
განსაცდელზე მთელი სიშეშლით უნდა თქმულიყო. საჭირო იყო ავადმყოფო-
ბის ზოლოდე გაცნობიერება და სწორი დიაგნოზის დასმა. ეს გახლდათ რილ-
ეს „ეპიკურეული უღმრთელი დავლება“. რომლის წინაშე მას არჩევანი არ
ჰქონდა. მისი ერთი გამონათქვამით, თავად რილე, მალტემ და ეს წიგნი ერთ-
გვარი მასტერპილს, ზვარაკის აზრსა და იმპულსს იძენენ „იმ კაცით, რომე-
ლიც ხელჩართულ ბრძოლაში ყველა მთავილს თავისკენ მიმართავს და თან
ცლილ უბნო, თითა ბოლომდე აბრად დანარჩენებს“.



ქანი:

[მაშ ასე. ესე იგი ამ ქალაქს ყოველი მხრიდან აწყდება ხალხი, რათა ამ ცხოვრებას ესიაროს. მე კი მგონია: ამ სიკვდილი უფრო აღვილია ვიდრე სიცოცხლე] ვსტეკოლე. ვნახე: ჰოსპიტლები. ვნახე კაცი, რომელიც წაბარბაცდა და დაცეა. მაშინვე ხალხი შემოეხვია და დანარჩენის ნახვას გადავტრია. ვნახე ორსული ქალი. მძიმედ მიუყვებოდა მალაღ, თბილ გალავანს. დრო და დრო კედელს ხელს შეავლებდა, თითქოს სურდა დარწმუნებულყო, ხომ ისევ ამ დგასო. დიახ, იქ იდგა. მის მიღმა რაღა იყო? ხელთ ქალაქის გეგმა მჭონდა და ამოვიკითხე: სამშობიარო სახლი. კეთილი. იქ მოალოგინებენ — ეს ხომ მაინც შეუძლიათ. შემდეგ, წმინდა ჟაკის ქუჩა და იქ ვეება, უმბათოვანი შენობა; ქალაქის გეგმა მიჩვენებდა: ვალ დე გრასი², სამხედრო ჰოსპიტალი. კაცმა რომ თქვას, ამის ცოდნა არც მჭირდებოდა, მაგრამ არც არას დამიშავებდა. ქუჩა ათასნაირ სუნს აფრქვევდა ყოველი მხრიდან. რამდენადაც გარჩევა შეიძლებოდა, იოდოფორმის, შემწვარი კარტოფილისა და შიშის სუნი უნდა ყოფილიყო. ზაფხულობით ყველა ქალაქი თავისებურად ყარს. შემდეგ უცნაური შენობა ვნახე, თითქოს ბრმა იყო, თვალბრბიანი. გეგმაზე ვერსად ვიპოვე, მაგრამ კარს ჯერ კიდევ აჩნდა წარწერა: ღამის

მოც წელსაც ძლივს აღწევენ, რომ აღმოჩნდებო: ამოწურულა მათი მარაგი: უკანასკნელი სახით დადიან. ესეც უბედურებაა, რალა თქმა უნდა. ამ ხალხს არ ეხერხება სახის დაზოგვა. ყოველი მათი ბოლო სახე რვა დღეში ცვდება. ალაგ-ალაგ ქალაქიდან იხვეწიან და ჩნდება უკერი: უსახეობა. და ისინიც დადიან და მთელი ცხოვრება უსახობას დაატარებენ.

მაგრამ ქალი, ის ქალი: მთლიანად თავისთავში იყო ჩაფლული, წინგადახრილი და ჩარგული საკუთარ ხელებში. ეს მოხდა ნოტრ-დამ-დე შაპ-ის ქუჩის კუთხეში. როგორც კი შევნიშნე, ნაბიჯი შევანელე. როცა საწყალი ხალხი ჩაფიქრდება, ხელი არ უნდა შეუშალო. ეგებ ბოლოს და ბოლოს მიაგნონ რასმე.

ქუჩა ცარიელი იყო. მისი სიცარიელე თავს მახეზრებდა. ფესთაქვეშ ნაბიჯს მაცლიდა და ჩემი ნაბიჯით, თითქოს ხის ფესსაცმელიაო, ხან აქ და ხან იქ გაუთავებლად აკაკუნებდა. ქალი შეკრთა და წელში გაიმართა, მაგრამ ისე სწრაფად მოსწყდა თავის თავს, რომ სახე ისევ ხელებში დარჩა. და მე შემეძლო დამენახა როგორ იღო სახე პეშვებში, მისი გულამოცლილი, ჩაღრმავებული ფორმა. როგორ არ ვეცადე ამ ხელებთან დავრჩენილიყავი და არ დამენახა. რაც იქიდან ამოვივლიჯა, მაგრამ ამოვლ. შემზარა სახის შიდაპირის ხილვამ, მაგრამ კიდევ უფრო ზარდამცემი იყო შიშველი, ჩამოფლეთილი თავი სახის გარეშე.

მეშინია. როდესაც შიში გეუფლება, მ-ს წინააღმდეგ რაიმე უნდა იღონო კაცმა. საზიზღრობა იქნებოდა, აქ რომ ავად გავმხლარიყავი... თან ვინმეს რომ აზრად მოსვლოდა და Hotel-Dieu⁴-ში დავეწვიინე... იქ ხომ უეჭველად მოგვევლინებოდა.

ეს ოტელი შესახედად სასიამოვნო და უსაშველოდ ხალხს რავალია. პარიზის კათედრალს ხეირიანად ვერც კი შეავლებ თვალს მის შიშით, ოტელის წინ მოედანზე მიმომქროლი ეკიპაჟები ზედ არ შემდგნენ, (რაკი ეს უკანასკნელი, რაც შეიძლება სწრაფად უნდა გამოცხადდნენ Hotel-Dieu-ს შესასვლელთან). ხსენებული ეკიპაჟები პატარა ომნიბუსებს წარმოადგენენ, რომლებიც განუწყვეტლივ რეკავენ და თავად საგანის პერსონალს⁵ კი მოუწყვეს ეტლის შეჩერება, თუკი რომელიმე მომავლადვი სწორედ ამ დროს აჩივებს

ფლის სასტუმროში პირდაპირ გზით შებრძანებას. მომავლენი
ჯიუტნი არაა, და მთელი პერიოდი ფერხდება. როდესაც მაღამ ლეგ-
რანი⁶. მეძველმანე ტანჯულთა ქტირიდან ამ უძველესი უბნისაკენ
მოექანება.

უნდა ითქვას, რომ ამ გააღქაჯებულ პატარა ომონტესებს უსო-
მოდ ამადლელებელი რძისფერი ფანჯრები აქვთ, რომელთა მიღმაც
კაცს შეუძლია უბრწყინვალესი ავონიები წარმოიდგინოს. ამასათ-
ვის მიკარე ქალის ფანტაზიაც საკმარისი იქნებოდა. უფრო მდიდა-
რი და მბაჟური წარმოსახვის პატრიონი კი რის წინმოკუნას აღარ
შესძლებოდა ამ დაბურულ სარკმელთა მღმა.

მაგრამ მე ვნახე: ღია, სახურავგადასდელი ეზიდებოც რომ მიპ-
ქროდნენ ოტელისაკენ. მათ ქირობდნენ დადგენილ ფასად: ოტი
ფრანკი სიკვდილს წუთებისათვის.



ეს დიდებული ოტელი ძალზედ ძველია. მის თათო-ობოლა სა-
წოლში ჯერ კიდევ შეფე ქლოდვიუს⁷ დროს კედლებიდა ხალხი. ას-
ლა კი 559 საწოლში ერთად კედებიან. რასაკვირველია, ქარბნული
წესით. ასეთი ჯარბი პროდუქციისას, ცხადია, ცალკეული სიკვდილი
ცუდად სრულდება. თუმცა ამის დარდი ვილასა აქვს. აქ ხომ მთავა-
რია რაოდენობა.

დღეს განა ვინმე რამეს გაიღებს კარგად დამუშავებული სიკვ-
დილისათვის? არავინ. თვით მდიდარნიც კი, რომელთაც, დიხაც,
ხელი მიუწვდებათ, რუდუნებითა და გულისყურით გარდაიცვალონ,
დაუდევარნი და გულგრილნი ხდებიან. ქრამიანს სულ უფრო მუი-
ათად უჩნდება სურვილი, მოკვდეს საკუთარი სიკვდილით. ცუტაც
და საკუთარი სიკვდილი ისევე გაიშვიათლება, როგორც საკუთარი
სიცოცხლე. ღმერთო, ღმერთო, ამქვეყნად ყველაფერი მზამზარე-
ული ხვდებათ. იბადებიან, პოულობენ მზა სიცოცხლეს და მორჩა.
მხოლოდ ჩაცმაღა სჭირდება. სიკვდილი უნდათ თუ იძულებულნი
არიან მოკვდნენ, სულ ერთია! თავს ძალას არავინ ატანს: *voilà vot-*
*re mort. monsieur*⁸ ისე კედებიან. როგორც მოუწევთ. კედებიან
სიკვდილით, რომელიც იმ სნეულებას ესადაგება, მათ რომ შეჰყ-
რიათ (რადგან მას შემდეგ, რაც ყველა დაავადება შეისწავლეს,
ცნობილია, რომ ესა თუ ის სიკვდილი ამა თუ იმ დაავადებას შე-

ესატყვისება, მას გამოხატავს და არა ადამიანს. და ავადმყოფს ასე ვთქვათ, გასაკეთებელი არაფერი აქვს.)

სანატორიუმებში, სადაც ხალხი, მკურნალთა და მოწყალეების დათა მადლიერი, ასეთი ხალისით კვდება, კვდებიან დაწესებულების მიერ დაწესებული სიკვდილი. და ეს სიამოვნებას ანიჭებს მომსახურე პერსონალს. მაგრამ თუკი შინ კვდება კაცი, ბუნებრივია, წესიერ საზოგადოებაში მიღებულ თავაზიან სიკვდილს აირჩევს, სიკვდილს, რომლითაც თითქოს მაშინვე უკვე იწყება დიდებული დაკრძალვა და წარმტაცი რიტუალები. მაშინ ამ სახლთან ღარიბ-ღატაკნი იყრიან თავს და ცქერით გულს იგერებენ. მათ ხომ ბანალური სიკვდილი ელით, ყოველგვარ ცერემონიათა გარეშე. ღატაკებს უხარიათ რაიმე სიკვდილს თუ იპოვიან, ასე თუ ისე რომ მოერგებათ. დიდი თუ მოუვათ, ამას რა უშავს: ოდნავ ხომ მკვდარიც იზრდება კაცი. მაგრამ თუ მკერდზე არ ეტევათ ან ყელში უჭერთ, ცუდად არის მაშინ კი საქმე.

როცა კი აწ დაცარიელებულ ჩემს სახლზე ვფიქრობ, ასე მგონია, ადრე სულ სხვაგვარად ცხოვრობდა ხალხი. ადრე იცოდნენ (ან შეიძლება, გუმანით გრძნობდნენ), რომ სიკვდილი საკუთარ წილში იჭკონდათ, როგორც ნაყოფს თესლი აქვს გულში. ბავშვებს პატარა სიკვდილი ჭკონდათ, უფროსებს — დიდი. ქალებს სიკვდილი საშოში ჭკონდათ, კაცებს კი მკერდში. სიკვდილი ჭკონდათ და ეს განსაკუთრებულ ღირსებასა და ჩუმ სიამაყეს ანიჭებდა ადამიანებს.

პაპაჩემს, კამერჰერ ბრიგეს ჯერ კიდევ ეტყობოდა, რომ თავის წიაღში სიკვდილი დაჭკონდა და რა სიკვდილი! — ორი თვისა და ისეთი ხმა-მალალი, რომ მთელ კარ-მიდამოს აყრუებდა.

წავრძელებული, ძველთაძველი ჩვენი სასახლე ამ სიკვდილს ერთობ ეპატარავებოდა. თითქოს ფლიგელების მიშენება იყო საქირო, რადგან კამერჰერის სხეული დღითიდღე სივდებოდა და კამერჰერი, რომელსაც სივრცე აღარ ყოფნიდა, ერთთავად ითხოვდა, სხვა ოთახში გამიყვანეთო. ბოლოს საშინელი მრისხანება ეუფლებოდა, რადგან დადამებას ჯერ ბევრი უკლდა, ოთახი კი ერთიც აღარ ეგულებოდა, სადაც ის უკვე არ წოლილიყო. ერთ დღეს კი მსახურები-

სა და ძაღლების განუყრელი ამაღლს თანხლებით კიბეს აუყვა და მოურავის წინამძღოლობით იმ ოთახში შეაბიჯა. სადაც სულგანათლებული დედამისი გარდაიცვალა ოცდასამი წლის წინათ. მას მერე ამ ოთახის კარი აღარ შეღებულა, იქ შესვლის ნება არავის ჰქონდა და მთელი ეს ხანი ყველაფერი ხელუხლებლად იდგა. ისევ ისე, ცხონებულმა ქალბატონმა როგორც დატოვა. ფარდები გადახსნეს და ზაფხულის ნაშუადღევის მქაბე სინათლე მფრთხალ, შემკრთალ საგნებს მიეჭრა. მოურიდებლად აათვალიერ-ჩაათვალიერა ისინი და ძველი სარკეებიც დააფეთა, როცა მათ ერთბაშად ჩამოგლიჯეს ჩამოფარებული ქსოვილები. იქ მყოფნიც ასევე ირჩებოდნენ: მოახლევებმა აღარ იცოდნენ ზედმეტი ცნობისწადილისაგან ხელები სად წაეღოთ, ახალგაზრდა მსახურები ყველაფერს თვალვებდაჰყეტოლი მიშტერებოდნენ, ხოლო ხანდაზმულნი ცდლობდნენ გაეხსენებინათ, რა გაეგონათ ამ კარდანშულ, აკრძალულ ოთახზე, სადაც ასლა აგრე მშვენიერად გრძნობდნენ თავს.

მაგრამ ყველაზე მეტად ძაღლებს აღელვებდათ იმ ოთახში ყოფნა, სადაც ყოველ საგანს საკუთარი და ძველი სურნელი შერჩენოდა. მაღალი, ტანთხელი რუსული მწევრები საქმიანად მიმორბოდნენ სავარძლებს უკან, რწევა-რწევითა და გრძელი საცეკვაო ნაბიჯებით ჰკვეთდნენ ვრცელ დარბაზს, ლერბებზე ამოტვიფრული ძაღლებივით უკანა ფეხებზე დგებოდნენ, ვიწრო თათებს ფანჯრის ოქროსფერ რაფებზე აწყობდნენ, ეზოში იცქირებოდნენ და წამდაუწყუმ აქეთ-იქით ატრიალებდნენ წამახულ, დაძაბულ. დაქანებულ შუბლიან სახეებს. შვედური ხელთათმანივით ყვითელი, პატარა ტაქსა ძაღლები აბრეშუმ-სპირიან, განიერ სავარძლებში მოკალათებულიყვნენ და ისეთი სახე ჰქონდათ, თითქოს ყველაფერი წესრიგშიაო. ხოლო დაბლვერილი, ზღარბივით აბურძგნული მეძებარი ზურგს იფხანდა მოოქროვილფეხებიანი, მოხატული მაგიდის კუთხეზე, რომელზედაც სევრული ფაიფურის⁹ სიფრიფანა ფინჯნები თრთოდნენ.

ღიახ, ეს საშინელი წუთები იყო ამ გაოგნებული, ნამძნარევი საგნებისათვის. ძილში ცხოვრება რომ გაჰპარვოდათ. რა აღარ ხდებოდა მათ თავს: ვიღაცის აჩქარებული ხელით უხეშად გადაშლულ წიგნებიდან ვარდის ფურცლები მოფარ ფატებდნენ, რომელთაც შემდეგ ფეხით თელავდნენ. პატარა, მყიფე საგნებს ხელს სტაცებდნენ და რაკი ისინი მაშინვე იმსხვრეოდნენ. იქავე ყრიდნენ, გაბზარუ-

ლებს კი ფარდებისა თუ ბუზრის ოქროსფერ ბადის უკან მალაფ-
დნენ სულაც. და წამლაუწუმ რაღაც ვარდებოდა და ყველაფერი
ტყდებოდა, რაც ვარდებოდა — ფაფუკ ხალიჩებზე უჩუმრად და ხ-ს
იატაკზე ხმაურით, რადგანაც ასეთი განებივრებული საგნები უმაუ-
ბუქეს დაცემასაც კი ვერ უძლებდნენ.

და თუ ვინმეს აზრად მოუვიდოდა ეკითხა, რა იყო ყოველივე
ამის მიზეზი, რა იწვევდა ასე შიშნეულად მოვლილ ოთახში აღას-
რულის ასეთ სისაესეს, მხოლოდ ერთ პასუხს მიიღებდა: სიკვდილი.

კამერპერ ქრისტოფ დეტლევ ბრიგეს სიკვდილა ულსგორში.
რადგან ის იწვა იატაკზე შუა ოთახში და უძრავი და უზარმაზარი
მისი სხეული ლურჯი სამხედრო ფორმიდან გადმოღვრას ღამობდა.
მის დიდ, უცხო, ახლა ყველასათვის უცნობ სახეზე თვალები ჩაც-
ვიწნულიყო: ის ველარაფერს ხედავდა, რაც იქ ხდებოდა. თავიდან
სურდათ, საწოლში დაეწვინათ, მაგრამ კამერპერი გაკერპდა, რადგან
საწოლი იმ ღამეების შემდეგ შესძულდა, როდესაც მისმა სწეუ-
ლებამ იჩინა თავი. თანაც საწოლი, იქ რომ იდგა, ერთობ პატარა
აღმოჩნდა მისთვის და მსახურთ სხვა აღარაფერი დარჩენოდათ, გარ-
და იმისა, რომ ძირს, ხალიჩაზე დაესვენებინათ, რაკი ქვედა სარ-
თულზე დაბრუნება მან არ ინება.

და, აი, ახლა იგი იწვა და კაცს შეეძლო ეფიქრა, რომ ბოლოს და
ბოლოს უკვე მკვდარიყო. ნელა-ნელა შეღამდა და ძაღლები სათი-
თაოდ გაიკრიფნენ ოდნავ გამოღებულ კარიდან. უხეშბალნიანი და
სახეკუშტი მეძებარიღა იჭდა პატრონთან და ფართო და ბანჯკვლი-
ანი თათი დაედო ქრისტოფ დეტლევის დიდ და რუხ ხელზე. მსახუ-
რების უმეტესობაც ოთახზე ბევრად უფრო ნათელ, თეთრ დერე-
ფანში შეგროვილიყო. ხოლო იქ, შიგნით დარჩენილები დრო და
დრო მალულ მზერას აპყრობდნენ ოთახის გულში ამობურცულ
დიდ, მკვრივ სიბნელეს და გულში ნატრობდნენ, რომ ის სხვა არა-
ფერი ყოფილიყო წამხდარ სხეულზე ჩამოცმული, 'ვეებერთელა კოს-
ტიუმის გარდა.

მაგრამ იქ იყო კიდევ რაღაც. ეს იყო ხმა, ხმა, რომელსაც ჯერ
კიდევ შვიდი კვირის წინათ არვინ იცნობდა, რადგან ის კამერპერის
ხმა როდი გახლდათ. ქრისტოფ დეტლევი არ ყოფილა ამ ხმის პატ-
რონი, ეს დეტლევის სიკვდილი იყო.

ქრისტოფ დეტლევის სიკვდილი უკვე მრავალი, მრავალი დღე
იყო, ულსგორში ცხოვრობდა და ირგვლივ ყველას ესიტყვებოდა

და დაცინებთ რაღაცას სთხოვდა. მოიხსოვდა, რომ ეტარებინათ, მოითხოვდა ლურჯ ოთახსა და პატარა სალონს, ითხოვდა დარბაზს. ითხოვდა ძაღლებს. მოიხსოვდა, ეცინათ ირველივ, ელაპარაკათ. ეთამაშათ და ჩუმად მსხლარიყვნენ. ხან ყოველივეს ერთად ითხოვდა. მოითხოვდა, ეჩვენებინათ მეგობრები, ქალები და გარდაცვლილები და მოითხოვდა საკუთარ სიკვდილს. მოითხოვდა და გაჰკიოდა.

ლამით, როდესაც გადაქანცული მსახურები ძილს აპირებდნენ, მაშინ ყვიროდა მისი სიკვდილი, ყვიროდა და გმინავდა. ღრიალებდა ისე დიდხანს და შეუბოვრად, რომ ძაღლები, თავდაპირველად რომ აპყვებოდნენ ხოლმე ყმუილით, ჩუმდებოდნენ და მიწოლასაც ვეღარ ბედავდნენ, თავიანთ მაღალ და მოცანსცახე ფეხებზე იდგნენ და შიშისგან ძრწოდნენ. ხოლო როდესაც ზაფხულის ვრცელ და მოვერცხლისფრო დანიურ ღამეს მისი ღრიალი მსქვეალავდა შორით, მაშინ ყველანი. როგორც ავდარში, დგებოდნენ სოფლად და უსიტყვოდ უსხდებოდნენ ლამპას გარშემო, იქამდე, ვიდრე ეს ქუხილი გადაივილიდა. ხოლო იმ ქალებს, მალე რომ უნდა ემშობიარათ, სახლის უშორეს ოთახებში აწვევდნენ და ასურავდნენ უმძიმეს საბნებს. მაგრამ მათ ის ხმა მაინც ესმოდათ. ისე ახლოდან, თითქოს მათსავე სხეულებში იზადებოდა. და ისინიც ივედრებოდნენ, რომ მიეცათ ადგომის ნება და მოდიოდნენ თეთრები და ტანგანივრები, ნაკვთებწაშლილი სახეებით და დანარჩენებთან ერთად სხდებოდნენ. და მაკე ძროხები, რომელთაც ამ ღროისათვის უნდა ეშობათ, ამ ღროი-ალმა დაზაფრა და დააუძლურა და ერთ-ერთ მათგანს მკვდარი ნაყოფი შიგნეულთან ერთად ამოაცალეს, რადგან ვერ შეძლო მისი გაჩენა. და ყველანი ცუდად ასრულებდნენ თავიანთ საქმეს, თივის დაბინავებაც ავიწყდებოდათ, რადგანაც დღისით ეშინოდათ ღამის დადგომის და ამდენი უძილობითა თუ დაფეთებული გამოღვიძებით ისე იყვნენ ქანცვაწყვეტილნი, რომ აღარაფრის თავი არ ჰქონდათ. ხოლო როდესაც კვირამალზე თეთრსა და მყუდრო ეკლესიას მიაშურებდნენ, იქ ღმერთს შესთხოვდნენ, რომ ბატონი აღარ ჰყოლოდათ: რადგან ეს მართლაც საშინელი ბატონი იყო, და რასაც ისინი ჩუმად ფიქრობდნენ და ლოცულობდნენ, იმას ხმამაღლა ამბობდა მღვდელი ამბიონიდან, რადგან მასაც გაკრთომოდა ღამის სიმშვიდე და ამის გამო სწყდებოდა უფალს. და ამასვე რეკდა ზარიც, შემზარავი მეტოქე რომ გამოსჩენოდა, მეტოქე, რომელიც მთელ ღამეს ქუხდა და ვის ხმასაც ზარი ვერ დაფარავდა, თუნდაც

ერთიანად აეხმარებინა ლითონის მასა. დიახ, ყველა ამას ამბობდა და იქაურ ყმაწვილკაცებში ერთი ისეთიც გამოჩნდა ბოლოს, ვისაც ესიზმრა, რომ სასახლეში წავიდა ვითომ და მოწყალე ბატონს ნავის ორთითი თავში ჩაარტყა. და ისე ბოლომოდებულნი იყვნენ ყველანი და ისეთი ღიზმორეულნი, რომ ყურს უგდებდნენ და ბოლოა, თავიანთისვე შეუმჩნევლად ისე შეხედეს, თითქოს ეკითხებოდნენ, იყო თუ არა სინამდვილეში ამის ჩამდენი. ასეთი განცდები და საუბრები გავრცელდა მთელს იმ მხარეში. სადაც კამერკერი ჯერ კიდევ რამდენიმე კვირის წინათ უყვარდათ და ენანებოდათ. მაგრამ თუმცა ასე ლაპარაკობდნენ, შეცვლით არაფერი არ იცვლებოდა. ქრისტოფ დეტლევის სიკვდილი, რომელიც ულსგორში ცხოვრობდა, სხვათა სულსწრაფობას არაფრად აგდებდა: ის ათი კვირით იყო მოსული და ეს ხანი დაჰყო და ამ ხნის მანძილზე ის უფრო იყო ბატონი, ვიდრე ქრისტოფ დეტლევი ყოფილა ოდესმე. ის ჰგავდა მეფეს, საშინელს რომ უწოდებენ შემდეგ და მარად.

ეს არ ყოფილა ვიღაც წყალმანკიანის სიკვდილი. ეს ავი და თავადური სიკვდილი გახლდათ, რომელსაც კამერკერი მთელი სიცოცხლე თავის წიაღში დაატარებდა და საკუთარი თავით ჰკვებავდა. სიამაყის, ნებისა და თავადური ძალმოსილების მთელი სისაფსე, რისი დახარჯვაც ქრისტოფ დეტლევმა თავის მდორე ცხოვრებაში ვერ მოახერხა, მის სიკვდილში გადასულიყო, სიკვდილში, ახლა რომ ულსგორში იჯდა და ყოველივე ამას ფლანგავდა.

და როგორ უნდა შეეხედა კამერკერს მისთვის, ვინც მას ეტყოდა, სხვა სიკვდილით უნდა მომკვდარიყავ, არა ამითო. თავადი ბრიგე თავისი მძიმე სიკვდილით მოკვდა.

და დანარჩენი წინაპრებიც რომ მახსენდება, ვინც საკუთარი თვლით მინახავს ან რომელთა შესახებაც სხვებს უამბნიათ, ვხედავ: ასევე იყო ყველა მათგანი. მათ ყველას საკუთარი სიკვდილი ჰქონდა: იმ კაცებს. იარაღასხმულ სხეულებში სიკვდილს ტყესავით შებოკილს რომ დაატარებდნენ; ქალებს, რომლებიც ღრმად ბერდებოდნენ და პატარავდებოდნენ და შემდეგ უზარმაზარ სარეცელზე როგორც სცენაზე ისე კვდებოდნენ. მოკრძალებულად და დედოფლური ღირსეულობით. დიახ, ბავშვებიც, თუნდაც სულ პატარები,

რომელიმე ბავშვური სიკვდილით კი არა კვდებოდნენ, არამედ ძალას იკრებდნენ და კვდებოდნენ იმას, რაც უკვე იყვნენ და იმასაც, რაც განდებოდნენ, ცოცხლები რომ დარჩენილიყვნენ.

და რა ნაღვლიან სილამაზეს ანიჭებდა ეს განცდა ქალებს, როცა ისინი ორსულად იყვნენ, და იდგნენ ხოლმე, და მათ დიდ ტანში, ხედ უნებურად რომ რჩებოდათ თხელი ხელეაი, ორი ნაყოფი ერთად ხარობდა: ერთი ბავშვი და ერთი სიკვდილი. და მძიმე და თითქმის მძლარი ღიმილი, მათ ერთიანად დაცლილ სახეზე, იმიტომ ხოდა არა წინდებოდა, რომ ხანდახან ფიქრობდნენ ხოლმე, ორივესა იზრდებოდანო?

მე რალაც ვიღონე შიშის წინააღმდეგ. მთელი ღამე ვიჯექი და ვწერდი და ახლა ისე ვარ დაღლილი, თითქოს ულსგორის უკიდვგანო ველ-მინდვრებში მეხეტიალოს. ძნელია, როცა გაიფიქრებ, რომ ეს ყველაფერი დაკარგულია და უცხო ხალხი ცხოვრობს ახლა იქ, ჩვენს ძველებურ, გრძელ სასახლეში. ალბათ მოახლევებს სძინავთ იმ თეთრ ოთახში, ზედა სართულზე, სძინავთ მძიმე და ოფლიანი ძილით, შეღამებიდან გათენებამდე.

და აღარაფერ და აღარაფერი არ გაგაჩნია, დაეხეტები ქვეყნიდან ქვეყნად ჩემოდნითა და წიგნების ყუთით და კაცმა რომ თქვას, ცნობისწადილიც არ გამოძრავებს. რა სიცოცხლეა ეს სიცოცხლე ბოლოს და ბოლოს: უსახლკაროდ, უძალღებოდ და ნამემკვიდრევე საგანთ გარეშე! მოგონებები მაინც გქონდეს ადამიანს და მათ მაინც არა კარგავდე. მაგრამ აბა ვინ იტყვის, მაქვსო. ბავშვობა კიდევ რომ მომეგონებინა, ხომ ისე გაჩნდებოდა, როგორც რალაც უკვე დიდი ხნის დამარხული? ვინ იცის, ეგებ უნდა დაბერდე, რომ წარსულს მისწვდე და მოიწოდო? და მეჩვენება, კარგი უნდა იყოს სიბერე.

ღღეს მშვენიერი შემოდგომის დილა გათენდა. ტიულრის ბაღში¹⁰ მივიღიოდი. აღმოსავლეთის საპირისპიროდ, მზის წინ რაც იყო, რაც მას პირდაპირ ეგებებოდა, ყველაფერი დამაბრმავებლად კაშ-
3. რინერ მარია რილკე

კაშებდა. მზით განათებულ იქაურობას ღიანაცრისფერ ფარდასავით ეკიდა ნისლი. ნაცრისფერ რიყრაყში მზეზე ვერცხლისფრად ირუჯებოდნენ ჯერ კიდევ შეუძარცველ ბალებში გაფანტული ქანდაკებები. ზოგიერთი ყვავილი კი გრძელ კვალში ზეზე დგებოდა და შემკრთალი ხმით ჩუმად ამბობდა: „წითელი“-ო. შემდეგ მაღალი და ხმელ-ხმელი კაცი გამოჩნდა ელისეს მინდვრების მხრიდან. ყავარჯენი ეკირა, მაგრამ ილლით კი აღარ ეყრდნობოდა, არამედ უკვე წინ მიჰქონდა მსუბუქად და მხოლოდ დროდადრო აბჯენდა მიწას, პეროლდის კვერთხივით მტკიცედ და სმიანად. ის ვერ იკავებდა სიხარულის ღიმილს და გზაში ყველაფერს უღიმოდა: მზეს, ხეებს. მისი ნაბიჯი გაუბედავი იყო, როგორც ბავშვისა, მაგრამ უჩვეულოდ მსუბუქი, თანაც, თითქოს წინანდელ სიარულს იგონებდნო.

რამდენი რამ შეუძლია ამ პატარა მთვარეს! ¹¹ ახლა დგას დღეები ისეთი დღეები, რომ გეჩვენება, თითქოს ყველა საგანს რაღაც უცნაური შუქი ეღვრება და წონა დაუქარგავს. ყველაფერი ნათელია და ჰაეროვანი, ოღნავ გამოკრთის კრიალა ჰაერში და მაინც ცხადად ჩანს. უახლოეს საგანსაც კი სიშორის ელფერი დაჰქარავს, თითქოს შორიდან ხედავ — თითქოს წაგართვეს და ახლა შორიდან გიჩვენებენ, კი არ გიწვდიან. ხოლო ის, რაც მართლა შორს არის, შორეთს ეკუთვნის: მდინარეები, ხილები, მოედნები თუ გრძელი ქუჩები, თითქოსდა სივრცეს წაულაა თავის ზურგს უკან და ყველაფერი როგორც მკვირვალე აბრეშუმზე ისეა სივრცის ზედაპირზე მიმოხატული.

ამ საოცარი განათების დროს წინასწარ ვეღარ იტყვი, რა შეგრძნებას გამოიწვევს ღია მწვანე ეტლი პენ-ნეფზე ¹², როგორ ავსებს საერთო სურათს სადღაც გამომკრთალი, რაღაც მსხლტომი წითელი ფერი ანდა სრულიად უბრალო პლაკატი მარგალიტისფრად ჩარუხებული სახლების ცეცხლამრიდ კედელზე. ყველაფერი გამართივებულია, ნათელ სიბრტყეზეა წარმოდგენილი, როგორც სახე მანეს ¹³ ნახატზე და არაფერია უმნიშვნელო და ზედმეტი. ბუკინისტები სანაპიროზე ნელ-ნელა ხსნიან თავიანთ ყუთებს. და გარემოს ემატება ახალი ფერები: წიგნების ხასხასა თუ გახუნებული ყვი-

თელი, ყდების მოლურჯო ყავისფერი, რომელიდაც ჩანთის მუქი სიმწვანე და ყველა ეს ფერი საჭიროა, გამოდგება, ერთიმეორეს ესადაგება, აუცილებელი ნაწილის სახით უერთდება იქაურობას და იქმნება ის მთლიანობა და სისავსე, რასაც არაფერი აღარ აკლია.

ქვემოთ ასეთი სურათია: ქალი პატარა ურიკას მიაგორებს, წინ არღანი დევს ურიკაზე, უკან კალათი, კალათში კი ბავშვი დგას მყარად. თავზე თბილი ჩაჩი ახურავს და მხიარულად აცხადებს უარს დაჯდომაზე. მაგრამ მაინც სვამენ. მერე ქალი არღანს ატრიალებს, ბავშვი მაშინვე დგება და ფეხებს ატყაპუნებს და პატარა გოგონა, მწვანე საკვირაო კაბაში გამოწყობილი, ცეკვავს და ტამბურინს აჩხრიალებს სახლის ფანჯრებისაკენ.

ვფიქრობ, ცოტა მუშაობა უნდა დავიწყო, სწორედ ახლა, ხედვას რომ ვსწავლობ. ოცდარვა წლის ვარ და ჩემს ცხოვრებაში ჯერ არაფერი მომხდარა მნიშვნელოვანი; ისევ ჩამოვთვლი: მე დავწერე ერთი ნაშრომი კარპაჩოზე¹⁴, რომელიც არ ვარგა, დრამა, „ქორწინება“ რომ ჰქვია და რაღაც ყალბს ამტკიცებს ორაზროვანი ხერხებით, და ლექსები. მაგრამ რა ცოტა რამ მოაქვთ ლექსებს, როცა მათ წერას აღრე იწყებენ. კაცმა უნდა მოიცადოს და მთელი ცხოვრების, რაც შეიძლება გრძელი ცხოვრების აზრი და სიტკბო შეაგროვოს აუჩქარებლად... და შემდეგ, გვიან, ცხოვრების ბოლოს შეიძლება გამოუვიდეს ათი სტრიქონი, ათიორე კარგი სტრიქონი. რადგან ლექსები განცდები კი არ არის, როგორც ჰგონიათ (კაცს განცდები აღრევე და ქარბად უჩნდება), არამედ — გამოცდილებანია. [ერთი ლექსისთვის საჭიროა, კაცმა მრავალი ქალაქი ნახოს, უამრავი საგანი და ადამიანი, ცხოველები უნდა იცოდეს, უნდა გრძნობდეს, ფრინველები როგორ დაფრენენ. ის მოძრაობა უნდა იცოდეს, პატარა ყვავილები რომ იშლებიან მზის ამოსვლისას. უნდა შეეძლოს ფიქრი უცხო მხარეებში დარჩენილ გზებზე, მოულოდნელ შეხვედრებსა და განშორებებზე, რომელთაც რა ხანია წინასწარ გრძნობდნენ, ჭერაც აუხსნელ ბავშვობის დღეებზე...] მშობ-

ლებზე, რომელთაც ასე წყვეტილი გულს, როცა ვერ ამჩნევდი, როგორ უნდოდათ შენთვის სიხარული მოეტანათ, რადგან ის შენი სიხარული არა ყოფილა, უნდა ფიქრობდეს. საყმაწვილო სნეულებებზე, ასე უცნაურად რომ იწყებთან უამრავი ღრმა და მძიმე ფერისცვალებით, ჩაკეტილ, ჩუმ ოთახებში გატარებულ უხმო დღეებზე და ზღვის განთიადებზე, ზღვაზე საერთოდ, ზღვებზე და მოგზაურობის ღამეებზე, ჩვენს გვერდით რომ ჩაიქროლეს, ჩაიშრიალეს და ყველა ვარსკვლავთან ერთად გაფრინდნენ, და არც ეს არის საკმარისი: კაცს უნდა ჰქონდეს მოგონებები სიყვარულის მრავალ ღამეზე, ერთმანეთს რომ არასდროს ჰგვანან, მშობიარეთა კვილსა და მსუბუქ, თეთრსა და მძინარე მოლოგინებულ ქალებზე, რომელთა სხეულიც ისევ იხურება... მომაკვდავთა სასთუმალთანაც უნდა ჰქონდეს ღამე ნათევი ღიაფანჯრებთან, დაბინდულ ოთახში, რომელსაც ავსებს მათი წყვეტილი სუნთქვის შრიალი... მერე მკვდრებთანაც უნდა გაჩერდეს იმავე ოთახში... და არც ეს კმარა: მოგონებები. დავიწყება უნდა შეგეძლოს, თუ ისინი ძალზე ბევრია. და მოთმინებით უნდა აღივსო, რომ დაელოდო მათ დაბრუნებას... რადგან მოგონებები ჯერ კიდევ არ არის, რაც ჩვენ გვჭირდება — მოგონებაში ჩვენს სისხლად რომ გარდიცქვიან, ჩვენს შხერად და მოძრაობებად, ჩვენში სახელს რომ დაკარგავენ და უსახელოთ ჩვენსავ თავისგან ველარაფრით ვერ განვასხვავებთ, მარტოდენ შაშინ შეიჭნება შესაძლებელი, რომ ერთ ძალიან გამორჩეულ წუთს მათ გულის-გულში აღსდგეს ლექსის პირველი სიტყვა და გამოვიდეს ამ წიალიდან.

ჩემი ლექსები კი სხვარიგადაა წარმოშობილი, მაშასადამე, არც ლექსებია. და როდესაც ჩემს ღრამას ვწერდი, როგორ ვცდებოდი განა მიმბაძველი არ ვიყავი და უგუნური, რომ ვილაც მესამე მჭირდებოდა ორი ადამიანის ბედ-იღბალის გადმოსაცემად, ერთმანეთს ცხოვრებას რომ უძნელებენ? რა ადვილად გავები მახეში. ხომ უნდა მცოდნოდა, რომ ამ „მესამეს“, რომელიც ყველას ცხოვრებასა და ყველანაირ ლიტერატურაში დაიარება, ამ აჩრდილს რაღაც არარსებული მესამისა, არავითარი მნიშვნელობა არ გააჩნია და რომ ის უნდა უგულვებელყოთ. ეს მესამე, ისევე, როგორც მრავალი სხვა რამ, მხოლოდ თვალის ასახვევად სჭირდება ბუნებას, მუდამ რომ იმის მცდელობაშია, ადამიანის ყურადღება ააჩრდოს თავის უღრმეს იდუმალებათ. ის საფარია, რომლის მიღმაც ღრამა იშლება. ის ხმაურია ნამდვილი განხეთქილების სამარისებური სიჩუ-

მის კართან. ეტყობა, ორზე ლაპარაკი, ორზე, რომელთაც ეხება საქმე, ყოველთვის ძნელი იყო ყველასთვის. ის „მესამე“, სწორედ იმიტომ, რომ აგრერიგად არანამდვილია, — უადვილესია ამ ამოცანაში. ის ყოველთვის ყველას გამოსდის. დრამების დასაწყისშივე შეიმჩნევა მოუთმენლობა, რომ ერთი სული აქვთ, ამ — „მესამეზე“ როდის გადავლენ. როგორც კი იგი გამოჩნდება, ყველაფერი უკვე რიგზეა. მაგრამ რა მოწყენილობაა, თუ იგვიანებს. უიმისოდ შეუძლებელია რაიმე მოხდეს. ყველაფერი ფერხდება, გროვდება, იცდის, და შერე, ამ დგომასა და განცვიფრებას რომ აღარ გასცდნოდა საქმე? რაო, ბატონო დრამატურგო და შენც პუბლიკავ, ცხოვრება რომ იცით ესოდენ, რაღას იზამდით, უგზო-უკვლოდ რომ გამჭრალიყო ეს ყველასათვის საყვარელი „ცხოვრების კაცი“, ანდა ეს უტიფარი ყმაწვილო, ყველა ქორწინებაში რომ იღებს მონაწილეობას მორგებული გასაღებივით? რაღას იზამდით, მაგალითად, ეშმაკს რომ წაელო იმისი თავი? დავუშვათ. და იმავე წუთს ჩნდება ჩვენი თეატრების ხელოვნური სიცარიელე, მათ სახიფათო ხვრელივით გმანავენ და ჩრჩილებილა მოფარფარებენ ლოყათა ქსოვილიდან უსაყრდენო შუა სივრცეში. დრამატურგები ვეღარ ტკბებიან ვილებში ცხოვრებით და ოფიციალური მეთვალყურენი დედამიწის ყველა კუთხეში ეძებენ მათთვის იმ „უბადლო და შეუცვლელ გმირს“, მთელ დრამას რომ ამოძრავებდა.

და ამ დროს ისინი ცხოვრობენ ჩვენს შორის, არა ის მესამეები, არამედ ის ორნი, რომელთა შესახებაც წარმოუდგენლად ბევრი იყო მუდამ სათქმელი და არაფერი არ თქმულა ჯერაც, თუმცა ისინი იტანჯებიან, ცხოვრობენ და ვერ გაუვიათ, თავს რით უშვებენ.

სასაცილოა. მე ვზივარ ახლა აქ, ჩემს ოთახში, — მე — ბრიგე. ოცდარვა წლის ყველასათვის უცნობი კაცი. ვზივარ და არაფერს არ წარმოვადგენ და მაინც, ეს არაფერი იწყებს ფიქრს. და ფიქრობს თავის ოთახში, მეხუთე სართულზე პარჩხის ერთ რუხ ნაწუადღევს ამგვარ საფიქრალს:

შესაძლებელია, ფიქრობს იგი, რომ არაფერი ნამდვილი და მნიშვნელოვანი დღემდე არ იყოს დანახული, შეცნობილი და გამოთქმული? შესაძლებელია, რომ საუკუნეები დრო ჰქონდათ დასაკვირვებლად, საფიქრებლად და ჩასაწერად და საუკუნეები სასკოლო შესვენებასავით გაეპარათ, რომლის დროსაც ბუტერბროტს და ვაშლს მიირთმევენ?

ღიახ, შესაძლებელია.

შესაძლებელია, რომ აღმოჩენათა და წინსვლათა, კულტურის, რელიგიისა და ამქვეყნიური მთელი სიბრძნის მიუხედავად ცხოვრების ზედაპირზე დარჩენილიყო ადამიანი? შესაძლებელია, რომ ამ ზედაპირისაც, რომელიც ბუნებრივი სახით კიდევ რაღაცა იქნებოდა, წარმოუდგენლად მოსაწყენი ქსოვილი მიაფარეს, რისი წყალობითაც იგი სასტუმრო ოთახის საზაფხულოდ შალითაგადაკრულ ავეჯს დაემგვანა?

დიახ, შესაძლებელია.

დასაშვებია, რომ მთელი მსოფლიო ისტორია მცდარადაა წარმოდგენილი და წარსული ერთიანად გაყალბებული, რადგანაც მუდამ მის მასებზე ლაპარაკობდნენ, თითქოს ჰყვებოდნენ აჩოჩოლებულ, ერთმანეთს მიმწყდარ ადამიანთა გროვაზე, ნაცვლად იმისა, რომ ერთის შესახებ ეთქვათ რაიმე, რომელიც მარტო იდგა მუდამ იმ ხალხში, რაკილა უცხო იყო ყველასთვის და ასე მოკვდა?

დიახ, დასაშვებია.

დასაშვებია, რომ მუდამ ეგონათ, თითქოს, ყველაფერი უნდა აღედგინათ, რაც მოხდა მათ დაბადებამდე? და თვითეულს უნდა მოაგონო, რომ ის წარმოსდგა ყოველივე წინანდელისგან, მაშასადამე, იცის კიდევ ეს წინანდელი, და ჰკუა აღარ ასწავლებინოს სხვებს, რომელთაც სხვა რამ იცინა?

შესაძლებელია, რომ ყველა ამ ადამიანმა წარსული, რომელიც სინამდვილედ არასდროს ქცეულა, ზუსტად იცოდეს? შესაძლებელია, რომ სინამდვილე სულაც არაფერს ნიშნავდეს მათთვის, მათი ცხოვრება მიდიოდეს და არაფერსაც არ ეხებოდეს, ვით საათის სვლა ცარიელ ოთახში?

შესაძლებელია.

და განა შეიძლება გოგონებზე არაფერი იცოდეს ვინმემ, რომლებიც, არადა, ხომ არსებობენ? შესაძლებელია, რომ ამბობდნენ: „ქალები“, „ბავშვები“ ანდა „ბიჭები“, და ვერ ჰვლებოდნენ (განსწავლულობის მიუხედავად), რომ ასეთ სიტყვებს კარგა ხანია ზოგადობა არ გააჩნიათ და მარტოდნენ აურაცხელ ცალკეულ წევრს წარმოადგენენ?

დიახ, შესაძლებელია. -

შესაძლებელია, არსებობდნენ ისეთი ადამიანები, რომლებიც, „ღმერთით“, ამბობდნენ და ასე ეგონათ, თითქოს ეს რაღაც საერთო იყოს? აი, ორი მოწაფე ბიჭი: დანას ყიდულობს ერთა თავისთვის

და მეორეც ისეთსავე დანას ყიდულობს იმავე დღესვე და ერთმანეთს უჩვენებენ ერთი კვირის შემდეგ ამ დანებს: ოდნაელა წააგვანან დანები ერთურთს, ძლივს მიაბსგაესებ — განსხვავებულად წარიმართა მათი ბედი სხვადასხვა ხელში. (ერთის დედა კი ამბობს: თქვენ ხომ ყველაფერი მაშინვე უნდა მოაღწოთ), ჰო, მაშ ასე:

შესაძლებელია გვჯეროდეს: რომ კაცს შეიძლება ღმერთი ჰყავდეს, მაგრამ არასოდეს მოიხმაროს და გამოიყენოს?

ღიახ, შესაძლებელია.

და თუ ეს ყოველივე შესაძლებელია, თუ შესაძლებლობის ელფერი მაინც დაჰკრავს, მაშინ ხომ, ყველაფრის გულისათვის ამ ქვეყანაზე, რაღაცა უნდა მოხდეს ახლავე, და კაც, ვისაც ამაღავარი შემაშფოთებელი ფიქრები ეწვია, უნდა ადგეს და ამ დიდ ხარკებთან ამოსაყვებად წერას შეუდგეს, თუნდაც ის ვიღაც იყოს, ვიღაც შემთხვევითი ადამიანი, და არა ვინმე გამორჩეული: სულერთია, თუ ადგილზე სხვა არვინაა. და ამიტომ ეს ახალგაზრდა უბადრუკი უცხოელი ბრიგე ავა თავის მეხუთე სართულზე და შეუდგება წერას, დღისით და ღამით. ის ვალდებული იქნება წეროს. ღიახ, ასე დასრულდება ეს ამბავი.

●

მაშინ თორმეტი ან დიდი-დიდი ცამეტი წლ-სა ვიქნებოდით. მამაჩემმა თან წამიყვანა ურნეკლოსტერში. არ ვიცო, რა მიზეზით. თავისი სიმამრის ნახვა გადაწყვიტა. კარგა ხანი იყო, არ ენახათ ერთმანეთი, დედაჩემის სიკვდილის შემდეგ, და მამაჩემი ჯერაც არ იყო ნამყოფი იმ ძველ სასახლეში, სადაც გრაფი ბრაუ მოგვიანებით გადასახლდა. ეს უცნაური სახლი, რომელსაც პაპაჩემის სიკვდილის შემდეგ სხვა დაეპატრონა, მერე აღარასდროს მინახავს. ჩემი ბავშვობის მოგონებებში კი ის მთლიან შენობად არც მეცხადება. ერთიანად დაშლილი და დანაწევრებულია ჩემში: აქ ერთი ოთახია, იქით — მეორე და სადღაც ცალკე — დერეფნის ნაწილი, რომელიც ამ ოთახებს კი არ აერთებს, არამედ, თავისთავად, ფრაგმენტისაა არის შემონახული. ამგვარად არ-ს გაბნეული ჩემს ხსოვნაში ყველაფერი. ოთახები, ფართო კიბეები, ასე ზარ-ზეიმით ძირს დაშვებული, და სხვა ვიწრო და ხვეული კიბეები, რომელთა სიბნელეშიც ისე დადიოდა ადამიანი, როგორც სისხლი მილის ძარღვებში. კომ-

კის სენაკები, ზემო სართულებზე დაკიდული აივნებო და პირველი სართულის მოულოდნელი ვერანდები, სადაც პატარა კარით უნებურად ამოჰყოფდი თავს, თითქოს გარეთ გისროლესო. ყველაფერი ეს ისევ ჩემშია და სამუდამოდ ჩემში დარჩება. თითქოსდა სურათი ამ შენობისა თვალუწვდენელი სიმაღლიდან პირდაპირ ჩემი სულის სიღრმეში ჩამოვარდა და გადაიმსხვრა მის საძირკველზე.

მთლიანი სახით, მგონი, მხოლოდ ის დარბაზი შემომინახა მეხსიერებამ, სადაც ვახშმად ვიკრიბებოდით შვიდ საათზე ყოველ საღამოს. ეს დარბაზი დღისით არასოდეს მინახავს, ვერც კი ვინსენებ, ჰქონდა თუ არა ფანჯრები და ეს ფანჯრები სად გადიოდა ყოველთვის, როცა კი იქ შევდიოდით, მძიმე შანდლებში სანთლები ენთო და ყველას მაშინვე ავიწყდებოდა დღის სინათლე, და ყველაფერი რაც გარეთ ენახათ. ეს მაღალი, როგორც მახსოვს, კამაროვანი დარბაზი ყველაზე და ყველაფერზე ძლიერი იყო. თავისი დაბინდული სიმაღლით, თავისი კუთხეებით, ბოლომდე რომ არასოდეს არ ნათდებოდა, იგი იწოვდა თვითუელისგან მთელ წარმოსახვას, დღისით მრღებულ შთაბეჭდილებებს და სანაცვლოდ აღარაფერს არ სთავაზობდა. აქ ყველა იჯდა მოდუნებული: უსურვილოდ, უნებისყოფოდ, ფიქრისა და წინააღმდეგობის გარეშე — თითქოს დარბაზის ბინდში განზავებულიყვნენ, და მათი ადგილები ცარიელი იყო. მაგონდება, რომ ამ გამანადგურებელმა მდგომარეობამ პირველად თითქმის გულისრევა დამმართა, რაღაც ზღვის ავადმყოფობის მსგავსი, რომელსაც მხოლოდ იმით ვძლევდი, რომ, ცალ ფეხს, რაც შემეძლო, ვკვიმავდი და ჩემ წინ მჯდომი მამაჩემის მუხლს ვეხებოდი ხოლმე. მოგვიანებითლა მეცა თვალში, რომ მამაჩემს ეს უცნაური საქციელი, ეტყობოდა, ესმოდა ან ყოველ შემთხვევაში მოსათმენად მაინც მიაჩნდა, თუმცა ჩვენი მამაშვილობა მუდამ გულგრილობით იყო აღბეჭდილი, რის გამოც მისი შემწყნარებლობა ვერაფრით ამეხსნა. მე კი ეს ჩუმი შეხება ძალას მაძლევდა გულის შემაღონებლად გაჭიანურებული სადილი ამეტანა. და რამდენიმე კვირის კრუნჩხვიანი მოთმინების შემდეგ, ბავშვის უსაზღვრო შემგუებლობის წყალობით ისე შევეჩვიე ამ ერთადყოფნის საშინელებას, რომ უკვე სრულიად დაუძაბავად შემეძლო ორი საათი ვმჯდარიყავი მაგიდასთან. ახლა დრო შედარებით სწრაფადაც კი გადიოდა, რადგან მე იმით ვიქცევდი თავს, რომ ყველა იქ მყოფს

ვაკვირდებოდი. პაპაჩემი მათ ოჯახს უწოდებდა და სხვებიც ოჯახი, ოჯახიო, გაიძახოდნენ, რაც თავნებობა გახლდათ ჩემს თვალში და სხვა არაფერი, რადგან, ამ ოთხ პიროვნებას, თუმცა ისინი ერთმანეთს შორეულ ნათესავეებად ხვდებოდნენ, ერთმანეთთან ხომ მაინც არაფერი აკავშირებდა! ბიძაჩემი, ყოველთვის ჩემს გვერდით რომ იჯდა, ერთი მოხუცი კაცი გახლდათ, რომლის კუშტსა და გარუჯულ სახეზე რამდენიმე შავი ლაქა შეიმჩნეოდა, რაც, როგორც შემდეგ შევიტყვე, დენტის აფეთქების შედეგად დარჩენოდა. ეს პირქუში და ბუზლუნა აღამიანი თავის მაიორობასაც ბუზლუნ-ბუზლუნით დამშვიდობებოდა და ახლა ალქიმიურ ცდებს ატარებდა სასახლის ერთ ჩემთვის უცნობ ოთახში და თან, როგორც მსახურთა ლაპარაკიდან დავადგინე, ერთ-ერთ ციხესთანაც ჰქონდა კავშირი, საიდანაც წელიწადში ერთი-ორჯერ გვამებს იღებდა. ამ გვამებთან დღედაღამ იყო ჩაკეტილი, მათ ჰკვეთდა და რაღაც საიდუმლო ხერხებით იმგვარად ამუშავებდა, რომ ხრწნას უძლებდნენ. მის პირისპირ ფროილან მათილდე ბრავს ადგილი იყო. ეს გაურკვეველი ასაკის პიროვნება დედაჩემის შორეული ბიძაშვილი გახლდათ. ამ ქალის შესახებ სხვა არა უწყოდნენ, გარდა იმისა, რომ ცხოველი მიმოწერა ჰქონდა გაჩაღებული ერთ-ერთ ავსტრიელ სპირიტისტთან, თავის თავს თურმე ბატონ ნოლდელ რომ იხსენიებდა, და ფროილან ბრავ ამ კაცს ისე მინდობოდა და ისეთ ერთგულებას უმქლავებდა, რომ ერთ ნაბიჯსაც არა დგამდა მისი დასტურის, ანდა, სულაც, რაღაც კურთხევისდაგვარის გარეშე. იმ ხანად ის განსაკუთრებით მოშვებული იყო. მისი რბილი და მდორე სისავსე დაუდევრად იყო ჩაღვრილი ხე და ნათელ კაბებში. მოძრაობანი მოღლილი ჰქონდა, გაქელი, და თვალეზ განუწყვეტილვ ეცრემლებოდა. და მაინც იყო ამ ქალში, რაც მე ჩემს ნაზსა და ტანკენარ დედას მა-რაც უფრო დიღხანს ვუმზერდი, მით უფრო ცხადლივ უთქვამდი მის სახეში ყველა იმ ნატიფ და უჩუმარ ნაკვთებს, ბოლომდე რომ ველარაფრით გამეხსენებინა დედაჩემის სიკვდილის შემდეგ. და აი ახლა, დღენიადაგ რომ ვუტკებრდი მათილდე ბრავს, ისევ ვიცოდი როგორი იყო გარდაცვლილი. დიახ, ვიცოდი, ცხოვრებაში აღბათ, პირველად. პირველად მხოლოდ მაშინ შეიკა უთვალავ, დეტალისაგან გარდაცვლილის ხატი ჩემს სულში, ხატი, რომელიც ყველგან თან მახლავს. მოგვიანებით ცხადი გახდა ჩემთვის, რომ ფროილან ბრავს მართლაც დედაჩემისნაირი სახის ნაკვთები ჰქონ-

კის სენაკები, ზემო სართულებზე დაკიდული აივნებო და პირველი სართულის მოულოდნელი ვერანდები, სადაც პატარა კარით უნებურად ამოჰყოფდი თავს, თითქოს გარეთ გისროლესო. ყველაფერი ეს ისევ ჩემშია და სამუდამოდ ჩემში დარჩება. თითქოსდა სურათი ამ შენობისა თვალუწვდენელი სიმალიდან პირდაპირ ჩემი სულის სიღრმეში ჩამოვარდა და გადაიმსხვრა მის საძირკველზე

მთლიანი სახით, მგონი, მხოლოდ ის დარბაზი შემომინახა მეხსიერებამ, სადაც ვახშმად ვიკრიბებოდით შვიდ საათზე ყოველ საღამოს. ეს დარბაზი დღისით არასოდეს მინახავს, ვერც კი ვინსენებ, ჰქონდა თუ არა ფანჯრები და ეს ფანჯრები სად გადიოდა ყოველთვის, როცა კი იქ შევდიოდით, მძიმე შანღლებში სანთლები ენთო და ყველას მაშინვე ავიწყდებოდა დღის სინათლე, და ყველაფერი რაც გარეთ ენახათ. ეს მაღალი, როგორც მახსოვს, კამაროვანი დარბაზი ყველაზე და ყველაფერზე ძლიერი იყო. თავისი დაბინდული სიმაღლით, თავისი კუთხეებით, ბოლომდე რომ არასოდეს არ ნათდებოდა, იგი იწოდდა თვითთულისგან მთელ წარმოსახვას. დღისით მიღებულ შთაბეჭდილებებს და სანაცვლოდ აღარაფერს არ სთავაზობდა. აქ ყველა იჯდა მოდუნებული: უსურვილოდ, უნებისყოფოდ, ფიქრისა და წინააღმდეგობის გარეშე — თითქოს დარბაზის ბინდში განზავებულიყვენენ, და მათი ადგილები ცარიელი იყო. მაკონდება, რომ ამ გამანადგურებელმა მდგომარეობამ პირველად თითქმის გულისრევა დამმართა, რაღაც ზღვის ავადმყოფობის მსგავსი, რომელსაც მხოლოდ იმით ვძლევდი, რომ, ცალ ფეხს, რაც შემეძლო, ვკვიმავდი და ჩემ წინ მჯდომი მამაჩემის მუხლს ვეხებოდი ხოლმე. მოგვიანებითა მეცა თვალში, რომ მამაჩემს ეს უცნაური საქციელი, ეტყობოდა, ესმოდა ან ყოველ შემთხვევაში მოსათმენად მაინც მიაჩნდა, თუმცა ჩვენი მამაშვილობა მუდამ გულგრილობით იყო აღბეჭდილი, რის გამოც მისი შემწყნარებლობა ვერაფრით ამეხსნა. მე კი ეს ჩუმი შეხება ძალას მაძლევდა გულის შემადონებლად გაკვიანურებული სადილი ამეტანა. და რამდენიმე კვირის კრუნჩხვიანი მოთმინების შემდეგ, ბავშვის უსაზღვრო შემგუებლობის წყალობით ისე შევეჩვიე ამ ერთადყოფნის საშინელებას, რომ უკვე სრულიად დაუძაბავად შემეძლო ორი საათი ვმჯდარიყავი მაგიდასთან. ახლა დრო შედარებით სწრაფადაც კი გადიოდა, რადგან მე იმით ვიქცევდი თავს, რომ ყველა იქ მყოფს

ვაკვირდებოდი. პაპაჩემი მათ ოჯახს უწოდებდა და სხვებიც ოჯახი, ოჯახიო, გაიძახოდნენ, რაც თავნებობა გახლდათ ჩემს თვალში და სხვა არაფერი, რადგან, ამ ოთხ პიროვნებას, თუმცა ისინი ერთმანეთს შორეულ ნათესავეებად ხვდებოდნენ, ერთმანეთთან ხომ მაინც არაფერი აკავშირებდა! ბიძაჩემი, ყოველთვის ჩემს გვერდით რომ იჯდა, ერთი მოხუცი კაცი გახლდათ, რომლის კუშტსა და გარუჯულ სახეზე რამდენიმე შავი ლაქა შეიმჩნეოდა, რაც, როგორც შემდეგ შევიტყვე, დენტის აფეთქების შედეგად დარჩენოდა. ეს პირქუში და ბუზლუნა ადამიანი თავის მაიორობასაც ბუზლუნ-ბუზლუნით დამშვიდობებოდა და ახლა ალქიმიურ ცდებს ატარებდა სასახლის ერთ ჩემთვის უცნობ ოთახში და თან, როგორც მსახურთა ლაპარაკიდან დაუადგინე, ერთ-ერთ ციხესთანაც ჰქონდა კავშირი, საიდანაც წელიწადში ერთი-ორჯერ გვამებს იღებდა. ამ გვამებთან დღედაღამ იყო ჩაკეტილი, მათ ჰკვეთდა და რაღაც საიდუმლო ხერხებით იმგვარად ამუშავებდა, რომ ხრწნას უძლებდნენ. მის პირისპირ ფროილან მატილდე ბრავს ადგილი იყო. ეს გაურკვეველი ასაკის პიროვნება დედაჩემის შორეული ბიძაშვილი გახლდათ. ამ ქალის შესახებ სხვა არა უწყოდნენ, გარდა იმისა, რომ ცხოველი მიმოწერა ჰქონდა გაჩაღებული ერთ-ერთ ავსტრიელ სპირიტისტთან, თავის თავს თურმე ჰატონ ნოლდელ რომ იხსენიებდა, და ფროილან ბრავ ამ კაცს ისე მინდობოდა და ისეთ ერთგულებას უმქლავებდა, რომ ერთ ნაბიჯსაც არა დგამდა მ-სი დასტურის, ანდა, სულაც, რაღაც კურთხევისდაგვარის გარეშე. იმ ხანად ის განსაკუთრებით მოშვებული იყო. მისი რბილი და მდორე სისავსე დაუდევრად იყო ჩაღვრილი ხალვათსა და ნათელ კაბებში. მოძრაობანი მოღლილი ჰქონდა, გაურკვეველი, და თვალეზ განუწყვეტლივ ეცრემლებოდა. და მაინც რაღაცა იყო ამ ქალში, რაც მე ჩემს ნახსა და ტანკენარ დედას მაგონებდა. რაც უფრო დიდხანს ვუმზერდი, მით უფრო ცხადივ ვხედავდი მის სახეში ყველა იმ ნატიფ და უჩუპარ ნაკვთებს, ბოლომდე რომ ველარაფრით გამეხსენებარა დედაჩემის სიკვდილის შემდეგ. და აი ახლა, დღენიადაგ რომ ვუცქერდი მატილდე ბრავს, ისევე ვიცოდი როგორი იყო გარდაცვლილი. დიახ, ვიცოდი, ცხოვრებაში ალბათ, პირველად. პირველად მხოლოდ მაშინ შეიკრა უთვალავ დეტალისაგან გარდაცვლილის ხატი ჩემს სულში, ხატი, რომელიც ყველგან თან მახლავს. მოგვიანებით ცხადი გახდა ჩემთვის, რომ ფროილან ბრავს მართლაც დედაჩემისნაირი სახის ნაკვთები ჰქონ-

და, — მაგრამ იმგვარად, თითქოს მათში სხვა, უცხო სახე ჩამდგარიყო, და ეს ნაკვთები ერთმანეთისაგან გამიჯნულიყვნენ, გაზიდულიყვნენ და ერთმანეთთან კავშირი დაეკარგათ.

ამ ბანოვანის გვერდით ერთი ჩემი დეიდაშვილის შვილი იჯდა, პატარა, თითქმის ჩემი ასაკის ბიჭი, მაგრამ ტანით უფრო ჩია და სუსტი. ნაოქებმიყრილი ჟაბოდან მისი გალუული და ფერგაცრეცილი ყელი ამოზიდულიყო და მოგრძო ნიკაპქვეშ ქრებოდა. ტუჩები თხელი ჰქონდა და მტკიცედ მოკუმული, ნესტოები ოდნავ უთრთოდა და მისი მშვენიერი მუქი თვალებიდან მხოლოდ ერთი თვალი მოძრაობდა. ეს თვალი ზოგჯერ მშვიდად და ნაღვლიანად გამომცქეროროდა, მაშინ, როდესაც მეორე მუდამ ერთ კუთხეში იყო მიმართული, თითქოს იქ გაეყიდათ და ახლა სათვალავში აღარ აგდებდნენ.

მაგიდის თავში პაპაჩემის უზარმაზარი სავარძელი იდგა, რომელსაც მსახური, სხვა რომ არაფერი ევალებოდა, მაგიდას უდგამდა. ზოგიერთები ამ ოდნავ ყრუსა და მბრძანებლურ მოხუც თავადს, სავარძელში ერთი ბუწო ადგილი რომ ეკირა, მის აღმატებულებასა და ჰომეარშალს უწოდებდნენ, სხვანი კი — გენერალს. და რა თქმა უნდა, პაპაჩემს მართლა ჰქონდა ყველა ეს წოდება, მაგრამ მას შემდეგ იმდენ წყალს ჩაეელო, რომ ამდაგვარი მიმართვები უკვე გაუგებარი ხდებოდა. მე კი საერთოდ მეჩვენებოდა, რომ ამ, დროდადრო ასე მკვეთრ, თუმცა საერთოდ დიფუზიურ პიროვნებაში არც ერთ განსაზღვრულ სახელს არ შეეძლო ფეხის მოკიდება. მისთვის პაპის დაძახება ვერ გამებედა, თუმცა ის ზოგჯერ მეგობრულად მეკიდებოდა, თავისთანაც მიხმობდა ხოლმე და თან ცდილობდა ჩემი სახელი ხუმრობის კილოთი წარმოეთქვა. საერთოდ, მთელი ოჯახის დამოკიდებულება ამ კაცისადმი მოწიწებითა და რიდით იყო აღბეჭდილი. მხოლოდ პატარა ერიკს აკავშირებდა რაღაც ნდობით აღსავსე მეგობრობა სასახლის ხანდაზმულ ბატონ-პატრონთან. მისი მოძრავი თვალი დროდადრო გრაფს შეთანხმებულ მზერას ესროდა და მას უმაღვე ეგებებოდა მოხუცის მზერაც. იმის დანახვაც შეიძლებოდა, როგორ გამოჩნდებოდნენ ხოლმე ნაშუადღევს გრძელი გალერეის ბოლოში და ხელიხელჩაკიდებულნი როგორ მისდევდნენ კედლის ძველთაძველ და მუქ ნახატებს; უსიტყვოდ, ჩანს, რაღაც სხვა გზით ერთმანეთთან მოსაუბრენი.

თითქმის მთელი დღე გარეთ ვიყავი: პარკში, ტყეში ანდა მონდორზე. თანაც, ჩემდა საბედნიეროდ, ურნეკლოსტერში ძაღლებიც

იყენენ, ნიადაგ გვერდით რომ დამყვებოდნენ. აქა-იქ მოიჭარეთა სახლები იდგა და რძის ფერმები, სადაც რძეს, პურსა და ხილს მთავაზობდნენ. მგონი, ჩემი თავისუფლებით საკმაოდ უზრუნველად ვტკბებოდი და აღარც შიშნულ ფიქრებს ვეძლეოდი სალამოს შეხვედრების გამო, განსაკუთრებით ბოლო ხანებში. თითქმის არავის ვესიტყვებოდი, რადგან სიხარულს მანიჭებდა ეს მარტოობა. ზოგჯერ ძაღლებს თუ გავუბამდი მოკლე საუბარს. შესანიშნავად ვუგებდით ერთმანეთს. დუმილი, სხვათა შორის, ჩვენი საერთო ოჯახური თვისება გახლდათ. მას ჯერ კიდევ მამაჩემისგან ვიცნობდი კარგად და არ მიკვირდა, რომ მაგიდასთან თითქმის არაფერი იღებდა ხმას.

თუმცა ჩვენი ჩამოსვლის პირველ დღეებში მატრლდე ბრაე უაღრესად სიტყვამრავლობდა. ის ეკითხებოდა მამაჩემს საზღვარგარეთის ქალაქების ძველ ნაცნობებზე, იგონებდა ძალზე შორეულ შთაბეჭდილებებსა და შემდეგ თვითონვე უჩუყდებოდა გული და ლამის ეტირა, როცა გარდაცვლილ მეგობარ ქალებს იხსენებდა და ვილაც ყმაწვილს, რომელსაც, როგორც თავად მიგვანიშნა, ქალბატონი ბრაე ჰყვარებოდა; მაგრამ ვაჟის დაქინებულ და უსასოო ლტოლვისათვის მას თურმე არ ეთანაგრძნო, მამაჩემი თავაზიანად უსმენდა, დასტურის ნიშნად ზოგჯერ თავს ხრიდა და მხოლოდ მაშინ პასუხობდა, როცა აუცილებელი იყო, ხოლო გრაფი, მაგიდის თავში, განუწყვეტლივ ილიმებოდა თავისი ქვემოთ დაშვებული ტუჩებით. ამ დროს მისი სახე ჩვეულებრივზე დიდი მოსჩანდა, თითქოს ბერიკაცი ნიღაბს ატარებო. ზოგჯერ თავადაც ლაპარაკობდა, მაგრამ მისი ხმა არაფისკენ არ იყო მიმართული, და თუმცა ძალზე ჩუმად ჟღერდა, მთელს დარბაზში ისმოდა მაინც. მას ჰქონდა რაღაც, საათის თანაბარი და გულგრილი სვლისა. თითქოსდა ამ ხმის გარემომცველ სიჩუმეს თავისი საკუთარი, ცარიელი რეზონანსი გააჩნდა, ერთი და იგივე ყოველი მარცვლისთვის.

გრაფი ბრაე განსაკუთრებით საჭირო თავაზიანობად მიიჩნევდა, მამაჩემთან მის გარდაცვლილ მეუღლეზე, დედაჩემზე ელაპარაკა. იგი დედაჩემს გრაფინია სიბილას უწოდებდა და ყველა მისი წინადადება ისე მთავრდებოდა, თითქოს მოხუცი კითხულობდა, სად არისო. დიახ, თავად არ ვიცი, რატომ, მაგრამ მაშინ მეჩვენებოდა, რომ პატარა და თეთრკაბიან გოგონაზე ლაპარაკობდნენ, რომელიც ყოველ წუთს შეიძლებოდა შემოსულიყო. და მე ვუსმენდი მოხუც

თავადს — ამავე ტონით მომუსაიფეს „ჩვენს პატარა ანა-სოფიზე“. და როცა ერთხელ ვიკითხე, თუ ვინ იყო ეს ქალიშვილი, რომელიც, პაპას განსაკუთრებით უნდა ჰყვარებოდა, გავიგე, რომ ის გროსკანცლერ კონრად რევენტოლოვის ასულს გულისხმობდა, ოდესღაც ფრიდრიჰ მეოთხის¹⁵ მორგანტულ მეუღლეს, რომელიც აგერ უკვე საუკუნენახევარი იყო როსკილლეში¹⁶ განისვენებდა. დროითი თანმიმდევრობა მისთვის არაფერს ნიშნავდა, სიკვდილი — უმნიშვნელო შემთხვევად მიაჩნდა და ერთიანად უგულვებელ-ჰყოფდა. პიროვნებები, ვინც კი ერთხელ მეხსიერებაში აღებუჭდა, სულ იქ არსებობდნენ და მათი სიკვდილი იოტისოდენა ცვლილება-საც კი ვერ იწვევდა. მოხუცის გარდაცვალებიდან რამდენიმე წლის შემდეგ ჰყვებოდნენ, რომ მომავალსაც ასე ჭიუტად აღიჭვამდა ის თურმე აწმყოდ. ამბობდნენ, რომ თურმე თავადი ერთხელ ხან-გრძლივად ესაუბრა ერთ ახალგაზრდა ქალს, ამ ქალის ვაჟებზე, განსაკუთრებით ერთ-ერთის შორეულ მოგზაურობაზე, ისე რომ ნორჩი ქალბატონი, რომელიც თავისი პირველი ფეხმძიმობის შესამე თვეში გადამდგარიყო, საშინელებისაგან გონდაკარგული იჯდა გაუ-თავებლად მომასლაათე მოხუცის გვერდით.

მაგრამ ყველაფერი იმით დაიწყო, რომ ვიციინოდი. დიახ, მე ხმა-მალლა ვიციინოდი და ვერაფრით ვერ ვჩერდებოდი. საქმე ის გახლ-დათ, რომ ერთ საღამოს მატყლდე ბრაე გვაკლდა ვახშამზე. მოხუ-ცი, თითქმის სრულიად დაბრმავებული მსახური კი მის ცარიელ სკამთან რომ მივიდა, წელში მოიხარა, ლანგარი გაიწოდა, ერთ წამს ასე გაშეშდა და შემდეგ თითქოს ყველაფერა წესრიგშიაო კმაყო-ფილმა ღირსეულად განაგრძო გზა. ეს სცენა პირველად სასაკილოდ სულ არ მომჩვენებია, მაგრამ ცოტა ხნის შემდეგ, როცა ლუკმა უკვე პირში მქონდა, სიცილი ისეთი სისწრაფით ამივარდა თავში, რომ ლუკმა ყელში გამეჩხარა და უსაშველო ხველა და ფხუკუნი აპი-ტყდა. მიუხედავად იმისა, რომ მდგომარეობა ჩემთვისაცვე უხერხული იყო, მიუხედავად იმისა, რომ ყოველ ღონეს ვხმარობდი, რათა სე-რიოზული სახე მიმელო, სიცილს ვერაფრით ვიკავებდი და მთელი საზოგადოება მე მომჩერებოდა.

მამაჩემმა, ჩემი საქციელი რომ დაეფარა, თავისი ძლიერი და დახშულა ხმით იკითხა: „მატილდე ავად არის?“ პაპაჩემმა თავი-სებურად გაიღიმა და უპასუხა ერთი წინადადებით, რომელსაც, იმ წუთას, რაკი საკუთარი თავი გამჭირვებოდა, ყურადღება არ მივაქ-

ციე და რომელიც დაახლოებით ასე უღერდა — „არა, მაგრამ არ სურს ქრისტიანესთან შეხვედრა“. არც ის ჩამითვლია ამ სიტყვების ზემოქმედებად, რომ ჩემი მეზობელი, შავგვრემანი მაიორი უცბად წამოდგა, რაღაც მობოდიშებასავით ჩაიბურღლუნა, გრაფს თავი დაუკრა და დარბაზი დასტოვა. მხოლოდ ის მეცა თვალში, რომ თავადის ზურგს უკან, კარში ერთხელ კიდევ შემოტრიალდა და პატარა ერიკს და, ჩემდა უსაზღვროდ გასაოცრად, აგრეთვე მეც, რაღაცის მინიშნება და ხელის ქნევა დაგვიწყო, თითქოსდა ჩვენც გარეთ გვიხმობდა. ისე განვცვიფრდი, რომ სიცილი დამეხსნა. ისე კი მაიორისთვის ამ წუთიდან არავითარი ყურადღება აღარ მიმიქცევია, ეს კაცი არ მსიამოვნებდა და ისიც შევნიშნე, რომ არც პატარა ერიკს ჩაუგლია აინუნში.

სადილი, როგორც ყოველთვის, ნელა მიიზღაზნებოდა და ის- ის იყო დესერტზე გადავედით, რომ ჩემი მზერა ერთმა მოძრაობამ მიიპყრო და გაიყოლა, მოძრაობამ, რომელიც დარბაზის ნახევრად ბნელ სიღრმეში შევნიშნე. იქ ერთი, როგორც მეგონა, ყოველთვის ჩარაზული კარი, რომელზეც მითხრეს, შუა სასახლეში გადისო, ნელ-ნელა გაიღო და მე, ცნობისწადილისა და ვაოგნების რაღაც უცნობი განცდით შეპყრობილმა, დავინახე, როგორ გამოვიდა სიბნელიდან თეთრებში ჩაცმული, კენარი ქალი და ჩვენსკენ როგორ გამოემართა. არ ვიცი, რაიმე მოძრაობა წამცდა თუ რაღაც ხმა აღმომხდა, გადაბრუნებული სკამის ხმაურმა მაიძულა, ამ საოცარი აჩრდილისთვის თვალი მომეწყვიტა და მე დავინახე მამაჩემი, რომელიც წამომხტარიყო და ცხედარივით გაფითრებული, ჩამოშვებული, მომუშტული ხელებით ქალისაკენ მიდიოდა ის კი, სრულიად აუღელვებლად მოიწევდა, ნელა, ნაბიჯ-ნაბიჯ. უკვე ახლოს იყო გრაფის საეარძელთან, როცა უკანასკნელი წამოხტა, მამაჩემს ხელში ხელი სტაცა, მაგიდასთან დააბრუნა და მტკიცედ შეაჩერა. ამასობაში უცნობმა ქალმა ნელა და უშფოთველად, ნაბიჯ-ნაბიჯ განვლო განთავისუფლებული ადგილი, ენით აუწერელ სიჩუმეში, სადაც მხოლოდ ანათრთოლი ჭიქა წკრიალებდა და მოპირდაპირე კედელში დატანებულ კართან გაუჩინარდა. ამ დროს შევნიშნე, რომ ეს პატარა ერიკი იყო, ვინც უცნაურად წელში მოხრილმა კარი მიხურა ქალის ზურგს უკან.

მე ერთადერთი დავრჩი მაგიდასთან. ისე ჩავმძიმდი ჩემს სავარძელში, ასე მეგონა, დაუხმარებლად ველარასოდეს წამოვდგე-

ბოდი. ერთ ხანს ისე ვიყურებოდი, ვერაფერს ვხედავდი, შემდეგ მამაჩემი გამახსენდა და შევნიშნე, რომ პაპაჩემს ისევე მაგრად ეჭირა ხელით. მამას სახეზე მრისხანება ეხატა და სისხლი მოსწოლოდა. პაპაჩემი კი, ვისი თითებიც თეთრი ბრჭყალებივით შემოსალტოდა მამაჩემის მკლავს, ისევე თავისი ნიღბის ღიმილით იღიმებოდა. შემდეგ გავიგონე, რომ რაღაცა თქვა, დამარცვლით, თუმცა ნათქვამის აზრს მაშინ ვერ მივხვდი, მაგრამ, როგორც ჩანს, ღრმად ჩამივარდა ეს სიტყვები სმენის წიაღში, რადგანაც ორიოდ წლის შემდეგ, ჩემი ხსოვნის ფსკერზე ვიპოვე და მას შემდეგ ვიცი ისინი. მან თქვა: „ფიცხი ხარ კამერპერო, და უზრდელი. რად უშლი ხალხს, თავისი საქმე აკეთოს?“ „ვინ არის ის ქალი?“ — დაიყვირა მამაჩემმა. „ის, ვისაც, დიხაც, უფლება აქვს, აქ, ჩვენთან იყოს, არავინ უცხო. ქრისტინე ბრაე!“ — და უცნაურად სიფრთვანა სიჩუმე ჩამოწვა ისევე და ჰიქამაც ისევე დაიწყო თრთოლვა. შემდეგ კი, ანაზღეულად მამაჩემი მკვეთრი მოძრაობით წამოიჭრა და დარბაზიდან გავარდა.

მთელი ღამე მესმოდა, როგორ სცემდა ბოლთას თავის ოთახში, რადგან არც მე შეძინა. მაგრამ უეცრივ გამთენიისას ძილბურანიდან გამოვერკვე და შიშით მთლიანად მოღუნებულმა დავინახე, რომ რაღაც თეთრი ჩემს საწოლზე ჩამომჯდარიყო. სასოწარკვეთამ ძალა მომცა, თავი საბანში ჩამემალა. იქ კი შიშისა და უმწეობისაგან ტირილი დავიწყე. მაგრამ უეცრივ რაღაც სიგრილე და სინათლე ვიგრძენი ჩემს ცრემლიან ქუთუთოებზე. მე თვალები რაც შემეძლო მაგრად მოვხუჭე, ცრემლებიც შიგ გამოვიმწყვედი, რათა არაფერი დამენახა, მაგრამ ხმა, სულ ახლოდან რომ შემესიტყვა, მდორედ და ტკბილად მეფინებოდა სახეზე და მე ვიცანი: ეს ფროილანინ მატლედეს ხმა გახლდათ. წამსვე დავწყნარდი, მაგრამ თავს მაინც დიდხანს ვამშვიდებინებდი. თუმცა კი ვგრძნობდი, ეს გულისხმიერება მეტისმეტად რბილი რომ იყო და უნიათო, მაგრამ მაინც ვტკბებოდი იმით და რაცაღნაირად დამსახურებულადაც ვთვლიდი.

„ღეიდა“, — მივმართე ბოლოს, და შევეცადე მის გაღვრილ სახეში დედაჩემის ნაკვთები შემეკრიბა, — „ღეიდა, ვინ იყო ის ქალი?“ „ოჰ, — ფროილანინ ბრაემ ისე ამოიოხრა, რომ მაშინ სასაცილოდ მომეჩვენა, — ერთი უბედური, ჩემო ბიჭუნა, ერთი უბედური“.

დილით ერთ ოთახში მოფუსფუსე მსახურნი შევნიშნე, ბარგს რომ ფუთავდნენ. გავიფიქრე, მივემგზავრებით-მეთქი, რაც სრულიად ბუნებრივად მომეჩვენა. შეიძლება ეს მამაჩემის სურვილი იყო, მაგრამ ვერასოდეს გავიგე, რამ აიძულა, იმ საღამოს შემდეგ კიდევ დარჩენილიყო ურნეკლოსტერში: არ გავემგზავრეთ. კიდევ რვა-ცხრა კვირას დავყავით ამ სახლში, მორჩილად ვითარგუნებოდით მისი უცნაურობებით და ქრისტინე ბრაეც კიდევ სამჯერ ვიხილეთ.

შე არაფერი ვიცოდი მაშინ ამ ქალის შესახებ. არ ვიცოდი, რომ ქრისტინე ბრაე, დიდი ხნის წინათ მეორე მშობიარობას გადაჰყოლოდა და დაეტოვებინა ბიჭი, რომელიც იზრდებოდა და შემადრწუნებელ ბედისწერას უახლოვდებოდა. მე არ ვიცოდი, რომ ის გარდაცვლილი იყო. მამაჩემმა კი იცოდა და ნუთუ ამ მლეღვარე, თანმიმდევრობისა და სიცხადისაკენ მიდრეკილ ადამიანს სურდა თავი აეძულებინა, რათა თავდაპირველად და კითხვების გარეშე გაეძლო ამ თავგადასავლისთვის? და შე ვხედავდი, თუმც არ მესმოდა, როგორ ებრძოდა ის თავის თავს და ისიც ვიკრძენი. თუმცა ვერ ჩავწვდი, რომ სძლია ბოლოს.

ეს მოხდა მაშინ, უკანასკნელად როცა ვნახეთ ქრისტინე ბრაე, ამჯერად ფროილან მათილდეც იჯდა სუფრასთან, მაგრამ სრულიად სხვაგვარი იყო. ისევე, როგორც ჩვენი ჩამოსვლის პირველ დღეებში, შეუჩერებლივ ლაპარაკობდა, და თან ყოვლად არათანმიმდევრულად, ნიადაგ იბნეოდა და რაღაცა ფიზიკური მოუსვენრობაც ემჩნეოდა, რაც აიძულებდა, განუწყვეტლივ ხან თმა, ხან კაბა ესწორებინა, ვიდრე მოულოდნელად ხმამაღლა და მოთქმით არ წამოიკივლა და სავარძლიდან ზეწამოქრილი არ გაუჩინარდა: იმავე წუთს ჩემდაუნებურად იმ საიდუმლო კარისაკენ მივმართე მზერა და მართლაც, შემოვიდა ქრისტინე ბრაე. ჩემს გვერდით მჯდომ მაიორს რაღაც მკვეთრი და მოკლე მოძრაობა წასცდა, ჩემს სხეულში რომ გადმოიზარდა, მაგრამ, როგორც ჩანს, ძალა აღარ ეყო სავარძლიდან წამოსადგომად. თავის ყავისფერ, ბებერ, დალაქულ პირისახეს ზან ერთ ჩვენგანს შოაპყრობდა, ხან მეორეს. პირა დაეღო და მისი ენა წამხდარი კბილების უკან მიმალულიყო. შემდეგ ერთბაშად ეს სახე გაქრა და მაგიდაზე მისი ჭალარა თავი აღმოჩნდა. მკლავები თითქოს დამსხვრეოდა და ნატეხებად ეყარა —

თავზე და თავქვეშ და საიდანლაც მოჩანდა მისი დამჰკნარი და და-
ლაქული ხელის მტევანი და ცახცახებდა.

და აი, ქრისტინე ბრაემ გვერდით ჩაიარა, ნაბიჯ-ნაბიჯ, სნეუ-
ლივით ნება-ნება, ერთ აუწერელ სიჩუმეში, რომელსაც ერთად-
ერთი, თითქოსდა ძაღლის მიერ გამოცემული ღრქიალა ბგერა არ-
ღვევდა მხოლოდ. და მაშინ, მაჩაცხნიდან, სადაც ვერცხლის ვეება,
ნარგიზებით ავსებული გედი იდგა, გადმოიწია მოხუცის ნაცრის-
ფერღიმლიანი დიდი ნილაბი. მან თავისი ღვინის ჭიქა ასწია და
მამაჩემისკენ გამოიწოდა. და მე დავინახე, რომ მამაჩემი, სწორედ
მაშინ, როცა ქრისტინე ბრაემ სავარძლის უკან ჩაუარა, სწვდა თა-
ვის ჭიქას და როგორც რაღაცა ძალიან მძიმე, ისე აიღო მაგიდიდან.
იმავე ღამით ჩვენ გავემგზავრეთ.

მროვნული ზიკლიოთიაა

ვზივარ და ერთ პოეტს ვკითხულობ. დარბაზში ბევრი ხალხია. მაგ-
რამ არ იგრძნობა; ყველანი წიგნებში ჩაფლულან, დროდარო ფურ-
ცელსა და ფურცელს შორის ამოძრავდებიან, მძინარე ადამიანებო-
ვით, გვერდს რომ იცვლიან ორ სიზმარს შორის. ეჰ, რა კარგია მკითხ-
ველთა შორის ყოფნა! რატომ არ არიან ადამიანები მუდამ ასეთ-
ნი? შეგიძლია რომელიმესთან მიხვიდე და წყნარად შეეხო: ვერც
კი იგრძნობს. და თუ ადგომისას შენს მეზობელს ოდნავ მხარს გაპ-
კრავ და მოუბოდიშებ, ის თავს დაიქნევს იმ მხარეს, საიდანაც შენი
ხმა ესმის, მისი სახე შენსკენ ბრუნდება და ვერ კი ჭხედავს. და თმაც
რეთი აქვს, როგორც მძინარე ადამიანს. რა სიამოვნების მომგვრელია
ეს ყოველივე. და მე ვზივარ და მყავს პოეტი. ჩემი პოეტი. სწო-
რედ რომ ბედია. ახლა დარბაზში სამასი კაცი მაინც ზის და კი-
თხულობს. მაგრამ შეუძლებელია, თვითელს სათითაო პოეტი
ჰყავდეს (ღმერთმა უწყის ვინა ჰყავთ და ვის კითხულობენ). სამასი
პოეტი არც არსებობს. მაგრამ შეხე, რა იღბალია, რომ მე, ვინ
იცის, ალბათ ყველაზე უბადრუკს ამ მკითხველთაგან, ვილაც უცხო-
ელს, — მე მყავს პოეტი, თუმცა ღარიბი ვარ, თუმცა ჩემი კოსტი-
უმი, გაუხდელად ზედ რომ მაცვია, ალაგ-ალაგ უკვე გაწყალ-
და და არც ჩემს. ფეხსაცმელებს გაუღდის ბზინვა. სამაგიეროდ, სა-
ყელო მაქვს ქათქათა, პერანგიც, და მე შემიძლია ასე. როგორც
ვარ, ყველა საშაქარლამოში შევიდე, თუნდაც ბულვარზე, ხელით

მშვილად შეეგებო ნამცხვრების სინს და რაიმე ავილო. თვალში არავის არაფერი არ ეცემოდა, არ დამტუქსავდა და გარეთ არ მიმბრძანებდა, რადგან ასე თუ ისე, ეს მაინც თავადური ხელია, დღეში ოთხჯერ თუ ხუთჯერ რომ იბანენ. დიახ, ფრჩხილებქვეშ კუპუს ვერ შეამჩნევთ, არც სალოკი თითია მელნით დასვრილი და განსაკუთრებით კი მაჯებია უზადო. ღარიბები აქამდე არ იბანენ ხელებს. ცნობილი ფაქტია. ასე რომ, მაჯების სისუფთავით გარკვეული დასკვნის გამოტანა შეიძლება. გამოაქვთ კიდევ. მალაზიებში გამოაქვთ დასკვნა. მაგრამ ისეთი სუბიექტებიც არსებობენ, წმინდა მიშელის ბულვარზე, მაგალითად, ანდა რასინის ქუჩაზე, თავს რომ არავის გააცურებინებენ. მათ ფეხებზე ჰკიდიათ სუფთა მაჯები, შემომხედავენ და უკვე იციან. იციან, რომ სინამდვილეში მათი წრისა ვარ. რომ პატარა კომედიას ვთამაშობ მხოლოდ. ახლა ხომ ყველიერია და მათაც არ უნდათ, თამაში ჩამიშალონ. მხოლოდ ჩაიქირქილებენ და თვალს ჩამიკრავენ და ვერავენ ვერაფერს ამჩნევს. სხვა მხრივ კი როგორც თავადს, ისე მეპყრობიან. მეტადრე თუკი ვინმეა იქვე; მაშინ ხომ სულ მსახურებივით ირჯებიან. თავი ისე უჭირავთ, თითქოს ქურქი მეცვას და უკან საკუთარი ავტო მომდევდეს. ხანდახან მათ ორ ჯუს ვაძლევ და შიშით ვკანკალებ. უარი არ მითხრან-მეთქი. მაგრამ ისინი ფულს მართმევენ. და ყველაფერი რიგზე იქნებოდა, ეს ჩაცინება რომ არა და ეს თვალის, ჩაკრა. ვინ არის ეს ხალხი საერთოდ? რა უნდათ ჩემგან? მე მელოდებიან? რითი მცნობენ? მართალია, ჩემი წვერი ცოტა მოუვლელად გამოიყურება და ოდნავ, სულ ოდნავ, მათ ავადმყოფურ, ბებერ, გახუნებულ წვერებს წააგავს, მუდამ რომ შთაბეჭდილებას ახდენს ჩემზე, მაგრამ განა არა მაქვს იმის უფლება, რომ დაუდევრად მოვექცე ჩემს წვერს? ბებერი მოუცლელი კაცი იქცევა ასე და ხომ არავის მოუვა თავში, ამის გამო ის ცხოვრებიდან გაძევებულთ მიაკუთვნოს? რადგან სრულიად ცხადია ჩემთვის, რომ ესენი გაძევებულნი არიან და არა მხოლოდ მათხოვარნი. არა, ესენი, კაცნა რომ თქვას, სულაც არ არიან მათხოვრები. განახვავება უნდა შეგეძლოს. ესენი ადამიანთა ნაცარტუტა და ნარჩენებია, ბედმა რომ ზიზლით გადმოაფურთხა. ბედისწერის მთარახქვეშ გაოფლილნი, ისინი ეკვრიან კედელს, ლამპიონისა თუ რეკლამის ბოძს ანდა ქუჩაში თავქვე მიედინებიან და კუპუსიანსა და ბნელ კვალს სტოვებენ.

ღვთის გულსათვის, რა სურდა იმ დედაბერს ჩემგან, ხან აქ და ხან იქ თითქოსდა ხვრელიდან რომ ამოძვრებოდა ხოლმე და თან ტუმბოს უჯრას დაათრევდა, სადაც თითო-ოროლა ღილი და ნემსი დაუგორავდა. რისთვის მომდევლა მულამ გვერდზე და მაკერდებოდა? თითქოსდა სურდა, ამოვეციანი, ისე მომშტერებოდა თავისი წყლიანი თვალებით, თვალებით, რომელთა დაწყულულებულ ქუთუთოებს შორის თითქოსდა ვიღაც სნეულს მწვანე ნერწყვი შეეფურთხებინა. როგორ მივიღა ეს პატარა და ნაცრისფერი ქალი იქამდე, რომ ერთ-ერთი ვიტრინის წინ მთელი თხუთმეტი წუთი ჩემს გვერდით იდგა და თან ძველსა და გრძელ ფანქარს მიიწვენებდა, უსასრულოდ ნელა რომ იწევდა მისი სახიჩარი და მომუშტული ხელებიდან? მე თავი ისე მეჭირა, თითქოს გამოფენილ საგნებს ვათვალიერებდი და სხვას არას ვამჩნევდი. მან კი იცოდა, რომ დავინახე ყველაფერი, მან იცოდა, რომ ვიდექი და ვფიქრობდი ახლა, თუ რას სჩადიოდა დედაბერი ბოლოს და ბოლოს. რადგან ფანქარი რომ არფერ შუაში იყო, რაღა თქმა უნდა, მაშინვე მივხვდი; ვიგრძენი, ეს იყო ნიშანი, ნიშანი თანამოაზრესათვის, ნიშანი, უმალ რომ სცნობენ გაძევებულნი. მივხვდი, იგი მანერწნებდა, სადაც მივსულიყავი, და რაღაც გამეკეთებინა. ყველაზე საკვირველი კი ის გახლდათ. რომ ვერ მომეშორებინა განცდა: თითქოს ჩვენს შორის მართლაც არსებობდა რაღაც გარკვეული შეთანხმება, რომელსაც ეს ნიშანი გამოხატავდა და მთელი ეს სცენა ისეთ რამეს წარმოადგენდა. რასაც არსებითად ველოდი კიდევ.

ეს ორი კვირის წინათ მოხდა, მაგრამ ახლაც დღე არ გაუა, რომ ასეთ ხალხს არ გადავეყარო. უეცრად ვინმე პატარა კაცი ან დედაბერი გამოჩნდება და თავს მიქნევს მუნჯად, ანდა რაღაც საგანს მიჩვენებს და ისევ ქრება, თითქოს რაც საჭირო იყო, ყველაფერი გააკეთათ და ეს მხოლოდ შუადღის ზომშიმით ჩამობნელებულ ქუჩაში კი არ მოხდება, არა, ისიც დასაშვებია, რომ ერთ მშვენიერ დღეს აზრად მოუვათ და ჩემსავე სახლში მომადგებიან. მათ ხომ ნამდვილად ეცოდინებათ, სადაც ცეცხოვრობ და იმასაც მშვენივრად მოახერხებენ, რომ მკვარემ არც გააჩეროს. მაგრამ აქ, ჩემო ძვირფასებო, აქ კი თქვენგან არავითარი საფრთხე არ მელის. საგანგებო საშვი უნდა წარმოადგინოთ, იმისათვის, რომ შენობაში შემოადწიოთ. ამ საშვით კი მე თქვენ გჯობივართ. თითქოსდა ოდნავ შიშნეულად გავივლი ქუჩას, როგორც შეიძლება კაცს მოეჩვენოს,

მაგრამ ბოლოს მივადგები ამ მინის კარს, შევალე, ისე, თითქოს შინ ვიყო, უახლოეს შესასვლელში ვაჩვენებ ჩემს საშვს, (ზუსტად ისევე, თქვენ, რომ მიჩვენებთ ხოლმე თქვენს ნიეთებს, ოღონდ იმ განსხვავებით, რომ აქ მაშინვე ესმით ჩემი და ხედებიან, თუ რას ვგულისხმობ) — და შემდეგ უკვე წიგნებს შორის ვარ, თქვენგან მოწყვეტილი, ვითარცა მკვდარი და ვზივარ და ვკითხულობ ერთ პოეტს.

არ იცით, რას ნიშნავს პოეტი? — ვერლუნდი¹⁷. არა? არ გახსენდებათ? არა. არ გამოგირჩევიათ იმ ხალხისაგან, ვისაც თქვენ იცნობთ? თქვენ არ ასხვავებთ, საერთოდ, ვიცი. მაგრამ ეს სულ სხვა პოეტია¹⁸, ვისაც ვკითხულობ. მას პარიზში არ უცხოვრია, სულ სხვაა იგი. ეს არის კაცი, ვისაც მთებში მყუდრო სახლი აქვს. სახლი, რომელიც ზარივით რეკს სუფთა პაერში. ბედნიერი პოეტი, თავის ფანჯრებზე რომ მოგვიტარებს და წიგნის კარადის წებინულ კარზე, საყვარელსა და მარტოსულ სივრცეს რომ ირეკლავს ჩაფრჩხილებული. სწორედ ისეთი პოეტია, როგორც მე მსურდა გაცემლარიყავი. რადგან მან ასე ბევრი რამ იცის გოგონებზე და მეც ბევრი რამ მეცოდინებოდა მათზე. მან იცის იმ გოგონათა ამბავი, მთელი ასი წლის წინ რომ ცხოვრობდნენ. არაერთი მნიშვნელობა აღარა აქვს, რომ ახლა ისინი მკვდრები არიან, რადგან მან იცის ყველაფერი და მთავარი სწორედ ეს არის. პოეტი გამოთქვამს მათ სახელებს, ამ ჩუმსა და ნატიფად გამოყვანილ სახელებს მოგრძო ასოების ძველმოდური ჩუქურთმებით და მოზრდილ სახელებს მათი უფროსი დობილებისა, სადაც ცოტა ბედისწერა უკვე გაისმის, მკირეოდენი გულგატეხა და სიახლოვე სიკვდილისა. ვინ იცის, ეგებ მისი წითელი ხის მაგიდის ერთ-ერთ უჯრაში ამ გოგონათა გაცრეცილი წერილები ძევს და დღიურების ამოცვენილი ფურცლები, სადაც დაბადების დღეებია აღნიშნული, პიკნიკები, დაბადების დღეები. ანდა ეგების საძინებელ ოთახში, მშუკლიანი კომოდის ერთ-ერთ უჯრაში მათი საგაზაფხულო კაბები აქვს გადანახული თეთრი კაბები, სააღდგომოდ რომ იცვამდნენ პირველად, წინწკლებიანი ჩითის კაბები, უფრო ზაფხულს რომ შეეფერება, ზაფხულს, გოგონები რომ აღარ უცდიდნენ.

რა იღბალია, რომ ასე იჯდე ნამემკვიდრევი სახლის მყუდრო ოთახში, მარტოოდენ უჩუმარ და უძრავ საგანთა შორის და პირველ წიწკანებს მიუგდო ყური, თავიანთ თავს რომ სცდიან კიკიკი-

ში გარეთ, მსუბუქი, მომწვანო ბალში. ასე იჯდა და ნასამხრევის მზის თბილ ქაველს უცქერდნენ, ბევრი იცოლდნენ ადრე გარდაცვლილ გოგონებზე და პოეტი იყო.

ძნელია, როცა ფიქრობ, რომ შენც ასეთი პოეტი გამოხვიდოდი, ცხოვრების ნება რომ გქონოდა სადმე, სადმე, ამქვეყნად, სადმე სოფელში, ერთს რომელსამე მიგდებულ სახლში, აღარავინ რომ აღარ აკითხავს. მხოლოდ ერთ ოთახს დავიკავებდი (ნათელ ოთახს სახლის ფრონტონზე) და ვიცხოვრებდი ჩემს ძველ ნივთებთან, საოჯახო ალბომებსა და წიგნებთან ერთად. ძაღლები მეყოლებოდა, ერთი სავარძელი მექნებოდა, ყვავილები, და ერთიც მაგარი ყვავარჯენი ქვა-ლორღიანი ბილიკებისთვის. სხვა არფერი. მხოლოდ და მხოლოდ ერთი წიგნი, მოყვითალო, სპილოსძვლისფერ ტყავში ჩამოშლილი, ძველი, ყვავილებიანი ემბლემით. მე იქ ჩავწერდი, ბევრს ჩავწერდი, რადგან მრავალი ფიქრი მექნებოდა და მოგონებანი მრავალ ადამიანზე.

მაგრამ სულ სხვაგვარად აეწყო ცხოვრება და ღმერთმა უწყის რატომ და რისთვის. ჩემი ძველი ავეჯი ერთ ფარდულში ინესტება, სადაც მისი დადგმის ნება დამართეს. ხოლო მე თავად, ო, ღმერთო, ჩემო, ქერი არა შაქვს თავზემთ და მაწვიმს თვალბში.

ზოგჯერ პატარა მალაზიებს მივუყვები სენის ქუჩაზე. ძველი ნივთებით მოვაჭრენი, წიგნის პატარა ბუკინისტური მალაზიები, ანდა სპილენძის გრავიურათა ჯამყიდველები თავიანთი პირთამდე სავსე ვიტრინებით. მათთან არავინ შედის. თითქოს არც კი ვაჭრობდნენ. თუ შეიხედავ, დაინახავ, როგორ სხედან უზრუნველად და წიგნს კითხულობენ. არა ზრუნავენ ხვალისათვის და არც მოგების გამო შიშობენ. ერთი ძაღლი ჰყავთ, წინ რომ უზით, ნებივრად მოკალათებული, ან ერთი კატა, რომელიც უფრო ზრდის იჭურობის მყუდრო სიმშვიდეს, როცა წიგნების რიგს მიუყვება, თითქოს სათაურებს შლიდეს მათი ზურგიდან.

ოჰ, მხოლოდ ნატვრა რომ კმაროდეს: ხანდახან ვნატრობ, მქონდეს ასეთი სავსე ვიტრინა და ძაღლთან ერთად ვიჯდე მის უკან მთელი ოცი წლის მანძილზე.

კარგია, როცა ხმამალლა ამბობ: „არაფერიც არ მომხდარა!“ კიდევ ერთხელ: „არაფერიც არ მომხდარა!“ გშველის?

ჩემი ლუმელი რომ ისევ ახრჩოლდა და ქუჩაში მომიწია გამოხეტება, მართლა უბედურება ხომ არ არის ბოლოს და ბოლოს. რომ გავცივდი და გავიცრიციე, ჩემი ბრალია მხოლოდ და მხოლოდ. მშვენიერად შემეძლო ლუერში ვმჯდარიყავი. თუმცა არა, არ შემეძლო. იქ მუდამ არის სითბოდანატრული, ლატაკი ხალხი, იმ დარბაზებში სითბოს რომ ეძებს. ისინი ხავერდგადაკრულ მერხებზე სხედან და მათი ფეხები, ცარიელი, ვეება ჩექმებივით ჩამწკრივებულან რადიატორთა დაბალ მოაჯირებზე. ესენი უადრესად თავმდაბალი კაცები არიან, რომელთაც ავსებთ მადლიერება, რომ მუქფორმიანი მსახურები მათ იქ ყოფნას ჩუმად ითმენენ. როგორც კი შევალ, ჩაიქირქილებენ. ჩაიქირქილებენ და თავის კანტურს მოჰყვებიან და მერე, როცა სურათების წინ აქეთიქით სიარულს ვიწყებ, თვალს არ მაშორებენ. მუდამ თვალში ვყავარ, მუდამ თვალში, თითქოს მათი თვალები ერთმანეთშია გადაღვრილი, შერეული და ერთ მზერად მოედინება. ასე, რომ, კარგი ვქენი, ლუერში რომ არ წავედი. მთელი ცხოვრება გზაში ვიყავი და ღმერთმა უწყის რამდენ ქალაქში, ქალაქის უბანში, სასაფლაოზე, ხიდზე თუ ჩიხში ვარ ნამყოფი. სადღაც ერთი კაცი ვნახე, ბოსტნეულის ორთვალას რომ მიაგორებდა. Chou — fleur, Chou — fleur¹⁹ — ყვიროდა იგი, და eu-ს რალაცნაირად გულისმომწყვლელად აგრძელებდა. გვერდზე თეძოკუთხოვანი; მახინჯი ქალი მოჰყვებოდა, დროდადრო მუჯლუგუნს რომ წაჰკრავდა ხოლმე და როცა ურტყამდა, ყვიროდა კაცი. ხანდახან თავისითაც ყვიროდა, მაგრამ ყოველთვის ფუჭად; ადრე მოსდიოდა და იმწამსვე ხელახლა უნდა დაეყვირა, რადგან უკვე იმ სახლთან იდგნენ, სადაც მათი მუღმივი მუშტრები ცხოვრობდნენ. უკვე ვითხარით, რომ კაცი ბრმა იყო? ჰო, ის ბრმა იყო, ბრმა იყო და ყვიროდა. მე ვაყალბებ, ასე რომ ვამბობ. ამით ხომ იმ ორთვალას უგულუბელვყოფ, რომელსაც ის მიაგორებდა, ისე ვიქცევი, თითქოს არ გამეგონოს, ყვაეილოვანი კომბოსტო, რომ გაიძახოდა. მაგრამ, ვანა ეს არსებითია? და არსებითიც რომ ყოფილიყო, ვანა ის არ არის

მთავარი, თუ რას ნიშნავდა მთელი ეს ამბავი ჩემთვის? მე დავინახე ერთი ბებერი კაცი, რომელიც ბრმა იყო და ამიტომ ყვიროდა. მე ეს დავინახე. დავინახე.

ნეტავი ვინმე თუ დაიჯერებს, რომ ამგვარი სახლებიც არსებობს ქვეყნად? არა, იტყვიან, რომ ვტყუი. ამჯერად კი სიმართლეს ვამბობ, არაფერს ვტოვებ და ცხადია, არც რას ვამატებ. საიდან რა უნდა დამემატებინა? ყველამ იცის, რომ ლატაკი ვარ. დიახ იციან. სახლები? უფრო ზუსტად, ეს იყო სახლები, რომლებიც აღარ იყო. სახლები, რომლებიც მთლიანად დაენგრიათ, და რაც იქ დარჩენილიყო, ეს სხვა, გვერდით მდგომი სახლები გახლდათ, მაღალი მეზობელი სახლები. როგორც ჩანს, იმათაც დანგრევის საფრთხე ემუქრებოდა მას შემდეგ, რაც გვერდიდან ყველაფერი ჩამოაცალეს, რადგან მაღალი, გუდრონგადასხმული, საანძე ხეებისაგან შეკრული ხარაჩოები მიედგათ, რალაცნაირად ირიბად რომ ჩაჩიდულიყო წასახლარის სანაგვედქვეულ საძირკველსა და დარჩენილ, გაშიშვლებულ კედელს შორის. არ ვიცი, უკვე ვითხარით, თუ არა, რომ სწორედ ამ კედელს ვგულისხმობდი. მაგრამ ეს დარჩენილი სახლების პირველი კედელი კი არ გახლდათ (როგორც შეიძლება ვინმეს ეგონოს), არამედ დანგრეულთა უკანასკნელი. მოსჩანდა მისი შიდა მხარე. მოსჩანდა სხვადასხვა სართულების ყოფილ ოთახებში აქა-იქ ჩამოკონწილებული შპალერის ნაფლეთებითა და იატაკისა თუ ჭერის ნარჩენებით. კედელს მთელ სიმაღლეზე, კიდეში ვიწრო, ჭუჭყიანი, მოთეთრო ზოლი დაჰყვებოდა, და იქ ყოვლად საზიზღარი, რბილი მოძრაობებით, როგორითაც მატლი საჭმელს ინელებს, მიიკლაკნებოდა ჟანგითშეჭმული, ფეხსადგილის მიღების დარი. ჭერთა ქვეშ, ზონართა ადგილას კი, ოდესღაც ელექტრონი რომ მიედინებოდა, ნაცრისფერი, მტვრიანი კვალი დარჩენილიყო. ალაგ-ალაგ ეს კვალი სრულიად მოულოდნელად უხვევდა, ფერად კედელზე ჩარბოდა და ბნელ ხვრელში ძვრებოდა, ასე ტლანქად და უმოწყალოდ რომ ამოეთხარათ. მაგრამ ყველაზე დაუვიწყარი თავად კედლები გახლდათ. ამ ოთახებს სისხლსავსე ცხოვრებას თავი ჯერ არ წაემლევინებინა. ისევ აქ იყო: კედლებში ჩარჩენილ ლურსმნებზე ეკიდა, იატაკის ნანგრევებზე იდგა, ხელის გულის სიფართოვით რომ შერჩენოდა აქა-იქ კედლებს და კუთხეების მცირე სივრცეში მიკუწკუდილიყო. შეიძლებოდა იმის დანახვა, როგორ გამჯდარიყო კედლის ფერებში, რომელთაც ნე-

ლა; წლითწლობით სახეს უცვლიდა. ლურჯი შეეტანა შმორიან მწვანეში, მწვანე — რუხში და ყვითელი — გაცვეთილ, ძველისძველ, ხრწნაშემდგარ თეთარში. მაგრამ უფრო სუფთა ადგილებზეც მოჩანდა იგი, სურათების, კარადების და სარკეთა უკან რომ რჩება. რადგან მას მათი კონტურები შემოეხაზა და ობობებისა და მტერის წყალობით ამ ოდესღაც ფარულ, აწ კი გამომზეურებულ კუნძულებსაც არ დაჰკლებოდა. ის იგრძნობოდა ყველა აწ გაცვეთილ ხაზსა და ზოლში, ჩაბუდებულიყო ნესტისაგან დაბერილ ბუშტებში შპალერის ქვედა კიდეზე, იქ ქანაობდა ჩამოგლეჯლ ნაფლეთებში და გულსამრევი, დიდი ხნის წინათ წარმოქმნილი ლაქებიდან წვეთავდა მძიმედ. და ამ ოდესღაც ლურჯი, თეთრი და ყვითელი კედლებიდან, ოთახების ნანგრევთა ჩარჩოებში რომ ჩამსხდარიყვნენ, ამ ოთახების ცხოვრებათა პაერი მოჰბერდა, სქელი, ღუნე, დამბალი პაერი, ჯერ რომ ვერც ერთ ქარს ვერ განეფანტა. იქ იდგნენ შუადღენი და სნეულებანი, ამონასუნთქი პაერი და ხანგრძლივი წლების ბოლი და ოფლი, იღლიებიდან რომ მოჟონავს და სამოსს ამძიმებს, პირებიდან გადმონთხეული უგემურება და რახის სუნი ჩახურებული ფეხებისა. იქ იდგა ურინის სამკახე და სქელი მკვარტლი; კარტოფილის რუხი ორთქლი და მძიმე და გლუვი სუნი ამძალბებული ღორის ქონისა. იდგა მოტკბო და დაუფიწყარი სურნელი დაუდევრად მიყრილ, მოუვლელ ჩვილთა; შიშის სუნი სკოლაში მიმავალ ბავშვებისა და დახშული სიმხურვალე დაკაცებული ბიჭების საწოლებიდან. და სხვაც ბევრი რამ შეერთებოდა ყველაფერ ამას, ოხშიერად ამოვარდნილი ქუჩაბანდის ბნელი უფსკრულიდა თუ ჩამოწოწული წვიმასთან ერთად, სუფთა რომ არასოდესაა ქალაქის თავზე. ზოგი რამ მოთოკილ, ფრთაშეპკრილ ქუჩის ქარებსაც მოეტანათ, შენობებს შორის თავისუფლად რომ ვერ ნავარდობენ და იმავე ქუჩაზე რჩებიან მერეც, შენობები როცა ინგრევა. და კიდევ ბევრი რამ იყო ისეთი, რომლის სათავეც არავინ იცის. მე ხომ ვთქვი უკვე, რომ ყველა კედელი დაენგრიათ, გარდა ბოლოსი? — პოდა, ისევ ამ ბოლო კედლის შესახებ ვყვები. ვიცი, იტყვიან, თითქოს დიდხანს ვიდექი მის წინ. მაგრამ, თუნდაც დავიფიცებ, რომ გავიქეცი, რაწამს ვიცანი. რადგან საშინელი სწორედ ეს არის, რომ მე ვიცანი. ყოველივე ამას ჩემში ვცნობ, ჩემში და ამიტომაც ასე თავისუფლად შემოიჭრება ჩემს არსებაში. ის აქ შინ არის.

ცოტა ქანცაწყვეტილი ვიყავი ყოველივე ამის შემდეგ. შეიძ-

ლებოდა მეტყვა, შეპყრობილიც და ამიტომ მეტისმეტი აღმოჩნდა ჩემთვის, რომ ის კაციც მაინცდამაინც მე მელოდებოდა. იგი მიცდიდა ერთ პატარა სასაუზმეში, სადაც ერბო-კვერცხი მსურდა შემეკვთა. ძალიან მშოიოდა, მთელი დღე არაფერი მეჭამა. მაგრამ ვერც ახლა მოვახერხე, ერთი ლუკმა მაინც ჩამედო პირში. ვიდრე ერბო-კვერცხი შეიწვებოდა, ისევ გარეთ მომიხსნა გასვლა, ქუჩებში, ხალხით ავსებული, შედედებული ნიაღვრებივით რომ მოედინებოდნენ ჩემსკენ, რადგან ყველიერი იყო და თან საღამო. ყველას დრო ჰქონდა: დაყილობდნენ და ერთმანეთს ეჯვლითებოდნენ. სახეებზე ვიტრინებიდან გამოსული სინათლე ეფინათ და სიცილი ისე სდიოდა მათ პირებს, როგორც ჩირქი ღია ჭრილობას. ისინი სულ უფრო ბევრს იცინოდნენ და სულ უფრო მჭიდროდ ეხეთქებოდნენ ერთმანეთს, რაც უფრო ვცდილობდი წინ წასვლას. ვიღაც დედაკაცის შარფი წამომდებოდა, მივათრევდი და ვერას ვამჩნევდი: ხალხმა გამაჩერა და სიცილი დამაყარა. ვგრძნობდი, მეც უნდა გამეცინა. მაგრამ არ შემეძლო. ვიღაცამ ერთი მუჭა კანფეტი შემომაყარა თვალეებში და სახე ისე ამეწვა, თითქოს მათრახი გადაეჭიროთ. ქუჩის კუთხეებში ხალხი მიმწყვდეულიყო, ერთი მეორეზე მისრესილები, და წინ აღარავინ მიდიოდა, მხოლოდ წყნარად და რბილად ირწოვოდნენ აქეთ-იქით, დაბლა-მაღლა, თითქოსდა ასე ფეხზე მდგომნი ეძლეოდნენ ერთმანეთს. მაგრამ თუმცა ისინი იდგნენ, ხოლო მე შლეგივით მივექანებოდი ტროტურისაკენ, სადაც ამ შედედებულ გროვაში ნაპრალები ჩნდებოდა, მაინც ისე იყო სინამდვილეში, რომ ისინი მოძრაობდნენ და მე ადგილიდან არ ვიძროდი, რადგან არაფერი არ იცვლებოდა; როდესაც ავიხედე, ერთ მხარეს იგივე სახლები იდგა და მეორე მხარეს ვიტრინები. ვინ იცის, ყველაფერი უძრავად იყო და, მხოლოდ მე მესხმოდა თავბრუ და სხეებსაც და ამის გამო გვეჩვენებოდა, რომ ყველაფერი ბრუნავდა ირგვლივ. ამაზე ფიქრის დრო აღარ მქონდა. ოფლისაგან სულმთლად დავიძიმდი და შიგნით რაღაც მომადუნებელი ტკივილი ამიწრიალდა, თითქოსდა ჩემს სისხლს რაღაც ვეება მიჰყვებოდა მძიმე ხანუნით და ყველგან, სადაც კი გაივლიდა, ძარღვებს ბერავდა. იმასაც ვგრძნობდი, რომ ჰაერი დიდი ხანია გათავებულიყო და ახლა უფრო ამონასუნთქს ვიწოვდი, რომელიც ფილტვებს მიდედებდა.

მაგრამ ყველაფერი ეს უკან დარჩა. მე გაფუძელი. ახლა ისევ ჩემს ოთახში ვზივარ ლამპასთან. ცოტა ცივა, რადგან ვერ ვბედავ ლუმი-

ლის ანთებას. ისევე რომ ახრჩოლდეს და გარეთ გასვლა მომიხდეს, მერე? ვზივარ და ვფიქრობ: ღარიბი რომ არ ვიყო, სხვა ოთახს დავიჭირავებდი, ავეჯით, აგრე ნახმარი რომ არ იქნებოდა და ესოდენ საესე წინანდელი მაცხოვრებლებით, როგორც ჩემია. თავდაპირველად მართლა მიჭირდა სავარძლის საზურგეზე თავის დადება, რადგან აქ, მწვანე შალითაში ჭუჭყიანი რუხი ღრმულია, თითქოს ყველა თავს რომ მოერგება. დიდხანს ვიჩენდი სიფრთხილეს და თავიქვეშ ცხვირსახოცს ვიფენდი, ანლა კი ამისათვის მეტისმეტად მოქანცული ვარ. აღმოვაჩინე, რომ ასეც შეიძლება, და რომ ეს პატარა ჩაღრმავება სწორედ ჩემი თავისთვისაა; თითქოს ჩემს კეფაზეა ზედგამოჭრილი. მაგრამ, მაინც, ეგზომ უსახსრო რომ არ ვიყო, პირველ რიგში ღუმელს ვიყიდდი და სუფთა, მაგარი, მთიდან ჩამოტანილი შეშით გავახურებდი და არა ამ უბადრუკი *letes-de-moi-neau*-ით²⁰, რომლის ბოლიც სუნთქვას მიმძიმებს და გონებას მირევს და შემდეგ, ვილაც ისეთიც უნდა იყო ჩემს გვერდით, ოთახს უხმაუროდ რომ დაალაგებს და ცეცხლს გააჩაღებს, ისე, როგორც ეს მე მჭირდება. რადგანაც ხშირად, როცა მთელი თხუთმეტი წუთი ღუმელის წინ ვარ ჩაჩოქილი და სულს ვუბერავ, ცეცხლის სიმხურვალისაგან შუბლგაფიცებული და თვალებში აღმურჩამდგარი, მთლიანად ვხარჯავ მთელი დღისთვის განკუთვნილ ძალ-ღონეს, და შემდეგ ხალხში რომ გავდივარ, რა თქმა უნდა, ის ადვილად მერევა. დროდადრო, ქუჩები მოზიმზიმე ხალხით რომ იქნებოდა გაჭედილი, ეტლს ავიყვანდი, ჩავიქროლებდი, ყოველდღე ერთ-ერთ დიუვალში²¹ ვისადილებდი... და საკონდიტროებში აღარ შევლასლადებოდი. ნეტავ ის კაციც თუ იქნებოდა დიუვალთან? არა. იქ არ მისცემდნენ იმის უფლებას, რომ დამჭდარიყო და დამლოდებოდა. მომაკვდავებს იქ არ უშვებენ. მომაკვდავებს? ახლა ხომ ჩემს ოთახში ვზივარ. ახლა შემიძლია ვცადო და წყნარად გავიხსენო. თუ რა შემემთხვა. კარგია, როცა შეუცნობლად არაფერს ტოვებ. მაშასადამე, შევედი და მაშინვე ის მეცა თვალში, რომ მაგიდა, სადაც ყველაზე უფრო ხშირად ვჯდებოდი, ვილაც კაცს დაეკავებინა. პატარა ბუფეტში მყოფთ მივესალმე, შევეუკვეთე და კაცს გვერდით მივეუჯექი. და იმ წუთშივე ვიგრძენი იგი, მიუხედავად იმისა, რომ უძრავად იჯდა. სწორედ მისი ეს უძრავობა შევიგრძენი და ერთბაშად მივხვდი. ჩვენს შორის კავშირი გაიბა უკვე და მე ვიცოდი, რომ ის გახეუებულიყო შეძრწუნებისაგან. ვიცოდი, რომ ეს კაცი

ძრწოლას დაედაშლავებინა, ძრწოლას იმის წინაშე, რაც მასში ხდებოდა. ვინ იცის, შიგნით რომელიღაც ორგანო ეფლითებოდა, ანდა შხამი, რომელსაც ის დიდხანს უფრთხოდა, სწორედ ახლა შედიოდა მისი გულის ერთ-ერთ სენაკში ანდა ეგების ვეება წყლული ტვინში შხესავით ამოსდიოდა და მთელ ქვეყანას უსხვაფერებდა? ენით აუწერელი დაძბავით თავი ვაიძულე მისკენ გამეხედა, რადგან ჭერ კიდევ იმედი მქონდა, ეგებ ყველაფერი მომეჩვენა-მეთქი. მაგრამ ერთბაშად წამოვხტი და გარეთ გავვარდი, რადგანაც თურმე არ შევმცდარიყავ. ის იჯდა იქ, სქელ, შავ ზამთრის პალტოი და ნაცრისფერი, დაჭიმული პირისახე შალის ყელსახვევში მძიმედ ჩაერგო. პირი მოკუმული ჰქონდა, თითქოს რაღაც ძლიერ დარტყმას ჩაეჭყლიტა, მაგრამ იმისას კი ვერას იტყოდით, მისი თვალები ისევ ხედავდნენ თუ არა რაიმეს: მათ სათვალის დაორთქლილი, ბოლისფერი, ოდნავ მთრთოლვარე მინები ფარავდა. ცხვირის ნესტოები დაბერვოდა და მისი თმა საფეთქლებზე ისე ჰკნებოდა, თითქოს გვალვაში მოხვედრილიყო. წაგრძელებული და ყვითელი ყურები უკან ვეება ჩრდილებს ისროდნენ. დიახ, მან იცოდა, რომ ახლა ყველაფერს შორდებოდა; არა მხოლოდ ადამიანებს. ცოტაც და ყოველივე აზრს დაჰკარგავდა და მნიშვნელობას: ეს მაგიდაც, ფინჯანიც და სკამიც, რომელსაც ებღაუქებოდა. ყველაფერი ყოველდღიური და უახლოესი გაუგებარი გახდებოდა ანაზღეულად, უცხო და მძიმე. და ასე იჯდა და ელოდებოდა, როდის მოხდებოდა ეს ყველაფერი, აუმხედრებლად ელოდებოდა.

მე კი ჭერ ისევ ვუმხედრდები. ვუმხედრდები, თუმცა, ვიცი, ჩემი გული ბეწვზე ჰკიდია და დიდხანს ალბათ ვეღარ ვიცოცხლებ, კიდევ რომ დამეხსნან ჩემი მტარვალეები. თავს ვეუბნები: არაფერიც არ მომხდარა-მეთქი მაგრამ ის, კაცი ხომ სწორედ იმიტომ ვიგრძენი ასე, რომ თავად ჩემშიც რაღაც ხდება, რაც თანდათან ყველაფრისგან მწყვეტს, მაუცხოებს.

ო, როგორ თავზარს მცემდა ყოველთვის, მომაკვდავებზე რომ ამბობდნენ ხოლმე: ველარავის ვეღარ სცნობდაო. ყველასა და ყველაფრისაგან გარიყული სახე წარმომიდგებოდა ასეთ დროს თვალწინ, რომელიც ბალიშიდან წამოიწევედა და ეძებდა: რაიმე ნაცნობს, რაღაცას ერთხელ უკვე ნანახს ეძებდა, მაგრამ ვერაფერს ვერ პოულობდა. ასე ძლიერ რომ არ მეშინოდეს, თავს იმით ვინუგეშებდი, რომ არ არის შეუძლებელი, ქვეყნიერებას სხვაგვარად ხედავდე

და მაინც ცოცხლობდე. მაგრამ მე მეშინია, გამოუთქმელად მეშინია იმ ცვლილებისა, სიცოცხლის ბოლოს რომ გველოდება. მე ზომ დღემდე ვერ მოვიკიდე ამქვეყნად ფეხი, ამ ქვეყნად, მე რომ კარგი მგონია და იმ ქვეყნად რაღა უნდა ვქნა, როგორ ვიცხოვრო? ო, ჩემი ნება რომ ყოფილიყო, რა სიხარულით დავრჩებოდი აქ, აქაურ საგნებსა და მოვლენებს შორის, რომლებიც თანდათან შევიყვარე, და თუ აუცილებელია რაღაც ცვლილება, ვინატრებდი, ძაღლებთან ცხოვრების ნება მაინც მქონოდა: მათი სამყარო ხომ ჩვენი სამყაროს მონათესავეა, ძაღლებიც ხომ იგივე საგნებს შესცქერიან, რასაც ჩვენ ვუშვერთ?

მცირე ხანს კიდევ შემოიძლია ყოველივე ამის თქმა და ჩაწერა. მაგრამ მოვა დღე, როცა ხელი აღარ დამემორჩილება და როდესაც მას წერად მოვუხმობ, სულ სხვა სიტყვების წერას დაიწყებს, სიტყვების, რომლებიც არ მიგულისხმია. მოატანს ჟამი სულ სხვაგვარი თვალთახედვისა, არცერთი სიტყვა არ დარჩება ჩვეულ ადგილას, ყოველი აზრი ღრუბელივით განიფანტება და წყალივით ძირს ჩამოიღვრება, და მიუხედავად მთელი შიშისა, საბოლოოდ ხომ მაინც იმ კაცივითა ვარ, რაღაც დიდის პირისპირ რომ დგას? ადრეც, ვიდრე წერას შევეუდგებოდი, ხშირად მქონია ამგვარი განცდა, მაგრამ ამჯერად ჩემი შთაბეჭდილებანი კი არა, მე თავად უნდა გარდავიქმნა და გარდავისახო, თითქოს სხვისი შთაბეჭდილება ვიყო და ის მე სიტყვად და ნაწერად მაქცევდეს. სულ მცირეოდენი რამ მაკლია, ყოველივე ამას რომ ჩავწვდუ და დავეთანხმო. ერთი ნაბიჯი და ჩემი უსაზმნო უბედურება ნეტარებად გადაიქცეოდა. მაგრამ ამ ნაბიჯის გადადგმა არ შემოიძლია: მე წავიქეცი და ველარ ვდგები, რადგანაც სულმთლად დამსხვრეული ვარ. ხომ ყოველთვის ასე მჯეროდა, რომ რაღაც საშველი გამოჩნდებოდა და აი, წინ, ჩემს საკუთარ ნაწერში ვხედავ, რასაც ვითხოვდი, ყოველ საღამო. იმ წიგნებიდან გადმოვიწერე, სადაც ვიპოვე, რათა უფრო მომეახლოვებინა და ვითარცა ჩემი საკუთრება, ჩემი ხელიდან აღმომხდარიყო. და ახლა მინდა, რომ ერთხელ კიდევ დავწერო იგი, აქ ჩემს მაგიდასთან დაჩოქილმა მინდა დავწერო: რადგან ასე უფრო დიდხანს მ აქვს იგი ვიდრე კითხვისას, ყოველი სიტყვა უფრო გრძელდება და იმის დრო აქვს, ნელა მიჩუმდეს.

„Mécontent de tous et mécontent de moi, je voudrais bien me racheter et m'energueillir un peu dans le silence et la solitude

de la nuit. Ames de ceux que j'ai aimés, âmes de ceux que j'ai chantés, fortifiez-moi, soutenez-moi, éloignez de moi le mensonge et les vapeurs corruptrices du monde: et vous, Seigneur mon Dieu! accordez-moi la grâce de produire quelques beaux vers qui me prouvent à moi-même que je ne suis pas le dernier des hommes, que je ne suis pas inférieur à ceux que je méprise"²².

●

„ძენი უმეცართა და უბატითა, სახელი და დიდება მათი დაშრეტილ არს ქვეყნისაგან... ხოლო აწ მე ვარ უბანი მათი და ჩემდა იგავი აქუთ.

... გზაი ყვეს ჩემ ზედა...

...მყუეს მე ვითარცა უნებდათ.

და აწ ჩემ ზედა დაინთხეს სული ჩემი და უპყრიე მე დღეთა მწუხარებისათა. ...ხოლო დამესა ძუალნი ჩემნი განმწარნეს, ხოლო ძარღუნი ჩემნი დაიხსნეს... მრავლითა ძალით მომიცვეს სამოსლისა წილ, ვითარცა პირსა სამოსლისა უპყრივარ...

მუტელი ჩემი აღდღუნა და არა დუმნეს, წინ მიძლოდენ მე დღენი სიგლახაყისანი... ხოლო მოიქცნეს ტირილსა შინა ჩემსა, ხოლო გალობა ჩემი გოდებასა ჩემდა²³.

●

ექიმმა ვერ გამიგო ვერაფერი. ძნელიც იყო საამბობლად. გადაწყვიტა, ელექტრომკურნალობა ეცადა. კეთილი, მივიღე ფორმულარი: პირველ საათზე სალპეტრიერში²⁴ უნდა მივსულიყავი. ვიყავი. დიდხანს მივდიოდი ნაირნაირ ქოხმახთა გასწვრივ, რამდენიმე ეზო გავიარე, სადაც პატიმრებივით თეთრჩაჩიანი ავადმყოფები აქა-იქ შიშველ ხეებქვეშ მიმოდიოდნენ. ბოლოს შევედი გრძელ, ჩაბნელებულ, კორიდორის მსგავს შენობაში, რომელსაც ერთ მხარეს დაბინდული მწვანე შუშის ოთხი ფანჯარა ჰქონდა, ერთმანეთისაგან განიერი შუაქედლებით გამოყოფილი. ფანჯრებს წინ გრძელი ხის სკამი ჩაუდოდათ, და ამ სკამზე ისხდნენ სწორედ ისინი, -

ვიანთ. კაცად რომ მივაჩნიათ და მელოდებოდნენ. დიახ, ყველანი აქ ბრძანდებოდნენ.

როდესაც შენობის ბინდბუნდს თვალი შევაჩვიე, შევამჩნიე, რომ მათ შორის, ვინც იქ ერთმანეთის მხარდამხარ უსასრულო რიგში იჯდა, რამდენიმე სხვა ჯურის ადამიანიც უნდა ყოფილიყო, უბრალო ხალხი, ხელოსნები, მსახურები და მტვირთავეები. ქვემოთ, გასასვლელის ვიწრო მხარეზე, გამოჩნეულ სკამებზე ორი სქელი ქალი გაბრტყელებულიყო და მასლაათობდა, როგორც ჩანდა, მეკარეები. საათს დავხედე. პირველს აკლდა ხუთი წუთი. ხუთ, ვთქვათ, ათ წუთში უნდა შევსულიყავი, ე. ი. არც ისე ცუდად იყო საქმე. აუტანელი პაერი იდგა, მძიმე, ტანსაცმლის სუნითა და ამონასუნთქით დამძიმებული. ერთ ადგილას, კარის ჭრილიდან ეთერის ძლიერი, აღმავალი სივრცე მოჰბერდა. ბოლოს ცემა დავიწყე. ვფიქრობდი, აი, აქ დამიბარეს, ამ ხალხთან ერთად, ამ გაქვიდელ, საერთო მისაღებში-მეთქი. ეს, ასე ვთქვათ, პირველი აშკარა დადასტურება იყო იმისა, რომ გაძევებულებს ვეკუთვნოდი. ნუთუ ექიმმა ეს ჩემს გარეგნობაში ამოიკითხა? კი მაგრამ, მე ზომ საკმაოდ ზეირიან კოსტიუმში გამოწყობილი ვეწვიე, სადარბაზო ბარათიც გაუფგავნე. მიუხედავად ყველაფრისა, მაინც მიხვდა. ეგებ მე თვითონ გავეცი თავი? ჯანდაბას, რაც მოხდა, მოხდა, ახლა არც ისე გულმოსასვლელად მეჩვენებოდა. ხალხი წყნარად იჯდა და ყურადღებას არ მამცევდა. ზოგიერთ მათგანს ტკივილი აწუხებდა და ცალ ფეხს ოდნავ ღუნავდა, რა არის, უფრო გაეძლო. კაცებიდან ზოგს თავი ბრტყელი ხელებით ეჭირა, სხვათა სახეები კი მძიმე ძილს გადაესწორებინა. ერთი ზორზოხა, წითელ და გასიებულკისრიანი კაცი წინგადახრილი იჯდა, იატაკს ჩაშტერებოდა და დროდადრო წკლაპუნით აფურთხებდა ერთ ლაქას, ამისათვის შესაფერისად რომ მიეჩნია. ბავშვი სლუკუნებდა ერთ კუთხეში გრძელი, გამხდარი ფეხები სკამზე აეკეცა, ხელი შემოეხვია და ტანზე ისე მიეკრა, თითქოს სამუდამოდ ეთხოვებო. ერთ პატარა, ფერგაცრეცილ ქალს, თავზე გვერდულად რომ დაეკოსებინა შავი ყვავილებით მოკაზმული კრეპის ქუდი, მიშჰკნარ ტუჩებზე ღიმილი შეჰყინვოდა, თუმცა დაწყლულებული ქუთუთოები განუწყვეტლივ ეცრემლებოდა: მასთან ახლოს ერთი გოგონა დაესვათ, მრგვალ და გლუვსახიანი, წინწამოყრილი, უმეტყველო თვალებით. მას პირი დაეღო და თეთრი დორბლიანი ღრძილებიდან ბებრული, ოღროზოღრო ღოჯები მოუჩანდა. და ყველგან

დოლბანდები მხვდებოდა თვალში. დოლბანდები, ფენა-ფენა რომ
 ფარავდნენ მთელ თავს, ისე რომ ერთადერთი თვალიღა მოჩანდა,
 თვალი, რომელიც აღარავის არ ეკუთვნოდა. დოლბანდები რომლე-
 ბიც ფარავდნენ და დოლბანდები რომლებიც აჩენდნენ, რაც მათ
 ქვეშ იყო. დოლბანდები, რომლებიც შეეხსნათ და იქ როგორც ჭუჭ-
 ყიან ლოგინში ესვენა ხელი, უკვე ხელი რომ აღარ იყო; და შეხვე-
 ული ფეხი, რიგიდან გამოშვერილი, უზარმაზარი, თითქმის კაცის
 ხელა. მე აქეთ-იქით დავდიოდი და თავს ძალას ვატანდი, რომ მშვი-
 დად ვყოფილიყავი. ჩემს წინ ტიხარს ვათვალთვლებდი გულმოღდი-
 ნედ. შევნიშნე, რომ ტიხარი მთელი წყება ცალფრთიანი კარებისა-
 გან შედგებოდა და ჰერამდე არ აღწევდა, ისე, რომ ჩვენი კორიდო-
 რი იმ ოთახებისაგან, შიგნით ერთმანეთის გვერდით რომ უნდა ყო-
 ფილიყო განლაგებული, ბოლომდე არ იყო გამიჯნული. საათს დავ-
 ხედე. მთელი საათი მევლო აქეთ-იქით. ცოტა ხნის შემდეგ ექიმე-
 ბიც მოვიდნენ: ჯერ რამდენიმე ახალგაზრდამ ჩაიარა გულგრილი
 სახით, ბოლოს ის, ვისთანაც უკვე ვიყავი, ღიო ფერის ხელთათმანე-
 ბი ეცვა, *Chape du a' huit reflets*²⁵ ეხურა და უზადო მოსასხამი
 ესხა. დამინახა, ოდნავ ასწია ქუდი და დაბნეულად გამიღიმა. ვიმე-
 ლოვნებდი, რომ მაშინვე გამომიძახებდნენ, მაგრამ ერთი საათი კი-
 ლეგ გავიდა. ვერ ვიხსენებ, როგორ გავლიე. მთავარი იყო, რომ გავი-
 და. ერთი მოხუცი კაცი მომიახლოვდა, დალაქულწინსაფრიალი, რა-
 ლაც ჯურის კარისკაცი და მხარზე შემეხო. ერთ-ერთ გვერდითა
 ოთახში შევედი. ის ექიმი და ახალგაზრდები მაგიდის ირგვლივ ის-
 ხდნენ და შემომცქეროდნენ, სკამი მომაწოდეს. ასე, ახლა კი უნდა
 მომეთხრო, რა და როგორ მჭირდა, რაც შეიძლება მოკლედ. *S'il vo-
 us plait*²⁶. რადგან, ბატონებმა, ბევრი დრო არა გვაქვსო. უცნაური
 გრძობა დამეფულა. ახალგაზრდა ექიმები ისხდნენ და მიყურებდნენ
 იმ ქედმაღლური, პროფესიული ცნობისმოყვარეობით, რომლის შეთ-
 ვისებაც უკვე მოესწროთ. ჩემი ნაცნობი ექიმი შავ წვერზე ხელს ის-
 ვამდა და დაბნეულად იღიმებოდა. გავიფიქრე, ტირილი წამსკდე-
 ბა-მეთქი, მაგრამ მომეჩხმა, როგორ ვთქვი ფრანგულად: „მე უკვე
 მქონდა პატივი, რომ თქვენთვის, ბატონო ჩემო, ყველა ცნობა მო-
 მეწოდებინა, რაც კი შემიძლო. თუ საჭიროდ მიგაჩნიათ რომ ეს ბა-
 ტონებიც ეზიარონ ყველაფერს, ცხადია, ჩვენი საუბრის შემდეგ
 თავად შეგიძლიათ, რამდენიმე სიტყვით გადასცეთ, რადგანაც მე
 უაღრესად გამიჭირდება“. ექიმი თავაზიანი ღიმილით წამოდგა,

ასისტენტებთან ერთად ფანჯარასთან მიდგა და ხელის სავესავით რამდენიმე სიტყვა წარმოთქვა. სამიოდ წუთის შემდეგ, სამი ახალგაზრდიდან ერთ-ერთი, ახლომხედველი და ნერვიული, მაგიდასთან დაბრუნდა და შეეცადა რა ჩემთვის მკაცრად შემოეხედა, მკითხა: „კარგად გძინავთ, ბატონო ჩემო?“ „არა, ცუდად“, რის შემდეგაც ისევ ჭკუფისკენ ისკუპა. მცირე ხანს კიდევ თათბირობდნენ. შემდეგ ექიმი მომიბრუნდა და მამცნო, რომ ხელახლა დამიძახებდნენ. მე შევახსენე, პირველი საათისათვის ვიყავი-მეთქი დაბარებული. მან გაიღიმა და ერთი-ორჯერ სწრაფად გაასავსავა პატარა და თეთრი ხელები, რითაც სურდა ენიშნებინა, უსაშველოდ დაკავებული ვარო. ასე და ამრიგად, ისევ ჩემს კორიდორში დავბრუნდი, სადაც ჰაერი კიდევ უფრო დამძიმებულიყო და კვლავ შევუდექი ბოლთის ცემას, თუმცა მომაკვდინებელ დადლილობას ვგრძნობდი. ბოლოს ნოტიო, შეგუბებული სუნისაგან თავბრუ დამესხა: გასასვლელ კართან შეეჩერდი და ოდნავ გაავლე. დავინახე, რომ გარეთ ნაშუადღევი იყო ისევ, ცოტაოდენ მზესაც მოვკარი თვალი და ამან გამოუთქმელი შვება მომგვარა. მაგრამ ერთი წუთიც არ ვმდგარ-ვარ იქ, ისევ დამიძახეს. ვილაცა ქალმა, ორიოდ ნაბიჯის მოშორებით პატარა მაგიდას რომ მისჯდომოდა, რაღაც შემომსისინა. ვინ გიბრძანათო კარს გაღება. ვუთხარი, ამ ჰაერს ვეღარ ვუძლებ-მეთქი. კარგო, ეგ თქვენი საქმეა, მაგრამ კარი დახურული უნდა იყოსო. ეგებ ფანჯრის გაღება შეიძლებოდეს-მეთქი. არა, აკრძალულიაო. გადავწყვიტე, ისევ ბოლთისცემას შევდგომოდი, რაკი ეს რაღაცნაირად მაყუჩებდა და არც არავის აღიზიანებდა. მაგრამ პატარა მაგიდასთან მჯდომ ქალს ახლა აღარც ეს მოუვიდა თვალში. ადგილი არა გაქვთო? არ მაქვს-მეთქი. ბოლთის ცემა აკრძალულია. ადგილი უნდა მოძებნოთ, ერთი ადგილი მაინც იქნებაო. ქალი მართალი იყო. ერთი ადგილი მაშინვე აღმოჩნდა: გადმოკარკლულთვალეებიანი გოგოს გვერდით. და ახლა ვიჯექი იქ და ვგრძნობდი, რომ ეს ყველაფერი რაღაც საშინელებას მიჭადდა. მაშასადამე, მარცხნივ ის შემპალორძილებიანი გოგო მეჯდა, ხოლო რაც ჩემს მარჯვნივ იყო, მხოლოდ მცირე ხნის შემდეგ შევიცანი. ეს გახლდათ უზარმაზარი, უძრავი მასა, რომელსაც პქონდა მხოლოდ სახე და ერთი დიდი, მძიმე და გაშეშებული ხელი. სახის ის ნაწილი, რომელსაც ვხედავდი, ცარიელი იყო, უნაკეთებო და უმოგონებო და შემაზრუნენი გახლდათ, რომ მას კოსტიუმი ისე ედგა, როგორც ცხე-

დარს, რომელიც კუბოსთვის გამოაწყვეს. ვიწრო, შავი ყელსახვევი ისე დუნედ და რაფრისმთქმელად შემოხვეოდა საყელოს, როგორც მკვდარზე მენახა და პერანგსაც ეტყობოდა, რომ სხევებს ჩამოეცვათ ამ ნებადაკარგულ სხეულზე, მისი ხელიც სხევებს დაედოთ იქ, შარვალზე, სადაც იყო, თმაც თითქოს ცხედრის განმზანელ ქალებს დაევარცხნათ და ეს თმა, როგორც ცხოველთა ფიტულეზის ბეწვი, აგრე დაეარცხნის გახევებულიყო. ყოველივე ამას ყურადღებით ვათვალისწინებდი და თავში გამიელვა, რომ მთელი ეს გარემო საგანგებოდ ჩემთვის იყო ჩაფიქრებული და რომ ბოლოს და ბოლოს ჩემი ცხოვრების გზაზე იმ ადგილს მივაღწიე, სადაც სამუდამოდ დავრჩებოდი კიდევ.

ღიახ, ბედისწერა უცნაური გზებით დადის.

უეცრად, სრულიად ახლოს ბავშვის შეშინებული, უარის გამოხატველი წამოკვივლება გაისმა ზედიზედ, რომელსაც ჩუმი, შეკავებული ტირილი მოჰყვა. ვიდრე მე დავიძახე, რათა გამერკვია, სად რა ზდებოდა, კვლავ ათრთოლდა სუსტი, დათრგუნვილი კივილი და მე გავიგონე ხმები, რომლებიც ვიღაცას რაღაცას ეკითხებოდნენ, ერთი ხმა, რომელიც ჩუმად ბრძანებდა, და შემდეგ საღლაც რაღაც გულგრილი მანქანა აზუზუნდა, არაფერს და არავის რომ არა ნაღვლობდა. ახლანა გამახსენდა ის ნახევარი კედელი, და ჩემთვის ცხადი გახდა, რომ ყველაფერი ეს იმ კართა მიღმა ხდებოდა და რომ იქ მუშობა იყო გაჩაღებული. მართლაცდა დროდადრო დალაქულხალათიანი კარისკაცი გამოჩნდებოდა ზოლმე და თავს იქნევდა. აღარც კი ვფიქრობდი, რომ შეიძლებოდა მე ვეგულისხმე. მე მეხეობოდა? არა. ორმა კაცმა ბორბლებიანი საკაცე მოაგორა. მათ აიღეს ის მასა და ზედ დააწვინეს და მე დავინახე, რომ ეს თურმე ერთი დადამბლავებული მოხუცი კაცი ყოფილიყო, რომლის სახესაც მეორე, მომცრო, ცხოვრებისაგან შელახული ნახევარიც გააჩნდა თურმე: ღია, ნაღვლიანი, მღვრიე თვალით. ის შიგნით შეიყვანეს და ჩემს გვერდით უზარმაზარი ადგილი განთავსულდა. და მევიჭექი და ვფიქრობდი, თუ რას უზამდნენ ახლა ამ ჩლუნგ გოგოს და დაიყვირებდა ისიც თუ არა. მანქანები შიგნით ისე სასიამოვნოდ და ფაბრიკისებურად ზუზუნებდნენ, რომ შემაშფოთებელი ამაში არა ჩანდა რა.

მაგრამ უეცრად ყველაფერი დადუმდა. და სიჩუმეში ქედმაღალმა, თავმომწონე ხმამ, რომელიც მეცნაურა, წარმოთქვა: „Riez“

პაუზა. „Riez“. Mais riez, riez!“²⁷. მე უკვე ვიცნობდი. აუხსნელი იყო, რატომ არ სურდა კედლის მიღმა იმ კაცს სიცილი. ერთი მანქანა აგუგუნდა, მაგრამ მყისვე დამუხჩდა. სიტყვები გაისმა და ისევ ის ენერგიული ხმა, რომელმაც ბრძანა:

„Ditez-nous le mont-avant“. დამარცვლით: „a-v-a-n-t“. სიჩუმე.
„On n'entend rien. Encore une fois...“²⁸

და მაშინ, როცა იქიდან ასეთი თბილი, ნოტიო და ცხვირისმიერი დუღღუნი გაისმა, მაშინ პირველად, პირველად მრავალი, მრავალი წლის შემდეგ ისევ გამოჩნდა ის, რამაც ჩემში პირველი, ღრმა შეძრწუნება შემოდენა, როდესაც მე, სულმთლად ბავშვი სიცხიანი ვიწექი: რალაცა დიდი, უზარმაზარი. დიახ, ასე ვამბობდი მაშინაც მუდამ, როცა ყველანი ჩემი საწოლის გარშემო იდგნენ, მაჯისცემას მისინჯავდნენ და მეკითხებოდნენ, თუ რა მაშინებდა: რალაცა დიდი. და ექიმში როცა მოიყვანეს და როცა ის იდგა და მესაუბრებოდა, მასაც ასევე ვევედრებოდი, რაიმე ელონა, რათა ის „დიდი“ წასულიყო და დაკარგულიყო. სხვა დანარჩენი არაფერს ნიშნავდა. მაგრამ ის კაცი სხვებისაგან არ განსხვავდებოდა. მას არ შეეძლო „დიდის“ განდევნა. თუმცა მაშინ ზომ პატარა ვიყავი და ჩემი შველა თითქოს ადვილი უნდა ყოფილიყო. მერე ის ღროთა ვითარებაში თავისით გაქრა. სიცხიან ღამეებშიც აღარ მოსულა, მაგრამ აი, ისევ გამოჩნდა, მიუხედავად იმისა, რომ სიცხე არ მქონდა, ახლა აქ იყო. და აწ ჩემივე წილიდან იზრდებოდა და იზურცებოდა როგორც ღამისივნი, როგორც ჩემი მეორე თავი და ჩემი სხეულის ნაწილი ხდებოდა. თუმცა ხომ არაფრით შეიძლებოდა, მე მკუთვნებოდა, რადგან ასეთი ვეება გახლდათ, აქ ბრძანდებოდა როგორც დიდი, მკვდარი ცხოველი, რომელიც ოდესღაც სიცოცხლეში ჩემი ხელის მტევანი იყო ან ჩემი მკლავი. და ჩემი სისხლი ტრიალებდა ჩემში და მასში, როგორც ერთსა და იმავე სხეულში. და გული მეტისმეტად მეძაგრებოდა, რათა სისხლი იმ „დიდშიაც“ გადაესროლა: სისხლი თითქმის აღარ კმაროდა. და ჩემი სისხლი უხალისოდ შედიოდა იმ „დიდში“ და ბრუნდებოდა სნებამყვარილი და წახდენილი. მაგრამ „დიდი“ სულ სივდებოდა და სახის წინ მეზრდებოდა როგორც თბილი, მოლურჯო კობი და პირთან მეზრდებოდა და ჩემს ცალ თვალს უკვე მისი ჩრდილი ეფინა.

ველარ ვიხსენებ, როგორ გამოვადწიე იმ უამრავი ეზოებიდან.

საღამო იყო და გზა მერეოდა უცხო უბანში და უსასრულო, გალაგნიან ბულვარებს მივეყვებოდი და ბოლო რომ არსად მოჩანდა, უკანვე ვბრუნდებოდი, ვიღრე რომელსამე მოედანზე არ გავიდოდი. იქ რომელიმე ქუჩას ვირჩევდი და მივეყვებოდი და სხვა ქუჩებიც მოდიოდნენ, არასოდეს რომ მენახა და კიდევ მოდიოდნენ, სხვები და სხვები.

ელმავლები მიმოქროდნენ წამდაუწუნ. დამაბრმავებელი სინათლითა და მკახე, წყნეტილი რეკვა-წკრიალით. მაგრამ მათ დაფებზე ისეთი ქუჩების სახელი ეწერა, მე რომ არ ვიცოდი. მე არ ვიცოდი, რომელ ქალაქში ვიყავი და მქონდა თუ არა აქ საღმე ბინა და რა უნდა მელონა ამისათვის, რომ აღარ მევლო.

და ახლა ეს ავადმყოფობაც დამემატა, ყოველთვის ასე უცნაურად რომ მაფორიაქებდა. დარწმუნებული ვარ, მას ჭეროვნად ვერ აფასებენ, ზუსტად ისევე, სხვა სნეულებათა მნიშვნელობას რომ აჭარბებენ. ამ დაავადებას არაერთი გარკვეული თავისებურებანი არ გააჩნია: იმ ადამიანის თავისებურებებს იძენს, ვისაც შეიპყრობს. სომნამბულური შეუმცდარობით ადამიანში აღმოაჩენს მის უღრმეს საფრთხეს. საფრთხეს, ჩველილი რომ სჩანდა უკვე, ამოაქვს მისი სულის სიღრმიდან და წინ უყენებს, სულმთლად ახლოს: რათა ერთ წამში თავს დაატეხოს. კაცები, სკოლის წლებში უმწეო ცოდვას რომ სჩადიოდნენ, და ამ ცოდვის მოტყუებულ თანახიარად თავიანთი საცოდავი, ვალეული ბიჭური ხელები ჰყავდათ, მოვა დრო და კვლავ შესცოდავენ; ან რომელიმე სნეულება, ბავშვობაში გადატანილი, ისევე თავიდან დაიწყება მოულოდნელად, ან დაკარგული ჩვეულება ანაზღეულად აღსდგება ისევე — რაღაც ყოყმანით თავის ტრიალი, ძალზე დიდი ხნის წინ რომ სჩვეოდათ, და იმას, რაც ეგზომ უცნაურად ბრუნდება ჩვენში, უკან მოჰყვება მოგონებათა კორიანტელი, რომელიც მას ისევე დასთრევს, როგორც წყლის ხავსი ჩაძირულ საგანს. ამ მოგონებებს კი თან მოაქვთ ჩვენი სულის ფარული ცხოვრება, რომლის შესახებ ვერაფერსაც ვერ შევიტყობდით. ეს ცხოვრება აღიმართება სულის ფსკერიდან, ზემოთ მიიწევს და მორევივით ტრიალებს იმის ქვეშ, რაც ამკარად და ხილულად ხდებოდა, და ეხეთქება ამ წარსულს, ჩვენ რომ ასე-

თი ცხადი გვეგონა და გარკვეული, ეხეთქება, ავიწროებს და სახეს უცვლის... რადგან ამ უცნაურ ცხოვრებაში, ამდენი ხანი რომ არ გვახსოვდა, რაც შეუცნობლად არსებობდა და რაც ახლა ზემოთ, ჩვენი ცნობიერებისაკენ ილტვის ჯიუტად — დაუხარჯავი, ხელშეუხებელი ძალა ბობოქრობს, ხოლო ის, რაც მუდამ გვახსოვდა, გაცრეცილი და დაქანცულია მრავალგზისი მოგონებებით.

და ახლა ვწევარ ჩემ საწოლში, მეხუთე სართულზე და ჩემი დღე, რომელსაც არაფერი აშფოთებს, არ ანაწილებს, უისრებო ციფერბლატსა ჰგავს. დიდი ხნის წინათ დაკარგული ნივთისდაგვარად, თავის ადგილზე რომ აღმოჩნდება ისევ ერთ დღით, შენახული და მშვენიერი, თითქმის იმაზე უფრო ახალი, ვიდრე იყო დაკარგვის დღემდე, თითქოსდა ვინმეს ეპატრონოს მთელი ეს ხანი, სწორედ ასევე ჩემს საბანზე ხან აქ და ხან იქ უეცრად ჩნდება ჩემი ბავშვობის დაკარგული მოგონებები და თან თითქოს სულმთლად ახალი. ყველა დაკარგული შიში ისევ აქ არის.

შიში, რომ მატყლის პატარა ბეწვი, საბნის ქობიდან ამოწვერილი — მაგარია, მაგარი და ბასრი, როგორც ლურსმანი. შიში, რომ ჩემი საღამურის პატარა ღილი ჩემს თავზე ბევრად უფრო დცდია, დიდი და მძიმე; შიში, რომ პურის ერთი ნამცეცი, ჩემი საბნიდან ძირს რომ მიგორავს. მინად იქცევა და დაიმსხვრევა ძირს დაცემისას და დამთრგუნველი წუხილი, რომ ყველაფერი დაიმსხვრევა ამით ერთბაშად, ყველაფერი სამარადქამოდ; შიში, რომ გახსნილი წერილის ზოლიანი კიდე, რაღაც აკრძალული რამ არის, რაღაც ენით აუწერლად ძვირფასი, არავინ რომ არ უნდა ნახოს, რომელსაც ოთახში საიმედოდ ვერსად დამალავ. შიში, რომ ჩამეძინება და ნახშირის ნატეხს გადაეყლაპავ, ღუმელის წინ რომ ბზინავს შავად; შიში, რომ რაღაც რიცხვი მეზრდება ტვინში, იზრდება, იქამდე, ვიდრე ჩემში სივრცე აღარ ეყოფა; შიში, რომ ეს ტინია, რაზედაც ვწევარ; შიში, რომ დავიყვირებ და ჩემს კარებთან ხალხი მოიბრუნეს და შემოამტკრევს ბოლოს და ბოლოს; შიში, რომ შეიძლება თავი გავცე და ვთქვა, რაც მაშინებს; შიში, რომ მაინც ვერაფერს ვიტყვი, რადგან ყველაფერი გამოუთქმელია და სხვა შიშები... შიშები...

მე ვითხოვე ჩემი ბავშვობა და ის დაბრუნდა და ვგრძნობ, რომ ისეთივე მძიმეა, როგორც იყო, და ამით არაფერი არ ეშველა. რომ გავიზარდე.

გუშინ ჰიცხემ დამიწია და დღეს დღე დაიწყო როგორც გაზაფხული, როგორც გაზაფხული სურათებში. მინდა შევეცადო და ეროვნულ ბიბლიოთეკაში წავიდე ჩემს პოეტთან, რომელიც ამდენი ხანია არ წამიკითხავს; და მერე ეგებ ბაღებშიც შევძლო გასეირნება წელი წაბიჯით. ვინ იცის, ეგებ ქარი დაჰქრის გუბურის თავზე, სადაც ასეთი ნამდვილი წყალი დგას, მოდიან ბავშვები, წითელაფრიან ნაგებს უშვებენ და უყურებენ.

დღეს არ მეგონა, თუ ასეთი რამ შემემთხვეოდა. ისე მხნედ გავედი ქუჩაში, თითქოს ამაზე უბრალო არა იყო რა, და მაინც შემხვდა რაღაც ისეთი, რამაც ქაღალდივით ამიღო, ერთიანად დამქმუჭნა და გვერდზე მისროლა. რაღაც გაუგონარი შემემთხვა დღესაც. წმინდა მიშელის ბულვარი ცარიელი იყო და ვრცელი, და მე, მსუბუქად მივაბიჯებდი მის წელ დაღმართზე. ზემოთ ფანჯრები იხსნებოდნენ მინისებური ზმოვანებით და მათი მბრწყინავი ათინათი თეთრი ჩიტვივით მიფრინავდა ბულვარის თავზე. გვერდით წითელბორბლებიანმა უტლმა ჩაიარა და ქვემოთ, უფრო მოშორებით, ვილაცას ღია მწვანე რაღაც მიჰქონდა. ცხენები, თავიანთი სხივმფინარე აღკაზმულობით სწრაფად მიჰქროდნენ ახლად მორწყულ, ჩამუქებულ, სუფთა ქუჩაზე, ქარი უბერავდა, ახალი, ლბილი და ყველაფერი მატულობდა: სურნელებანი, ზარები და შეძახილები. ერთ კაფეს ჩავუარე, სადაც საღამოობით წითელ ბოშებად გადაცმული ანსამბლი უკრავდა. ღია ფანჯრებიდან სონდისის ქენჯინით ზოიპარებოდა ლამენათევი ჰაერი. თმადავარცხნილი კელნერები იდგნენ და შესასვლელთან იატაკს სწმენდნენ. ერთი მათგანი, წელში მოხრილი მუჭა-მუჭა ყრიდა ყვითელ ქვიშას მაგიდების ქვეშ. უეცრად ამხანაგი დაეჯახა გვერდით ჩავლისას და ხელით რაღაც დაანახა გარეთ ქუჩაში, კელნერი რომლსაც სახე ერთიანად გაჰარხლებოდა, ერთხანს გაფაციცებით იყურებოდა ნახევნები მიმართულებით, შემდეგ მის უწვევრო ლოყებს სიცილი ისე მოედო თითქოს ზემოდან ქვიშასავით შოაფრქვიესო. მან ხელი დაუქნია მეორე კელნერს, მოცინარი სახე რამდენიმეჯერ სწრაფად მიატრიალ-მოატრიალა, მარჯვნივ და მარცნივ, რათა ყველაასათვის დაეძახა და თავადაც არაფერი გამოჩინოდა. ჰოდა, ყველანი ასე იდგნენ და ქვემოთ იმზირებოდნენ თუ მზერით ეძებდნენ, გაღიმებულნი თუ გაბრაზებულნი, თითქოსდა ჯერ ვერ

აღმოეჩინათ, თუ რა იყო იქ სასაცილო. ვიგრძენი, რაღაც შიში და-
მეუფლა. რაღაცა ქუჩის მეორე მხარეს მეწეოდა. მაგრამ მე მხო-
ლოდ ნაბიჯს ავუჩქარე და უნებურად ჩემს წინ მიმავალი რამდენი-
მე კაცი შევათვალიერე, ოღონდ მათში სასაცილო ვერა ვიპოვე რა.
თუმცა, დავინახე, რომ ერთი მათგანი, ლურჯწინსაფრიალი და მტა-
რებელი ბიჭი, რომელსაც მხარზე ცარიელი კალათა შეედგა, ვილა-
ცას გასცქეროდა. გული რომ იჯერა, ადგილზევე შემობრუნდა სახ-
ლებისაკენ, შუბლზე თითი მიიჭირა და ისეთი რამ ანიშნა ქუჩის
იქითა მხარეს მოციწარ ნოქარს, რაც ყველასათვის ნაცნობი და გა-
საგებია. შემდეგ თავისი შავი თვალები დააკვესა და კმაყოფილი,
რწევა-რწევეთ ჩემსკენ გამოემართა.

ველოდებოდი, რომ მაშინვე, როგორც კი ჩემს თვალს სივრცე
მიეცემოდა, რაღაც ან ვიღაც უჩვეულოსა და თვალშისაცემს დავი-
ნახავდი, მაგრამ აღმოჩნდა, რომ წინ მხოლოდ ერთი მაღალი და
ხმელ-ხმელი კაცი მიდიოდა, რომელსაც შავი პალტო ეცვა და მოკ-
ლედ შეკრილ, გახუნებულ თმაზე ფაფუკი, შავი ფერის ქუდი ეხუ-
რა. დავრწმუნდი, რომ არც კაცის ჩაცმულობაში და არც მის საქ-
ციელში სასაცილო არა იყო რა და ის იყო დავაპირე, მის მიღმა
ქუჩის ბოლოსკენ გამეხედა, რომ მოულოდნელად კაცმა რაღაცაზე
წაიბორძიკა. რადგანაც ახლოს მივყვებოდი, მეც ყურადღება გავა-
მახვილე, მაგრამ იმ ადგილს რომ მივალწიე, იქ არაფერი არ აღმო-
ჩნდა, სულ არაფერი. ორთავემ გზა განვაგრძეთ, მან და მე, და მან-
ძილი ჩვენს შორის არ იცვლებოდა. აი, მივედით გადასასვლეთან
და სწორედ აქ მოხდა, რომ კაცმა თავისი არაერთნაირი ფეხებით
ტროტუარის საფეხურები სულ ხტუნვა-ხტუნვით ჩაირბინა, ისე
რომ ბავშვები შეიკუნტრუშებენ ხოლმე სიარულისას, როდე-
საც რამე გაეხარდებათ. იქითა ტროტუარის ასასვლელი კი
უბრალოდ აიარა ერთი გრძელი ნაბიჯით. მაგრამ ძლივს იყო
ტროტუარზე ასული, რომ ერთი ფეხი ოდნავ ასწია და მეორე ფე-
ხით ჰაერში შეხტა, შემდეგ ისევ შეხტა, კიდევ და კიდევ, ახლაც
მშვენიერად შეიძლებოდა, ეს ანაზღეული მოძრაობა კაცს წაბორ-
ძიკებად მიეჩნია, თუკი თავს დაარწმუნებდა, - რომ იმ ადგილას,
ძირს რაღაც ეგდო, კურკა ანდა ნაყოფის წვნიანი კანი. და საკვირ-
ველი სწორედ ის გახლდათ, რომ თვითონ ამ კაცს ეტყობა, სჯე-
როდა ამგვარი დაბრკოლების არსებობისა, რადგანაც ყოველთვის
ნახევრად გაბრაზებული, ნახევრად მოსაყვედურე მზერით გამოჰ-

ხედავდა ხოლმე ამ ნაესიან ადგილს, როგორც საერთოდ იქცევიან ასეთ შემთხვევაში. ერთხელ კიდევ ჩამძახა რალაც გამაფრთხილებელმა ზმამ, ყუჩის მეორე მხარეს გადავსულიყავი. მაგრამ არ მივყევი და იქვე დავრჩი, ამ კაცის ზურგს უკან და მთელი ყურადღება მისი ფეხებისაკენ მივმართე. უნდა გამოვტყდე, რომ უცნაური შეება ვიგრძენი, როცა მთელი ოცი ნაბიჯის მანძილზე ის ხტუნვა აღარ განმეორდა, მაგრამ როდესაც ზემოთ ავიხედე, დავინახე, რომ ამასობაში ამ კაცს სხვა უბედურება დამართნოდა: პალტოს საყელო ზემოთ ასწეოდა და რამდენსაც არ ცდილობდა, ხან ერთი ხელით, ხან მეორეთი მის ჩამოწევას, საყელო არა და არ ნებდებოდა. ხდება ხოლმე. თვითონ ამ ამბავს დიდად არ ავუღელვებოვარ, მაგრამ მაშინვე ჩემდა უსაზღვროდ განსაცვიფრებელად აღმოვაჩინე, რომ ამ ადამიანის მოფუსფუსე ხელებში ორი მოძრაობა იმალებოდა: ერთი — ფარული, სწრაფი, რომლითაც კაცი თავის საყელოს შეუმჩნევლად ზემოთკენ სწევდა და მეორე — ის დაწვრილებითი, შემაჩერებელი, გადაჭარბებულად გულმოდგინე მოძრაობა, რომლითაც საყელოს ჩამოწევას ლამობდა. ჩემმა აღმოჩენამ ისე ამირა გონება, რომ მთელი ორი წუთი გავიდა, ვიდრე მივხვდებოდი: ამ კაცის კისერში, ზემოთაწეული საყელო მიღმა, და ნერვიულად აფორიაქებულ ხელებში იგივე, საშინელი ორტაქტიანი ხტუნვა იმალებოდა, რომელმაც ის-ის იყო მისი ფეხები მოატოვა. ამ წუთიდან მას მივეჩაქვე, მივხვდი, რომ ეს ხტუნვა მთელს მის სხეულში დაწრიალებდა და ცდილობდა, ხან აქ და ხან იქ გამოერღვია და გამომხტარიყო. მივხვდი მის შიშს ხალხის წინაშე და თავადვე დავიწყე თვალთვალი, გამვლელები ხომ არაფერს ამჩნევენმეთქი. და ცივი ჩხვლეტა ვიგრძენი ზურგში, როცა უეცრად მისმა ფეხებმა მოკლე და აცახცახებული ნახტომი გააკეთეს, მაგრამ არც ეს შეუნიშნავს ვინმეს და ამ დროს თავში მომივიდა, რომ მეც დამეწყო ცოტა ბორძიკი, თუკი ვინმე შემოგვხედავდა, რალა თქმა უნდა, ეს მშვენიერი საშუალება იქნებოდა ცნობისმოყვარეთა დასარწმუნებლად, რომ გზაზე მართლაც ეგდო რალაც ციციქნა და შეუმჩნეველი, რომელსაც ორივემ ფეხი დავადგიო. მაგრამ, ვიდრე მე შველაზე ვფიქრობდი, მას თვითონვე ეპოვა ახალი, ბრწყინვალე გამოსავალი. დამავიწყდა მეთქვა, რომ მას ყავარჯენი ეჭირა. ჰო, ეს უბრალო, შავი ზის ჯოხი იყო, სადა, მომრგვალებული კავით და ამ კაცს, შიშით გათანგული გამოსავალს რომ ეძებდა, აზრად მოსვ-

ლოდა, ყავარჭენი, ჭერ ცალი ხელით (რადგან ღმერთმა იცის, მეორე კიდევ რისთვის დასჭირდებოდა) ხერხემლის გარდიგარდმო ზურგზე მიეკრა და კავი პალტოს საყელოზე ჩამოეცვა, ისე, რომ იგი კისერსა და ხერხემლის პირველ მალას შორის მტკიცე საყრდენის როლს ასრულებდა. ეს ისეთ პოზას წარმოადგენდა, რომ არ იყო მაინცდამაინც თვალშისაცემი, დიდი-დიდი, მხიარულ ხუმრობად შეიძლებოდა მიჩნეულიყო. მოულოდნელი გაზაფხულით შეიძლებოდა მისი ახსნა და მიტეგება.

არვის მოსვლია აზრად მოხედვა და საქმე კარგად წავიდა. დიდებულადაც კი მიდიოდა. მხოლოდ შემდეგ გადასასვლელზე ისევ გაჩნდა ორი ნახტომი, თუმცა, სრულიად უმნიშვნელო. და თანაც ერთი, უფრო აშკარა, ისე მოხერხებულად გააკეთა (გზის გარდიგარდმო ბედად რეზინის მილი ეგდო), რომ არაფერი იყო საშიში. დიახ, ჭერ ყველაფერი კარგად მიდიოდა. ხანდახან მეორე ხელიც სწვდებოდა ხოლმე ყავარჭენს, უფრო მაგრად აჭერდა ზურგს და საფრთხეც იმ წამსვე არიდებული იყო თავიდან. მაგრამ არაფერი შემეძლო მელონა იმის წინააღმდეგ, რომ ჩემი შიში მაინც იზრდებოდა. ვიცოდი, რომ ვიდრე ეს კაცი ასე მიდიოდა და უსაშველო დაძაბულობის ფასად ცდილობდა გულგრილი და დაბნეული სახე ჰქონოდა, მის სხეულში განუწყვეტლივ გროვდებოდა და მატულობდა ეს შემზარავი ცახცახი. და მისი შიში უკვე მეც ვადმომეცა, შიში, რომლითაც ის ამ განუხრელ მატებას გრძნობდა. და მე ვხედავდი, როგორ ებლაუჭებოდა იგი ყავარჭენს, როცა მის შიგნით ეს ჩუმი თრთოლვა იწყებოდა. მაშინ ამ კაცის ხელები ისე დაუნდობლად და მრისხანედ გამოიყურებოდნენ, რომ მთელ იმედს მის ნებისყოფაზე ვამყარებდი. ახლა მას დიდი ნებისყოფა სჭირდებოდა. მაგრამ ან ნებისყოფას რაღა შეეძლო. დადგებოდა წუთი, როცა მას ძალა გამოეღეოდა და ეს წუთიც შორს აღარ იყო. და მე, გულამოვარდნილი, რომ მივდევდი უკან, ჩემს მცირეოდენ ძალას ხურდა ფულივით ვაგროვებდი, მის ხელებს შევყურებდი და ვევედრებოდი აელო. და მე დარწმუნებული ვარ, რომ აიღო. რა ჩემი ბრალი იყო, რომ მეტა არ მქონდა. წმინდა მიშელის ქუჩაზე ბევრი ეტლი და ხალხი ირეოდა, ხშირად ორ ეტლს შორის აღმოვჩნდებოდით ზოლმე, აქ კი ის სულს ითქვამდა და რომ ოდნავ მაინც შეესვენა, ცახცახს ნებდებოდა: ოდნავ ხტუნავდა და თავს აქნევდა. ეგების ეს ცბიერება გახლდათ, რომლითაც დატყვე-

ვებული ავადმყოფობა ამ კაცის დაძლევის ლამობდა. ნებისყოფა ორ ადგილზე გახვრეტილიყო: წელანდელ დანებებას გაათვრებულ კუნთებში ჩუმი, მაცთუნებელი მიმზიდველობა და თან ის მოძლიადე ორტაქტი დაეტოვებინა, მას ხტუნვისაკენ რომ უბიძგებდა, მაგრამ ყავარჯენი ჯერ ისევ თავის ადგილას იყო. და ხელებიც ავად და მრისხანედ გამოიყურებოდნენ. ასე გავედით ხილზე და საქმე ჯერ ისევ კარგად მიდიოდა. მაგრამ რაღაცა გაუბედობა შეეპარა იმის სიარულს... და აი, ორი ნაბიჯი გაირბინა და გაჩერდა. მარცხენა ხელი ნელა მოსცილდა ყავარჯენს და ისე ნელა და ცახცახით აღმართა ზემოთ, თითქოს ჰაერის გაკვეთა უჭირსო. მან ქუდი ოდნავ გადაიწია, ხელი შუბლზე მოიხვია, მძიმედ, თავი ოდნავ მოატრიალა და მისი მზერა აბარბაცდა ცაზე, სახლებზე, ქვემოთ წყალში, მაგრამ ვერაფერს მოეჭიდა და... აქ ის დანებდა. ყავარჯენი გაუვარდა, ხელები ისე გაშალა, თითქოს ცაში სურდა აფრენა და მისგან ბუნებრივ სტიქიონივით ამოჰყდა რაღაც, რამაც წინ გადაზნიჭა, მერე უკანვე მიაწყვიტა, თავი აუცახცახა, წელში მოხარა და... მისი სიღრმიდან ამოფრქვა ძალა ცეკვისა; გამვლელთა წრეში, რადღანაც უკვე ბევრი ზალხი შემოხვეოდა და ველარ ვხედავდი.

რა აზრი ჰქონდა სადმე წასვლას? ერთიანად დავცარიელდი. ცარიელი ქალღღივით ავეკარი სახლების რიგს და ბულვარს ავუყვივი.



ვცდილობ, წერილი მოგწერო, თუმცა ვერ ვხედავ შენთან დამშვიდობების აუცილებლობას. მე მაინც ვცდილობ, მჯერა, ვალდებული ვარ, ეს გავაკეთო, რადგან წმინდანი ვიხილე პანთეონში²⁹, მარტოსული, წმინდანი ქალი, და სახურავი და კარი, და შიგნით ლამპარი სინათლის მქრალი წრით, და გაღმა კი მძინარე ქალაქი, მდინარე და მისი შორი შემოგარენი მთვარის სხივებში, წმინდანი ფხიზლობს მძინარე ქალაქის თავზე. ვიტყვი, რადგან ყველაფერი ერთბაშად, ასე მოულოდნელად დამიხვდა იქ. მე ვიტყვი ამის წინაშე, არ ვიცოდი თავისთვის როგორ მეშველა.

მე პარიზში ვარ. ზოგს უხარია, ვინც ამას იგებს, უმეტესთ კი შურთ. მართალნი არიან. ეს არის დიდი ქალაქი, დიდი და სავსე საკვირველი ცთუნებებით. რაც მე შემეჩება, უნდა გამოვტყუდე, რომ გარკვეული თვალსაზრისით, მე მათ მძლიეს. ვფიქრობ, სხვაგვარად

ეს არ ითქმის. მე ამ ცთუნებებმა მძლიეს და ამან გარკვეული ცვლილებანი გამოიწვია, თუ ჩემს ხასიათში არა, ჩემს მსოფლმხედველობაში მაინც, ჩემს ცხოვრებაში კი უუკველად. ამ გავლენების შედეგად ყოველი საგნის რაღაც სრულიად განსხვავებული აღქმა ჩამომიყალიბდა. გარკვეული თავისებურებანი გამიჩნდა, ახლა ადამიანთაგან უფრო ძლიერ რომ მაშორებენ, ვიდრე ყველაფერი, რაც დღემდე იყო. სახეცვლილი სამყარო. ახალი ცხოვრება, სავსე ახალი მნიშვნელობებით. ამ წუთს ცოტა არ იყოს მიჭირს, რადგანაც ყოველივე მეტისმეტად ახალია. მე ახალბედა ვარ ჩემს ახლანდელ ცხოვრებაში.

შესაძლებელია, რომ ზღვა ვნახო ერთხელ?

კი, მაგრამ, დაფიქრდი, წარმოვიდგინე, რომ შენ შესძლებდი ჩემთან ჩამოსვლას. მითხარი, ექიმობომ არ გეგულება სჯდმე? დ.მა. ვიწყდა ამის გაგება. თუმცა უკვე აღარც მჭირდება.

გაგონდება ბოდლერის დაუჯერებელი ლექსი „Une Charogne“³⁰ შეიძლება მხოლოდ ახლა მესმოდეს. გარდა ბოლო სტროფისა, ის მართალია. რა უნდა ექნა, თუკი იმ ლექსს გადაეყარა? მისი ვალი იყო, რომ ამ საშინელში, მხოლოდ მოჩვენებითად საზიზღარში დაენახა ყოფიერი, ყოველ არსებულში რომ მყოფობს. არ არსებობს არჩევანი და უარყოფა. განა შემთხვევითად მივაჩნია, რომ ფლობერმა თავისი „Saint-Julien—l’Hospitalier“³¹ დაწერა? მე მგონი, გადამწყვეტი ეს უნდა იყოს: იღებს თუ არა ვინმე თავის თავზე, რომ კეთროვანს მოღწევს გვერდით და გაათბოს იგი სიყვარულის ღამეთა გულმხურვალეებით. ამას კი მხოლოდ კეთილი ბოლო შეიძლება ჰქონდეს. ოლონდ, ნუ იფიქრებ, რომ თითქოს აქ იმედგაცრუებით ვიტანჯებოდე, პირიქით, ზოგჯერ მაკვირვებს, რა მზადყოფნით ვაბობ უარს ყველაფერზე, რასაც ველოდი, სინამდვილის გულსათვის, მაშინაც კი, როცა ეს სინამდვილე აგრეტიკად უკეთურია. ღმერთო ჩემო, რომ შეიძლებოდეს ამ განცდის რამენაირად გაზიარება! მაგრამ განა ის იქნებოდა მაშინ, იქნებოდა მაშინლა? არა, ის არის მხოლოდ მარტოობის საფასურად.

ჰაერის ყოველი ნაწილაკი საშინელებით გასენილა და დამძიმებულია. ამ საშინელებას შევისუთქავთ გამჟვირვალე მატერიასთან ერთად. მაგრამ ის ჩვენში დაილექება, წამსვე წამახულ, გეომეტრიულ სხეულებად გადაიქცევა და შინაგან ორგანოთა შორის ჩაგვე-

ხერგება. რადგან ყველაფერი — რაც კი ხდებოდა სასამართლო მოედნებზე, წამებისათვის განკუთვნილ საყენებში, საგიყეებში, საოპერაციო მაგიდებზე, გვიან შემოდგომით ხიდების თალებქვეშ — მთელი ეს მომხდარი საშინელება, გადატანილი ტანჯვა-წამება, წარუვალია, არასდროს ქრება, უხილავად რჩება ყველგან, რჩება პაერში და იქ გროვდება: ის თვითონ აგროვებს თავის შემზარავ სინამდვილეს, ჭიუტად, ბრახით შეპყრობილი ყველა ცოცხალი არსების მიმართ, რადგან ყველა გაუზრბის მას. აღამიანებსაც ხომ ასე სწადიათ, დაივიწყონ ყველა ტკივილი და ღამლამობით მათი ძილი გულმოწყალედ და ლბილად ქლიბავს ღრმად ამოტვიფრულ, ტანჯვით ავსებულ ნაოკებს ტენში: სურს გადაშალოს, მაგრამ სიზმრები ძილს განდევნიან და აღადგენენ ისევ ამ ხაზებს და აღამიანები რღვიძებენ, ქოშინებენ, ანთებენ სანთელს, იცდიან, ვიდრე მისი სინათლე სიბნელეში განზავდებოდეს და დამტკბარი წყალოვით სვამენ მერე ამ ნახევრად ბნელ დამშვიდებას. მაგრამ ექ! რა ბეწვზე ჰკილია ეს სიმშვიდე! უმცირესი შერახევა და მზერა მოსწყდება ნაცნობ და მახლობელ საგნებს და წუთის წინ მათი ასეთი მანუგეშებელი ხაზები საშინელების უზარმაზარი სახის ნაკვეთად გადაიქცევა. ერიდე სინათლეს, რომელიც უფრო აშიშვლებს ოთახს. ნუ მიმოიხედავ, როცა საწოლში წამოჯდები, ნუ შეამოწმებ, ზურგიდან რაიმე ვეება ჩრდილი თავს მბრძანებელივით ხომ არ წამოვადგა. ვინ იცის, ეგებ სჯობდა კიდევ, რომ სიბნელეში დარჩენილიყავ, ამ შემაშინებელი გაურკვევლობისათვის ჩუმად გაგეძლო და მაშინათვე მას სინათლით არ გამიჯვროდი? ეგებ ის სჯობდა, გული გაგეხსნა ამ ბუნდოვანი შიშის ქვეყნისთვის, შენს გულს ეცადა და ამ ქვეყნის დამძიმებულ გულად ქცეულიყო? მაგრამ ეს შენ არ გააკეთე. და აი, ახლა დაძაბულხარ, ისე შეკრულხარ და შეკუმშულხარ შენსავე თავში, რომ შენში სივრცე აღარც კი რჩება.. გსურს აგრერიგად შემოიზღუდო ყველაფრისაგან, რაც კი თავზარს გცემს... და თითქმის გამშვიდება, როდესაც ფიქრობ, რომ ახლა ის „უზარმაზარი და საშინელი“ ამ შენ შინაგან სივრცოვეში ველარ დაეტევა, რომ თვითონაც უნდა დაპატარავდეს... მაგრამ საშინელება ხომ შენს გარეთ ხდება ცხოვრებაში და იქ იზრდება! გარეთ კი აბა შენ რას გააწყობ, და როცა იქ გროვდება და იქ აზვირთდება, მაშინ შენს არსებაშიც შემოიჭრება დაუკითხავად: შენს კიდურებს კი არ შიამურებს, ნაწილობრივ მაინც რომ ვემორჩილებიან ანდა

შენი უფრო გულგრილი ორგანოების ფლეგმას. არა, ყველაზე მგრძობიარე კაპილარებიდან შემოდის იგი, აქ გროვდება და სისხლძარღვები მას მიღებივით შეიწოვენ ქვემოდან ზემოთ, შენი განტოტვილი, ურიცხვშტოიანი არსების ყველაზე ზედა განშტოებებისაკენ და ასე თანდათან, მთელი ცხოვრების მანძილზე გავსებს საშინელება. სულ ზემოთ იწევეს შენს არსებაში — გაავსებს და გაცდება შენს გულს, გაგცდება შენ თვითონ... შენს ზემოთ მიდის... და რაღა გრჩება? — მხოლოდღა სუნთქვა, ერთადერთი, სიცოცხლესთან რაც გაკავშირებს, შენი ბოლო სამყოფელი და შენც მასღა ებღაუჭები... მაგრამ იგი სუნთქვასაც ავსებს და... ოჰ! ახლა საითღა? სადღა წახვალ?... უკვე მთავრდება: გული შენი გამოგდენის შესწავ თავიღან, გული თითქოს ზურგს უკან გრჩება და დგახარ ზენივე სხეულს გარეთ და უკან ვერასგზით ვეღარ ბრუნდღეღ, როგორც ხოკო, ფეხით რომ სრესენ, გაღმონთხევი შესწავ თავიღან — და ვერაფერი ვეღარ გიშვეღღს: ვეღარც შენი შემგუებღღობა და ვეღარც შეღღარებითი გამძღღეობა შენი სხეუღღის ზეღღაღღირისა.



ო, ღამე, საგნებს რომ აუჩინარებს, უფერებო და უსაგნებო. ო, წყვიღღადღით სავსე ფანჯრები, ო, გულმოდღინედ მიხურღღული ოთახის კარი: სახღღი, საგნები, ოღღითგან ღღემღღე, ჩვენ რომ გაღღმოგვცემს, ჩვენც რომ ვირწმუნეთ, შევეჩვიეთ და ბოლომღღე ვერასოღღეს ვერ შევიცანით. ო, სიჩუმე. სიჩუმე საკიბურში, სიჩუმე გვერღღითა ოთახიღღან, სიჩუმე ჭერზე. ო, ღეღა, ო, ერთადერთო, ვინც ამ სიჩუმეს ჩამოეფარე, ოღღესღღაც, ბავშვობაში, ვინც ამ სიჩუმეს საკუთარ თავზე იღებს და ამბობ: „ნუ გეშინია, ეს მე ვარო“. ვისაც შეგწევს გამბეღღაობა, ღღამით მთლიანად ამ სიჩუმედ გარღღაღღსახო ბავშვის გულღღსთვის, სიჩუმის შიშით რომ დაზაფრულია. შენ ანთებ სანთეღღს და უკვე შრიღღალი ხარ. წინგაწვღღილ ხეღღით მოგაქვს სინათღღლე. და ამბობ: „ეს მე ვარ, მე, ნუ გეშინია“. ნეღღა ღღგამ შანღღალს, ნეღღა და არავითარი ექვი არ არის: შენა ხარ. შენ ხარ ნათელი მახღღლობელ, გულითად საგანთა ირგვღღივ, რაიმე ფარულ აზრის გარეშე ჩვენს გარშემო რომ განღღაგებულან! კეთიღღად, მარტივად და ერთაზროვნად. და თუ რაიმე აწრიღღლღება საღღმე კედელში, ანღღა

ნაბიჯი გაისმება სადმე წინკარში, შენ გაიღიმებ მხოლოდ და მხოლოდ. იღიმი: მთლიანად მქვირვალდები მაგ ღიმილით და შენი არსების უშრეტ სინათლით, ასე შეპღიმი ბავშვის შიშით ავსებულ სახეს, სახეს, რომელიც გეკითხება და პასუხს ელის, თითქოს საიდუმლოდ იყო შეთქმული ყველა ამ ჩქამთან და შეთანხმებული. თუ შეედრება რაიმე ძალა ძალას შენსას ამქვეყნიურ მეუფეობაში? შეხედე მეფეთ, წვანან შიშისგან გახევებულნი და მეზღაპრენი მათ გართობას ვერ ახერხებენ. და შიშს ოსინი ამქვეყნად ვერსად ემალებიან: სატრფოთა ნეტარ მკერდზე დამხობილთ ანაზღეულად შეიპყრობს ძრწოლა, ადამბლავებს და ჰურვილს უქრობს.

შენ კი მოდიხარ და თავზარდამცემს შენს ზურგს უკან აჩერებ ხელით. და მთლიანად მის წინ ხარ. ფარდასავით კი არ ეფარები, რომლის ჩამოგლეჯაც მას შეუძლია, არა, თითქოსდა გამოასწარ ჩვენს დაძახილზე და ყველაფერზე აღრე მოხვედი, რასაც კი ძალუქს მოვიდეს ჩვენთან, თითქოს ზურგსუკან ეს გამოშურება გქონდეს მარტოდენ, მარადეამული შენი სავალი, ფრენა შენი სიყვარულისა.



ნიღბების ჩამომსხმელს, რომლის სახლთანაც ყოველდღე მიწევს ჩავლა, ორი ნიღაბი გამოუკილია გარეთ კედელზე: ერთი — ახალგაზრდა, წყალში დამხრჩვალი ქალის სახეა, რომლის ნიღაბიც მორგში აიღეს, რადგან ეს სახე ლამაზი იყო, რადგან ეს სახე განგებ, სხვათა დასანახად იღიმებოდა, თითქოს თვითონაც იცოდა, რომ იღიმებოდა. ხოლო მის ქვემოთ — კაცის სახე³², სახე, რომელმაც მკვდარმაც იცოდა, რაც დაემართა — ეს იყო მკვრივად შეკრულ შეგრძნებათა მძიმე გორგალი, უღმობელი თვითშედედება ნიღაგ აქროლების მსურველ მუსიკის: სახე კაცისა, ვისაც ღმერთმა სენა დაუხშო, რათა სხვა ხმები აღარ ესმინა, იმ ხმების გარდა, მისსავე წიაღში რაც გაისმოდა, რათა თავგზა არ აბნეოდა სწრაფწარმავალ ხმოვანებათა სხლტომასა და სიმღვრივეში, მას, ვის სიღრმეშიც მათი სიცხადე და გრძლივობა თართოდა. სმენა დაუხშო, რათა ამ კაცში მთელი სამყარო მხოლოდ სიჩუმედ ჩაღვრილიყო; უხშო, დაძაბული, მომლოდინე ქვეყნიერება, როგორიც იყო ბგერის შექმნამდე.

შენ, ხელოვანო და სამყაროს სრულქმნილების გამსრულებელო! როგორც ის წყალი, წვიმად რომ დასდის დედამიწას და ზღვების ზედაპირს, დაუდევრად რომ ეშვება ძირს, შემთხვევით ინთხევა, შემდეგ კი სულმთლად უჩინარი, ხალისიანად ზეაღსდგება მიწის პირიდან კანონის ძალით, ზემოთ მიიწევს და ლივლივებს და იქ ქმნის ზეცათ, — სწორედ ასევე ამოსკდა შენგან ჩვენეულ დაწალექთა აზღავება და სამყაროს მუსიკად გადაეთალა.

შენს დიდ მუსიკად: ო, ნეტავ იგი სიმაღლეში დარჩენილიყო, ასე მთელი სამყაროს ირგვლივ, და აქ, ჩვენს ირგვლივ არ ეხმიანა. შენთვის ფორტეპიანო უნდა დაედგათ შორს, თებაისში³³ და ანგელოზი წაგძლოლოდა და მიეყვანე ინსტრუმენტის იმ უსაზღვრო სიმარტოვეში, უდაბნოს მძიმე მწვერვალთა გავლით, სადაც მეფენი განსვენებენ, მეუღაბნოები და ჰეტერანი. მიგეყვანდა და თავად კი მაშინვე გაგეცლებოდა, ისევე პაერში აიჭრებოდა შეშინებული: აი, იწყებსო. და დაიწყებდი — ნიაღვარად გადმოსკდებოდი, დიდო დინებავ, და სამყაროს დაუბრუნდები გაუგონარი მუსიკის ღვარებს — რადგანაც მისი გაძლება და მისი გაგება შეუძლია მხოლოდ სამყაროს. ბედუინები სიშორეში განიბნეოდნენ, ცრუმორწმუნენი. ხოლო ვაჭართა ქარავანი დაემხოზოდა შენეული მუსიკის პირას — რადგან გრიგალი ეგონებოდა. თითო-ოროლა ლომი თუ დაჯდებოდა შენს შორიახლოს შუალამისას, საკუთარი თავით დამფრთხალი, შეშინებული საკუთარი, აჩქროლებული სისხლის მუქარით.

რადგან აწ ვილამ გამოდენოს შენი მუსიკა ადამიანთა ბილწი ყურიდან? და ვინ განდევნის მათ მუსიკის დარბაზებიდან — საკუთარი თავით მოვაჭრეთ, ბერწი, გამშრალი სმენის პატრონებს, სმენის, რომელიც მუდამ მრუშობს და არასოდეს არ იღებს მუცლად? აი, თესლი გადმობრწყინდება! ისინი კი კახპებივით ქვემოთ ჩჩებიან და თამაშობენ ამ წმინდა თესლით. ან ის ეცემა უხმოდ მათ შორის, ქვემოთ რომ წვანან გამოფიტულნი ფუქი, უსაგნო სიამოვნებით, ვითარცა თესლი ონანისა³⁴.

მაგრამ, ბატონო, სადაც არ უნდა წოლილიყო შეუბღალავი, ქალწულებრივი სმენის პატრონი, შენეული ხმოვანებისას — ის მოკვდებოდა ნეტარებისგან ან უსასრულოს ჩაისახავდა და მისი განაყოფიერებული ტვინი გასკდებოდა ხმამალალი მშობიარობით.

მე არ ვამცირებ ამის მნიშვნელობას. ვიცი, გაბედულებაა საქი-
 რო. მაგრამ დაეუშვათ ერთი წუთით, რომ ვინმეს აღმოსჩენოდა, აი-
 დეც ეს Courage de luxe³⁵ და მათ გაპყლოდა, რათა ერთბაშად
 და სამუდამოდ გაეგო: შემდეგ სად მიიპარებიან ეს ადამიანები და
 რას აკეთებენ იმ უამრავ სხვა დღეებში და იძინებენ თუ არა და-
 მით? ამის დადგენა განსაკუთრებით აუცილებელი იქნებოდა: სძი-
 ნავთ თუ არა. მაგრამ მხოლოდ გაბედულება საქმეს ვერ შველის.
 რადგან ისინი სხვებივით კი არ მიდიან-მოდიან, რომელთა გადაე-
 ნებაც სულ იოლი რამ იქნებოდა. ისინი უცბად ჩნდებიან და ცხევ
 ქრებიან, როგორც კალს ჯარისკაცები, ბავშვები რომ ჩამწყვრივე-
 ბენ და მერე ერთბაშად მოუსვამენ ხოლმე ხელს. ცოტა მოშორე-
 ბული ადგილებია, სადაც ისინი ჩვეულებრივ დგანან, მაგრამ მი-
 ვარდნილი სულაც არ ეთქმის. ბუჩქნარი უკან იხევს, გზა ოდნავ
 უხვევს პატარა მდელს გაყოლებას. აქ დგანან ისინი, მათ ირგვ-
 ლივ გამკვირვალე სივრცეა მხოლოდ, თითქოსდა ვულკანური მიწის
 ქვეშ იდგნენ. შეიძლებოდა, ჩაფიქრებულ მოსეირნებად მიგეჩნია
 ეს შეუმჩნეველი და პატარა, ყველა თვალსაზრისით, თავმდაბალი
 კაცები, მაგრამ შეცდებოდი ხედავ იმათ მარცხენა ხელს, რაღაცას
 რომ ეძებს ძველი პალტოს ირიბ ჯიბეში? როგორ პოულობს, რო-
 გორ ამოაქვს და როგორ იჭერს რაღაცა ციციქნას მოუხერხებლად
 და თვალმისაცემად მაღლა ჰაერში? ერთი წუთიც არ გადის და
 ორი, სამი ჩიტი უკვე ეშვება: ბელურები, ცნობისწადილით და
 სკუპ-სკუპით რომ მიდიან მისკენ, და თუ კაცი ახერხებს, რომ უძრა-
 თბაზე მათ უაღრესად ზუსტ წარმოდგენას თავისი დგომა შეუქა-
 ტყვისოს, მაშინ სრული საფუძველი იქმნება იმისათვის, რომ ჩი-
 ტები კიდევ უფრო მიუახლოვდნენ. ბოლოს, პირველი აფრინდება
 და ერთხანს ნერვიულად ეღურტულებს და დაფარფატებს იმ ხელის
 სრმაღლეზე, რომელიც (ღმერთმა ხომ იცის) მათ ტკბილ და და-
 სოჯისვლილ პურის ციციქნა ნატეხს სთავაზობს თავისი არასომ-
 თხოვნი და ზაზგასმით უარისმთქმელი თითებით. და რაც უფრო
 ბევრი ხალხი იკრიბება კაცის გარშემო, შესაბამის მანძილზე, რა
 თქმა უნდა, მით უფრო ნაკლები აქვს მათთან საერთო. ის დგას,
 როგორც ლამპარი მანათობელი, რომელიც პატრუქის ნარჩენით
 იწვის, იწვის და ანათებს, თვითონაც თბება თავისი ცეცხლით, მაგ-

რამ ოდნავადაც არ ირხევა. და თუ როგორ იზიდავს და როგორ იტყუებს, ამის განსჯა იმ პატარა და სულელ ჩიტებს არ შეუძლიათ. მაყურებელნი რომ არ ყოფილიყვნენ და ამ კაცს დასცლოდა იქ საკმაოდ ხანგრძლივად დგომა, მჯერა, ერთხელაც ანგელოზი მოფრინდებოდა, დასძლევდა ზიზღს და გალელული ხელის გულიდან იგემებდა ძველი პურის პატარა და მოტკბო ნატეხს. მას ელოებება ახლაც ხალხი, როგორც ყოველთვის: იმისთვის ზრუნავს, რომ ჩიტები მოდიოდნენ მხოლოდ და მხოლოდ. ესეც დიდ ფუფუნებად მიაჩნიათ და ამტკიცებენ, ის კაცი სხვას არც არაფერს ელოდებო. ანკი რას უნდა ელოდებოდეს ეს გაცვეთილი, ჩამოკონკილი, გალუმპული თოჯინა, ოდნავ ირიბად რომ ჩარჭობილა დედამიწაში, როგორც ძველი ზომალდის ქიმებიდან ჩამოხსნილი ხის კაცუნები, დანიელი, მენავეები თავიანთ ბაღებში რომ არჭობენ ხოლმე? ნეტავ ეს დგომა იმის გამო ხომ არ დასჩემდა, რომ ესეც ადრე თავისი ცხოვრების ქიშხე იდგა, სადაც ყველაზე მეტად ეზღებოდნენ ქართეხილები? ასე გამოხუნებული და ჩამორეცხილი იმიტომ ხომ არ არის ახლა, რომ ოდესღაც სულმთლად ფერადი იყო. არ გინდა ჰკითხო?

მაგრამ ქალებს ნურაფერს ჰკითხავ, თუ დაინახავ რაძელიმეს, შშიერ ჩიტებს პურს როგორ უწვდის. მათ შეიძლება კიდევ გაპყვეს ადამიანი. ქალები ჩიტებს ისე, სიარულისას აპურებენ. მათი გაყოლა ადვილი იქნებოდა. მაგრამ დაეხსენ. მათ არ იციან. ეს როგორ მოხდა: ერთხელაც მთელი გროვა პური უჩნდებათ ხელჩანთებში. და ისინი წინ იშვერენ პურის დიდ ნაჭრებს თავიანთი სიფრიფანა მანტილიიდან, ნაჭრებს, რომლებიც გაღეჭილია ოდნავ და სველი. ქალებს სიამოვნებთ, მათი ნერწყვი მთელ სამყაროს რომ უერთდება, რომ პატარა ჩიტუნები აქეთ-იქით დაფრენენ და პირით ამ გემოს დაატარებენ, თუმცა, ცხადია, ივიწყებენ ამას მაშინვე.



და მე ვიჯექი შენს წიგნებთან, შენ, შეუვალო³⁶, მეუბნები რომ მხოლოდ შენებურად გრძობდი ცხოვრებას, და ვკითხულობდი და ვცდილობდი ჩემებურად გამეგო, ისევე, როგორც ცდილობენ სხვები, არაფრად რომ არ აგდებენ შენი სამყაროს დიდ მთლიანობას, მის ციკქნა ნაწილს იწოვენ მხოლოდ, თავიანთი სულის შესატყვისს

და კმაყოფილნი სტოვებენ წოგნებს. რადგანაც მაშინ, ჯერ კიდევ არა მქონდა შეცნობილი — დიდება — ეს საჯარო ჩამონგრევა შემოქმედი და ქმნადი სულისა, რომლის შენების ადგილზედაც ბრბო იჭრება და ქვებს განზე უყრის.

შენ, ახალგაზრდავ, ვინც და სადაც არ უნდა იყო, ვისაც თავზარს გცემს მარტობის და მტრობის შიში, დაიმხსნოვრე: შენთვის მხოლოდ სასიკეთოა, რომ ამქვეყნად არავინ გიცნობს. და თუ ასე გიმხედრდებიან ისინი, ვინც შენ არად ფაგდებენ, და თუკი შენი მახლობელნიც გყიდიან და გწირავენ ჩუმად და მათ ყველას სურთ ამოგძირკონ ძირფესვიანად შენი ძვირფასი აზრების გამო, რას შეედრება ეს ცხადი საფრთხე, შენსავე თავში რომ განგამტკიცებს და გამოგაწრთობს, გვიან მოსული დიდების იმ ცბიერ მტრობას, რომელიც შენ უვნებელს გაეხდის, რადგან როგორც ქარი მტვერს ისე გაგფანტავს!

ნუ სთხოვს ნურავის, შენს შესახებ ილაპარაკოს, თუნდაც აუგად. და როცა ჟამი გამოხდება და შეამჩნევ, შენი სახელი ირგვლივ ხალხში როგორ ტრიალებს, იმაზე უფრო მნიშვნელოვნად მას ნუ მიიჩნევ, ხალხის პირში რაც ჩაეარდნილა. იფიქრე, რომ ის უკვე წახდა და მოიშორე. სულ სხვა სახელი ამოირჩიე, რომელიმე, რომ ღმერთს შეეძლოს გვიან ღამით შენი მიხმობა და ეს სახელი ირგვლივ ყველას გადაუშაღე.

შენ უმარტოვსო, გამიჯნულო, როგორ შეიძლეს და დაგეწიეს ამ განდიდების გზით და წყალობით! განა რა ხანმა განვლო მას აქეთ, რაც თავად შენს არსს უმხედრდებოდნენ, ახლა კი შენთან გაუბიათ ურთიერთობა როგორც ტოლ-სწორთან. შენს სიტყვებს ყველგან თან დაათრევენ თავიანთი სულის ბნელ გალიებში და აჩვენებენ მათ მოედნებზე და აღიზიანებენ კიდევ ჩუმ-ჩუმად გისოსების იმედით — შენს სიტყვებს — ამ საშინელ გარეულ ცხოველებს.

და როცა პირველად გკითხულობდი, ისე როგორც საჭიროა შენი წაკითხვა, შენმა სიტყვებმა გამოარღვიეს გალიები და თავს დამესხნენ ჩემს უდაბნოში, სასოწარკვეთილნი, როგორც შენ თავად იყავი ბოლოს, შენ, გზა რომლისაც შეცდომითაა მოხაზული ყველა რუკაზე. ნახტომივით იჭრება ცაში ეს უიმედო ჰიპერბოლა შენეულ გზისა, ერთადერთხელ რომ იხრება ჩვენსკენ და თავზარდაცემული ისევ გვშორდება. რა განაღვლებდა, ვილაც ქალი რჩება თუ მიდის? ვილაცას რეტი ესხმება თუ სიგიჟე იპყრობს? მკვდრე-

ბი ცოცხლობენ თუ ცოცხლები ცოცხლად კვდებიან? — რას იძიებდნი? ეს ყველაფერი შენთვის ისეთი ბუნებრივი იყო ყოველთვის. შენ მიდიოდი ამ ხილული ცხოვრებას გავლით, შეუჩერებლად, ისე როგორც წინკარს გადიხან. მაგრამ იქ უკვე ჩერდებოდი და იცდიდი წელში მოხრილი — იქ, შიგნით, სადაც ცხოვრება დულს და გადმოდის, იღეჭება და სახეს იცვლის: სულის სიღრმეში, ბევრად უფრო ღრმად, ვიდრე ოდესმე შეუღწევიათ. რაღაცა კარი აღმართა ანაზღად შენს წინ და შენ აღმოჩნდი ცეცხლის შუქზე კოლბათა შორის³⁷. იქ, სადაც არვინ არასოდეს წაგიყვანია, უნდობელო, იქ იჭექი და უკვარდებოდი: როგორ იცვლიდნენ სახეს განცდები, ერთი განცდა სულ სხვა განცდად რომ გარდიქმნებოდა. და იქ, რადგანაც სიხსლში გქონდა შენ ჩვენი და არა შექმნა ანდა თუნდაც თქმა, უზარმაზარი რამ განიზრახე: ეს ერთი ციკქნა მოძრაობა, ყველა ეს ოდნავი რხევა სულისა, რასაც თავადაც ჭერჭერობით მარტოოდენ გამადიდებელი შუშით ხედავდი, სრულიად მარტოს გაგეზარდა ისეთ ზომამდე, ვეებერთელა რომ გამხდარყო ათათა თვალწინ, ყველას წინაშე. ასე გაჩნდა შენი თეატრი. შენ არ შეგეძლო დაგეცადა, რომ ეს თითქმის უსივრცო, საუკუნეთა მანძილზე წვეთ-წვეთობით დაწნეხილი ჩვენი შინაგანი, უხილავი ცხოვრება სხვა რომელიმე ხელოვნებას აღმოეჩინა და ნელ-ნელა გაეხილვადებინა ზოგიერთათვის, რომელნიც ბოლოს თავს მოიყრიდნენ და მოითხოვდნენ, ერთად ენახათ ამ დიდებულ მიხვედრათა დადასტურება მათ წინ გადახსნილ სცენის ახალ სიმბოლოებში. არა, შენ ამას ვერ დაუცდიდი. შენ უკვე არსებობდი და შენი ვალი იყო, რომ ეს ვერ გასაზომი რაღაცა განცდა, ნახევარი გრადუსით რომ იწვედა ზევით, გადახრის კუთხე ჭერ სრულად დაუძაბავი ნებისყოფისა, რომელიც შენ გამოთვალე სულმთლად ახლოდან, მონატრების ერთი წვეთის მცირე ამღვრევა და ეს მისხალი ფერისცვალება ნდობის ატომში, — ეს დაგედგინა და გეჩვენებინა. რადგანაც ამგვარ ამბებში იყო ახლა ცხოვრება: ჩვენი ცხოვრება, რომელიც ჩვენში შესრიალებულიყო, შიგნით მიკუნჭულიყო, ისე ღრმად, რომ ეჭვიც არავის აღარ ჰქონდა მის იქ ყოფნაზე. და შენ ისეთს, როგორიც იყავი — ჩვენებისათვის გაჩენილი. დროსა გაჩუქე ტრაგიკული პოეტი, — ეს უფაქიზესი აღმოჩენები ერთი დარტყმით უნდა გარდაგექმნა უღამაჯარებლეს ეესტებად, ყველაზე უფრო რეალურ საგნებად და შეუღდექი უმაგალითო ძალმომრეობას შენს

შემოქმედებაზე, უფრო და უფრო მოუთმენლად და სასოწარკვეთით რომ დაეძებდა სულში ნანახის ექვივალენტებს ხილვად, გარეთა საგანთა შორის. აქ იყო ბაქია, იყო სხვენი, დარბაზი, სადაც ვოლაც კაცი დააბიჯებდა: მიწის ზრიალი გვერდით ოთახში, ზანძარი, ფანჯრებს წინ აალებული. აქ იყო მზე. იყო ეკლესია და კლდე, რომელიც ეკლესიას ჰგავს. მაგრამ ეს ყველაფერი აღარ კმაროდა. ბოლოს კოშკები გახდა საქრო და აღიმართნენ, მთაგრეხილები და ზეავეები უზარმზარი, შეცნობადით ავსებულ სცენას შეუცნობელის გულისთვის რომ აზნანზარებენ — და ყველაფერს მარხავენ წამში. აქ კი მეტი აღარ შეგეძლო: ის ორი ბოლო, ასე ტანჯვით რომ მოღუნე ერთმანეთისკენ — ერთმანეთისგან მიიწრაფოდა: შენი შეშლილი ძალა ამოსკდა ელასტიური კვერთხის სიღრმიდან, იგი გასწორდა... და თითქოს არც კი ყოფილიყო ქმნილება შენი.

აბა, სხვაგვარად ვინ მიხვდებოდა, სიცოცხლის ბოლოს ფანჯრებს რატომ არ სცილდებოდი, შენთვის ჩვეული თვითნებობით იქ რად იდექი: გამვლელებისთვის გასურდა გექცირა, რადგანაც აზრი დაგებადა, რომ ერთ დღეს ეგებ რაიმე შეგექმნა მათგან, თუკი შენს საქმეს ისევე თავიდან შეუდგებოდი.

მაშინ პირველად მეცა თვალში, რომ ქალის შესახებ არაფრის თქმა არ შეუძლიათ. როდესაც მის შესახებ მიაშობდნენ, ვგარძნობდი, თავად ის რომ ვანზე რჩებოდათ, იხსენებდნენ გარეშე პირთ და წვრილად აღწერდნენ ადგილ-სამყოფელს, გარემოცვას და გარემოებებს, უამრავ საგანს, ერთ წერტილამდე, ყველაფერი ეს სადაც წყდებოდა, რბილად და ასე ვთქვათ, ფრთხილად წყდებოდა მსუბუქი კონტურით, რომელიც რალაცნაირად მასზე მიმანიშნებდა და რისი თავიდან შემოხაზვა შეუძლებელი ხდებოდა ხოლმე. „როგორი იყო?“ — ვკითხულობდი მაშინ. „ქერა, დაახლოებით შენნაირი“, ამბობდნენ ისინი და ყველაფერს ჩამოთვლიდნენ ისევე წვრილ-წვრილად, რაც კი იცოდნენ მის შესახებ. მაგრამ ამით ის კონტური ისევე მთლიანად ინისლებოდა და მისი წარმოდგენა აღარ შემეძლო. მის ნამდვილად დანახვას მხოლოდ მაშინ ვახერხებდი, როდესაც დედა იმ ამბავს მიაშობდა, ნიადაგ რომ ვითხოვდი ხოლმე.

და მაშინ დედას ჩვეულებად ჰქონდა, რომ ყოველთვის, როცა

კი ძალის ეპიზოდზე გადავიდოდა, თვალებს ხუჭავდა, და ასე მთლიანად ჩაკეტილ, თუმცა მაინც თითქოს გამჟვირვალე სახეს რადაცნაირად უჭიათად იჭერდა ორთავე ხელით, მას საფეთქლებს რომ უგრირებდნენ, „მე ეს ვნახე, მალტე“, იფ-ცებოდა ის, „მე ეს ვნახე“. თავისი სიცოცხლის ბოლო წლებში მიაშობო ეს ამბავი, როცა აღარავის დანახვა აღარ ეწადა და ყოველთვის, მოგზაურობაშიც კი, თან დაჰქონდა პატარა, ხშირნასვრეტიანი ვერცხლის საწური, რითაც ყველანაირ სითხეს წურავდა, რადგან მკვირვ საკვებს რა ხანია ვეღარ იტანდა. მხოლოდ ბისკვიტი ან პური იყო, რასაც ის, მარტო დარჩენილი, აჭუცმაცებდა და ნამცეც-ნამცეც შეეჭკეოდა, ბავშვებმა რომ იციან ისე. ქინძისთავების წინაშე შიში უკვე მთლიანად დაუფლებოდა, სხვებს კი მხოლოდ ამას ეუბნებოდა მოსაბოდიშებლად: „ვეღარაფერს ვეღარ ვიტან, მაგრამ თქვენ ნუ შეწუხდებით, მაინც შესანიშნავად ვგრძნობ თავს“. ჩემკენ კი უეცრად შეეძლო შემობრუნებულიყო (რადგან მაშინ უკვე წამოზრდილი ვიყავი) და ღიმილით, მას რომ უღარესად ძაბავდა, ეთქვა: „რამდენი ქინძისთავია, მალტე, და როგორ ყველგან ყრია, და როცა ფიქრობ, რა აღვილად ცვივიან ძირს...“ ცდილობდა ეს ხუმრობით ეთქვა, მაგრამ მას თავზარს სცემდა ყველა იმ ცუდად მიმაგრებულ ქინძისთავზე ფიქრი, ყოველ წუთს რომ შეიძლებოდა ჩამოვარდნილიყო.

..!

მაგრამ, ინგებორგზე რომ მიაშობდა, არავითარი საფრთხე უკვე აღარ ელოდა... მაშინ ის თავს არ იზოგავდა, მაშინ ის ხმამაღლა ლაპარაკობდა; იცინოდა, როცა ინგებორგის სიცილი აგონდებოდა. მაშინ შეიძლებოდა დანახვა, თუ რა ლამაზი უნდა ყოფილიყო ინგებორგი. „ის ყველას სიხარულს გვანიჭებდა, მალტე“. — ამბობდა დედა, — „მამაშენსაც, სწორედ რომ სიხარულს ანიჭებდა. მაგრამ შემდეგ, როდესაც ირგვლივ ყველა ამბობდა, რომ მოკვდებაო, თუმცა ოდნავ შეუძლოდ გამოიყურებოდა, და ჩვენ ყველანი ვუშალავდით ამ საშიშროებას, ერთხელ საწოლში წამოჯდა და იმ აღამიანივით, რომელსაც სურს გაიგონოს, როგორ ჟღერს რაიმე, რადაცნაირად თავისთვის ჩაილაპარაკა: თავს ნუ იწვალებთ... ჩვენ ყველამ ვიცით... და შემძლია დაგამწეფლოთ, რომ კარგია რაც

შემოქმედებაზე, უფრო და უფრო მოუთმენლად და სასოწარკვეთით რომ დაეძებდა სულში ნანახის ექვივალენტებს ხილვად, გარეთა საგანთა შორის. აქ იყო ბაქია, იყო სხვენი, დარბაზი, სადაც ვლაც კაცი დააბიჯებდა: მიწის ზრიალი გვერდით ოთახში, ხანძარი, ფანჯრებს წინ აალებული. აქ იყო მზე. იყო ეკლესია და კლდე, რომელიც ეკლესიას ჰგავს. მაგრამ ეს ყველაფერი აღარ კმაროდა. ბოლოს კოშკები გახდა საჭირო და აღიმართნენ, მთაგრეხილები და ზეავეები უზარმაზარი, შეცნობადით ავსებულ სცენას შეუცნობელის გულისთვის რომ აზანზარებენ — და ყველაფერს მარხავენ წამში. აქ კი მეტი აღარ შეგეძლო: ის ორი ბოლო, ასე ტანჯვით რომ მოლუნე ერთმანეთისკენ—ერთმანეთისგან მიიწრაფოდა: შენი შემოღილი ძალა ამოსკდა ელასტიური კვერთხის სიღრმიდან, იგი გასწორდა... და თითქოს არც კი ყოფილიყო ქმნილება შენი.

აბა, სხვაგვარად ვინ მიხვდებოდა, სიცოცხლის ბოლოს ფანჯრებს რატომ არ სცილდებოდი, შენთვის ჩვეული თვითნებობით იქ რად იდექი: გამვლევლებისთვის გასურდა გეცქირა, რადგანაც აზრი დაგებადა, რომ ერთ დღეს ეგებ რაიმე შეგექმნა მათგან, თუკი შენს საქმეს ისევ თავიდან შეუდგებოდი.



მაშინ პირველად მეცა თვალში, რომ ქალის შესახებ არაფრის თქმა არ შეუძლიათ. როდესაც მის შესახებ მიაშობოდნენ, ვგრძნობდი, თავად ის რომ განზე რჩებოდათ, იხსენებდნენ გარეშე პირთ და წვრილად აღწერდნენ ადგილ-სამყოფელს, გარემოცვას და გარემოებებს, უამრავ საგანს, ერთ წერტილამდე, ყველაფერი ეს სადაც წყდებოდა, რბილად და ასე ვთქვათ, ფრთხილად წყდებოდა მსუბუქი კონტურით, რომელიც რაღაცნაირად მასზე მიმანიშნებდა და რისი თავიდან შემოხაზვა შეუძლებელი ხდებოდა ხოლმე. „როგორი იყო?“ — ვკითხულობდი მაშინ. „ქერა, დაახლოებით შენნაირი“, ამბობდნენ ისინი და ყველაფერს ჩამოთვლიდნენ ისევ წვრილ-წვრილად, რაც კი იცოდნენ მის შესახებ. მაგრამ ამით ის კონტური ისევ მთლიანად ინისლებოდა და მისი წარმოდგენა აღარ შემეძლო. მის ნამდვილად დანახვას მხოლოდ მაშინ ვახერხებდი, როდესაც დედა იმ ამბავს მიაშობდა, ნიადაგ რომ ვითხოვდი ხოლმე.

და მაშინ დედას ჩვეულებად ჰქონდა, რომ ყოველთვის, როცა

კი ძალის ეპიზოდზე გადავიდოდა, თვალებს ხუჭავდა, და ასე მთლიანად ჩაკეტილ, თუმცა მაინც თითქოს გამჟვირვალე სახეს რაღაცნაირად უჭიათად იჭერდა ორთავე ხელით, მას საფეთქლებს რომ უგრძობებდნენ. „მე ეს ვნახე, მალტე“, იფ-ცებოდა ის, „მე ეს ვნახე“. თავისი სიცოცხლის ბოლო წლებში მიამბო ეს ამბავი. როცა აღარავის დანახვა აღარ ეწადა და ყოველთვის, მოგზაურობაშიც კი, თან დაჰქონდა პატარა, ხშირნასვრეტიანი ვერცხლის საწური, რითაც ყველანაირ სითხეს წურავდა, რადგან მკვრივ საკვებს რა ხანია ვეღარ იტანდა. მხოლოდ ბისკვიტი ან პური იყო, რასაც ის, მარტო დარჩენილი, აჭუცმაცებდა და ნამცეც-ნამცეც შეექცეოდა. ბავშვებმა რომ იციან ისე. ქინძისთაგების წინაშე შიში უკვე მთლიანად დაუფლებოდა, სხვებს კი მხოლოდ ამას ეუბნებოდა მოსაბოდიშებლად: „ველარაფერს ვეღარ ვიტან, მაგრამ თქვენ ნუ შეწუხდებით, მაინც შესანიშნავად ვგრძნობ თავს“. ჩემკენ კი უეცრად შეეძლო შემობრუნებულიყო (რადგან მაშინ უკვე წამოზრდილი ვიყავი) და ღიმილით, მას რომ უაღრესად ძაბავდა, ეთქვა: „რამდენი ქინძისთავია, მალტე, და როგორ ყველგან ყრია, და როცა ფიქრობ, რა ადვილად ცვივიან ძირს...“ ცდილობდა ეს ხუმრობით ეთქვა, მაგრამ მას თავზარს სცემდა ყველა იმ ცუდად მიმაგრებულ ქინძისთავზე ფიქრი, ყოველ წუთს რომ შეიძლებოდა ჩამოვარდნილიყო.

:41

მაგრამ, ინგებორგზე რომ მიამბობდა, არავითარი საფრთხე უკვე აღარ ელოდა... მაშინ ის თავს არ იზოგავდა, მაშინ ის ხმამაღლა ლაპარაკობდა; იცინოდა, როცა ინგებორგის სიცილი აგონდებოდა. მაშინ შეიძლებოდა დანახვა, თუ რა ლამაზი უნდა ყოფილიყო ინგებორგი. „ის ყველას სიხარულს გვანიჭებდა, მალტე“. — ამბობდა დედა, — „მამაშენსაც, სწორედ რომ სიხარულს ანიჭებდა. მაგრამ შემდეგ, როდესაც ირგვლივ ყველა ამბობდა, რომ მოკვდებაო, თუმცა ოდნავ შეუძლოდ გამოიყურებოდა, და ჩვენ ყველანი ვუმაღავდით ამ საშიშროებას, ერთხელ საწოლში წამოჯდა და იმ ადამიანივით, რომელსაც სურს გაიგონოს, როგორ უღერს რაიმე. რაღაცნაირად თავისთვის ჩაილაპარაკა: თავს ნუ იწვალე... ჩვენ ყველამ ვიცით... და შემძლია დაგამწვილოთ, რომ კარგია რაც

ხდება... მე მეტი მაინც აღარ მინდაო. წარმოიდგინე, მან თქვა: მეტი აღარ მინდაო, მან, რომელიც ჩვენ ყველას გვახარებდა. ნეტავ, ოდესმე თუ ჩასწვდება ამას, როცა დიდი გახდება, მალტე? იფიქრე ამაზე მოგვიანებით. ვინ იცის, ეგებ რაიმეს მიხვდე. ძალიან კარგი იქნებოდა, ვინმე ისეთი რომ არსებობდეს, ვისაც ამგვარი ამბები ესმის“.

„ამგვარი ამბები“ აფიქრებდა დედას, როდესაც მარტო იყო. ის კი სულ მარტო იყო იმ ბოლო წლებში.

„მე ვერასოდეს მივხვდები ამას, მალტე“, — ამბობდა ზოგჯერ თავისი უცნაურად გაბედული ღიმილით, რომელსაც არ სურდა ვინმეს დაენახა და რომელიც თავის მიზანს სავსებით ასრულებდა უკვე იმით, რომ ბაგეზე ჩნდებოდა ხოლმე. „მაგრამ რომ არც არავის იზიდავს ამის გარკვევა? მე რომ კაცი ვიყო, დიახ, სწორედ, კაცი რომ ვიყო, ამაზე ვიფიქრებდი, ზუსტად, წესისა და რივის მიხედვით, და თავიდან. რადგან რაღაც სათავე ხომ უნდა არსებობდეს. და თუკი ამ დასაწყისს ჩავწვდებოდი, ეს უკვე რაღაცა იქნებოდა. ოჰ, მალტე, ასე მივდივართ ამ ქვეყნიდან და მეჩვენება, რომ ყველა რაღაც დაბნეულია და მოუცლელი და საქმეო ყურადღებას აუგვაქცევენ. როცა მივდივართ. თითქოს ვარსკვლავი ვარდებოდა და არავინ ხედავდეს და არავინ ნატრულობდეს რასმე... არ დავიწყო რაიმეს ნატვრა, მალტე. სურვილი, ეს არ უნდა დათმოს ღამიანმა. მე მგონი, შესრულება არ არსებობს. მაგრამ არსებობს სურვილები, რომლებიც დიდხანს ძლებენ, თითქმის მთელი ცხოვრება, ისე, რომ ღრო აღარც კი გრჩება, მათ შესრულებას დაელოდო“.

დედამ ინგებორგის პატარა სეკრეტერი ზემოთ დაადგმევინა თავის ოთახში და ხშირად წავასწრებდი ხოლმე მის წინ მჯდომს, რადგან მე უნებართვოდ შემეძლო შესვლა: ჩემი ნაბიჯები მთლიანად ხალიჩაში ირთქმებოდა, მაგრამ დედა მაინც მგრძნობდა და ხელს მხარხემოდან მიწვდიდა ნელა. ეს ხელი თითქმის სრულიად უწონო იყო და მას ისევე ვკოცნიდი, როგორც სპილოსძელის ჭეარცმას, საღამოობით ძილის წინ რომ მაძლევდნენ ხოლმე. ამ დაბალ კარადას, დედაჩემის წინ თხელი დაფით რომ იხსნებოდა, ის როგორც ინსტრუმენტს ისე უჯდა. „შიგ იმდენი მზეა“, — ამბობდა დედა. მართლაც, შიგნით საოცარი ნათელი იდგა ძველი ყვითელი ლაქის წყალობით, რომელზედაც ყვავილები იყო მიმოხატული,

ყველგან ერთი ლურჯი და ერთი წითელი და თუკი ალაგ-ალაგ სამი ყვავილი იყრიდა თავს, შუაში იისფერი ჰქონდათ, მათ რომ მიჯნავდა. ეს ფერები და მათთან ერთად ვიწრო თარახული ორნამენტის მწვანე იმდენადვე ჩაბინდულიყვნენ თავისთავში, რამდენად სხვიმფინარეც ძირი იყო, თუმცა ცხადად გასარჩევი კი არა. ეს ქმნიდა ტონების უცნაურად რბილსა და დაბურულ ერთიანობას, იმის გამო, რომ ისინი შინაგანად ერთმანეთს უკავშირდებოდნენ, მაგრამ ამაზე არას ამბობდნენ.

დედა ხსნიდა პატარა უჯრებს და ყოველი მათგანი ცარიელი იყო. „ოჰ, ვარდები“, ამბობდა ის და წინ იხრებოდა მწუხარე და ბინდიან სურნელებაში, რომელიც არასდროს იფანტებოდა. ამასთან მას მუდამ ეგონა, უცბად რაღაც შეიძლება კიდევ აღმოჩენილიყო რომელსამე საიდუმლო უჯრაში, უჯრაში, რომელიც არავის აცნობდებოდა და მხოლოდ რაღაც ფარული ზამბარის დაქვრავა ემოჩილებოდა. „ერთხელაც იქნება და გადმოხტება, აი, ნახავ“, — ამბობდა ის სერიოზულად და შიშნეულად და საჩქაროდ ხეჩავდა ყველა უჯრას, ხოლო ის ქაღალდები, რაც მათში მართლა დარჩენილიყო, დედას სათუთად შეეგროვებინა და ჩაეკეტა, წაუკრთავად. „მანც ვერ გავიგებდი ამას. მალტე, ნამდვილად ძალიან ძნელი იქნებოდა ჩემთვის.“ მას მუდამ ეგონა, რომ ყველაფერი ძალიან რთული იყო მისთვის. „ცხოვრებაში არ არსებობს კლასები დამწყებთათვის, კაცს მაშინვე ურთულესი მოეთხოვება“. მარწმუნებდნენ, რომ დედა ასეთი თავისი დის, გრაფინია ოლეგორ სკეელის სიკვდილის შემდეგ გამხდარიყო, რომელიც დაიწვა თურმე, როცა მეჯლისის წინ, შანდლებიან სარკესთან თმაში ყვავილებს ისწორებდა. მაგრამ ბოლო ხანებში მას ხომ ინგებორგი ეჩვენებოდა ყველაზე უფრო ამოუხსნელ იღუმალებად.

ახლა კი მინდა ის ეპიზოდი აღწერო, სწორედ ისე, როგორც დედა მიყვებოდა ხოლმე, როდესაც ვთხოვდი.

„ეს იყო შუა ზაფხულში, ხუთშაბათს, ინგებორგის დაკრძალვის შემდეგ. ტერასიდან, სადაც ჩაის შევექცეოდით, კაცს შეეძლო ვეებერთელა რცხილებს შორის საგვარულო აკლდამის სახურავი დაენახა. სუფრა ისე იყო გაშლილი, თითქოს არასდროს მჯდარიყოს აქ კიდევ ერთი ადამიანი და ჩვენც ხალვათად შემოესხნოდით მაგიდას. თვითეულს, რაღაც წამოელო, წიგნი თუ ხელსაქმის კალათა, ისე რომ ადგილი აღარც რჩებოდა. აბელონე (დედაჩემის სულ

უმცროსი და) ჩაის ასხამდა და ყველანი გართულნი იყვნენ რაღაცის მიწოდება-გადაწოდებით. მხოლოდ პაპაშენი იჯდა ჩუმად სავარძელში და სახლისაკენ იმზირებოდა. ის დრო გახლდათ, როცა ჩვეულებრივ ფოსტას ველოდით და ისე ხდებოდა, რომ სწორედ ინგებორგს მოჰქონდა ხოლმე, რომელიც ვახშმის თადარიგის გამო კარგა ხნით იგვიანებდა. მისი ავადმყოფობის კვირებში, საკმარისი დრო გვქონდა, რომ მის მოსვლას გადავჩვეოდით, რაკი ყველამ ვიცოდით, რომ მოსვლა არ შეეძლო, მაგრამ ამ ნაშუადღევს, მალტე, როცა ინგებორგს მართლა აღარ შეეძლო მოსვლა, ის მოვიდა. ვინ იცის, ეგებ ჩვენი ბრალი იყო, ეგების ჩვენ დავეძახეთ. რადგან მაგონდება, რომ ვიჯექი და დაძაბული ვცდილობდი გამეაზრებინა თუ რა შეიცვალა ბოლოს და ბოლოს. და უცბად ვხვდავ: ველარ ვიხსენებ თუ რა შეიცვალა. იმ წუთს სრულიად დამავიწყდა, რომ ინგებორგი მკვდარი იყო — ავიხედე და დავინახე, რომ ყველა სახლისკენ იქცირებოდა, რაღაც განსაკუთრებულად და თვალში საცემად კი არა, არამედ მართლა მშვიდად და ყოველდღიური მოლოდინით. და ის-ის იყო (ცივი ოფლი მასხამს, მალტე, როცა მაგონდება) — და ის-ის იყო, ღმერთო, დამიფარე, უნდა მეთქვა „სად არის ამდენ ხანს...“, რომ ამ დროს მაგიდის ქვემოდან ტყვიასავით გამოვარდა კავეალერი³⁸, ისე, როგორც სჩვეოდა მუდამ და მის შესაგებებლად გაექანა. მე ეს დავინახე მალტე, მე ეს დავინახე. ის გაექანა ინგებორგის შესახებდრად, თუმცა ინგებორგი არ მოსულა: მისთვის მოვიდა. მივხვდით, რომ ძალღი მისკენ გაიქცა. ორჯერ მოგვხვდა, თითქოს რაღაცას გვეკითხებოდა. შემდეგ კი ერთბაშად მიაწყდა, ზუსტად ისე, მის სიცოცხლეში როგორც იცოდა და უკვე მასთან იყო. რადგან მან დაიწყო ინგებორგის ირგვლივ ხტუნვა, მალტე, რაღაცის ირგვლივ, რაც იქ არ იყო, და შემდეგ ახტა, რომ სახე აელოკა, მაღლა ახტა და ჩვენ გვესმოდა, როგორ წკმუტუნებდა სიხარულით და როცა ის ასე ხტებოდა, ზედიზედ, კაცს შეიძლებოდა მართლა ეფიქრა, რომ ძალღი ამ ნახტომებით ფარავდა ინგებორგს. მაგრამ უეცრად მან დაიყმუფლა, საკუთარივე ბიძგისაგან ჰაერში შემოტრიალდა, უკან გადმოქანდა, მოუხერხებლად და რაღაც განსაკუთრებულად ბრტყლად დააწყდა დედამიწას და აღარ იძვროდა. მეორე მხრიდან მსახური გამოვიდა სახლიდან, ხელში წყალსაღებო. ერთ ხანს ყოყმანობდა. როგორც ჩანს, ადვილი არ იყო

ჩვენი სახეებისკენ გამოშურება და მამაშენმაც უკვე ანიშნა ხელით, შეჩერდიო. მამაშენს, მალტე, ცხოველები არ უყვარდა. მაგრამ ახლა ის ნელა გაემართა, ნელა, როგორც მაშინ მომჩვენებდა და ძალისკენ დაიხარა. რაღაცა უთხრა მსახურს, რაღაცა, მალტე, ერთმარცვლინი. დავინახე, როგორ ისკუპა მსახურმა კავალერის ხელში ასაყვანად, მაგრამ მამაშენმა თავად აიყვანა და თითქოს ზუსტად იცოდა სად მიდიოდა, სახლში შევიდა“.

ერთხელ ამ ამბის თხრობისას თითქმის რომ დაგვალამდა, მზად ვიყავი დედაჩემისთვის „ხელის“ შესახებ მეამბნა. იმ წუთში შევძლებდი ამას. უკვე ამოვისუნთქე კიდეც, მაგრამ უეცრად გამახსენდა, თუ რა კარგად გავუგე იმ მსახურს, მათი სახეებისკენ რომ ვერ შესძლო წასვლა და მიუხედავად სიბნელისა, დედაჩემის სახის შემეწინდა, თუკი იმასვე დაინახავდა, რაც მე დავინახე. კიდეც ერთხელ ამოვირუნთქე სააწრადი. რათა შეთბეზილობა შემექმნა. თითქოს სხვა არც არაფერი მდომებოდა. ამ ამბიდან რამდენიმე წელი იყო გასული, როცა ურწყელოსტერის სასახლეში ჩვენი უცნაური ღამის შემდეგ დღეიდან იმ მიზნით დავეხეტებოდი, რომ პატარა ერიც გავნდობოდი, მაგრამ იმ ღამინდელი საუბრის შემდეგ ის ისევ გულდასუთრული გახდა ჩემს მიმართ და თავს მარიდებდა. მგონი, პატივს აღარა მცემდა. სწორედ ამიტომ მსურდა მისთვის „ხელის“ შესახებ მეამბნა. მეგონა, მის თვალში ფასი მომემატებოდა (ეს კი რაღაც მიზეზით აუცილებლად მჭირდებოდა), თუკი გავაგებინებდი, რომ მე ეს ნამდვილად განვიცადე; მაგრამ ერიკი თავის არიდების ისეთი ოსტატი გახლდათ, რომ ვერაფერი გავახერხე. მერე უეცრად გავემგზავრეთ კიდეც. და ისე მოხდა, რომ ამბავს, რომელიც ეგზომ შორს ძევს ჩემს ბავშვობაში, მხოლოდ ახლა ვეყვები პირველად (და ბოლოს და ბოლოს ისევ ჩემს თავს ვუყვები). რაც საკმაოდ უცნაურია.

თუ რა პატარა უნდა ვყოფილიყავი მაშინ. იმით ვასკენი, რომ მახსოვს, სავარძელში იყავი ჩამუხლული, რათა უფრო მოხერხებულად მივწვდომოდი მაგიდას, სადაც ვხატავდი. ეს იყო მწუხრის ქაშის, ზამთარში, თუ არა ვცდები, ქალაქის სახლში. მაჯლა ჩემს

ოთახში იდგა ფანჯრებს შორის და ოთახში სხვა არაფერი ენთო იმ ლამპის გარდა, ჩემს სახატავ ფურცლებს რომ ანათებდა და მადმუ- ახელის წიგნს, რადგან მადმუახელი ჩემს გვერდით იჯდა და ოდნავ უკან გადახრილი წიგნს კითხულობდა. ის ჩვენგან შორს იყო ხოლ- მე წიგნის კითხვისას. ისიც კი არ ვიცო, წიგნში იყო თუ სადმე სულ სხვაგან. შეეძლო საათობით ეკითხა, იშვიათად ფურცლავდა, და ისეთი შთაბეჭდილება მრჩებოდა, რომ წიგნის გვერდები მის თვალ- თა ქვემოთ თავისთავად ივსებოდა ახალ-ახალი ნაწერით, თითქოს- და ის რაღაც სულ სხვა სიტყვებს ეძებდა, სიტყვებს, მას რომ სჭირ- დებოდა და იქ რომ არ იყო. ასე მეგონა ხოლმე, როცა ვხატავდი. ვხატავდი ნელა, რაიმე გარკვეული განზრახვის გარეშე და როცა აღარ ვიცოდი, შემდეგ რა დამეხატა, ყველაფერს ერთბაშად ვხე- დავდი თუ თავს ოდნავ მარჯვნივ გადავხრიდი; ასე ყველაზე უფ- რო სწრაფად ვამჩნევდი. კიდევ რა აქლდა. აქ იყვნენ ცხენებზე ამ- ხედრებული ოფიცრები, საომრად რომ მიიჩქაროდნენ, ან უკვე ბრძოლის შუაგულში ტრიალებდნენ და ეს უფრო აღვილი დასა- ხატი იყო, რადგან ბოლიდა ხდებოდა საჭირო, რომელიც ყველაფერს ფარავდა.

ღედა კი ამტკიცებდა, თითქოს კუნძულებს ვხატავდი. კუნძუ- ლებს დიდი ხეებითა და სასახლით, კიბეებითა და ყვავილოვანი ნა- ბირებით, წყალში რომ იძირებოდნენ. მაგრამ მე მგონი, ის იგონებ- და ან კუნძულები მოგვიანებით უნდა დამეხატა.

მაშ ასე, მე მხედარს ვხატავდი, ერთადერთ მხედარს, უცნაურად აღკაზმულ ცხენზე. ცხენი ისეთი ჭრელი გამოდიოდა, რომ სულ ფანჯრების ცვლაში ვიყავი, მაგრამ ყველაზე ხშირად წითელი მჭირ- დებოდა, და მეც წამდაუწუმ ვტაცებდი ხოლმე ზელს. და აი, ერთ- ხელაც რომ დამჭირდა, ფანჯარი გაგორდა (ახლაც ვხედავ როგორ მიგორავს) განათებული ფურცლის გასწვრივ მაგიდის კიდეზე, და ვიდრე ზელს ვტაცებდი, ივერდით ჩამიქროლა, ძირს დავარდა და გაუ- ჩინარდა. ის აუცილებლად შჭირდებოდა, და მართლა გასაბრაზებე- ლი იყო, რომ ახლა ფორთხვით უნდა ვავდევნებოდი. ისეთი მოუ- ხერხებელი არსებობისათვის, როგორიც მაშინ გახლდით, დიდ ამბავს ნიშნავდა ძირს ჩამოცოცება: საკუთარი ფეხები მეტიმეტად გრძე- ლი მეჩვენებოდა და ვეღარ ვახერხებდი მათ გაშლას. დიდხანს ჩა- ჩოქილი ჯდომისაგან კიდურები დამბუყებოდა. ვეღარც კი ვარჩევ- დი, ჩემი რა იყო და სავარძლისა რა. ბოლოს, როგორც იქნა ძირს

ჩამოვხტი, ცოტა შეცბუნებული, და აღმოვჩნდი ხალიჩაზე, მაგი-
დის ქვეშ კედლამდე რომ ეფინა. მაგრამ აქ ახალმა სიძნელემ ჩინა
თავი. ზემოთ სინათლეს შეჩვეული და თეთრ ქალაღზე აღბეჭდილი
ფერებით ჯერ ისევე აღფრთოვანებული ჩემი თვალები სრულიად
ვერაფრის გარჩევას ვერ ახერხებდნენ მაგიდის ქვეშ, სადაც სიბ-
ნელე ისეთი ჩაკეტილი და გამკვრივებული მეჩვენებოდა, რომ მე-
შინოდა, არ დავეჭახო-მეთქი. ბოლოს ჩემს შეგრძნებას მივენდე და
ჩამუხლული, მარცხენა ზელზე დაყრდნობილი, მეორე ხელით გრი-
ლი, გრძელბეწვიანი ხალიჩის ვარცხნას შევუდექი, რბილად რომ
ნებდებოდა ჩემს თითებს, მაგრამ ფანქარს ვერსად ვპოულობდი.
მომეჩვენა, უამრავი დრო დავკარგე-მეთქი, და უკვე მინდოდა მად-
მუაზელისათვის მომეხმო და მეთხოვა, ჩემთვის ლამაზა მოემარჯვე-
ბინა, როცა შევნიშნე, რომ უნებურად დაძაბული ჩემი თვალებისათ-
ვის სიბნელე ნელ-ნელა მკვირვალდებოდა. უკვე შემეძლო იქითა
კედელი გამერჩია, ძირს ღია ფერის თამასა რომ მიუყვებოდა. ჯარ
მაგიდის ფეხებზე გავამახვილე ყურადღება, მერე კი პორველ რიგში,
ჩემი საკუთარი, წინგაწვდილი ხელი შევიცანი, სრულიად მარტო რა-
დაც წყლის ცხოველივით რომ მოძრაობდა ქვემოთ, თითქოს ფსკერს
სინჯავსო. ჩემს ხელს, ახლაც კარგად მახსოვს, თითქმის ცნობის-
წადილით შევცქეროდი. მომეჩვენა, რომ მან ბევრი ისეთი რამ იცო-
და, რაც მე მისთვის არ მესწავლებინა. როგორც, მაგალითად, ეს
მოძრაობა, ძირს ასე ერთპიროვნულად რომ დაეცეცებოდა და ად-
რე რომ არასდროს შემენიშნა. მივდევდი მას, როცა ის ასე წინ მი-
იწევდა, მაინტერესებდა, და ყოველნაირად და ყველაფრისთვის
მზად ვიყავი. მაგრამ როგორ უნდა ვყოფილიყავი მზად იმისათვის,
რომ ანაზღაურულად კედლიდან სხვა ხელი გამოემართა მის შესა-
ხვედრად, უფრო დიდი, უჩვეულოდ გამხდარი ხელი, რომლის
მსგავსიც არასოდეს მენახა. ისიც ასევე რაღაცას ეძებდა საპირის-
პირო მხრიდან ჩემსკენ და ორი წაწვდილი ხელი ბრმად მიემართე-
ბოდა ერთმანეთისაკენ. თუმცა ჩემი ცნობისწადილი ჯერ არ ამოწუ-
რულიყო, მაგრამ უეცრივ გაქრა და დარჩა მხოლოდ შეძრწუნება.
ვგრძნობდი, რომ ხელებიდან ერთ-ერთი მე მეკუთვნოდა და რომ
ის რაღაც ისეთ ამბავში გაება, რასაც აღარაფერი ეშველებოდა.
ყველა უფლებბის გამოყენებით, რაც კი მასზე გამაჩნდა, ის შევაჩე-
რე და ბრტყლად და ნელ-ნელა უკანვე გამოვწიე, ისე, რომ ამასო-
ბაში, იმ მეორეს, რომელიც ძებნას განაგრძობდა, თვალს არ ვა-

შორებდი. მივხვდი, რომ ის არ მოისვენებდა. არ შემძლია გითხრათ, როგორ ავცოცდი ისევ ზემოთ. სავარძელში რაც შეიძლებოდა ღრმად ჩავჯექი, კბილები მიკაწკაწებდა, ვგრძობდი, სახე სისხლისაგან დამეწრიტა და მეჩვენებოდა, თვალეში ლურჯი ფერი აღარ დამრჩა-მეთქი. „მადმუაზელ“ — მინდოდა მეთქვა და არ შემეძლო. მაგრამ ის უეცრად თვითონვე შეკრთა, წიგნი იქვე ისროლა, სავარძელთან ჩაიმუხლა და დამიძახა. მგონი, მანჯღრევდა კიდეც. მაგრამ მე საკსებით გონზე ვიყავი. რამდენიმეჯერ ნერწყვი გადავყლაპე, რადგან უკვე მოყოლა მსურდა. მაგრამ როგორ? აუწერელი დაძაბვით ძალა მოვიკრიბე, მაგრამ ამის გამოხატვა, ისე, რომ ვინმეს რაიმე გაეგო, შეუძლებელი გახლდათ. უკეთუ ამ ამზისათვის საერთოდ არსებობდა სიტყვები, მე მეტისმეტად უსაკო ვიყავი, რომ ისინი მეპოვა. და ანაზღეულად შემბიჟრა შიშმა: ამ სიტყვებს ხომ შეეძლოთ, ერთხელაც, ჩემი ბავშვობის შემდეგ გამომცხადებოდნენ. და ყველაზე დიდ საშინელებად მომეჩვენა, რომ მაშინ იძულებული ვახდებოდი, მეთქვა ისინი. სინამდვილე იქ, ქვემოთ, ერთხელ კიდევ გადამეტანა. სხვაგვარად, სახეცვლილად, თავიდან. მომესმინა, როგორ ვეთანხმები, როგორ ვიღებ მას. ამის ძალა კი აღარ შემწევდა.

ცხადია, ეს ჩემი წარმოსახვაა მხოლოდ, როცა ვამტკიცებ, მაშინ უკვე ვგრძობდი, რომ რალაცა გაჩნდებოდა-მეთქი ჩემს ცხოვრებაში, პირდაპირ ჩემში, რაც მარტოს უნდა მეტარებინა და რითაც მარტოს უნდა მევლო ყველგან, მუდამ და მუდამ. ვხედავ, როგორ ეწვევარ ჩემს პატარა, თეჯირიან საწოლში და არ მეძინება და როგორ ბუნდოვნად ვხედავ წინასწარ, რომ ცხოვრება სწორედ ასეთი იქნებოდა: საესე პირწმინდად საკვირველი ამბებით, მხოლოდ ერთისთვის რომ არის ნაგულისხმები და არ გამოითქმება. არა, რა თქმა უნდა, მაშინ კი არა, მერე, გვიან, თანდათან დაგროვდა ჩემში რალაც დარდიანი და მძიმე სიამაყე. ვხედავდი, როგორ ვივლიდი შინაგანი ცხოვრებით საესე და მღუმარე. დაუცხრომელ სიმპათიას განვიცდიდი უფროსთა მიმართ. აღფრთოვანებული ვიყავი მათით და გადავწყვიტე კიდეც მეთქვა ეს. გადავწყვიტე მადმუაზელისათვის მეთქვა, როგორც კი შემთხვევა მომეცემოდა.

შემდეგ მეწვია ერთი ავადმყოფობა, ერთ-ერთი იმ მრავალთაგან, რომელთა წყალობით ჩემთვის ცხადი ხდებოდა ხოლმე, რომ „ხელის“ ამბავი არ იყო ჩემი პირველი საკუთარი გამოცდილება. სიცხე ფათურობდა ჩემში და სულ ქვემოდან, სულის ფსკერიდან ამოჰქონდა რაღაც ამბები, სურათ-ხატები, განცდები, რომელთა შესახებაც მანამდე არაფერი ვიცოდი. და მე ვიწექი, ზედ ჩემივე თავი დამხვავებოდა და ვუცდიდი წუთს, როცა მიბრძანებდნენ. ეს ყოველივე ისევ ჩემში შემეტანა და იქ ფენა-ფენა დამელაგებინა, წესიერად და თანმიმდევრულად. დავიწყე კადეც, მაგრამ ჩემს ხელებ-ქვეშ ყველაფერი უფრო იზრდებოდა, იწეწებოდა და საშინლად მატულობდა. შემდეგ კი მრისხანებამ შემიპყრო და როგორც იყო, ისევე გროვა-გროვად ჩავყარე ყველაფერი ჩემში, ძალით ჩავტენე და ჩავტყეპნე. მაგრამ მის ზემოდან ველარ შევიკარა და ასე ნახევრად ლიამ დავიყვარე. ვყვიროდი და ვყვიროდი. და ბოლოს, როდესაც საკუთარი თავიდან გამოხედვა მოვახერხე, დავინახე, რომ ისინი დიდო ხანია უკვე ჩემი საწოლის ირგვლივ შეგროვილყვენ და ხელებს მიჰქერდნენ და ერთი სანთელიც იყო იქ და მათი ვეება ჩრდილები მათ ზურგებს უკან დაბარბაცებდნენ. მამაჩემმა მბრძანა მეტევა, თუ რა ხდებოდა; ეს მეგობრული, დაოკებული ბრძანება იყო, მაგრამ მაინც ბრძანება. და ის მოუთმენლობამ შეიპყრო, როცა პასუხი არ გავეცი.

დედა არასდროს მოდიოდა ღამით, თუმცა არა, ერთხელ მოვიდა. მე ვყვიროდი. და შემოვიდა მადმუაზელი, სივერსენი — სახლის მმართველი ქალი და გეორგი — მეეტლე; მაგრამ ამან საქმეს ვერ უშველა. და ბოლოს მათ ეტლი გააგზავნეს მშობლების მოსაყვანად, დიდ მეჭლისზე რომ იყვნენ მიწვეულნი, მგონი, ტახტის მემკვიდრე პრინცთან. და უცბად შემომესმა, ეტლი როგორ შემოგრიალდა და გავეუხრდა, წამოვჭექი და კარისკენ დავიწყე ცქერა, და აი მუზობელ ოთახებში ოდნავი შრიალი გაისმა და დედა შემოვიდა, გრძელ სამეჭლისო კაბაში გამოწყობილი, რომელსაც ის არად აგდებდა და თითქმის გამოიჭტა. თეთრი ბეწვი ზურგს უკან გადაიგდო და შიშველი მკლავეებით შემომხეხვია. და მე ვაოცებულმა და აღტაცებულმა როგორც არასდროს, შევიგრძენი მისი თმა, მისი პატარა, მოვლილი სახე და ცივი თვლები მის ყურის ბიბილოებზე და აბრეშუმი

მხრების კიდებზე, ყვავილთა სურნელება რომ ასდიოდა. და ჩვენ ასე ვიდექით, გულაჩუყებულნი ვტიროდით და ერთმანეთს ვკოცნიდით, ვიღრე არ ვიგრძენით, რომ მამა იქვე იდგა და ერთმანეთს უნდა მოვშორებოდით. „მაღალი სიცხე აქვს“, — მომესმა დედაჩემის შემკრთალი ნათქვამი. მამა ხელში მწვდა და მაჯისცემის სინჯვას შეუდგა. მას მონადირეთუხუცესის კოსტიუმი ეცვა, „სპილოს ორდენის“³⁹ ლამაზი, ბრტყელი, ცისფერი ზონრით. „რა უაზრობა იყო ჩვენი მოხმობა“, წარმოსთქვა მან ოთახის სიღრმისკენ, ისე, რომ ჩემთვის არც შემოუხედავს. ისინი უკან დაბრუნებას შეპირებოდნენ, უკეთუ სერიოზული არაფერი აღმოჩნდებოდა. და სერიოზული ხომ მართლაც არაფერი ყოფილა. ჩემს საბანზე კი დედაჩემის საცეკვაო ბარათი⁴⁰ ვიპოვე და თეთრი კამელიები, რომლებიც არასოდეს მენახა და თვალებზე დავიდე, რადგან ვიგრძენი, რა გრილი იყო.



მაგრამ რაც უსაშველოდ გრძელდებოდა, ეს იყო შუადღეები. ამგვარი ავადმყოფობის დროს. უძილო და მშფოთვარე ღამის შემდეგ დილით ყოველთვის ძილი მერეოდა და როცა ვიღვიძებდი და მეგონა, უკვე თენდება-მეთქი, შუადღე იყო და შუადღე რჩებოდა და აღარ აპირებდა დამთავრებას. და ასე ვიწექი გაშლილ საწოლში და შეიძლება ოდნავ ვიზრდებოდი კიდურებში და მეტისმეტად ქანც-გაწყვეტილი ვიყავი იმისათვის, რომ რაიმეს წარმოსახვის თავი მქონოდა. ვაშლის ხილფაფის გემო დიდხანს მრჩებოდა პირში. ეს კი აურაცხელ შესაძლებლობებს მთავაზობდა, უკეთუ მას რაიმე სხვა მნიშვნელობას მივანიჭებდი და მოვახერხებდი, რომ ამ წმინდა-სიმკვავეს ფიქრების ნაცვლად ეტრიალა ჩემში. მოგვიანებით, როცა ძალა მიბრუნდებოდა, ზურგქვეშ ბალიშების ზვინს აღმიმართავდნენ ხოლმე და მე შემეძლო წამოვმჯდარიყავი და ჯარისკაცებით მეთამაშა. მაგრამ ისინი ისე ადვილად ყირავდებოდნენ უსწორმასწორო საბნის მაგიდიდან და თან მთელი მწყკრივი ერთბაშად; და მე ხომ ჯერ წესიერად არც კი ვიყავი სიცოცხლეში დაბრუნებული, რომ ყოველთვის ისევ თავიდან დამეწყო, უცბად ეს ჩემთვის მეტისმეტი აღმოჩნდებოდა ხოლმე და მე ვითხოვდი, იმწუთშივე მოეშო-

რებინათ ყველაფერი და მსიამოვნებდა, რომ ისევე მხოლოდ ჩემს ორ ხელს ვხედავდი, ოდნავ მოშორებით, ცარიელ საბანზე.

როდესაც დედა ზოგჯერ ნახევარი საათით შემოვიდოდა და ზღაპარს მიკითხავდა (ნამდვილი ხანგრძლივი კითხვა სივერსენს ევალეზობდა), ეს მართლა ზღაპრის გულისთვის კი არა ხდებოდა. რადგან ჩვენ უკვე გამორკვეული გვექონდა, რომ ზღაპრები არცერთს არ გვიყვარდა. ჩვენ სასწაული სულ სხვაგვარად გვესმოდა. მიგვაჩნდა, რომ ყველაზე ბუნებრივი ამბები ყველაზე სასწაულებრივი იყო. დიდად არაფრად ვაგდებდით ჰაერში ფრენას, ფერიები იმედს გვიცრუებდნენ და სხვა არსებად გადაქცევა ჩვენთვის ერთობ ზედაპირულ ფერისცვალებას წარმოადგენდა. მაგრამ კითხვით ცოტას მაინც ვკითხულობდით, რათა საქმიანი იერი გვექონოდა. არ გვსიამოვნებდა, როცა იძულებულნი ვხდებოდით, ვინმე შემოსულისთვის განგვემარტა, თუ რას ვაკეთებდით. განსაკუთრებით მამაჩემს ვპასუხობდით ხოლმე გადაჭარბებულად ზუსტად და მკაფიოდ.

მხოლოდ მაშინ, როდესაც დარწმუნებული ვიყავით, რომ იელს არავინ შეევიშლიდა და როცა გარეთ ბინდდებოდა, მივეცემოდით ხოლმე მოგონებებს, საერთო მოგონებებს, რომლებიც ორივეს ძალზე ძველი გვეჩვენებოდა და ლიმილს გვეკვრიდა, რადგან მას შემდეგ ორთავეს ხანა შეგვემატებოდა. გვახსენდებოდა: ერთი დრო იყო, როცა დედა ნატრობდა, რომ მე პატარა გოგონა ვყოფილიყავი და არა ის ბიჭი, რომელიც სამწუხაროდ უკვე ვიყავი. ეს სურვილი როგორღაც გამოვიცანი და აზრად მომივიდა. ზოგჯერ ნაშუადღევს დედაჩემის ოთახის კარზე დამეკაკუნა და როცა ის კითხულობდა, ვინ არისო, მაშინ ბედნიერი ვიყავი, რომ შემეძლო მეპასუხა, სოფია-მეთქი. თან ისედაც მუსტ ხმას ისე ვინაზებდი, რომ ხორხში მიღიტივებდა. და მერე როცა ოთახში შევიდოდი (პატარა გოგონას საშინაო კაბაში გამოწყობილი, ისედაც რომ მეცვა ხოლმე, ბოლომდე აკეცილი სახელოებით), უბრალოდ სოფია ვიყავი, დედას პატარა სოფია, შინაურულად რომ ფუსფუსებდა და დედა რომ თმას უწნავდა, რათა იმ ცულ მალტეში არ არეოდათ, თუ მოვიდოდა. იმისი მოსვლა კი არავის ეპიტნავებოდა. დედას და სოფიას ერთნაირად სიამოვნებდათ, რომ მალტე იქ არ ბრძანდებოდა და რომ მათი საუბრები (რომელთა დროსაც სოფია ისევე იმ წვრილ ხმით ლაპარაკობდა) უმეტესად მალტეს უგვანო საქციელს ეხებოდა და დასტიროდა. „ოჰ, ოჰ, ეს მალტე“, ოხრავდა დედა. სოფიამ კი იმდენი

რამ იცოდა ბიჭების უსაქციელობაზე საერთოდ, თითქოს ბიჭების მთელ ლაშქარს იცნობდა.

„ნეტავი გამაგებინა, რა დაემართა სოფიას“, — უცბად იტყოდა ხოლმე დედა ამ მოგონებების დროს. ამაზე მალტეს, ცხადია, პასუხის გაცემა არ შეეძლო, მაგრამ როცა დედა აზრს გამოთქვამდა, სოფია ალბათ უკვე მოკვდაო, მაშინ კი მალტე ჭიუტად ედავებოდა და აფიცებდა, ეს არცერთ შემთხვევაში არ დაეჭვრებინა, სოფიას არსებობა რა გინდ ძნელი დასამტკიცებელიც არ უნდა ყოფილიყო.



ახლა, როცა ვიგონებ, მიკვირს, რომ ამ სიცხეების ქვეყნიდან ყოველთვის მაინც მრთელი და საღ-საღამათი ვბრუნდებოდი, და თავს ერთ მშვენიერ დღეს ისევ იმ უაღრესად ერთობლივ ცხოვრებაში აღმოვაჩინდი ხოლმე, სადაც თვითეულს სურდა, განემტკიცებინა განცდა, რომ ნაცნობ საგანთა შორის იმყოფებოდა, და სადაც ასე ფრთხილად იტანდნენ ერთმანეთს გასაგები და ცხადი მოვლენების საუფლოში. იქ რაიმეს ელოდებოდნენ და ის მოდიოდა ან არ მოდიოდა, რაღაც მესამე კი გამორიცხული გახლდათ. იყო მოვლენები, სამწუხარო მოვლენებად რომ მიეჩნიათ, ერთხელ და სამუდამოდ, იყო სასიხარულო მოვლენები და უამრავი — არაფრისმთქმელი. უკეთუ ვინმეს რაიმე სიხარულს უმზადებდნენ, ეს იყო, სიხარული და სხვა არაფერი, და ისიც ამის შესაბამისად უნდა მოქცეულიყო. მთლიანად ეს ყველაფერი ფრიად მარტივ რასმე წარმოადგენდა და თუ კაცი ერთხელ აუღებდა ალღოს, მერე ყველაფერი თითქმის თავისთავად მიდიოდა. გრძელი ერთნაირი გაკვეთილები, როცა გარეთ ზაფხული იდგა; ზეირნობანი, რომელთა შესახებაც ფრანგულად უნდა მოგეთხრო; სტუმრები, რომელთა გულისთვისაც სახლში გიხმობდნენ, და რომელიც სასაცილოდ მიიჩნევდნენ, თუკი მაინცდამაინც იმ დროს მოწყენილი იქნებოდი და შენით ერთობოდნენ, როგორც შეიძლება კაცი გაერთოს ჩიტების ნაღვლიანი სახით, სხვა სახე რომ არ გააჩნიათ; და დაბადების დღეები, რა თქმა უნდა, ბავშვებს რომ იწვევდნენ შენი გულისთვის. ბავშვებს, რომელთაც ძლივს თუ იცნობდი, დამორცხვებულ ბავშვებს, სწვებსაც რომ ამორცხვებდნენ, ანდა თავხედებს, სახეს რომ ვიკაწრავდნენ და გილილავებდნენ, (სახეს, რომელიც ის-ის იყო გა-

ჭირვებით მიგელო), და შემდეგ უეცრად რომ მიემგზავრებოდნენ, როცა ყველაფერი გადმოქოთებული იყო სკივრებიდან და უჭრებიდან და გროვა-გროვად ეყარა იატაკზე. მხოლოდ მაშინ, მარტოდმარტო რომ თამაშობდი, როგორც ყოველთვის, შეიძლებოდა მომხდარიყო, რომ ამ შეთანხმებულ და არსებითად უწყინარ სამყაროში უეცრად რაღაც გაუთვალისწინებელზე გადაგებიყებინა და ისეთ მიმართულებათა შორის ამოგეყო თავი, რომელნიც მთლიანად განსხვავებული ბუნებისანი იყვნენ და რომელთა აღრევე გათვალისწინება სრულიად შეუძლებელი გახლდათ.

მადმუაზელს დროდადრო შაკიკი აწუხებდა, ესოდენ მძაფრად რომ წამოუვლიდა ხოლმე და ასეთ დღეებში შე ძნელი საპოვნელი გახლდით. ვიცი, მეეტლეს გზავნიდნენ პარკში, თუკი მამაჩემს გადახსენდებოდი და თვალს ვერსად მომკრავდა. შემეძლო ზემოდან, ვრთ-ერთი სასტუმრო ოთახიდან დამენახა, როგორ გარბოდა ჩუნი მეეტლე გრძელ ხეივანში და როგორ მეძახდა. ეს სასტუმრო ოთახები, ულსგორის სასახლის ფრონტონზე ერთიმეორის გვერდით განლაგებული, სულ ცარიელი იყო; რაკი ამ დროს იშვიათად თუ ვინმე გვესტუმრებოდა ხოლმე. ამ ოთახებს მოსდევდა ის დიდი კუთხიანი დარბაზი, ესოდენ ძალუმაღ რომ მიზიდავდა. იქ არაფერი იდგა ერთი ძველი ბიუსტის გარდა, რომელიც, მგონ, ადმირალ იუელის⁴¹ გამოსახულებას წარმოადგენდა. მაგრამ სამაგიეროდ არგვლივ მთელ კედლებში დატანებული იყო ღრმა, ნაცრისფერი კარადები. ისე, რომ ფანჯარაც კი ამ კარადების თავზე, ცარიელ, თეთრად შეფეთქილ კედელში გამოეჭრათ. გასაღები, ერთ-ერთი კარადის კარში რომ ვიპოვე, ყველა დანარჩენსაც აღებდა. ასე დავათვალიერე მთელი ხანში ყველაფერი, რაც კი ეკიდა: მეთვრამეტე საუკუნის კამერჰერთა ფრაკები, საშინლად ცივი ჩაქსოვილი ოქრომკედის გამო, მათი პიჯაკები, „დანებროვისა“⁴² და „სპილოს ორდენტა“ შესამოსელი, პირველად ქალის კაბები რომ გეგონებოდათ, ისეთი მდიდრული და საგანგებო შესახედაობა ჰქონდათ და მათი სარჩული ისე ლბილად ხვდებოდა ხელს. შემდეგ კი ნამდვილი სამეჯლისო კაბები, გაფხორილი სარჩულების წყალობით ერთმანეთისაგან შორიშორის და ისე გახვეებული რომ ეკიდა, თითქოს

რადაც უსაშველოდ გრძელი სპექტაკლის თოჯინები ყოფილიყვნენ; სპექტაკლისა, რომელსაც ისე სამუდამოდ გასვლოდა ყავლო, რომ ამ თოჯინების თავები ახლა სულ სხვა რამეში გამოეყენებინათ. ამათ გვერდით კი ის კარადები იყო განლაგებული, რომლებიც მთლად დაებნელებინა იქ დაკიდულ, ბოლომდე შეკრულ სამხედრო ფორმებს. ეს ფორმები დანარჩენ სამოსთან შედარებით გაცილებით უფრო ნახმარი ჩანდნენ და მგონი, არც სურდათ, რომ შენახულიყვნენ.

არავის მოეჩვენება გასაკვირად, რომ ამ ტანსაცმელს საკიდარიდან ვხსნიდი და სინათლეზე გამოქონდა. რომ ხან ერთსა და ხან მეორეს ტანზე ვიფარებდი ან მხრებზე წამოვიხსამდი, ლოლმე: რომ ერთი კოსტიუმი, რომელიც თითქოს უნდა მომრგებოდა, ფაცა-ფუცათ ჩავიცვი, ცნობისწადილითა და მღელვარებით შეპყრობილი მეორე ოთახში გავეარდი და უამრავ სხვადასხვაფერი მწვანე მინისგან შეკრულ, ვიწრო სარკესთან მივირბინე. ოჰ, როგორ ვცახცახებდი იმის წადილით, რომ შიგ შევსულიყავი, სარკეს წიაღში, და რა ცნობისწამლები გახლდათ, როცა უკვე იქ ვიყავი: რადაცა მოიწევდა იმ ბურუსიდან. უფრო ნელა, ვიდრე თავად ის. ვინც სარკეში ისეღებოდა. რადგან სარკე იმავ წუთს როდი იჭერებდა და ნამძინარევეს როდი უნდოდა მაშინვე გაემეორებინა, რასაც კარნახობდნენ. მაგრამ ბოლოს ნებას უნდა დაჰყოლოდა და მაშინ განსაცვიფრებელ რასმე აჩენდა, რადაც უცხოვს, რადაც სულ სხვას, ვიდრე ელოდნენ, რადაც სრულიად უცაბედსა და თავისთავადს, რასაც სწრაფად შეავლებდა თვალს კაცი, რათა მეორე წუთს მაინც საკუთარი თავი შეეცნო და არც მთლად რადაცა ირონიის გარეშე, ერთ წამში რომ შეეძლო მთელი სიამოვნების ჩამხამება. მაგრამ თუ მაშინვე ლაპარაკს დაიწყებდი, წელში მოიხრებოდი, საკუთარ გამოსახულებას თავს დაუქნევდი, ასე შეგნიდან გარეთ საკუთარი თავისაკენ გამოშხრალი, გაშორდებოდი და შემდეგ, თითქოს რადაცა გადაწყვეტილებითა და თან აღელვებული კვლავ დაუბრუნდებოდი, მაშინ ხომ წარმოსახვა უკვე მთლიანად შენს მხარეზე იყო, ვიდრე მთელი ეს თამაში თავად არ მოგებზრდებოდა.

მაშინ სწორედ იმ გავლენას ვაკვირდებოდი, სანოსს რომ შეუძლია მოახდინოს ადამიანზე. ჩავიცვამდი თუ არა რომელიმეს ამ კოსტიუმთაგან, უნდა მეღიარებინა, რომ მისი გავლენის ქვეშ ვეპყეოდი. ის მიდგენდა მოძრაობებს, გამომეტყველებას, ჩემს

მზევდრებსაც კი ის მკარნახობდა. ჩემი ხელის მტევანი, მაქმანანი მანქეტები რომ ეცემოდა, სულაც აღარ იყო ჩემი ჩვეულებრივი ხელი; ის აქტიორივით მოძრაობდა, დიახ, მინდოდა მეთქვა, თავისთვის თვითონ შესცქეროდა-მეთქი, რა გადაჭარბებულადაც არ უნდა ჟღერდეს. მაგრამ ეს გარდასახვანი ისე შორს კი არ მიდიოლენ. რომ გაუცხოვება მეგრძნო რაიმე ჩემი თავისგან, პირიქით, რაც უფრო მრავალფეროვანი იყო ეს გარდაქმნები, მით უფრო მეტად ვრწმუნდებოდი ჩემსავე თავში. სულ უფრო გაბედული ვხდებოდი, სულ უფრო შორს მიეყვებოდი ჩემს წარმოსახვას, ზემოთ მივჭროდი, რადგან ეჭვი არ მეპარებოდა, რომ ყოველთვის მოვახერხებდი თავის დაჭერას. სწრაფად მზარდ თავდაჭერებულებაში ცთუნებას ვერ ვამჩნევდი. ჩემს ბედსწერას ისლა აკლდა, რომ, ბოლო კარადა, რომელსაც, მეგონა, ვერ გავაღებ-მეთქი, ერთ მშვენიერ დღეს ჩემს ნებას დაჰყვა და წინ სამოსის ნაცვლად ნიღბების მთელი წყება გადამიშალა, რომელთა ზღაპრული სიჭრელისგან თავბრუ დამეხვა. შეუძლებელია იმის ჩამოთვლა, რაც იქ ეკიდა. გარდა შავი, ნიღბიანი მანტიისა, კარგად რომ მახსოვს, იქ იყო სხვადასხვა ფერის დომინოები⁴³, ქალის ქვედატანები, წკრიალ-წკრიალი რომ ვაჰქონდათ ჩაქერებული მონეტების გამო. იყო პიეროები⁴⁴, სულელური რომ მეჩვენებოდა, ნაოქებასხმული თურქული შარვლები, არაბული ქუდები, პატარა ქაფურის ტოპრაკები რომ დასთრევდათ უკან და არაფრისმაქნისი თვლებით მოოქვილი გვირგვინები. მთელი ეს ჭრელა-ჭრელა პატივისცემას არ აღმიძრავდა, იმდენი ზაცოდავი არანამდვილობა იდგა მათში, და ისე გამოვიგნულად და უზადრუკად ეკიდნენ იქ, და ისე დუნედ და უნიათოდ ეთრეოდნენ ძირს, სინათლეზე როცა გამქონდა. მაგრამ რამაც მართლა გამაოგნა, ეს იყო უზარმაზარი წამოსახამები, ქსოვილები, შარფები, პირბადეები, მთელი ეს დამყოლი, ვრცელი და გამოუყენებელი აღკაზმულობა, ასეთი სალუქი და მოალერსე, ან ისე სრიალა, რომ ხელიდან უსხლტებოდა ადამიანს, ან ისე მსუბუქი, რომ სიოსავით მილივლივებდა, ან ერთობ მძიმე. მათ პირველად დამანახეს უსასრულოდ მრავალფეროვანი შესაძლებლობანი: გაუმხდარიყავი მონა ქალი, რომელსაც ჰყიდნენ, ან ჟანა დ'არკი, მოხუცი მეფე ან ჯადოქარი. ყველაფერი შემეძლო, განსაკუთრებით კი იმის წყალობით, რომ ნიღბებიც იქვე იყო, დიდი, დამუქრებულნი, თუ განცვიფრებული პირისახენი ნამდვილი წვერებითა და ჩა-

მოხურული ან ზემოთ აყრილი წარბებით. მანამდე ნიღბები არასდროს მენახა, მაგრამ იმთავითვე ვხვდებოდი, რომ ისინი უნდა არსებულებოდნენ ამქვეყნად. გამუცინა, რადგან გამახსენდა. რომ ერთი ძალი გვყავდა, რომელიც ისე გამოიყურებოდა, თითქოს ნიღბს ატარებდნენ. წარმომიდგა მისი კეთილი თვალები, მუდამ თითქოსდა ბანჯგვლიანი ნიღბის სიღრმიდან რომ იმზირებოდნენ. ისევე ვიცინოდი და თან ვიმოსებოდი და ამასობაში სულ დამავიწყდა. თუ ვინ უნდა ვყოფილიყავი. მაგრამ ახალიც იყო და საინტერესოც, რომ ეს შემდეგ, პირდაპირ სარკის წინ გადამეწყვიტა. ნიღბს. რომელიც ავიფარე. უცნაური, ფუტუროს სუნი აუდიოდა და მჭიდროდ მეკვროდა სახეზე. მაგრამ მაინც შემეძლო აქიდან მოხერხებულად მეპვირება. ასე რომ. როცა ნიღბი უკვე სახეზე მქონდა. მაშინდა შევუდექი ქსოვილებს არჩევას, ვიდექი და ჩალმასავით ვიხვევდი თავზე, ბოლოს ჩიღბის ქვედა კიდე ყელთან უზარმაზარ წამოსახამში ჩაეფლო. ხოლო გარშემო მჭიდროდ შეფუთული აღმოჩნდა. მეტი აღარ შემეძლო. თავი საკმარისად შებურულ-შენიღბულად დავიგულე, ერთ კვერთხსაც დავავლე ხელი და ასე გავბაჯბაჯდი. მართალია, არცთუ მსუბუქად, მაგრამ როგორც მეჩვენებოდა. ძალზედ ღირსეულად. საატუნოო ოთახში სარკესთან.

ჩემი ჩაცმულობა მართლაცდა დიდებული აღმოჩნდა. ყოველგვარ მოლოდინს ვადაჯკარბა. სარკემაც იმავე წუთს აირეკლა და უკან დააბრუნა, ისეთი დამარწმუნებელი რამ გახლდათ. სულაც არ იყო საქთრო ბევრი მოძრაობა. ეს გამოცხადება სრულყოფილებას წარმოადგენდა მაშინაც კი, როცა არაფერს არ აკეთებდა. მაგრამ ღირდა კი იმის გაგება, თუ ვინ ვიყავი ბოლოს და ბოლოს. ამიტომ ოდნავ შევეტრიალდი და ორივე ხელი ზემოთ აღვმართე: თითქოს ვლოცულობდი. რაც, როგორც მაშინვე შევნიშნე, ერთადერთი სწორი პოზა გახლდათ. მაგრამ სწორედ ამ საზეიმო წუთს, საიდანღაც სრულიად ახლოდან, ჩემი მრავალფენოვანი სამოსით დახშული, რაღაც მრავალბჯერა ხმაური შემომესმა; შიშისაგან თავგზაბნეულმა ის არსება სარკეში თვალთაგან დავკარგე და საშინელმა სიანჩხლემ შემოპყრო, როცა დავინახე, რომ პატარა, მრგვალი მაგიდა, ღმერთმა იცის თუ რა და რა, ალბათ ძალზე მყიფე საგნებთან ერთად გადამეყირავებინა. როგორც შემეძლო დავიკუზე და მაშინვე დავინახე ჩემი ავბედითი მოლოდინის დადასტურება: თითქოს ყველაფერი დაღეწილიყო, ორივე, სრულიად არაფრისმაქნისო

მომწვანო-მოლურჯო ფაიფურის თუთიყუში, ცხადია, თვითნებური თავისებურად უკეთურად დამსხვრეულიყო. რაღაც შუშის ყუთს კი, საიდანაც ვერცხლს ქაღალდში შეხვეული რაღაც მწერების მსგავსი კანფეტები მოგორავდნენ, თავისი სახურავი შორს მოესროლა და იმ სახურავის ნახევარიღა მოსჩანდა, ხოლო მეორე ნახევარი საერთოდ გამქრალიყო. მაგრამ ყველაზე საშინელი უთვალავ წვრილ ნამსხვრევად ქცეული ფლაკონი გახლდათ, საიდანაც რაღაც ძველისძველი ესენცია გადმოღვრალიყო და აი, ახლა საზიზღარ ლაქად აჩნდა ღია ფერის იატაკს. სასწრაფოდ მოვწმინდე რაღაცით, ძირს რომ დამთრევედა, მაგრამ ლაქა უფრო ჩაშავდა და მთლად დაუშნოვდა. ნამდვილმა სასოწარკვეთამ შემიბყრო. ავდექი და რაღაც ისეთ საგანს დავუწყე ძებნა, რითაც ყველაფერს წესრიგში მოვიყვანდი, მაგრამ ვერაფერი ვიპოვე და თან ისე შებურული ვიყავი და ისე მეშლებოდა ხელი ძებნასა და მოძრაობაში, რომ მრისხანება მომეძალა ჩემი უახრო მდგომარეობის გამო, რომელსაც ვეღარც კი ვაცნობიერებდი. ყველაფერს ვიგლეჯდი ტანიდან, მაგრამ ყველაფერი უფრო მჭიდროდ შეკვროდა. წამოსასხამის ზონრები მახრჩობდა და თავზე წამოდგმული ჩალმაც ისე მაწვებოდა, თითქოს თანდათან იზრდებო. თან ჰაერიც შეიხუთა, თითქოს დადამბლავდა ამღვრეული სითხის ძველთაძველი სურნელებისაგან.

გავარვარებული და განრისხებული სარკესთან მივიჭერი და ღონემიხდილი ვუყურებდი ნიღბიდან, რა გაფაციცებით მუშაობდნენ ჩემი ხელები. და სწორედ ამას უცდიდა სარკეც. წუთი, როცა მას თავი უნდა გამოეჩინა, დამდგარიყო. ვიდრე ჩემი შებოჭილობა სულ უფრო იზრდებოდა და მე მთელ ძალღონეს ვძაბავდი, რათა რამენაირად ამ ჩემი შეფუთულობიდან თავი დამეღწია, სარკე მიიძულებოდა, რა ვიცი რა საშუალებებით, მისკენ მეცქირა და მკარანახობდა რაღაც სურათს, არა, რაღაცა სინამდვილეს, რაღაცა უცხო, მიუწვდომელ, კომმარულ სინამდვილეს, რომელიც მგუდავდა და არას მეკითხებოდა, რადგან ახლა ის იყო მოქმედი და უფრო ძლიერი, მე კი სარკე ვიყავი. მივშტერებოდი ჩემს წინაშე მდგომ ამ ვეება, ზარღამცემ უცნობს და ჯოჯოხეთად მეჩვენებოდა მასთან ასე პირისპირ ყოფნა. მაგრამ იმ წუთას, ამას რომ ვფიქრობდი, მოხდა ყველაზე უარესი: მე გონი დავკარგე, უბრალოდ, მთლიანად გამოვითიშე. ურთი წამი რაღაც ენითაუწერელ მტკივნეულ და ამაო

ლტოლვას განვიცდიდი ჩემივ თავისაკენ: რადგან ჯერჯერობით მხოლოდ ის იყო, ის უცნობი, და სხვა აღარაფერი მის გარდა.

ადგილს მოვწყდი და გავქეცი. მაგრამ ეს მე კი არა, თვით უცნობი გარბოდა. ის ყველაფერს ეჯახებოდა, ბინას ვერ სცნობდა, არ იცოდა საითკენ წასულიყო, ერთი კიბე ჩაირბინა და გაქასვლელში ვიღაცას შეასკდა, ვინც კივილით გადახტა განზე. რომელიღაც კარი გაიღო და ჩამდენიმე ადამიანი გამოვიდა. ოჰ! ოჰ! რა კარგი იყო, რომ მათ იცნობდა. ეს სივერსენი გახლდათ, კეთილი სივერსენი, მოახლე გოგო და მსახური. მხოლოდ არჩევალა იყო საჭირო. მაგრამ ისინი როდი გამოიქცნენ გადასარჩენად. მათი გავიგნება საზღვარს გადასცდა. იდგნენ და იცინოდნენ. ღმერთო ჩემო, მათ შეეძლოთ ასე მდგარიყვნენ და ეცინათ, მე კი ვტიროდი. მაგრამ ნიღაბი ცრემლებს არ ატარებდა. ცრემლები სახეზე მეღვრებოდა, მაშინვე შრებოდა და ისევ მეღვრებოდა. და ბოლოს დავიჩოქე იმათ წინაშე, როგორც არავინ არასოდეს არ დაჩოქილა; დავიჩოქე, ხელები აღვაპყრე შათკენ და შეველაღადე: „ამომიყვანეთ, თუ კიდევ შეიძლება და დამიჭირეთ“. მაგრამ არ ესმოდათ. ხმა აღარ მქონდა.

შემდეგ სივერსენი სიცოცხლის ბოლომდე ჰყვებოდა, ძირს როგორ დავცემულვარ და ისინი კი როგორ განაგრძობდნენ სიცილს, იმ რწმენით, რომ ჩემი დაცემაც მთელი ამ სანახაობის ნაწილი იყო. მაგრამ შემდეგ აღარ განვიძრეულვარ და პასუხიც აღარ გამიცია. და როგორ დასცემიათ თავზარი, როცა ბოლოს მიმხვდარან, რომ მე გულწასული ვიყავი და იმ ქსოვილებში საგანივით ვეგდე, ნამდვილი საგანივით.



დრო სწრაფად გადიოდა და შეუმჩნეველად მოატანდა ხოლმე ის დღეც, როცა მოქადაგე დოქტორ ესპერსენს ვპატიყვებდით. ორივე მხარისათვის ეს ფრიად მომქანცველი და შემალონებელი პურადობა გახლდათ. თავის უაღრესად ღვთისმოსავ მეზობლებს მიჩვეული, მას რომ ლამის ზედ აღნებოდნენ, დოქტორი ჩვენთან რაღაც ადგილს ვერ პოულობდა. მე ვიტყოდი, იქდა და ხმელეთზე ამოვარდნილი თევზივით უჰაერობისაგან სულსა ლაფავდა. ლაყუჩებით სუნთქვა, მას რომ გამოემუშავებინა, სულ უფრო უჭირდა, პირთან ბუშტები უჩნდებოდა და მთელი ეს პროცესი არცთუ საიმედო

შთაბეჭდილებას ტოვებდა. სასაუბრო მასალა, თუკი სიზუსტეს გამოვიჩინებთ, საერთოდ არ არსებობდა. ამ მასალის ნამცეცების ათვისება მოსაუბრეთაგან წარმოუდგენელ ძალას ითხოვდა და ამით ფაქტიურად მთელი მარაგი ნადგურდებოდა კიდევ. დოქტორი ესპერსენი ჩვენთან რალაც სახლიკაცის როლით უნდა დაკმაყოფილებულიყო, რაც სწორედ რომ არასოდეს ყოფილა ჩვენთვის. ის როგორც თავად თვლიდა, სულის დარგში იყო განწესებული. სული საჯარო დაწესებულება გახლდათ მისთვის, რომლის წარმომადგენლადაც თავი მიაჩნდა და ახერხებდა კიდევ, რომ არასოდეს სამსახურის გარეშე არ ყოფილიყო, თვით თავის მეუღლესთან, თავის „მოკრძალებულ, ერთგულ რებეკასთანაც კი, ურიცხვი მშობიარობის გზით თანდათან რომ უახლოვდებოდა ნეტარებას“, როგორც სხვა კერძო შემთხვევაში აღნიშნა ლაფატერმა⁴⁵.

რაც შეეხება მამაჩემს, მისი დამოკიდებულება ღმერთის მიმართ სავსებით კორექტული გახლდათ და უზადო თავაზიანობით აღბეჭდილი. ზოგჯერ ეკლესიაში, სუნთქვაშეკრული რომ იდგა და მოთმინებით უცდიდა იმ წუთს, როცა წელში უნდა მოხრილიყო, მეჩვენებოდა, ღმერთთანაც მონადირეთუხუცესის მოვალეობას ასრულებს-მეთქი. დედას კი, პირიქით, თითქმის შეურაცხმყოფელად მიაჩნდა, რომ ვინმეს შეიძლება, რალაც მოწესრიგებული და ზრდილობიანი დამოკიდებულება ჰქონოდა ღმერთთან.

ის რომ სხვა, მძაფრი და მრავალფეროვანი რიტუალების რელიგიას ზიარებოდა, მისთვის მართლაც ნეტარება იქნებოდა, საათობით მუხლი ედრიკა და ძირს განრთხმულიყო და უზარმაზარი გვარი დაეკიდა მკერდზე ანდა მხრებით ეზიდა. მას ჩემთვის ლოცვა არ უსწავლებია, მაგრამ სიმშვიდე ეუფლებოდა, როცა ხალხით ვჩოქებდი და ხან წელშიმოხრილი, ხან გამართული, მლოცველივით ვიწვდიდი ხელებს. ჩემს თავთან საკმაოდ განმარტობულმა მე აღრევე გავიარე განსაცდელთა და გამოცდილებათა უგრძესი რიგი, რომელიც შემდეგ, ძალიან გვიან, ღმერთისკენ წარვმართე და ისე მძაფრად, რომ ის შეიქმნა და დაიმსხვრა შექმნისთანავე. ცხადია, ამის შემდეგ ყველაფერი თავიდან უნდა დამეწყო. და ამ დაწყებისას ზოგჯერ ვფიქრობდი, დედაჩემი მჭირდება-მეთქი. თუმცა, რა თქმა უნდა, გაცილებით სწორი იქნებოდა, რომ სრულიად მრატოს გამეველო ეს გზა. და ესეც რომ არა, ამ დროს დედა უკვე დიდი ხნის გარდაცვლილი იყო.

ლოქტორ ესპერსენთან დედას ხუმრობა და გართობაც შეეძლო, დედა იწყებდა საუბარს, ლოქტორი რომ სერიოზულად იღებდა, და როგორც კი ესპერსენიც აპყვებოდა, დედა ფიქრობდა, ეს საგსებით საქმარისიანო, და ყურადღებებს აღარ აქცევდა, სრულიად ავიწყდებოდა, თითქოს ლოქტორი იქ აღარც იყო. „როგორ შეუძლია ასე იაროს სახლებში და აღამიანს მაინცდამაინც მაშინ დაადგეს თავზე, როცა ის კვდება?“ — ამბობდა დედა ესპერსენზე.

ლოქტორი მასაც დაადგა თავზე ამ შემთხვევის გამო, მაგრამ დედამ ალბათ ველარც დაინახა: აღქმის უნარი უკვე დაჰკარგვოდა, ყველაზე ადრე კი სახე ჩაუქრა. ეს შემოდგომაზე მოხდა. უკვე ქალაქში ვაპირებდით გადაბარგებას, რომ დედა უეცრად ავად შეიქნა, ან უფრო სწორედ, მან მაშინვე დაიწყო კვდომა: კვდებოდა ნელა და უნუგეშოდ, მთელ სხეულზე კანი უშრებოდა და უქცნებოდა. ექიმები მოდიოდნენ. ერთ დღესაც ყველანი ერთად შეიყარნენ და მთელი ჩვენი სახლი გაავსეს. მათი თათბირი რამდენიმე საათს გაგრძელდა, თითქოსდა სახლი საიდუმლო საბჭოსა და მის თანაშემწეთ დაესაკუთრებინათ, ჩვენ კი ხმის უფლება არა გვქონდა. მაგრამ შემდეგ მათ უცბად დაკარგეს ყოველგვარი ინტერესი დედაჩემის მიმართ. ისევ მოდიოდნენ ხოლმე, ოღონდ სათითაოდ, თავაზიანობის გულისთვის, რათა ერთი სიგარა მოეწიათ და ერთი ჭიქა პორტეინი მიერთათ. ამასობაში კი დედა მოკვდა.

დედაჩემის ერთადერთ ძმასლა ელოდებოდნენ, გრაფ ქრისტინ ბრაეს, რომელიც ერთი ხანობა თურქეთის სამსახურში იდგა, სადაც ის, როგორც ყველა ამბობდა, ფრიად გამოერჩიათ და დაეწინაურებინათ. გრაფი ერთ დილას ჩამოვიდა უცხოელი მსახურის თანხლებით და მე ძალიან გამიკვირდა, რომ ის მამაჩემზე მაღალი და ალბათ უფრო ხნიერიც აღმოჩნდა. ბატონებმა მაშინვე რალაც გადაულაპარაკეს ერთმანეთს, რალაც, რაც ჩემის მიხედვრით, დედას ეხებოდა. შემდეგ მამაჩემმა თქვა: „ძალზე დამახინჯებულა“. ამ ნათქვამს მაშინ ვერ მივხვდი, მაგრამ გამაყრეოლა, როცა მომესმა. ისეთი შეგრძნება მქონდა, რომ მამაჩემმაც თავს ძალა დაატანა და ვაჟირვებით წარმოსთქვა. მაგრამ თუ ის იტანჯებოდა, როცა დედაჩემის დამახინჯება აღიარა, მხოლოდ შელახული თავმოყვარეობის გამო.

მხოლოდ რამდენიმე წლის შემდეგ, ამჯერად უკვე ურნეკლოსტერში, ისევ გავიგონე, რომ გრაფ ქრისტიანს ახსენებდნენ. და სწორედ მათილდე ბრავე გახლდათ, ვინც მასზე განსაკუთრებული სიყვარულით ლაპარაკობდა. ახლა დარწმუნებული ვარ, რომ ცალკეულ ეპიზოდებს ის თვითონ თხზავდა, რადგან ბიძაჩემის ცხოვრება, რომლის შესახებაც ნიადაგ მხოლოდ მითქმა-მოთქმა აღწევდა საზოგადოების და ასე განსაჯეთ, ოჯახის ყურამდეც კი, უსასრულო მრავალფეროვნებით შეიძლებოდა გადმოცემულიყო, რაკი ამ კორებს გაბათილება მას არასოდეს უცდია. ურნეკლოსტერი ახლა მის მფლობელობაშია. მაგრამ არავინ იცის, ცხოვრობს თუ არა იგი იქ. ეგებ ჯერ ისევ მოგზაურობს ჩვეულების მიხედვით. ვინ იცის, ეგებ მისი სიკვდილის ამბავი დედამიწის უშორეს კუთხიდან უკვე გზაშია, მოწერილი უცხო მსახურის ხელით ცუდ ინგლისურ ანდა რომელსამე უცნობ ენაზე. ვინ იცის, ეგებ ამ მსახურმა არც არაფერი ნიშანი მოგვცეს, როცა ბატონის სიკვდილის შემდეგ მარტო დარჩება. ვინ იცის, ეგებ, ორივენი რა ხანია, რაც დაიღუპნენ და რომელიმე ჩაძირული გემის მგზავრთა სიაში სულ სხვა გვარებით წერია.

ოღონდ მაშინ ურნეკლოსტერში ეტლი რომ ჩაიქროლებდა, მუდამ ველოდი: აი, ახლა შემოვა და დავინახავ-მეთქი და გული განსაკუთრებულად მიწყებდა ძვერას. მათილდე ბრავეც გვარწმუნებდა: სწორედ ასე მოვაო, ასე იცის, უცბად გაჩნდება ხოლმე, მაშინ, როდესაც ყველაზე ნაკლებ მოელიანო. არასდროს მოსულა, ჩემი ფიქრი კი კვირების მანძილზე ამ კაცს დასტრიალებდა, ისეთი გრძნობა მქონდა, თითქოს მოვალენი ვიყავით, რაღაც ურთიერთობა გექონოდა ერთმანეთთან და მე უდიდესი სიამოვნებით მოვისმენდი მის შესახებ რაიმე ნამდვილს.

და როცა მალე ამის შემდეგ ჩემმა ცნობისმოყვარეობამ გარკვეულ გარემოებათა წყალობით მთლიანად ქრისტიანე ბრავესკენ აიღო გეზი, მე თვითონ მიკვირდა, რომ სულ არა ვცდილობდი ამ ქალის ცხოვრებიდან რაიმე შემეტყო. მხოლოდ ის აზრი მაწუხებდა, იყო თუ არა მისი პორტრეტიც გალერეაში. ამის დადგენის სურვილმა ისე უჯიათად და მტანჯველად შემიპყრო, რომ რამდენიმე ღამე თვალს რული არ გამკარებია, ვიდრე სრულიად მოულოდნელად, ის ღამე არ დაღვა, როცა, მე, ღმერთო ჩემო, ავღექი, სანთელი ავიღე და ჩემო

ოთახიდან გამოვედი. სანთლის ალი ისე თრთოდა, თითქოს შიშისგან კანკალებსო. ხოლო მე შიშზე არ ვფიქრობდი. საერთოდ, არაფერზეც არ ვფიქრობდი: მივდიოდი. მაღალი კარები, თითქოს მეთამაშებოდა, ისე მსუბუქად იღებოდა ჩემს წინ, ჩემს ზემოთ და გზას მაძლევდა. ოთახები მშვიდად მეგებებოდნენ და ბოლოს იმ ბნელი სიღრმით, რომელმაც უცბად შემომასუნთქა, მივხვდი, რომ გალერეაში ვიყავი უკვე. მარჯვნივ ღამით ავსებულ ფანჯრებს შევიგრობნობდი, ხოლო მარცხნივ სურათები უნდა ყოფილიყო გამწკრივებული. სანთელი რაც შემეძლო მაღლა აეწიე: დიახ, იქ სურათები იყო.

თავიდან გადავწყვიტე მხოლოდ ქალებისათვის შემეხედა, მაგრამ შემდეგ ყველა ვიცანი სათითაოდ, ულსგორშიც ხომ ასე ეკიდნენ და როცა მათ ასე ქვემოდან ვაშუქებდი, ისინი ირხეოდნენ და სინათლეში სურდათ შემოსვლა და მე გულქვაობად მეჩვენებოდა, რომ ცოტა ხნით მაინც არ დამეცადა. აქ იყო ისევ ის ქრისტიან მეოთხე⁴⁶, ლამაზად დაწნული თმით, მის ფართო, რბილად ამოზნექილ ყვრიმალებს რომ დაჰყვებოდა. აქ იყვნენ, მე მგონი, მისი ცოლები, რომელთაგან მხოლოდ ქრისტინა მუნკს ვიცნობდი და აი, უეცრივ ფრაუ ელენ მარსვინმა შემომანათა გამომცდელად, ქვრივის სამოსსა და იგივე მარგალიტისმძივიან თავსაბურავში გამოწყობილმა. აქ იყვნენ მეფე ქრისტიანის შვილები: სულ უფრო და უფრო ნორჩები — ახალ-ახალი ცოლებისაგან. „უბაღლო“ ელეონორა თეთრ ბედაურზე ამხედრებული, თავისი ცხოვრების ბრწყინვალე ხანაში, სიკვდილამდე ცოტა ხნით ადრე. გიულდენლოვეები: ჰანს ულრიკი, რომელიც ისეთი სისხლკარბი იყო თურმე, რომ ესპანეთში ქალებს ჰკონებოდათ, სახეს იღებავსო, დაუფიწყარი ულრიკ ქრისტიანი და ულფელდების ლამის მთელი საგვარეულო. ხოლო თვალები შავად რომ მოეხატათ, ჰენრიკ ჰოლკი უნდა ყოფილიყო, ოცდაცამეტი წლის ასაკში რაიხსგრაფი რომ გახდა თურმე და ფელდმარშალი, უცნაური გარემოების შედეგად: ქალწულ ჰილბორგ კრაფტესაკენ მიმავალს, გზაში დასიზმრებოდა, რომ საცოლეს მაგივრად მახვილი მიაგებეს ვითომ, სიზმარი გულთან ახლოს მიეტანა, უკანვე გაბრუნებულიყო და შესდგომოდა თავის საბედისწერო, ხანმოკლე ცხოვრებას შავი ჭირით რომ დაემთავრებინა ბოლოს. მათ ყველას ვეცნობდი. ნიშევეგენის კონგრესის⁴⁷ წევრებიც გვყავდა ულსგორში, ერთმანეთს რომ წააგავდნენ ოდნავ, რადგანაც ყველა ერთდროულად

დაეხატათ: მათ ყველას ტუჩებზე წარბივით გადარკალოდა წვრილი უღვაში, ხოლო ტუჩები კი ისეთი ცოცხალი და მგრძობიარე ჰქონდათ, რომ ლამის თვალბივით იმზირებოდნენ.

პერცოგი ულრიჰი რომ ვიცანი, თავისთავად გასაგებია, და ოტო ბრაე და კლაუს დაა, და შტენ როზენსპარე, თავისი მოდგმის უკანასკნელი შთამომავალი, რადგანაც მათი სურათები იქ, ულსგორში მქონდა ნანახი, ანდა ძველ ჩანთებში ნაპოვნი სპილენძის გრავიურებიდან ვიცოდი, რომლებზეც მათი სახეები იყო ამოტვიფრული.

მაგრამ შემდეგ ბევრი გამოჩნდა ჩემთვის უცნობი: ქალები ნაკლებად, ბავშვები მრავლად. ხელი დიდი ხანი იყო რაც დამექანცა და მიცახცახებდა, მაგრამ სანთელს ისევ ზემოთ ვწევდი, რათა ბავშვები დამენახა რამენაირად. მე გავუგე მათ, ამ პატარა გოგონებს, ხელზე ჩიტი რომ დაესვათ და დაეიწყებოდათ. ზოგჯერ პატარა ფინია იყო ჩატუცქული იმათ ფეხებთან, ბურთი იღო იქვე, ხოლო მაზლობელ მაგიდაზე ყვავილები და ხილი ელაგა, მაგიდის უკან სვეტზე ჯერ ისევ ეკიდა გრუბების, ბილებისა და თუ როზენკრაყების⁴⁸ პატარა ღერბი; ამდენი რამ დაეხვავებინათ ბავშვების გარშემო, თითქოსდა უამრავ რამეზე უხდიდნენ ბოდიშს. გოგონები კი უძრავად იდგნენ, გრძელ კაბებში გამოწყობილი და იცდიდნენ. აშკარად ჩანდა, რომ იცდიდნენ. მაშინ კვლავ დაეიწყე ფიქრი ქალებზე და ქრისტინე ბრაეზე და იმაზე, შეგძლებდი თუ არა მის ცნობას.

მინდოდა სწრაფად გავქეუულიყავი გალერეის ბოლოში, მერე უკან გამოვყოლოდი კედელს და ისევ მეძებნა, მაგრამ რალაცას დავეჭახე. ისე ელვისებურად შემოვბრუნდი, რომ პატარა ერიკი უკან გადახტა და დაიჩურჩულა: „ცოტა ფრთხილად, მაგ შენი სანთლით“.

„შენა ხარ?“ — ვიკითხე სუნთქვაშეკრულმა, თან ჯერ ვერ გამეგო, კარგი რამ მოხდა თუ საშინლად ცუდი, აქ რომ გადავაწყდი. მან მხოლოდ ჩაიციხა და აღარ ვიცოდი ახლა რაღა მექნა. ჩემი სანთელი ლიფლიფებდა და მისი სახის გამომეტყველებას წესიერად ვერც კი ვხედავდი. ალბათ მაინც ძალიან ცუდი იყო, აქ რომ დამიხვდა. მაგრამ ამ დროს მომიახლოვდა და მითხრა: „იმისი სურათი აქ არ არის, ჩვენ ისევ ვეძებთ“. თავისი ნახევარხმითა და ცალი მოძრავი თვალით მან რალაცანიარად ზემოთყენ მიმანიშნა და მე მივხვდი, რომ ჰერს გულსხმობდა. მაგრამ ერთბაშად თავში უცნაურმა აზრმა გამიელვა:

„ჩვენ?“ — შევეკითხე — „განა ქრისტინე ზემოთ არის?“

„ღიას“ — თავი დამიქნია და გვერდით მომიდგა.

„თვითონაც ეძებს?“

„ჰო, ჩვენ ვეძებთ“.

„მაშ, სურათი სხვაგან წაიღეს?“

„ჰო, შენ წარმოიდგინე!“ — თქვა მან აღშფოთებით, მაგრამ არ მესმოდა რა სურდა ქრისტიანე ბრახეს.

„თავისი თავის დანახვა უნდა“... — სულ ახლოს ჩამჩურჩულა ერიკმა.

„ჰა, ასე“... — ვითომ გავიგე და მან უცბად სანთელს შეუბერა და ჩააქრო. ვიდრე ჩააქრობდა დაეინახე, წინ როგორ გადმოიწია სინათლეში და წარბები ზემოთ აჭიმა. შემდეგ კი დაბნელდა. უნებურად უკან დავიხიე.

„რას ჩაღიხარ?“ — დავიყვირე მოღუნებულმა და სასაგამშრალ-მა. ის ჩემსკენ გადმოხტა, მკლავზე ჩამომეკიდა და ახითხითდა.

„რა იყო?“ — იქით გავწიე, მინდოდა მკლავიდან ჩამომეწყვიტა, მაგრამ მაგრად ჩამბლაუჭებოდა, და ველარაფერი მოვახერხე, როცა კისერზე მომხვია ხელი.

„გინდა გითხრა?“ — დაისისინა მან და ოდნავ მომანერწყვა ყურის ბიბილოზე.

„ჰო, ჰო, ჩქარა“.

აღარ ვიცოდი, რას ვამბობდი. ის ისევ კისერზე ჩამომეკიდა და თან ფეხისწვერებზე იწევედა.

„მე სარკე მივუტანე“, — თქვა და კვლავ ახითხითდა.

„სარკე?“

„ჰო, რადგან სურათი ხომ არ არის აქ?“

„არა, არ არის“, — ვანიშნე ხელით.

მან ცოტა იქით, ფანჯარისაკენ წამათრია და ისე მაგრად მტაცა ხელი მკლავში, რომ წამოვიყვირე.

„ის სარკეში არ არის“, — ჩამბერა ყურში.

უნებურად ხელი ვჯარი და რალაცამ ჭახანი გაიღო, ასე მეგონა, რალაც მოვტეხე-მეთქი.

„წადი, წადი“ — და ახლა თავად გამეცინა. „სარკეში არ არის, როგორ თუ სარკეში არ არის?“

„სულელი ხარ“, — ავად მომახალა და მერე აღარ უჩურჩულა. მისი ხმა გადაიფურცლა, თითქოსდა ის თავისი ხმის რალაც ახალი, ჯერ გამოუყენებელი ნაწილით ალაპარაკდა: „ან სარკეში ჩანს-აღა-“

მიანი" -- დამარცვლა ხანშიშესულივით დამრიგებლურად და მკაცრად, „და მაშინ მისი სურათი აქ ვერ იქნება, ან აქ არის და მაშინ აქ შეიძლება სარკეში ჩანდეს“.

„რასაკვირველია“, — გუბასუხე საჩქაროდ, ისე, რომ არც კი დაფიქრებულვარ. მეშინოდა, არ წასულიყო და მარტო არ დავეტოვებინე, ხელიც კი ვტაცე.

„გინდა მეგობრები ვიყოთ?“ — შევთავაზე. რამდენჯერმე მათხოვინა და შემდეგ შედიდურად მომიგო: „ჩემთვის სულერთია“. — შევეცადე, მაშინვე დამეწყო ჩვენი მეგობრობა, მაგრამ მოხვევნა ვერ გამებედა. „ძვირფასო ერიკ“, როგორც იქნა, აღმოჩნდა ბოლოს და მგონი, ოდნავ შევეხე კიდევ. უეცრად საშინლად დავიღალე. მიმოვიხედე, ველარ გამეგო, აქ როგორ მოვხვდი, ან როგორ არ შემეშინდა, როცა აქ წამოსვლა დაეაპირე. აღარ მესმოდა, სად იყო ფანჯრები და სად სურათები და როცა წავედი, იძულებული ვიყავი მას მივყოლოდი. „ნუ გეშინია, არაფერს დაგიშავებენ“, — დამამშვიდა დიდსულოვნად და კვლავ ჩაიხიბითია.

ძვირფასო. ძვირფასო ერიკ, ჩემი ერთადერთი მეგობარი ალბათ მაინც შენ იყავი, რადგან სხვა არასდროს არავინ მყოლია. სამწუხაროა, რომ მეგობრობა არ მოისურვე. შემეძლო ზოგი რამ მომეთხორო შენთვის. ეგებ, აგვეტანა კიდევ ერთმანეთი. ვინ იცის. მაგონდება, შენს სურათს ხატავდნენ მაშინ. პაპამ ვილაც მოაყვანინა, ვინც შენ გხატავდა, ყოველ დღით თითო საათი. მხატვრის სახეს ველარ ვიხსენებ, მისი სახელიც ამომივარდა თავიდან, თუმცა მათილდე ბრაე წამდაუწყუმ იმეორებდა.

ნეტავ თუ ისე გხედავდა ისიც, როგორც მე გხედავ? პელიოტროპისფერი კოსტიუმი გეცვა. მათილდე ბრაე გიყდებოდა ამ შენს კოსტიუმზე. მაგრამ ეს სულერთია. გხედავდა ის კაცი? მხოლოდ ეს მინდა ვიცოდე. დავუშვათ, რომ ის ნამდვილი მხატვარი იყო. დავუშვათ, სულ არ ფიქრობდა, რომ შეგეძლო მომკვდარიყავი, სანამ შენს სურათს დაამთავრებდა, დავუშვათ, ასე გულჩვილად არ უდგებოდა საჩქმეს, რომ ის უბრალოდ მუშაობდა, რომ მაგ შენ, ერთმანეთისაგან განსხვავებულ თაფლისფერ თვალებს ალტაცებაში მოჰყავდა მხოლოდ, რომ არცერთი წუთით არ უგრძენია უხერხულობა იმის გამო, რომ ცალი თვალი არ მოძრაობდა. სხვაც ყველაფერი და-

ევშვათ, რაც საჭიროა ნამდვილი პორტრეტის შესაქმნელად: მაშინ აქ შენი სურათია, შენი სურათი, უკანასკნელი ურნეკლოსტერის გალერეაში.

(და როცა ათვალიერებ გალერეას და უკვე ყველა სურათს ნახავ, იქ ბოლოში კიდევ მოსჩანს ვიღაც ბიჭი. ერთი წამით! ვინ არის ეს ბიჭი? — ერთ-ერთი ბრავე. ხელდავ ვერცხლისფერ სვეტს მრუმე-მინდორზე ⁴⁹ და ფარშევანგის ფერად ბუმბულებს; იქვე სახელიც წერია: „ერიკ ბრავე“. განა ეს ის ერიკ ბრავე არ არის, სიკვდილით რომ დასაჯეს? ⁵⁰ რა თქმა უნდა. საქმაოდ გახმაურებული ამბავია. მაგრამ იმ კაცს აქ ვერ ვხედავთ. ეს ბიჭი ბიჭად გარდაიცვალა. სულერთია როდის. არ შეგიძლია ამის დანახვა?).

* * *

როდესაც სტუმრები გვეყავდა და ერიკს უძახდნენ, მატლდე ბრავე მუდამ იმას ირწმუნებოდა, რომ პირდაპირ დაუჭრებელია იყო, როგორ ჰგავდა ბიჭი მოხუც გრაფინია ბრავეს, დიდედ იქმს. აჰ ქალზე ამბობდნენ, ნამდვილი ქალბატონი იყოთ. მე არ ვიცნობდი. სამაგიეროდ ძალზე კარგად მახსოვდა მამაჩემის დედა: თავისი სიცოცხლის ბოლომდე ულსგორის ნამდვილი ბატონ-პატრონი, ვინც გულში მუდამ ჯავრობდა დედაჩემზე, რომ მან როგორც მონადირეთუხუცესის მეუღლემ ამ ოჯახში შემოაბიჯა. ამ დღიდან მოკიდებული ისე იქცეოდა, თითქოს თავის თავს უკან აყენებდნენ და მოსამსახურეთ ყოველ წვრილმანზე დედასთან აგზავნიდა, თუმცა მნიშვნელოვან საქმეებს ისე მშვიდად სწყვეტდა და განაგებდა, რომ არასდროს არავისთვის ჩაუბარებია ანგარიში. დედაჩემს, მგონი, სხვა არც რა სურდა. ის სულ არ იყო იმისთვის გაჩენილი. რომ დიდი ოჯახი წარმართა, სრულებით არ გააჩნდა უნარი, გაერკვია — რომელი საქმე იყო მნიშვნელოვანი და რომელი — უმნიშვნელო. რაზედაც ელაპარაკებოდნენ, მუდამ ეგონა, ეს არის მთავარიო და სხვა დანარჩენი სრულიად ავიწყლებოდა, რაც, არადა, ასევე მოსაგვარებელი იყო. ის არასოდეს უჩიოდა დედამთილს. ანკი ვისთან უნდა დაეჩილა; მამაჩემი ერთობ პატივისმცემელი და დამჭერე ვაჟი გახლდათ, პაპაჩემს კი ბევრი არაფერი ეკითხებოდა.

ფრთხილად მარგარეტ ბრიჯე, როგორც ჩემმა მეხსიერებამ შემომინახა; ტანმალალი, გოროზი ქალი იყო. მხოლოდ პაპაჩემზე ბევრად უფ-

ბრძოლა შემოიძლია წარმოვიდგინო. ის თავისი ცხოვრებით ცხოვრობდა ჩვენს შორს და არავის გვაგდებდა სათვალავში. არცერთ ჩვენგანზე არ იყო დამოკიდებული და არავინ ვჭირდებოდით. მხოლოდ შინაბერა გრაფინია ოქსეს არ იშორებდა გვერდიდან, რომლასთვისაც ოდესღაც რაღაც შემწეობა აღმოეჩინა და ამის გამო ისიც უსაშველოდ დავალებულად გრძობდა თავს. ეს შემთხვევა, როგორც ჩანს, რაღაც გამონაკლისს წარმოადგენდა, რადგან ქველმოქმედება ფრთხილ ბრიგეს ბუნება არ გახლდათ. ბავშვები არ უყვარდა და ვერც ცხოველები ეკარებოდნენ ახლოს. არც კი ვიცო, უყვარდა თუ არა საერთოდ რაიმე. ჰყვებოდნენ, რომ ის, სრულიად ნორჩი გოგონა დანიშნული ყოფილა მშვენიერ ფელიქს ლიხნოვსკიზე, რომელიც შემდეგ ასე შემზარავად დაიღუპა ფრანკფურტში და როდესაც გრაფინია გარდაიცვალა, მის ნივთებში მართლაც აღმოჩნდა დაღუპული საქმროს პორტრეტი, რომელიც მოგვიანებით, თუ არა ვცდები, თავადის ოჯახს დაუბრუნეს. ვინ იცის, ვფიქრობ ახლა, ამ კარჩაეტილი, სოფლური ცხოვრების გამო, როგორიც წლითწლობით სულ უფრო მეტად ზღვებოდა ულსგორის ცხოვრება, მარგარეტ ბრიგე სხვა ბრწყინვალე ცხოვრებას ასცდა: თავის საკუთარსა და ბუნებრივს. არ ვიცო, მისტიროდა თუ არა იმ ცხოვრებას. ვინ იცის, ეგებ შეიძულა კიდევ, რაჟი ეს ცხოვრება მას არ ეწვია და ამით გამოტოვა შესაძლებლობა — მარჯვედ, ლამაზად და დიდებულად ყოფილიყო ნაცხოვრები. თავისი განცდები ფრთხილ ბრიგეს ძალზე ღრმად მიეჩქმალა სულის წიაღში და ზედ აურაცხელი ნაჭუჭი ჩამოეცვა, უამრავი მყიფე, ოდნავ ლითონისებრ მზინავი ნაჭუჭი, რომელთაგან ყოველი ზემოთა ახლისა და გრილის შთაბეჭდილებას სტოვებდა. ოლონდ, დროდადრო ის თავს გასცემდა ხოლმე რაღაც გულუბრყვილო მოუთმენლობით, აქაოდა საკმაო ყურადღებას არ მაქცევთო. ჩემ დროს, მაგალითად, უცბად შეეძლო სუფრასთან ლუქმა ისე ხმამაღლა და რაღაც განსაკუთრებულად რთულ ყაიდაზე ჩაეყლაპა, რომ ყველას ყურადღება მიეპყრო და ერთი წამით ყოფილიყო ისეთი სენსაციური და საინტერესო, როგორიც, ალბათ, მთელი სიცოცხლე უნდოდა ყოფნა. ახლა ვფიქრობ, რომ მგონი მამაჩემი ერთადერთი იყო, ვინც ამ ერთობ მრავალჯერად შემთხვევას სერიოზულად იღებდა. მოწიწებით წინგადახრილი შეაჩერებოდა ხოლმე დედამისს და ჩანდა, რომ თავის საკუთარ ჯანმრთელ სასუნთქ მილებს იმ წუთშივე სთავაზობდა და მთლიანად

უთმობდა. კამერპერი, რალა თქმა უნდა, მაშინვე სწყვეტდა ჭამას, ერთ ყლუბ ღვინოს მოსვამდა ხოლმე და ყოველგვარი მოსაზრებებისაგან თავს იკავებდა.

თავადი ბრიჯე ერთადერთხელ ამხედრებოდა თურმე თავის მეუღლეს, ისიც სუფრასთან. მას შემდეგ დიდი ხანი იყო გასული, მაგრამ ამ ამბავს ისევე ერთთავად ჰყვებოდნენ ირგვლივ, ჩუმ-ჩუმად და გესლიანად. თითქმის ყველგან აღმოჩნდებოდა ხოლმე ვინმე ისეთი, ვისაც ჯერ კიდევ არ გაეგონა. ჰყვებოდნენ, რომ გრაფინიას ერთი ხანობა, თურმე, ფრიად აღიზიანებდა ღვინის ლაქები, ზოგჯერ ვინმეს ბედოვლათობის წყალობით სუფრაზე რომ ჩნდებოდა. ყოველ ასეთ ლაქას, რა მიზეზითაც არ უნდა ყოფილიყო გაჩენილი, მაშინვე ამჩნევდა და როგორც საშინელ უგვანობას დაუნდობლად ამხელდა. სწორედ ასეთი ამბავი მომხდარიყო ერთხელ ხალხმრავალ და საპატიო წვეულებაზე. რამდენიმე უწყინარი ლაქა, მან უსაშველოდ გააზვიადა და გაუთავებელ და გამჭირდავ ბრალდებებს მოჰყვა. და როგორც არ ცდილობდა თურმე პაპაჩემი მისი ყურადღება ხელის ოღნავი მინიშნებითა და სახუმარო შეძახილებით სხვა საგანზე გადაეტანა, ის მაინც უჯითად განაგრძობდა საყვედურებს, ვიდრე მოულოდნელად სიტყვა პირზე არ შეაშრა: საქმე ის გახლდათ, რომ იმ წუთას რალაც ჯერარყოფილი და სრულიად შეუცნობელი რამ მოხდა თურმე: კამერპერმა შავი ღვინო მოატანინა, რომელიც ისიც იყო ჩამოერიგებინათ და ახლა მოხუცს მთელი ყურადღება მოეკრიბა და თვითონვე ივსებდა ჭიქას, მაგრამ სასწაული სწორედ ის იყო, რომ იგი, თურმე, არ შეჩერებულა და სულ უფრო მზარდ სიჩუმეში წელა და ფრთხილად განაგრძობდა ღვინის ჩამოსხმას, როცა ჭიქა უკვე კარგა ხნის ავსებული იყო პირთამდე... კიდევ კარგი დედაჩემმა, რომელიც სიცილს ვერასოდეს იკავებდა, ახლაც ხმამაღლა გაიცინა და საერთო დაძაბულობა გაჰფანტა: ყველამ შევებით ამოისუნთქა, კამერპერმაც ზემოთ აიხედა და მსახურს ცარიელი ბოთლი გადასცა.

შემდეგში სხვა ახირებამ იმძლავრა დიდდაჩემის ხასიათში: ვერ იტანდა სახლში თუ ავად ხდებოდა ვინმე. ერთხელ, როდესაც მზარეული ქალი დაშავდა და გრაფინიამ მის შეხვეულ ხელს მოჰკრა თვალი, მაშინვე იმის მტკიცებას მოჰყვა, მთელ სახლში იოდოფორამის სუნი ტრიალებსო და ძლივს გადააფიქრებინეს მსახურის

დათხოვნა. მასთან არავის უნდა ეხსენებინა ავადმყოფობა და თუ ვინმე იმდენ წინდაუხედაობას გამოიჩენდა, რომ უსიამოვნო საგანზე ჩამოავდებდა სიტყვას, გრაფინია პირად შეუტარცხყოფად იღებდა და შემდეგ დიდხანს არ უვიწყებდა.

იმ შემოდგომას, როცა დედაჩემი გარდაიცვალა, გრაფინია სოფია ოქსესთან ერთად თავის ოთახებში ჩაიკეტა და ჩვენთან ყოველგვარი კავშირი გაწყვიტა. საკუთარ ვაჟსაც კი აღარ იღებდა. მართლაც და ეს სიკვდილი ფრიად უდროოდ და უადგილოდ დაგვატყდა თავს. ოთახებში ციოდა, ლუმელები ხრჩოლავდა და სახლი თავგებით აივსო. თავს ვერსად დაღწევდი. მაგრამ მხოლოდ ეს არ იყო ყველაფერი. ფრაუ მარგარეტ ბრაე აღშფოთებული განლდათ, რომ დედა მოკვდა. რომ დღის წესრიგში ისეთი საკითხი დადგა. რაზეც ლაპარაკს ის მუდამ კრძალავდა. რომ ახალგაზრდა ქალბატონმა გაბედა და დაასწრო მას, ვისაც თვითონაც ჰქონდა მოტიქრებული სიკვდილი, თუმცა დრო ჯერ არ დაედგინა. რადგან რომ უნდა მომკვდარიყო, ხშირად ფიქრობდა. მაგრამ არ სურდა ვინმეს აეჩქარებინა. ის მოკვდებოდა, მაგრამ მაშინ, როცა თვითონ მოეპრიანებოდა და შემდეგ შეეძლოთ ყველანი ერთად დახოცილიყვნენ, თუკი ასე ეჩქარებოდათ.

დედაჩემის სიკვდილი ჩვენთვის ბოლომდე არასდროს უპატივებია. სხვათა შორის, იმ ზამთარს რაღაც ერთბაშად მოტყდა. სიარულისას ისევე ისეთი მაღალი ჩანდა, მაგრამ სავარძელში რაღაცნაირად მოიკუნტებოდა ხოლმე და სმენაც თანდათან აკლდებოდა. შეგეძლო მჯდარიყავი და საათობით სახეში გეცქირა მისთვის, ვერაფერს გრძნობდა. სადღაც, საკუთარ წიაღში იყო ჩაკარგული და ძალზე იშვიათად და ისიც წამიერად თუ უბრუნდებოდა მიტოვებული სახლივით გაუდაბურებულ თავის განცდებს. დროდადრო რაღაცას შეეხიტყვებოდა შინაბერა ოქსეს, მას რომ მოსასხამს უსწორებდა; ან თავისი დიდრონი, საგულდაგულოდ დაბანილი ხელებით ისე აიკრეფდა ხოლმე კაბის კალთებს, თითქოს წყალი ყოფილიყო მის ფეხებთან დაღვრილი, ანდა თითქოს ჩვენს სისუფთავეში ეპარებოდა ეჭვი.

ის გაზაფხულის დამდეგს მოკვდა, ღამით, ქალაქში: სოფია ოქსემ, თუმცა კარი ღია ჰქონდა, ვერა გაიგო. დილით რომ ნახა, უკვე შუშასავით ცივი და უფერო იყო.

მალე, ამის შემდეგ დაიწყო კამერჰერის დიდი და საშინელი ავადმყოფობა. თითქოსდა თავადი ბრიგე თავისი მეუღლის სიკვდილს ელოდებოდა, რომ შემდეგ ისე დაუდევრად და შმაგად მომკვდარიყო, როგორც ჰმართებდა.



დედაჩემის გარდაცვალებიდან სულ რაღაც ერთი წელი იყო გასული, აბელონე პირველად რომ შევახჩნიე. ის ყოველთვის ჩვენთან ტრიალებდა და ამით ბევრი რამ აკლდებოდა. ამასთან აბელონეს არც მიმზიდველი გარეგნობა ჰქონია. ეს ჯერ კიდევ ძალიან ადრე დაუადგინე და შემდეგ სერიოზულად აღარასოდეს შემიმოწმებია ჩემი შთაბეჭდილება. კითხვა იმისა, თუ რა დანიშნულება ჰქონდა აბელონეს, მანამდე სასაცილოდ მომეჩვენებოდა. აბელონე იქ იყო და მას ისე იყენებდნენ, როგორც შეეძლოთ. მაგრამ ერთხელაც ჩემს თავს შევეკითხე: „რისთვის არის აბელონე აქ?“ თვითული ჩვენგანის იქ ყოფნას გარკვეული აზრი ჰქონდა, თუნდაც ეს აზრი არც ისე თვალსაჩინო ყოფილიყო, როგორც მაგალითად, ფროილან ოქსეს შემთხვევაში. მაგრამ, რისთვის იყო აბელონე ჩვენთან? ერთხანობა ლაპარაკობდნენ, თითქოს აბელონეს გული უნდა გადაეყოლებინა. მაგრამ ეს აზრი მალე დავიწყებას მივცა. არავინ არას აკეთებდა აბელონეს გასართობად და მას სულაც არაფერი ეტყობოდა იმისა, რომ ერთობოდა.

მაგრამ ერთი სიკეთე სჭირდა აბელონეს: მღეროდა. ანუ იყო დღეები, როცა მღეროდა. რაღაც ძლიერი, შეუმცდარი მუსიკა იდგა მასში. უკეთუ მართალია, რომ ანგელოზნი მამრნი არიან, მაშინ შეიძლება ითქვას, სწორედ რაღაც მამაკაცური იყო მის ხმაში: სხივმდინარე, ზეციური მამაკაცურობა. მე, რომელიც ჯერ კიდევ ბაღლობაში ესოდენ უნდობლად ვეკიდებოდი მუსიკას (იმიტომ კი არა, რომ ის ყველა დანარჩენზე უფრო ძლიერ მიტაცებდა ჩემი წიაღიდან. არამედ იმიტომ, რომ შევნიშნე, ბოლოს იმავე ადგილას კი აღარ მაბრუნებდა, სადაც თავიდან შემეგება, არამედ სადღაც უფრო დიდ სიღრმეში ჩავყავდი, რაღაც მოუმიწიფებელ, უცნობ საუფლოში), ვუძლებდი ამ მუსიკას, რომელზედაც ასე შემართულად შეიძლებოდა აზიდულიყავი ზემოთ, სულ უფრო მაღლა და მაღლა, იქამ-

დღე. ვიდრე გაიფიქრებდი, უკვე ცააო რა ხანია. მაშინ ვერ ვგრძნობდი, რომ აბელონე მოგვიანებით სხვა ზეცათაც გადამიხსნიდა.

ჩვენი ურთიერთობა პირველ ყოვლისა იმაში ვლინდებოდა, რომ ის დედაჩემის ქალიშვილობაზე მომითხრობდა. აბელონე ყოველწლიურად ცდილობდა დავერწმუნებინე, რომ დედა ბავშვობაში ძალზედ გაბედული იყო და სიცოცხლით სავსე. მარწმუნებდა, არავინ მოიძეებოდა ცეკვასა და ჭირითში მისი ბადალიო. „ის ყველაზე თამამი იყო და დაუდგრომელი. მერე კი უცბად ადგა და გათხოვდა“, ამბობდა ამდენი წლის შემდეგ ჯერ ისევ გაკვირვებული აბელონე. „ეს ისე მოულოდნელად მოხდა, ყველანი გაოგნდნენ“.

ერთხელ დავინტერესდი, თუ თვითონ რატომ არ იყო გათხოვილი. აბელონე შედარებით ასაკოვნად მეჩვენებოდა და რომ კიდევ შეეძლო გათხოვება, აზრადაც არ მომსვლია.

„არავინ იყოო“, მიპასუხა უბრალოდ და ერთბაშად გალამაზდა. ნუთუ აბელონე ლამაზია? განცვიფრებული შევეკითხე ჩემს თავს. მალე სახლი დავტოვე და სორიოში⁵² არისტოკრატთა აკადემიაში გავემგზავრე სასწავლებლად. დაიწყო საზიზღარი და საშინელი ხანა. მაგრამ როცა იქ ყველასაგან განცალკევებით ფანჯარასთან ვიდექი და ცოტა ხნით ყველა თავს მანებებდა, მაშინ გარეთ ხეებს გავცქეროდი და აი, ამ წუთებში და ლამაზობით რწმენა ჩამესახა, რომ აბელონე ლამაზი იყო და მე დავიწყე მისთვის ყველა იმ მოკლე თუ ვრცელი წერილის მიწერა, სადაც, როგორც მეგონა, ულსგორზე ვწერდი და იმაზე, რომ უბედური ვიყავი ფრიად. მაგრამ ისინი, როგორც ახლა ვხედავ, სიყვარულის წერილები გამოდიოდა. რადგანაც ბოლოს დადგა არდადეგები, ჯერ რომ არაფრით არა დგებოდა და ჩვენ თითქმის შეთანხმებული აღმოვჩნდით, რომ ერთმანეთს სხვათა თანდასწრებით არ შევხვედროდით.

დათქმული სრულიად არაფერი გვექონია, მაგრამ როცა ეტლმა პარკში შეუხვია, ჩამოვხტი, ალბათ იმ მიზეზით, რომ არ მსურდა უცხო სტუმარივით ეტლი ზედ კარზე მძიმეყენებინა. შუა ზაფხული იდგა. ერთ-ერთ ბილიკზე გავიქეცი აყვავებული ოქროწყვიმისკენ და იქ აბელონეც შემოხეგება. ლამაზი, ლამაზი აბელონე.

არ მსურს როდესმე დავივიწყო, როგორ შემომხედე. როგორ მოგქონდა შენი შემოხედვა, თითქოსდა რაღაც სრიალას აკავებდი მალლა აწეულ სახეზე.

ოჰ, ნუთუ მანდ ჰავა ოდნავადაც კი არ შეცვლილა? ნუთუ სილ-

8. რანერ მარია რილე

ბო არ შეემატა ულსგორის შემოგარენს ჩვენი სითბოსგან? განა ზოგიერთი მაგ ვარდებიდან უფრო ხანგრძლივად არ ყვავილობს ახლა ჩვენს ბაღში, დეკემბრამდეც კი?

შენს შესახებ სხვა არაფერი არ მინდა მოვყვე, აბელონე. არა იმიტომ, რომ ჩვენ ერთმანეთს ვატყუებდით, ვატყუებდით, რადგან შგნ ერთადერთი კაცი გიყვარდა, მუდამ, მაშინაც, ვინც არასოდეს დაგვიწყებია — შენ. მოყვარულო, მართლა შემძლებელი სიყვარულისა, ხოლო მე — ყველა ქალი. არაფრის თქმა არ მინდა, მხოლოდ იმიტომ, რომ, როდესაც ვამბობთ, უსამართლობას ჩაგდევართ თითქოს.

• • • •

აქ ხალიჩებია ხა, აბელონე, კედლის ხალები. წარმოვიდგენ ხოლმე, თითქოს აქა ხარ. სულ ექვსი ხალიჩაა, მოდი, ნელ-ნელა წინ ჩავუაროთ, რა სინწვიდე დგას ყველაში არა? მრავალფეროვნებით არ გამორჩევიან. ყველგან ერთი და იგივე ოვალური, ლურჯი კუნძულია გამოსახული. მოლივლივე დაბინდულ-წითელ ფონზე. სადაც ყვავილები და პატარა, თავისთვის მოფუსფუსე ცხოველები მიმოფანტულან. მხოლოდ იქ, ბოლო ხალიჩაზე კუნძული ოდნავ ზემოთ იწევს, თითქოს შემსუბუქდაო. კუნძულზე მუდამ ერთი ქალი დგას, ოღონდ სულ სხვადასხვანაირად შემოსილი. ზოგჯერ მოახლე ქალის მომცრო ფიგურაც ახლავს. ხოლო ცხოველები, რომელთაც ღერბები უჭირავთ, სულ იქ არიან — დიდად გამოსახულნი შუა კუნძულზე, თითქოს მონაწილეობენ ყველაფერში, რაც იქა ხდება. მარცხნივ ლომია და მარჯვნივ, უფრო ნათელი ფერის — ცალეშვა. მათ ერთნაირი აღმები უჭირავთ, თავს ზემოთ რომ აუწევიან: სამი ვერცხლისფერი, ამომავალი მთვარე, წითელი მინდვრის თავზე ლურჯი ზონრით შეერთებული. დაინახე ეს ყველაფერი? გინდა დავიწყოთ პირველი ხალიჩით!

ქალი მიმინოს აპურებს. რა დიდებული კაბა აცვია! ფრინველი ქალის ხელიდან კენკავს და ოდნავ ირხევა. ქალი მიმინოს შეპყრებს და თან მეორე ხელს თასისკენ იწვდის, მოახლეს რომ მიუერთმევიან, რათა ჩიტს მარცვალი კიდეე მიაწოდოს. მარჯვნივ, ძირს, შლეიფზე პატარა ფინია ჩაყუნცულა, აბრეშუმვიით ბეწვი რომ აქვს და ზემოთ იხედება, იმის იმედით, ეგებ მეც ვინმეს გავახსენდო,

და შეამჩნიე, ქვემოთ კუნძულს დაბალი ვარდების ღობე რომ ევლებოდა გარს? ღერბიანი ცხოველები ამაყად იწევენ ზემოთ და ალაში კიდევ ერთხელ ეხვევა მანტიასავით. ღერბი ლამაზი აბზინდით აჩრის შეკრული. ქარი უბერავს.

ხომ უფრო ჩუმად უახლოვდები მომდევნო ხალიჩას. რადგან შენიშნე, რომ ქალი ასე ღრმად ჩაძირულა საკუთარ თავში, ის გვირგვინსა წნავს ჩაფიქრებული, ყვავილების პაწია გვირგვინს. უახლოეს მიხაკებს იღებს ფართო სინიდან, რომელიც მოახლეს უჭირავს. მათ უკან გრძელ სკამზე ხელუხლებლად დგას ვარდებით სავსე კალათა. მაგრამ ქალს ვარდები აღარ უნდა და კალათას მაიმუნი დაპატრონებია. ლომს გულგრილი სახე აქვს, ალბათ მოსწყინდა ყველაფერი, ცალეშვა კი ისე იყურება, თითქოს ყველაფერი ესმის, რაც ხდება.

განა მუსიკას არ უხმობს ეს სიმშვიდე? განა ეს სიმშვიდე არ შეიცავს მას? მძიმედ და დიდებულად მოკაზმული, ქალი მისულა პატარა ორღანთან (რა ნელა, არა?) და უკრავს, ასე, ზეზეულად. მას საკრავის მიღები მიჯნავს მოახლისაგან, რომელიც საბერველს ამოძრავებს. ასე ლამაზი ჯერ არასოდეს ყოფილა ქალი. საოცარია მისი თმა — მისი ორი მძიმე ნაწნავი, რომლებიც შუბლზე თავსაბურავს ზემოთ შეუკრავს და ბოლოები, ნასკვიდან რომ ამოზიდულა. ჭრისავით ადგანან თავზე. გუნებაწამხდარი ლომი ძლივ-ძლივობით უძლებს მუსიკას და ამოსახეთქ ღრიალს იკავებს. ცალეშვა კი ღამაზია, თითქოს ტალღებში ირწყვოდეს.

კუნძული ფართოვდება. კარავი აღუმართავთ, ლურჯი სტავრისა და ოქროთი მოსირმული. ცხოველებს პირით უჭირავთ კარვის კალთები. და დედოფლურ სამოსში გამოწყობილი, ქალი თითქმის უბრალოდ გამოდის კარვიდან. რადგან: აბა, რა ფასი აქვთ მთელ მის მარგალიტებს მასთან შედარებით? მოახლეს პატარა ზარდახმა აუბრდია, და ქალი მძიმე ყელსაბამს იღებს: დიდებულ სამკაულს, მუდამ სიბნელეში რომ იყო ჩაკეტილი. ფინიაც იქვე ზის, მისთვის განკუთვნილ შემალლებულ ადგილზე და ოქროს ჯაჭვს შესცქერის. და ვერ შენიშნე, მაღლა, კარვის კიდეში, რა წარწერა ჩანს? იქ წერია: „A mon seul désir“ 54.

რა მოხდა? რატომ მიხტის მიღმა ბაჰია? და რატომ გრძნობ შენივე, რომ ბაჰია მიხტის? რაღაც მოუსვენრობა იგრძნობა ირგვლივ. ლომს საქმე აღარაფერი აქვს. ქალს თავად უჭირავს ალაში.

ან ეგებ ალამს უჭირავს ქალი? მეორე ხელით ცალეშვას რქას ჩას-
ჭიდებია. ნუთუ ეს გლოვია? განა შეიძლება გლოვა ასეთი შემართუ-
ლი იყოს? ხოლო ძაძა აგრე შეფარული, როგორც ეს მრუმე-მწვანე
ხავერდი, ალაგ-ალაგ ჩუმი ჭკნობა რომ შეჰპარვია?

მაგრამ აი, დღესასწაულიც მოდის. არავინაა მოწვეული. მოლო-
დინი აქ არ არსებობს. ყველაფერი უკვე მოხდა, ყველაფერი უკვე
აქ არის. ყველაფერი სამარადეთამოდ. ლოში მუჭარით იხედება ირგვ-
ლივ: არავისა აქვს მოსელის უფლება.

ქალი დაღლილი ჯერ არ გვინახავს. აქ კი? ნუთუ დაღლილია?
თუ მხოლოდ ჩაუმუხლავს, რადგან რაღაც ძალიან მძიმე უპყრია
ხელთ. შეიძლებაოდა გეფიქრა, რომ ზარდახშაა, მაგრამ მეორე ხელი
ცალეშვასკენ გაუწვდია და გახარებული ცხოველი ფეხებზე დამ-
დგარა, წინა ფეხებით კი მის კალთას ეყრდნობა. ეს სარკეა, ქალს
რომ უჭირავს. ხედავ? ცხოველს სარკეში ახედებს.

აბელონე, თავს ვირწმუნებ, რომ აქა ხარ. აბელონე, ხედები, რას
ნიშნავს ეს? მე მგონი, უნდა ხედებოდე.

პირველი ნაწილის დასასრული

II ნაწილი

და აი, აღარც Dame á la Licorne¹-ის ხალიჩებია ბუსაკების ძველ ციხე-კოშკში. დამდგარა უამი, როს სახლებიდან ყველაფერი მიიკარგება, მათ აღარაფრის შენარჩუნება არ შეუძლიათ. საფრთხე უფრო მყარი გამხდარა, ვიდრე სიმყარე უხიფათობის, დელე ვისტების² გვარტომიდან დღეს აღარავინ მოგყვება გვერდით, მასპინძელივით ვინც გაჩვენებდა ამ გობელენებს; სისხლში არ ჰქონიათ დღევანდელობა. გარდასულან, მიმობნეულან. აღარც შენს სახელს წარმოთქვამს ვინმე ამ მნახველთაგან, პიერ დ'ობიუსონ³, დიდო დიდოსტატო ძველისძველ გვარის, ვისი ნებასურვილითაც მოიქსოვა, ალბათ, ეს სურათები, ყველაფერს რომ განადიდებენ და საიდუმლოს არკი ამხელენ (ო, რატომ იყო, რომ პოეტები მუდამ სხვაგვარად წერდნენ ქალებზე: სიტყვაამრავლად და სიტყვაკაზმულად, და არა ისე, როგორც ფიქრობდნენ. ალბათ, ეს უნდა გვცოდნოდა მხოლოდ, სხვა არაფერი). და აი, ახლა შემთხვევით ხვდები ხალიჩების წინ, მრავალ შემთხვევით მოხვედრილს შორის, და თითქმის გაკრთობს, რომ არავის მოუწვევიათ, უნებართვოდ შემოსულივით დაიარები. მაგრამ აქ ხომ სხვებიც არიან, თუმცა ძალიან ბევრი — არასდროს, და ნელა მიმოდინან ნათელ დარბაზში. ახალ-

გაზრდებს გული არ უდგებათ, ძლივს ჩერდებიან; ეტყობა, მათი ღარგი მოითხოვს, ამ საგნებს ერთხელ მაინც შეავლონ თვალი, მათი ე'ა თუ ის ნიშანი დაიმახსოვრონ.

აქ გოგონებსაც შეზღუდებით ზოგჯერ. რადგანაც სწორედ მუზეუმებში ტრიალებენ ის გოგონები, ოდესღაც რომ დაეკარგნენ ოჯახებს, სახლებს, სახლებს, რომლებიც ველარაფერს ვერ აკავებენ. ხალიჩების წინ ისინი თავიანთ თავს პოულობენ და ივიწყებენ კიდევ მცირე ხნით. მათ ხომ ყოველთვის უგრძობლად გული, რომ ეს იყო, ეს არსებობდა — აი, ასეთი ჩუმი ცხოვრება, აღბეჭდილი ნარნარი, თითქმის იღუმალი ექსტებითა და ნელი მიმოხვრით. და ახლა ბუნდოვნად ახსენდებათ, რომ ერთ დროს ეგონათ, მათაც ასეთი ცხოვრება ხვდებოდათ წილად. მაგრამ გაიფიქრებენ ამას თუ არა, მაშინვე რვეულებს იღებენ ჩანთიდან და იწყებენ ხატვას. სულ ერთია, რას გადახატავენ, რომელიმეს იმ ყვავილთაგან თუ პატარა, კმაყოფილ, ნაამებ ცხოველს. რას დახატავთ, სულ ერთია, არა აქვს მნიშვნელობაო, წინასწარ თუ უთხრეს, და აბა, მართლაც რა მნიშვნელობა აქვს. მთავარია, რომ ხატავენ. რადგან, განა ამისთვის არ დასტოვეს ერთ დღეს სახლები, მათ დასატოვებლად გვარიანმა გაბრძოლებამ რომ მოუწიათ? ისინი კარგი ოჯახებიდან არიან, მაგრამ, ახლა ხატვისას მკლავს მალდა რომ სწევენ, ზურგზე კაბა ეხსნებათ ხოლმე, რაკი ბოლომდე არა აქვთ შეკრული. რამდენიმე დღეს, ეტყობა, ვერ სწვდებიან. რადგან როდესაც ეს კაბები იკერებოდა, აზრადაც არავის მოსვლია, რომ ქალიშვილები ერთ მშვენიერ დღეს სახლებიდან გაიკრიფებოდნენ. ოჯახში კი მზუდამ არის ვინმე ისეთი, ქალს დიღების შეკვრაში რომ მიეხმარება. მაგრამ აქ, ღმერთო დიდებულო, ასეთ უზარმაზარ ქალაქში დიღებისთვის ვიღას სცალია! მეგობარი გოგონებიც ამ დღეში არიან, ყველანი დაჰკარგვიან სახლსა და კერას და აგრე ხდება, რომ ისინი ერთმანეთს უკერავენ კაბებს და ეს მართლაც სასაცილოა, რადგან ამ დროს ისევ ოჯახი აგონდებათ, ოჯახი, რომლის მოგონებაც არ უხარიათ.

და აი, დგანან და ხატავენ, და უნებურად აეშლებათ ხოლმე ფიქრები: ეგებ შინ დავრჩენილიყავით, ნუთუ არ შეიძლებოდაო. აღბათ, შეიძლებოდა, თუკი სათნონი იქნებოდნენ, დანარჩენებთან ნაბიჯაწყობილ, გულითად ღვთისმოსაობას თუ შეინარჩუნებდნენ. მაგრამ რა უაზრო, რა გამორიცხული ეჩვენებოდათ, სხვებთან ერთად, ერთობლივად ეცადათ ღვთისმოსაობა. გზა ღმერთისაკენ დავიწროვ-

და: ამ კვირო გზაზე ოჯახები ველარ ეტევიან. მამასადამე, დანარჩენი, საერთო ქონება უნდა გაეყოს გაპირებებაში. მაგრამ თუკი პატიოსნად იყოფდნენ, თვითეულს ისე მცირე რამ ზედებოდა წილად, რომ ლაპარაკადაც არ ღირდა. ამის გამო იწყებდნენ ტყუილს, ჩხუბს, კინკლაობას. არა, მართლაცდა ბევრად უკეთესია, იღვე და ხატავდე, სულ ერთია რას. დროთა განმავლობაში მსგავსებასაც მიაღწევ. და ხელოვნება, რომელსაც ასე ნელ-ნელა, აუჩქარებლად ეუფლები, მართლაც რომ შესაშური ბედნიერებაა.

და ეს გოგონები ველარ ახერხებენ, ჩაუკვირდნენ იმ უკიდურესად დაძაბულ საქმიანობას, რაც წამოუწყიათ; მათ არც კი უნდათ დაიჯერონ, რომ ხატვისას თავიანთისვე შეუმჩნევლად მხოლოდ ერთ რასმე სჩადიან: საკუთარ თავში ახშობენ იგივე ცხოვრებას, რაც მათ წინაშე ამ ხალხების ნაქარგ სურათებზე მთელი თავისი გამოუთქმელობით გადაშლილა და გაბრწყინებულა. გოგონებსაც სურთ შეიცვალონ, ახლა, როცა ამდენი რამ იცვლება ქვეყნად. ისინი უკვე მზად არიან, ფარ-ხმალი დაყარონ და ისე იფიქრონ თავიანთ თავზე, როგორც კაცები ლაპარაკობენ მათზე მათ ზურგსუკან. გოგონებს ეს წინსვლად მიაჩნიათ. თითქმის დარწმუნებულნი არიან უკვე, რომ ადამიანი სიამოვნების საძიებლადაა გაჩენილი და ეძებს და ეძებს ერთ სიამეს, მერე მეორეს, უფრო მძაფრს, კიდევ უფრო მძაფრს და ასე შემდეგ; რომ სწორედ სიამოვნების მიღებაა ცხოვრების აზრი, და სხვაგვარად უღიმღამოდ ჩავლილად უნდა ჩაითვალოს კაცის სიცოცხლე. გოგონებმა უკვე დაიწყეს ირგვლივ მიმოხედვა და ძებნა, გოგონებმა, რომელთა ძალაც მუდამ ის იყო, რომ მათ ეძებდნენ და პოულობდნენ.

ჩემის აზრით, იმიტომ მოხდა ეს ყველაფერი, რომ ქალები დაიღალნენ. საუკუნეთა მანძილზე მთელი სიყვარული თავიანთი მხრებით ატარეს, ისინი მუდამ მთელ დიალოგს ახორციელებდნენ, დიალოგის ორივე ნაწილს, მამაკაცი მხოლოდ მათ სიტყვებს იმეორებდა და ისიც უხეიროდ, და უძნელებდა ქალს სიბრძნის შეძენას და თვითწარმატებას თავისი გაფანტულობით, თავისი დაუდევრობით, თავისი ექვიანობით, რაც დაუდევრობის სახეობაა და სხვა არაფერი. მიუხედავად ამისა, ქალებმა გასძლეს, ყოველ წუთს, დღედაღამ უძლებდნენ სიძნელეს და აღივსნენ სიყვარულით და ტანჯვით. და უზომო ტანჯვა-სატკივრის ძალით წარმოდგნენ მათგან ძლევაშემოსილი მეტრფენი, რომელნიც, მამაკაცს რომ უხმობდნენ, ამ

ხმობაში დასძლიეს იგი, გადალახეს და ამოდდნენ მასზე. ისინი აღზედნენ და გასცდნენ მამაკაცს, როდესაც იგი მათ ძახილზე აღარ მივიდა, — გასპარა სტამპა⁴ იქნება ეს თუ პორტუგალიელი ქალი⁵, — ისინი არ დაეხსნენ თავიანთ სიყვარულს, ვიდრე მათი ტანჯვა მკაცრ, ყინულოვან ბრწყინვალეობაში არ გადაიზარდა, რომლის გაძლებაც უკვე შეუძლებელი იყო. ჩვენ ვიცით ეს ქალები, რადგან წერილები დარჩათ, სასწაულებრივად გადაჩენილი, ანდა წიგნები წაგვიკითხავს, მგოდებელი თუ დამადანაშაულებელი ლექსებით სავსე, ან მათი სურათები გვინახავს რომელიმე გალერეაში, ტირილის პირბადიდან გამომზიარალი მათი სახეები, ტირილისა, რომელიც მხატვარს იმიტომ თუ გამოუვიდა, რომ არ იცოდა, რა იყო ეს. მაგრამ ასეთი ქალების რიცხვი ხომ განუზომლად მცტრ იქნებოდა. ვინ მოსთვლის, რამდენმა მისცა ცეცხლს სასიყვარულო წერილები, ანდა რამდენი ისე დაშრიტა ტრფობის სახმილმა. რომ წერილების წერის ძალაც წაართვა; იყვნენ გამკაცრებულ-გახევებული მოხუცი ქალები, უძვირფასეს თესლს რომ მალავდნენ სულის წიაღში; ფორმდაკარგული, გაუხეშებულ-გამძლავრებული ქალები, ქანცაწყვეტამ რომ გააძლიერა და თავიანთ ქმრებს ნებით რომ დაემსგავსნენ, თუმცა შიგნით, სულის სიღრმეში სულ სხვაანაირები რჩებოდნენ მაინც, რადგან იქ, სიბნელეში მათი სიყვარული იღვწოდა მუდამ; მშობიარენი, რომელთაც შობა არასდროს სურდათ, და როდესაც ბოლოს და ბოლოს მერვე მშობიარობას ეწირებოდნენ, გოგონების ყესტები და მოძრაობანი ჰქონდათ სულთაბრძოლისას, გოგონებისა, სასიყვარული სარეცელი რომ უხარიათ; და ის ქალები, დამთხვეულებისა და ლოთების გვერდით რომ რჩებოდნენ მთელი ცხოვრება, რადგან მიაგნეს საშუალებას. ისე შორს წასულიყვნენ მათგან საკუთარ თავში, რასაც სხვაგან ვერ მოახერხებდნენ. და როდესაც ხალხში გამოდიოდნენ, ვერ იკავებდნენ შინაგან ციმციმს და ანათებდნენ, თითქოს თავიანთი დღე და მოსწრება ნეტარ წმინდანებთან ჰქონოდათ საქმე. ვინ მოსთვლის რამდენი ასეთი ქალი ცხოვრობდა ქვეყნად, ან ვინ და როგორნი იყვნენ ისინი. თითქოსდა ქალებმა წინასწარ გააცამტვერეს ყველა ის სიტყვა, რითაც ყი მათი წვდომა და გამოთქმა იქნებოდა შესაძლებელი.

მაგრამ ახლა, როცა ამდენი რამ იცვლება ქვეყნად, აღარ დადგა დრო, რომ ჩვენც, კაცებიც, შევიცვალოთ და გარდავიქმნათ? ნუთუ ვერ შევძლებთ ძალთა მოკრებას, რათა მცირეოდენ ჩვენც განვივითარდეთ და სიყვარულში ჩვენი წილი სამუშაო თანდათან, ნელ-ნელა ვიკისროთ? ჩვენ მუდამ გვარიდებდნენ სიყვარულის სიმძიმეს, გვზოგავდნენ, და აგრე გავგისხლტა იგი ზელიდან ჩვენს განუწყვეტელ გაფანტულობასა და დაუდევრობაში: ბავშვის სათამაშოებით ავსებულ ყუთში ასე აღმოჩნდება ხოლმე ზოგჯერ ნამდვილი მაქმანის ნაჭერი, რომელიც ბავშვს ჯერ უხარია, მერე კი აღარ და ბოლოს ყველაზე მეტად შელახული და დასკრილი გდია იმ დაშლილ-დაღეწილ სათამაშოებში. ყველა დილეტანტის მსგავსად ჩვენ გაგვრყვნა და წაგვანდინა იოლმა სიამემ და ოსტატების სახელი კი გვაქვს გავარდნილი. ო, რა იქნებოდა, უარგვეყო ჩვენი მოჩვენებითი, ყალბი წინსვლანი. სულ, სულ თავიდან დაგვეწყო, და გვესწავლა სიყვარულის სამუშაოს აღსრულება, რომელსაც ჩვენს მაგივრად მუდამ სხვა ასრულებდა. რა იქნება, წავიდეთ, მივიდეთ ქალებთან და ახალბედანი და დამწყებნი გავხდეთ, ახლა, როცა ყველაფერი ასე იცვლება?

და ახლა უკვე ვიცი, რა როგორ ხდებოდა, დედა მაქმანებს რომ გაშლიდა ხოლმე. მან ინგებორგის ლეკრეტერის ერთადერთი უჯრა დაიტოვა თავისთვის.

„მოდით, ვნახოთ, მალტე“, — მიძახდა და ისე უხაროდა, თითქოს ყველაფერი ერთბაშად უნდა მიეღო საჩუქრად, რასაც კი პატარა, ყვითლად გასარკული უჯრა მალავდა. მერე კი დიდი მოლოდინით დაძაბული, ველარ ახერხებდა სიფრიფანა ქალაღლის შემოხსნას და მუდამ მე უნდა მივხმარებოდი. მაგრამ მეც საშინელი მღელვარება მიპყრობდა ყოველთვის, როცა კი მაქმანებს მოვკრავდი თვალს. ისინი პატარა ხის კოჭებზე იყო გადახვეული, რომლებსაც მთლიანად ფარავდნენ. და ჩვენ ნელ-ნელა ვშლიდით ზვეულს და მონუსხულები დავცქეროდით მაქმანის სახეს, თუ რაგვარ სანახაობას გა-

დაგვიშლიდა. ბოლოს კი ყოველთვის შეგკრთებოდით ხოლმე, ისე მალე მიშვლდებოდნენ ხის კოჭები.

ჯერ იტალიურ ზონარებს ვათვალიერებდით, ძაფებამოწვერილ, მაგარ მაქმანებს, რომელთა გვირისტებშიც ყველაფერი, მთელი ცხოვრება მკაფიოდ და განუწყვეტლივ მეორდებოდა, ისევე, როგორც გლეხის ბაღჩაში. მერე კი უცბად ჩვენს მზერას ვენეციური ნემსის წვერები ელობებოდა, თითქოს სატუსალოები ვყოფილიყავით ან მონასტრები. მაგრამ მაშინვე ქრებოდა ისევ. და თავისუფლად შეგვეძლო შორს გაგვეხედა მსუბუქ ბალებში: ყვავილ-ფოთლები სულ უფრო და უფრო ზელოვნური ხდებოდა და ბოლოს მკვიდროდ და თბილად აგვეკვრებოდა ხოლმე თვალებზე, თითქოს სათბურში შევსულიყავით. აი, უცნობი; მბრწყინავი ყვავილები ნარნარით შლიდნენ ვეება ფურცლებს, მათი ლერწები ირწეოდნენ და ერთმანეთს ეჭდობოდნენ, თითქოს თავბრუ ესხმითო. ხოლო ალანსონური მაქმანების დიდრონი, გულგადახსნილი ყვავილები თავიანთი ფერადი მტვრით ყოველივეს ნისლაგდნენ ირგვლივ. შემდეგ კი მთლად დაქანცულნი და რეტდასხმულნი უეცრად ვალანსენი⁶ გრძელ გზაზე გავდიოდით, და ზამთარი იდგა, დილასისხამი, და თრთვილი ეფინა იქაურობას. და მივიარდევდით ბინშის⁷ გაუვალ, დათოვლილ ბარდნარს, და უცბად ისეთ ადგილას ამოვყოფდით ხოლმე თავს, სადაც ჩვენამდე არვის გაევლო. აქ კი იმგვარად ჩამოშვებულიყვენნ მძიმე ტოტები, მათ ქვეშ საფლავი უნდა ყოფილიყო. მაგრამ ამ ვარაუდს მე და დედა ერთმანეთს ვუშალავდით. სიცივე სულ უფრო გვატანდა სახსრებში, და როცა ბოლოს პატარა, უაღრესად ნაზი ყაისნალით ნაქსოვი მაქმანების ჯერი დგებოდა, დედა ამბობდა: ო, ახლა ყინულის ყვავილები დაგვეფინება თვალებზეო, და მართლაც ასე ხდებოდა, რადგან ჩვენს არსებაში ძალიან, ძალიან დიდი სითბო დაგროვილიყო.

როდესაც მაქმანებს ხელახლა ვახვევდით, ორივენი ჩუმად ვობრაავდით, რადგან ეს საქმე ჩვეულებრივ დიდხანს გრძელდებოდა, ჩვენ კი მაინც არ გვსურდა სხვისთვის მიგვენდო.

„წარმოიდგინე, ჩვენი მოსაქსოვი რომ ყოფილიყო ეს მაქმანები“, — ამბობდა დედა და მართლა შეშინებული იყურებოდა. არა, ამის წარმოადგენაც კი არ შემიძლო. და მე აღმოვაჩინე, რომ ერთი ციდა ცხოველებზე ვფიქრობდი ამ დროს, რომლებიც განუწყვეტლივ

ქსოვენ და წნავენ, და რომელთაც ხელს არავენ უშლის. არადა, ცხოველები რა შუაშია, რა თქმა უნდა, ეს ქალების ხელობა იყო.

„ის ქალები ნამდვილად ზეცაში წავიდნენ“, — ვამბობდი მონუსხული. მაგონდება: მაშინ უეცრად გამახსენდა, რომ ზეცის შესახებ კარგა ზანი იყო აღარაფერი მეკითხა. დედამ ამოისუნთქა, მაქმანები უკვე გადახვეული იყო და ერთად ელაგა.

რამდენიმე წუთის შემდეგ, როცა ზეცა ისევ დამავიწყდა, დედამ ძალიან ნელა და ჩუმად თქვა: „ზეცაში? მე მგონი, ისინი მთლიანად აქ არიან, შიგნით, ამ მანქანებში, როცა მათ ასე დაჰყურებ, განა ვერა გრძნობ, რომ ესეც შეიძლება მარადიული. სასუფეველი იყოს? ჩვენ ხომ ასე ცოტა რამ ვიცით ზეცის შესახებ“.



ხშირად, როდესაც სტუმრები გვყავდა, სულ იმას ამბობდნენ, შუღინები რა ვიწროდ არიანო. მათი დიდი, ძველი სასახლე რამდენიმე წლის წინ დაიწვა, და ახლა ისინი ორთავე ვიწრო, გვერდითა ფლიგელში ცხოვრობდნენ და მაშასადამე, მართლაც ვიწროდ იყვნენ. მაგრამ სტუმრიანობა სისხლში ჰქონდათ და ამაზე უარის თქმა ნამდვილად არ შეეძლოთ. თუკი ვინმე მოულოდნელად შემოგვივლიდა, შუღინებისგან მოდიოდა უთუოდ, და თუკი ვინმე უცბად საათს შეხედავდა და დაფეთებული წასვლას დააპირებდა, იმასაც, უეჭველად, შუღინების სახლში ელოდნენ..

თუმცა დედა იმ დროს სახლიდან თითქმის აღარ გადიოდა, მაგრამ ამას შუღინები ვერ გაიგებდნენ და ჩვენც იძულებულნი ვიყავით, ზოგჯერ მაინც გავდგომოდით მათი სახლის გზას. ეს იყო დეკემბერში, მას შემდეგ, რაც ერთი-ორჯერ უკვე ჩამოთოვა აღრიანად. მარხილი სამი საათისთვის იყო ნაბრძანები, მეც მივიდიოდი. ეს კი იყო, რომ ჩვენი დროზე გამგზავრება არასდროს ხერხდებოდა. დედას არ უყვარდა, როცა უცდიდნენ ხოლმე. და ამიტომ, ყოველთვის ყველაზე ადრე ჩადიოდა ქვემოთ. და რაკი იქ ვერავის პოულობდა, და თან უცბად რაღაც აუცილებლად მოსაგვარებელი საქმეც ახსენდებოდა, უკანვე ბრუნდებოდა და იწყებდა ვილაცის ან რაღაცის ძებნას, და თავად ხდებოდა ძნელი საპოვნელი. დანარჩენები კი ქვემოთ იდგნენ და ელოდნენ. ბოლოს და ბოლოს, როცა დედა უკვე მარჩილში იჯდა და ქურქში ეხვეოდა, აღმოჩნდებოდა ხოლმე, რომ

ისევ რაღაც დავიწყებოდა. მაშინ სივერსენის ძებნას იწყებდნენ, რაკი მან ერთადერთმა იცოდა მუღამ, სად შეიძლებოდა ყოფილიყო ის რაღაც დავიწყებული, მაგრამ მერე მარხილი რატომღაც მოულოდნელად წყდებოდა ადგილს, სივერსენის დაბრუნებამდე.

ისეთი ჩამობურული დღე იდგა, ვერც იტყოდი, დღეაო. ხეებიც იმგვარად იდგნენ, თითქოს წისლში გზა აბნეოდათ და ახლა აღარ იცოდნენ საით წასულიყვნენ. მართლაც მედიდური თავდაჯერებულობა გახლდათ იმ ბურუსში მგზავრობა. ამასობაში ისევ წამოთრევა, ნელა და მძიმედ. ყველაფერი წაიშალა, გადასწორდა და თითქოს თეთრ ფურცელზე მივსრიალებდით. აღარაფერი არსებობდა ზარების წკრიალის ვარდა და იმასაც ვერ იტყოდით, სად გაისმოდა. მერე ისეთნაირად შეწყდა, თითქოს უკანასკნელი ბგერა გამოსცაო, მაგრამ მალევე მოიკრიბა ძალა, დაგროვდა, შეიკრა და არემარეს მთელი ძალით გადმოფრქვევა რეკვა-წკრიალი. საღდაც მარცხნივ ეკლესიის სამრეკლო შეიძლებოდა გეგულისხმა. მაგრამ უეცრად პარკის კონტური გამოჩნდა, მალა, თითქმის ჩვენს ზემოთ, და გრძელ ხეივანში ამოვყავით კიდევ თავი. ზარების რეკვა ხან ძლიერდებოდა, ხან სუსტდებოდა, მაგრამ შეწყვეტით აღარ შეწყვეტილა. თითქოს ხეებს მტევნებად ეკიდებოდა მარჯვნივ თუ მარცხნივ. შემდეგ მარხილმა უეცრად შეუხვია, რაღაცას შემოუარა, რაღაცას წინ ჩაუარა და საღდაც შუაში გაჩერდა.

გეორგს სრულიად დავიწყებოდა, რომ სასახლე კარგა ზანი იყო, რაც დაიწვა და აღარ იდგა. და ჩვენთვისაც სასახლე ისევ იქ იდგა, თავის ძველ ადგილას. აი, ავუყვებით საპარადო კიბეს, ძველ ტერასას რომ უერთდებოდა, და მხოლოდ გაუვალი სიბნელე გვიკვირდა. უეცრად ქვემოთ, ჩვენს ზურგს უკან რაღაც კარი გაიღო, დაბურული სინათლე გამოიქრა და ვიღაცამ დაიძახა: „აქეთ! აქეთ!“ „ჩვენ აქ აჩრდილდებივით ავდი-ჩავდივართ“, — ჩაიცინა მამაჩემმა და კიბეზე ჩასვლაში მოგვეხმარა.

„კი მაგრამ, ამ წუთას ხომ აქ სახლი იდგა!“ — ჩაილაპარაკა დედამ და დაბნეულმა ისე სწრაფად ვერ იგუა მომცინარი ვერა შულონი, გულთბილად რომ გამოგვეგება. მერე შინ შევედით და სასახლეზე ფიქრი უკვე შეუძლებელი გახდა. ვიწრო წინკარში გავიხეხდეთ თუ არა, მაშინვე შიგნით, ოთახში შევედით და სინათლესა და ხუბრის სითბოში აღმოვჩნდით.

ეს შულნიები დიდად დამოუკიდებელი ქალების ძლევა მოსიღბო

საგვარეულო გახლდათ. არ ვიცი, ამ ოჯახს საერთოდ ჰყავდა ვა-
ეები თუ არა. მე მხოლოდ სამი და მაგონდება: უფროსი და ნეაპოლ-
ში ვრაც მარკიზზე იყო გათხოვილი და ურიცხვი პროცესების სა-
შუალებით ნელ-ნელა და ხანგრძლივად ეყრებოდა ქმარს; შემდეგ,
ზოია, რომელზედაც ამბობდნენ, ქვეყნად არაფერია ისეთი, რაც ამან
არ იცოდესო. ყველაზე კარგად კი ვერა მახსოვს. ის თბილი ვერა.
ღმერთმა უწყის, რა ადამიანი დადგა ბოლოს და რა ბედი ეწია. გრა-
ფინია, ნარიშკინების გვარიდან, კაცმა რომ თქვას, მეოთხე დად შე-
იძლებოდა ჩაგეთვალათ და გარკვეული თვალსაზრისით, ყველაზე
უმცროსადაც. ამქვეყნად არაფერი იცოდა და არაფერი გაეგებოდა,
და მუდამ რომელიმე ქალიშვილი ასწავლიდა ხოლმე, ხან რას და
ხან რას. კეთილი გრაფი შულინი კი ამ ოჯახში თავს ისე გრძნობდა,
თითქოს ოთხივე ქალზე ყოფილიყო დაქორწინებული, აქეთ-იქით
დადიოდა და რომელიც მოხვდებოდა, იმას კოცნიდა.

ახლა ის ზმამაღლა იცინოდა და დიდის ამბით გვესალმებოდა.
ქალებმა ჩემი თავი ერთმანეთს გადასცეს, მეფერებოდნენ, რალაცას
მეკითხებოდნენ, მაგრამ მე მტკიცედ გადავწყვიტე, როგორც კი ეს
ყველაფერი ჩათავდებოდა, მასპინძლებს ხელიდან გავსხლტომოდი,
გარეთ გავბარულიყავი და სასახლე მენახა. მთელი არსებით მჯერო-
და, რომ იმ დღეს ის სახლი ნამდვილად იქ იდგა. გარეთ გაპარვა არ
გამჭირვებია. დავიკუზე და იმდენ შრიალა, ფუფუშა კაბებს შო-
რის ძალივით გავძვერი. ბედად წინკარის კარიც ჩაკეტილი კი არა,
მიხურული აღმოჩნდა მხოლოდ, მაგრამ სადარბაზოს კარმა გამაწ-
ვალა ძალიან, არაფრით არ დამყვა: კარს ათასნაირი საკეტი, ჯაჭვი
თუ ანჯამა ჰქონდა ასხმული და მეც იმ სიჩქარეში უაზროდ ვაფათუ-
რებდი ხელებს მერე უცბად გაღებით კი გაიღო მაგრამ საშინლად
დაიჭრიალა და ვიღრე გარეთ გავვარდებოდი ვილაცამ ხელი მტაცა
კიდევ და უკანვე შემეყვანა.

„მოიცა აქედან ვერ გახვალ!“ — თქვა ვერა შულინმა დამცინა-
ვად და თან ჩემკენ გადმოიხარა. იმწამსვე გადავწყვიტე, ამ თბილი
არსებისათვის არაფერი არ ვამეხილა. მან ცი ჩემი ღუმელი ყოველ-
გვარი კოჭმანის გარეშე ისე გაიგო, თითქოს მოულოდნელ სხეუ-
ლებრივ შეჭირვებას მივეგდე იმ კართან. ხელი ჩამქიდა, ორიოდ
ნახიჯი გადადგა კიდევ, თან- გულმოწყალებდ, თან ქედმაღლურად
სადრაც წათრევა დამიპირა. ამ ინტიმურმა გაუგებრობამ ენით აღუ-
წერელი შეურაცხყოფა მომაყენა. ხელი გამოვვლიჯე, გაათრე-

ბულმა შევხედე და ამაყად ვუთხარი: „მე მინდოდა სახლი მენახა“. მან ვერ გაიგო. „დიდი სასახლე, გარეთა კიბესთან“.

„კი მაგრამ, — გაოგნებული მომშტერებოდა, — იქ ხომ არავითარი სახლი აღარ დგას“.

ვერ გადამარწმუნა.

„ქარგი, ერთად მივიდეთ. ერთხელ, დღისით და ვნახოთ“, — შემომთავაზა შეცვლილი, დამთმობი ხმით. „ახლა იქ ფორთხიალი ჰრ შეიძლება. ორმოებია, ხვრელებია, სულ ქვემოთ კი მამაჩემის თევზების გუბურებია, რომლებსაც ვუფრთხილდებით, რომ არ გაიყინონ. აი, იქ ჩავარდები და თევზად გადაიქცევი“.

ამ სიტყვებით ოდნავ მიბიძგა და ისევ შიდა, გაჩახჩახებულ ოთახში აღმოვჩნდი. ყველანი ისხდნენ და მასლაათობდნენ. მათ რიგრიგობით შეეაჩერდი სახეში. „რა თქმა უნდა, ესენი მაშინ მიდიან იქ, როცა იქ სახლი მართლაც არა დგას. მე და დედას რომ აქ გვეცხოვრა, სახლი ყოველთვის აქ იქნებოდა“. დედა დაბნეული ჩანდა, ასე ყველა ერთდროულად რომ ლაპარაკობდა. მე კი ვიცი, ის ნამდვილად სახლზე ფიქრობდა ისევ.

ზოია გვერდით მომიჯდა და რალაც შეკითხვების მოცემა დამიწყო: დაწყობილ-დალაგებული სახე ჰქონდა და იერი დროდადრო ისე უახლდებოდა, თითქოს შიგნით, სულის სიღრმეში განუწყვეტლივ რალაც ახალ რასმე იმეცნებო. მამაჩემი ოდნავ მარჯვნივ გადახრილიყო და ყურადღებით უსმენდა ერთთავად მოცინარ მარჯვნივ, ხოლო გრაფი შულისნი დედაჩემსა და თავის შეუღლეს შორის ჩამდგარიყო და რალაცას ჰყვებოდა. მაგრამ უეცრად გრაფინიამ წინადადება შუაზე გააწყვეტინა.

„არა, ჩემო პატარავ, გეჩვენება“, — დაუყვავა გრაფმა, მაგრამ იმწამსვე მასაც თავის შეუღლესავით შეშფოთებული სახე გაუხდა და ეს სახე ორივე ქალბატონის თავზემოთ წინ აიშვირა. და გრაფინისაც, ეტყობოდა, თავისი ეგრეთ წოდებული მოჩვენებებისაგან ადვილად ვერაგინ დაიხსნიდა: ისევ ისეთი გაფაციცებული და გაქვავებული იჯდა, იმ ადამიანით, რომელსაც ოდნავ ხელის შეშლაც კი გადარევს; ძლივს შესამჩნევად ატოკებდა ბეჭდებსასხმულ თითებს და ამ დროს ვილაცამ დაიხურჩულა:

ჩჩუო, და წამსვე სამარცხებური სიჩუმე ჩამოვარდა.

ადამიანთა ზურგს უკან ძველი სასახლის ძველებური, დიდი ნივთები წამოიწივნენ, ძალზე ახლოს მოვიდნენ თითქოს. საგვარეულო

ვერცხლელულობა ბრწყინავდა და იზვირთებოდა, თითქოს გამადიდებელ შუშაში მოჩანდა. მამაჩემმა შეცბუნებულმა მიმოიხედა.

„დღეა ყნოსავს, — წარმოთქვა სადღაც მის ზურგს უკან ვერა შუღინმა. — ამიტომ ყველანი უნდა ვავჩუმდეთ, რადგან ის ყურებით ყნოსავს“. თან თვითონაც წამოდგა წარბეზადგიბული და ერთიანად ცხვირად ქცეული. აი, ასეთი უცნაურობანი დასჩემდათ შუღინებს იმ ხანძრის შემდეგ. რაკი ვაწრო, გადახურებულ ოთახებში წარამარა რაღაც სუნი ღებოდა, ისინი მაშინვე იწყებდნენ შემოწმებას და ამ საკითხზე თავიანთი აზრის გამოთქმას. ახლაც, ზოია ლუმელს მისდგომოდა და ერთობ საქმიანად ირჯებოდა. გრაფი ოთახში მიდი-მოდოდა, მცირე ხნით ყოველ კუთხეში ჩერდებოდა და, აქ არ არისო, აზობლა ბოლოს. გრაფინია წამომდგარიყო და არ იცოდა, საიდან დაეწყო ძებნა. მამაჩემი ისე შებრუნდა სკამზე, თითქოს ის სუნი ზურგს უკან იმალებოდა. მარკიზას. რომელმაც, ალბათ, ჩათვალა, რომ რაღაც მყრალ სუნზე იყო ლაპარაკი, ცხვირზე ცხვირსახოცა მიეჭირა და ხან ერთს შესცქეროდა, ხან მეორეს, გაიარა თუ არაო. „აქ, აქ“, — ისე იძახდა ვერა, თითქოს ხელში სჭეროდეს ის, რასაც ყველანი ეძებდნენ. და ყოველი სიტყვის შემდეგ კვლავ უცნაური სიჩუმე მეფდებოდა. რაც შეეხება მე, დიდის გულმოდგინებით შევუდქი მათთან ერთად ყნოსავს, მაგრამ უეცრად (არ ვიცი იმის გამო, რომ ოთახებში ძალზე ცხელოდა, თუ მეტიმეტად ბევრი სინათლე რომ ენთო და თან ძალიან ახლოს), ცხოვრებაში პირველად დამეუფლა მოჩვენებების წინაშე შიში. ჩემთვის ცხადი გახდა: ეს უფროსი, ჩამოყალიბებული ადამიანები, წედან რომ ჩვეულებრივ საუბრობდნენ და იციროდნენ, ახლა კი წელში წახრილი დაეძებდნენ რაღაც უჩინარს, თავიანთი საქციელით იმ უხილავის არსებობას აღიარებდნენ. და საშინელება გახლდათ, რომ ის უხილავი მათზე ბევრად ძლიერი ჩანდა.

შიში თანდათან მიძლიერდებოდა. მეგონა, რომ ის, რასაც ისინი დაეძებდნენ, შეიძლებოდა უცებ ჩემგან ამოფრქვეულიყო და სხეულზე გამონახყარივით მომდებოდა. და მაშინ ყველანი დაინახავდნენ და ჩემკენ გამოიშვერდნენ ხელს. სასოწარკვეთილმა დედამ გავხედე. უცნაურად წელში გამართული ისე თავის ადგილას იჯდა, და მომეჩვენა, რომ მე მელოდებოდა. მოვეხებე და მაშინვე ვიგრძენი, როგორ ერთიანად ცახცახებდა შინაგანად და იმავე წამს იმასაც მივხვ-

დი, რომ მისთვის სასახლე მთელი ეს ხანი სულ იდგა და აი, ახლა დაინგრა ისევ.

„მალტე, შშიშარა!“ — სიცილი გაისმა სადღაც, ვერა იყო. მაგრამ მე და დედაჩემი ერთმანეთს აღარ მოვშორებივართ, ერთად ავიტანეთ ის გაცნება. და ჩვენ ასე დავრჩით, ჩახვეულები, მე და დედა, ვიდრე სასახლე შთლიანად, ბოლომდე არ დაიფერფლა.



ჩემი ბავშვობის თითქმის შეუცნობელი გამოცდილებებიდან ყველაზე მდიდარი მაინც დაბადების დღეები გახლდათ. თუმცა კი უწყვე მაშინ ვიცოდი, რომ ცხოვრება თავს დიდად არ იწყუბებს, რათა დღეები ერთმანეთისაგან განასხვავოს, მაგრამ ამ დღეს მაინც განსაკუთრებული უფლების განცდით ვიღვიძებდი. სიხარულის უფლება მქონდა და ექვიც არ მეპარებოდა მის სამართლიანობაში, როგორც ჩანს, უფლებს ამგვარი განცდა ადამიანში აღრევე. ყალიბდება, ალბათ მაშინ, როცა ჭერ კიდევ სრულიად ბავშვი ყველაფერს ეწვდება, ითხოვს და იღებს. და საგნებს, რომლებიც მტკიცედ უპყრია ხელთ თავისი შეუპოვარი წარმოსახვით ძირეულ ფერთა იმ ინტენსიობას ანიჭებს, რაც მის იმწამიერ მოთხოვნისებებს გააჩნია.

შემდეგ კი მოდიან ის ყოველად უცნაური დაბადების დღეები, როდესაც შენ საკუთარი უფლების მტკიცე შეგნება გმსჭვალავს, გარშემომყოფთ კი რატომღაც განსაკუთრებული დაბნეულობა და მერყეობა ეუფლებათ. გინდა ისევე ჩაგაცვან და მოგკაზმონ, როგორც წინა წელს, და სხვა სიამოვნებანიც თავისი წესითა და რიგით მოგერთვას; მაგრამ თვალს გაახელ თუ არა, მაშინვე ვილაცის ყვირილი შემოგესმება: ტორტი ჭერ მზად არ არისო, ან რაღაცის გატეხვის ხმა მოაღწევს შენამდე, იმ ოთახიდან, სადაც საჩუქრების მაგიდას გიმზადებენ. ანდა ვილაც შემოდის შენს საძინებელში და კარს ღიას ტოვებს და შენ მთელ საჩუქრებს ერთბაშად დაინახავ, ყველაფერს, რაც ახლა კი არა, თავის დროზე უნდა დაგენახა, როცა დაგიძახებდნენ. და ეს ისეთი წუთია, თითქოს ოპერაცია გაგიკეთესო. წამიერად, მაგრამ ჰკუთისშემშლელად მტკივნეულად ჩაგიჭრეს სული. მაგრამ ხელი, ოპერაციას რომ აკეთებს, გავარჯიშებული და მტკიცეა. ამიტომ ტკივილი მაშინვე გაგივლის და გაუძ-

ლებ თუ არა იმ ტანჯვას, მერე აღარც კი ფიქრობ საკუთარ თავზე. ახლა მთავარია, როგორმე დაბადებინ დღე გადაარჩინო. ირგვლივ მყოფთ დააკვირდე, წამსვე შეეგებო მათ შეცდომებს და დააწმუნო, რომ ყველაფერი ჩინებულად გამოსდით. ეს კი არც ისე ადვილია, რადგან მალევე აშკარავდება, რომ არნახულად უნიათო, თითქმის ჩლუნგ საღათთან გაქვს საეთე. ოსაც ევო ხვდება. იქნის თათხში სხვებისთვის განკუთვნილი რაღაც ფუთებით ხელში არ შემოვიდნენ, და შენ, საჩუქრებს რომ ელოდები და ამიტომ მაშინვე მათკენ გარბიხარ, იძულებული ხდები, თავი ისე დაიჭირო, თითქოს, ისე, შენთვის დარბოდი ოთახში, რადგან კენტრუში გესალსებოდა. მერე, ვილაც შენს მოულოდნელ გახარებას მოინდომებს და ზერელედ გამოგონილი მოლოდინით გამოსწევს სათამაშოების ყუთის სულ ქვედა უჯრას. იქ კი სხვა არაფერი აღმოჩნდება ზამბარ, გარდა და ამ დროს კიდევ იქით უნდა შეუმსუბუქო შეცბუნება. ან თუ რაღაც მექანიკურ სათამაშოს მოგატანენ, მომართვისას ისე უხეშად გადაატრიალებენ საქოქს, რომ მერე კარკს იხამ, იმ ზამბარაგაწყვეტილ თავგესა თუ კატას ცოტა ფეხით თუ უბიძგებ იატაკზე: აგრე ზოგჯერ ხერხდება უფროსების მოტყუება, და თან ეხმარები უხერხულობა დასძლიონ. ეს ყველაფერი ჩვეულებრივ მშვენიერად გამოძლიოდა. დიდი ნიჭიერება არ იყო საჭირო. ნიჭი და ტალანტი მაშინ ხდებოდა აუცილებელი, როდესაც ვილაც მართლა გულით მოინდომებდა შენს გახარებას და დიდის ამბით კეთილად მოქპონდა შენთვის სიხარული, შენ კი შორიდანვე ხედავდი, რომ ეს სიხარული შენი არ იყო. ეს იყო სიხარული ვილაც სულ სხვისათვის, ვერც კი იტყოდი, რომელ ადამიანს მიესადაგებოდა იგი. ისე უცხო იყო ის სიხარული.



ადამიანი რომ პყვებოდა, ნამდვილი თხრობა რომ შეეძლო, ეს ჩემამდე, დიდი ხნით ადრე უნდა ყოფილიყო. მე პირადად არ მომისმენია, ვინმეს რაიმე მოეყოლოს. როცა აბელონე დედაჩემის ყმაწვილქალობაზე მიაშობდა, ცხადად ვხედავდი: მან მოყოლა არ იცოდა. მაგრამ ამბობდა, მოხუცი გრაფი ბრაუ⁸ იყო უკანასკნელი, ვისაც თხრობა კიდევ შეეძლო. მსურს ჩავიწერო ყველაფერი, რაც კი აბელონემ ამის თაობაზე იცოდა.

თურქმე აბელონე, სრულიად წორჩი გოგონა რომ იყო, ერთი ხანობა რალაც უცნაური, შინაგან მოუსვენრობას ასე ვთქვათ — სულის აზვირთებას განიცდიდა. მაშინ ბრავთა ოჯახი ქალაქში. ბრედგადზე ცხოვრობდა და დიდი სტუმრიანობით გაჰოიარჩეოდა. როცა საღამოობით აბელონე თავის ოთახში აღიოდა, თავი სხვებზე დაღლილი ეგონა და ძილს აპირებდა. მაგრამ, მერე ერთბაშად შეიგრძნობდა ხოლმე ფანჯარას და, თუ სწორად გავიგე, შეეძლო საათობით მდგარიყო ღამის წინაშე და ეფიქრა: „მე მეხება“. „ტყვესავით ვიდექი, — ამბობდა აბელონე, — და ვარსკვლავები მიმაჩნდა თავისუფლებად“. და მაშინ თურქმე, აბელონეს ისე წაიღებდა ხოლმე ძილი, რომ არავითარ მოშვება-მოთენთვას არ გრძნობდა ძილის წინ. გამოთქმა „ძილში ჩაიძირა“ აბელონეს ცხოვრების იმ წელიწადზე არ ვრცელდებოდა. ძილში კი არ იძირებოდა, პირიქით, ძილი მძინარესთან ერთად სულ უფრო და უფრო მაღლა იწევდა, და როცა გოგონა შიგადაშიგ თვალებს ახელდა, ისეთი გრძნობა ეუფლებოდა, თითქოს წყლის სულ ახალ-ახალ ზედაპირზე იწეა, და ასე მაღლა-მაღლა აზიდული ბოლოს უეცრად, უკვე ზეზეულად, განთიადის პირისპირ რჩებოდა. ასე ხდებოდა ზამთარშიც, როცა სხვები, სახენამძინარე ვინ დაგვიანებით იკრებოდნენ საუზმეზე. საღამოობით, როცა ბნელდებოდა, სანთლებს უნთებდნენ ყველას, საერთო სანთლებს. მაგრამ ის ორი სანთელი, დილაადრიან, რიყრაყის ხასხასა ბინდში რომ იწვოდა, მხოლოდ აბელონესთვის იყო განკუთვნილი. ეს სანთლები აბელონეს დაბალ, ორტოტიან შანდალში იდგა და წყნარად ანათებდა პატარა, ვარდებმონახტული აბაყურიდან, დროდადრო ჭვერდზე რომ უნდა გადაეწია. ამით სულაც არ ეშლებოდა ხელი, რადგან ჯერ ერთი, არსად ეჩქარებოდა, და მერე, ხანდახან ხომ ისედაც უნდა აეღო თავი, აეხედა და ჩაფიქრებულოყო, როცა სიტყვებს ამწკრივებდა წერილსა თუ დღიურში, რომლის წერაც ოდესღაც, სრულიად განსხვავებული ხელით, მიშნეულად, მონდომებულად და ღამაზად დაეწყო.

გრაფი ბრავ თავისი ქალიშვილებისაგან სრულიად გამიჯნულად ცხოვრობდა. იგი ახირებდა და სისულელედ მიიჩნევდა მოსაზრებას აღამიანებმა ერთმანეთის ცხოვრება უნდა გაიზიარონო („დიან, გაიზიარონ, როგორ არა“, — ჩაილაპარაკებდა ხოლმე). მაგრამ მას თურქმე სიამოვნებდა, როდესაც მის ქალიშვილებზე უწყებდნენ ლა-

პარაკს. ისეთი ყურადღებით უსმენდა თურმე, თითქოს მისი შვილები სხვა ქალაქში ცხოვრობდნენ.

ამიტომაც, რაღაც განსაკუთრებული ამბავი მოხდა, როდესაც მან ერთხელ, საუზმის შემდეგ, აბელონეს ხელი დაუქნია, მოდი აქო. „როგორც ვხედავ, ჩვენ ერთნაირი ჩვეულება გვქონია, მეც დღაადრიან მიყვარს წერა. შენ შეგიძლია მომეხმარო“. აბელონეს დღევანდელივით ახსოვდა ის სიტყვები.

მეორე დღითვე აბელონე მამამის-ს კაბინეტში შეიყვანეს, სადაც ყველას ეკრძალებოდა შესვლა. მაგრამ აბელონეს ეს აღარ გახსენებია, ვეღარ მოასწრო, რაკი მაშინვე საწერ მაგიდას მიუხვეს გრაფის პირისპირ. ეს უზარმაზარი მაგიდა აბელონეს დაბლობს აგონებდა. იქ დახვევებული წიგნებისა და ნაწერი ფურცლების დასტაგროვები კი ქედებს, გორაკებსა თუ სოფელ-ქალაქებს.

გრაფი კარნახობდა. ვინც ამტკიცებდა, გრაფი ბრავ მემუარებს¹⁰ წერსო, არცთუ შორს იყო სიმართლისაგან. მაგრამ ერთი კია, რომ არავითარ პოლიტიკას თუ სამხედრო მოგონებებს არ ეხებოდა საქმე. ასეთ ამბებს მაშინვე ვივიწყებო, მოკლედ მოსჭრიდა ხოლმე მოხუცი თავადი, თუკი ვინმე ამ საკითხზე ჩამოუგდებდა სიტყვას. მაგრამ რისი დავიწყებაც შას არა და არ სურდა, გახლდათ ბავშვობა. ბავშვობას ჩასქიდებოდა ხნიერი გრაფი და მისი აზრით, ძალზე ბუნებრივი იყო, რომ ის, აგრე შორეული და გარდასული ხანა მთელს დანარჩენ ცხოვრებაზე მძლავრობდა მის არსებაში, და რომ ბავშვობა — როცა მოხუცი საკუთარი სულის სიდრმეში იხედებოდა — ხელუხლებლად ესვენა იქ: ჩაუთვლემავი და გაზრდილ-აღვსილი, ისე ესვენა ღრმა წიაღში, როგორც ნორვეგიული ზაფხულის მკირვალე ღამეში.

ღროდადრო გრაფი ბრავ წამოხტებოდა და სანთლებისაკენ ისროდა სიტყვებს, და ალიც თრთოლას და ცახცახს იწყებდა. ან უცებ მთელი წინადადების წაშლას ბრძანებდა, და ამ ღროს ფიცხად მიღიმოდიოდა ოთახში, აბრეშუმის მუქ-მწვანე საღამურის ფრიალ-ფრიალით. მათ გარდა იქ კიდევ ერთი პიროვნება იმყოფებოდა: სტენი, გრაფის ძველი, ოუტლანდიელი კამერდინერი, რომლის მოვალეობაც ის გახლდათ, რომ, როცა გრაფი წამოხტებოდა, მაგიდაზე მოფანტულ, შენიშვნებით აჭრელებულ ფურცლებზე ხელი რაც შეიძლება სწრაფად დაეფარებინა. მისი მოწყალების აზრით, დღევანდელი ქაღალდი არაფრად ვარგოდა, მეტისმეტად სიფრიფანა იყო, და სუ-

ლის ოდნავ შებერვაზეც კი მაგრიდან მიფრინავდა. და სტენიც, ჩვეულებრივ სხეულის ზედა ნაწილით რომ მოჩანდა, იზიარებდა ამ განაჩენს. იგი ისე იჯდა, თითქოს საკუთარ ხელებს აზისო, ღამის ფრინველივით სერიოზული და სინათლით დაბრმავებული.

ეს სტენი კვირაძალს, როგორც წესი სვედენბორგის¹¹ კითხვაში ატარებდა. მსახურებიდან არავის ჰქონდა მის ოთახში შესვლის უფლება, რაკი ცნობილი გახლდათ, რომ მას ხმამაღლა კითხვა სჩვეოდა. სტენის მთელ ოჯახს კარგა ხანი იყო ახლო ჟურთიერებებში ჰქონდა სულელობა. სტენი კი ყველაზე მეტად ყოფილიყო დაჯილდოებული ამდაგვარი კავშირის ნიჭით. თურმე, დედამისს რაღაც მოეჩვენა იმ ღამით, როცა სტენი დაიბადა. ამ კაცს დიდი, მრგვალი თვალები ჰქონდა და მისი მზერა თითქოს იმ ადამიანს ზურგს უკან გაწვებოდა ხოლმე, ვისაც უცქერდა. აბელონეს მამა ხშირად ეკითხებოდა მას სულეობის შესახებ, ზუსტად ისე, ნათესავ-ახლობლებს რომ მოიკითხავს ადამიანი: „მოდიან ხოლმე, სტენ? კარგია, თუკი მოდიან“, — ამბობდა კეთილგანწყობილად.

რამდენიმე დღე კარნახის საქმე კარგად მიდიოდა. მაგრამ ერთხელაც აბელონემ ვერ შესძლო დაეწერა სიტყვა: „ეკერნფიორდე“¹². თურმე საკუთარი სახელი იყო და აბელონეს არასოდეს გაეგონა. გრაფი, რომელიც უკვე ეძებდა საბაბს, თავისი სწრაფი მოგონებებისათვის შეუფერებლად ნელი წერა შეეწყვიტა, უკმაყოფილოდ შეჩერდა.

„ამას ამ სიტყვის დაწერაც კი არ შეუძლია, — თქვა მკვახედ, — და სხვები ალბათ წაკითხვითაც ვერ წაიკითხავდნენ. და საერთოდ, დაინახავს კი ვინმე, რასაც მე ვამბობ? — განაგრძობდა გაბრაზებული და აბელონეს თვალს არ აშორებდა. — დაინახავენ ისინი იმ სენ-ჟერმენს? — დაუყვირა მან გოგონას, — სენ-ჟერმენი ვთქვით? წაშალე, დაწერე: მარკიზ ფონ ბელმარი“¹³.

აბელონემ წაშალა და რაც უთხრეს, დაწერა. მაგრამ გრაფმა ისე სწრაფად განაგრძო ლაპარაკი, რომ აბელონე ვეღარ მიჰყვა.

„ბავშვებს ვერ იტანდა ეს დიდებული ბელმარი, მე კი რატონლაც ხშირად მისვამდა მუხლებზე; ისეთი პატარა ვიყავი მაშინ და ერთხელ აზრად მომივიდა, მისი აღმასის დილებისათვის კბილი ჩამესო, რამაც ის დიდად აღაფრთოვანა. გაიცინა, თავი ამიწია და ერთმანეთს თვალებში ჩაეხედეთ: „შენ ჩინებული კბილები გაქვსო, — ასე, მითხრა, — კბილები, რაღაცას რომ მოიმოქმედებენ აუცილებ-

ლად“. მე კი მისი თვალები დამამანსოვრდა. მას შემდეგ სად აღარ ვყოფილვარ, რანაირი თვალები აღარ მინახავს, მაგრამ, დამიჯერე, ასეთი არსად აღარაფერი შემხვედრია. ამ თვალებს გარეთ არაფროს დანახვა არ სჭირდებოდათ. ყველაფერი საკუთარ წიაღში ჰქონდათ. ვენეცია გაგიგონია? კარგი. გეუბნებო, ის თვალები ვენეციას აქ, ამ ოთახში დაინახავდნენ, თითქოს აი, ამ მაგიდასავით აქ ყოფილიყოს. ერთხელ, ოთახის კუთხეში ვიჭექი და ყურს ვუვადებდი, მამაჩემს როგორ უყვებოდა სპარსეთის შესახებ. ზოგჯერ ახლაც მგონია, რომ ჩემი ხელები მისი ნაამბობის სურნელს აფრქვევენ. მამაჩემი დიდად აფასებდა მარკიზ ფონ ბელმარს, მისი აღმატებულება ლანდგრაფი მის მოწაფედაც კი თვლიდა თავს. მაგრამ, ცხადია, ბევრს აბრაზებდა, რომ ამ კაცს მხოლოდ ის წარსული სწამდა. რომელიც საკუთარი წიაღით დაჰქონდა. აბა, როგორ გაიგებს ხალხი, რომ ფასი მხოლოდ იმასა აქვს, რაც შენთან ერთად იზადება“.

„წიგნები ცარიელა! — ხელების გააფთრებული ქნევით შეპყვიროდა გრაფი ოთახის კედლებს. — სისხლი, სისხლია მთავარი, სისხლი უნდა იკითხოს ადამიანმა! და ამ ბელმარს განსაცვიფრებელი ამბები და სურათხატები დაჰქონდა სისხლით, და შეეძლო თავისი სისხლი წიგნივით ნებისმიერ ადგილას გადაეშალა. ყველგან რაღაც იყო აღწერილი, მისი სისხლის არც ერთი გვერდი არ იყო გამოტოვებული და როდესაც ის დროდადრო თავისთვის ჩაიკეტებოდა და მარტოდმარტო ფურცლავდა საკუთარ სისხლს, რას აღარ პოულობდა. აქ ოქროს დამზადებას მიადგებოდა, იქ — პატიოსან თვლებს, სხვაგან კიდევ — ფერთა სამყაროა. ან კი რატომ არ უნდა ბუდობდეს ეს ყველაფერი სადღაც ჩვენს სისხლში? ნამდვილად ჩვენშია ეს ყოველივე, სადღაც, სიღრმეში“.

„ის ძალიანაც კარგად იცნობრებდა ერთი რომელიმე ქეშმარიტებით, მარტო რომ ყოფილიყო. მაგრამ ამისთანა სისხლისმიერი ქეშმარიტების პატრონისათვის მარტო ცხოვრება ადვილი როდი გახლდათ. და არც ისეთი უფემოვნო იყო, ხალხი მიეწვია თავისი ქეშმარიტების გასაზიარებლად: მისი ქეშმარიტება ლაპარაკსა და მიეთმოეთს ვერ იგუებდა. ამისათვის ეს კაცი მეტისმეტად აღმოსავლელი იყო. „Adieu, Madame¹⁴, სხვა დროს შევხვდებით, შეიძლება ათასი წლიან შემდეგ უფრო მოვლონივრდეთ და განგმტკიცდეთ. თქვენი სილამაზე ხომ ჯერ მხოლოდ ქმნადობის ბროცესშია“.

უთხრა ერთხელ თავის ქალბატონს — თავის ჭეშმარიტებას. და ეს მხოლოდ თავაზიანობა არა ყოფილა. ამ სიტყვებით ის წავიდა და გარეთ თავისი სამხეცე გააშენა ხალხისთვის, რაღაც „Jardin d'Acclimatation“-ის¹⁵ მსგავსი, დიდრონ-დიდრონი ტყუილებისათვის, როგორც ჩვენთან ჭერ არ უნახავთ, და ააგო პალმების სახლი გაღვიადებებისაგან და ყალბ საიდუმლოთა პატარა, კარგად მოვლილ-მოწყობილი სათბური. და ყოველი მხრიდან მოაწყდა ხალხი და თავად აქეთ-იქით დადიოდა, აღმასის ბალთიან ფეხსაცმელებში გამოწყობილი და სტუმრებს ზედ ეგებოდა“.

„ზედაპირული ცხოვრება, არა? მაგრამ თუკი სიღრმეში ჩავიხედავთ, ეს ხომ ნამდვილი რაინდობა იყო თავისი ქალბატონის მიმართ. და ამ გზით საკმაოდ შეინახა და შეინარჩუნა თავი“.

ბოლოს უკვე მოხუცი აბელონეს აღარც მიმართავდა, ის სრულიად დავიწყებოდა, შეშლილივით დაქროდა აქეთ-იქით და სტენისკენ ისროდა მბრძანებლურ მზერას, თითქოს სტენი ერთ დათქმულ წუთს იმ არსებად უნდა გადაქცეულიყო, ვიზედაც გრაფი ფიქრობდა. მაგრამ სტენი ჭერ არ აპირებდა ფერისცვალებას.

„საკუთარი თვალთ უნდა გენახათ ის კაცი! — შმაგად განაგრძობდა თავადი. — ერთი ხანობა ყველას თვალსაწიერზე ცხოვრობდა; ღიად, აშკარად, თუმცა ზოგ-ზოგ ქალაქში წერილები, ის რომ იღებდა, უსახელო იყო — მხოლოდ მისამართი ეწერა და სხვა არაფერი. მაგრამ მე ის მაინც ვნახე“.

„ეს კაცი ლამაზი არა ყოფილა“, — გრაფმა უცნაურად, რაღაც ნაჩქარევად ჩაიციხა, — არც ისეთი იყო, ხალხი დარბაისელსა და კეთილშობილს რომ უწოდებს. მის ირგვლივ გაცილებით უფრო სასიამოვნო და კეთილშობილი ხალხი ტრიალებდა. ის მდიდარი იყო, მაგრამ სიმდიდრე შემთხვევითობად მიაჩნდა, მას ვერ დაეყრდნობოდა. კარგად აღზრდილი გახლდათ, თუმცა სხვებს უკეთესად ეპირათ თავი. ერთი სიტყვით, მაშინ არ შემეძლო განსჯა, მდიდარი სულის პატრონი იყო თუ რა იყო, რა ჰქონდა ისეთი, რასაც ფასი აქვს ხალხის თვალში, მაგრამ ის იყო“.

აცახცახებული გრაფი წამოდგა და ხელი ისე მძიმედ დაუშვა, თითქოს რაღაც დადგა ოთახში, რაღაც, რაც მყარად იდგა და ასე დარჩებოდა კიდევ სამუდამოდ.

იმ წუთას აბელონეც მოხვდა თვალში.

„ხედავ იმ კაცს?“ — დაუყვირა, ხელი დასტაცა ვერცხლის შანდალს და სანთლის ალი დამაბრმავებლად შეანათა თვალებში.

აბელონე იგონებდა, მართლა დავინახეო.

შემდეგ დღეებში აბელონეს ისევ იბარებდნენ. ამ შემთხვევის შემდეგ წერა-კარნახი გაცილებით უფრო მშვიდად გაუგრძელდებოდა.

გრაფს თურმე სურდა ერთად შეეგროვებინა ათასგვარ ჩანაწერებში გაბნეული თავისი ბავშვობის მოგონებანი ბერნსტოფულ წრეზე¹⁶ სადაც მამამისი მნიშვნელოვან როლს ასრულებდა. აბელონე ისე შესჩვეოდა თავის ახალ, უჩვეულო საქმიანობას, რომ ვინც მამა-შვილს ერთად დაინახავდა, ამ უაღრესად დაძაბულ და მიზანდასახულ შრომას უმალ განდობილთა ახლობლურ ურთიერთობად ჩასთვლიდა.

ერთხელაც, როცა აბელონე უკვე ოთახიდან გამოსვლას აპირებდა, გრაფი მიუახლოვდა და ხელები ისე წაიღო ზურგს უკან, თითქოს რაღაც სიურპრიზს უმზადებო: „ხვალ იული რევენტლოვზე“¹⁷ უნდა ჩაეწეროთ,“ თქვა და თავადვე შეათასა საკუთარი სიტყვები: „ის წმინდანი იყო“.

ალბათ აბელონემ იკვნეულად შეხედა.

„დიახ, დიახ, ეს ყველაფერი ჯერ კიდევ არსებობს, ძვირფასო აბელ“.

აბელონეს ხელებს დასწვდა და წიგნივით გადაშალა.

„მას სტრიგები ჰქონდა¹⁸ — თქვა მან, — აქ და აქ“ — და ცოვი თითოთ მაგრად ჩაუკაკუნა ხელისგულებში.

რას ნიშნავდა სიტყვა „სტრიგა“ მაშინ აბელონეს არა სცოდნია. წერის დროს გამოჩნდებოდა, უფიქრია, და მოუთმენლად ელოდა თურმე წმინდანი ქალის ამბის გაგებას. მაგრამ გრაფს ის აღარ დაუბარებია, არც მეორე დღეს, და არც აღარასოდეს.

„გრაფინია რევენტლოვზე შემდეგ ხშირად ლაპარაკობდნენ თქვენს სახლში“, — უტბად მოჭრა აბელონემ და გაჩუმდა. როცა ვთხოვე, კიდევ ეამბნა რაიმე, დალილიმა შემომხედა და მტკიცება დაიწყო, ბევრი რამ უკვე დამავიწყდა, აღარ მახსოვსო. „მაგრამ იმ ადგილებს ზოგჯერ ახლაც ვგრძნობ“, — გაიღიმა და ღამილი ველარ მოიშორა და თითქმის ცნობისწადილით დააჩერდა თავის ცარიელ ხელისგულებს.

ჯერ კიდევ მამაჩემის სიკვდილამდე შეიცვალა ჩვენთან ყველაფერი. ულსგორი ჩვენ აღარ გვეყუთვნოდა. მამაჩემი ქალაქში გარდაიცვალა, ჩემთვის ასე მტრულ და უცხო სართულებიან სახლში. მაშინ მე უკვე საზღვარგარეთ ვიყავი და გვიან ჩავედი.

ის მაღალ საცხენდრეზე ესვენა ორ რიგად გამწვკრივებულ წერწეტა კელაპტრებს შორის. ოთახში ნაირ-ნაირ ყვავილთა გაურკვეველი სურნელი იდგა, ისეთივე გაურკვეველი, როგორც ნაზავი მრავალგვარ ხმათა, ერთდროულად რომ ისმოდა ორგელივ. თვალებდახუპულ, ლამაზ სახეზე ისეთი გამომეტყველება ეხატა, თითქოს დინჯად და მოწიწებით მიხუცემია მოგონებებსო. მონადირეთუხუცესის ფორმაში გამოეწყოთ, მაგრამ არ ვიცი რა მიზეზით, ლურჯი ზონრის მაგიერად თეთრი მიემაგრებინათ. ხელები გულზე კი არ ჰქონდა დაკრებილი, არამედ რაღაცნაირად აღმაცერად დაჰყროდა ერთმანეთზე: ეს ხელები ყოვლად უაზროდ გამოიყურებოდნენ. მეტისმეტად ეტყობოდათ, სხვის ხელებს რომ დაეწყით იქ. ნაჩქარევად მიაშბეს, ბევრი იტანჯაო, მაგრამ მიცვალებულს ტანჯვისა არა ეტყობოდა რა. ისეთი დაწყობილ-დალაგებული ნაკვთები ჰქონდა, როგორც ავეჯია უცხო ოთახში, საიდანაც ვილაც გაემგზავრა შორეულ მხარეს. ძალზედ ნაცნობი მეჩვენებოდა ახლანდელი მისი იერი, თითქოს მამა ადრეც ხშირად მენახა მკვდარი.

ჩემთვის უცხო, ახალი და უსიამოვნო მთელი ეს გარემო გახლდათ. ახალი იყო ეს დამთრგუნველი ოთახი, რომლის ფანჯრებიც, აღბათ, სხვათა ფანჯრებს ემიჯნებოდა, ისიც ახალი იყო, სივერსენი დროდადრო რომ შემოდრიოდა და არაფერს აკეთებდა. ის დაბერებულად იყო. შემდეგ რამდენჯერმე შემომთავაზეს საუზმე. მაგრამ იმ დღეს ლუქმა ყელში არ გადამდიოდა. ვერ ვამჩნევდი, რომ ჩემი გასვლა უნდოდათ ოთახიდან. ბოლოს, ფეხი რომ აღარ მოვიცვალე, სივერსენმა რაღაცნაირად ამოთქვა, ექიმები მოვიდნენო. ვერ მივხვდი, ექიმებს რაღა ესაქმებოდათ. კიდევ რაღაცაა მოსაგვარებელიო, სივერსენმა, და ჩაწითლებული თვალებით დაბნეულად შემომამჩერდა. შემდეგ რაღაც თითქოს სულმოუთქმელად, შემოვიდა ორი ბატონი, ექიმები. წინამ ისე დაიქნია თავი თითქოს რქები ჰქონდა და რქენას გეობირებდა. სათვალის ზემოდან გადმოგვხედა: ჯერ სივერსენს, მერე მე.

შემდეგ სტუდენტური ფორმალობით მოიხარა წელში: „ბატონ მონადირეთუხუცესს კიდევ ერთი სურვილი ჰქონდა“. ისეთნაირად თქვა, როგორც შემოვიდა: სულმოუთქმელად. რაღაცნაირად ვაი-ტულე, სათვალის ზემოდან კი არა, სათვალისგან გამოეხედა. შევნიშნე, რომ მისი ქერა, ტანმსხვილი და ნახვანაანი კოლეგა ადვილად წითლდებოდა. შემდეგ სიჩუმე ჩამოვარდა. უცნაური მეჩვენებოდა, რომ მონადირეთუხუცესს კიდევ რაღაც სურვილები ჰქონდა.

უნებურად ისევ მივაჩერდი ლამაზ, აუღმღვრეველ სახეს და ერთბაშად მრევლდი: ამ ადამიანს სიმშვიდე სურდა. გულს სიღრმეში მუდამ სიმშვიდესა და სიმყარეს ეძებდა, გარკვეულობას და აჰ, ახლა, ბოლოს და ბოლოს ეწადა, მიეღო იგი.

„თქვენ გულს ჩასაჩვრეტად მობრძანდით, არა? გთხოვთ“, — თავი დავუკარი და უკან დავიხიე. ექიმები ერთდროულად მოიხარნენ წელში და მაშინვე თავიანთ საქმეზე დაიწყეს თათბირი. ვილაცამ საცხედრეს კელაპტრები მოაშორა. მაგრამ ხნიერმა ექიმმა რამდენიმე ნაბიჯი გადმოდგა ჩემსკენ. ცოტა რომ მომიახლოვდა, წინ წამოიწია, რათა დარჩენილი მანძილი აღარ გამოეცლო, და გაბრაზებულმა შემომხედა:

„არ არის საჭირო... ესე იგი, ჩემის აზრით, ალბათ. უკეთესია... თუკი თქვენ...“

ეს ნაჩქარევი და თან ძუნწი ქვევების პატრონი არაღჩასაგდებ, ჩამოწერილ ადამიანად აღვიქვი. მეორედ დავუკარი თავი და, მეც არ ვიცი, რატომ, კიდევ რამდენიმეჯერ გავიმეორე ეს მოძრაობა.

„მადლობთ, — მოვკერი მოკლედ, — ხელს არ შეგიშლით“.

ვიცოდი, შემეძლო იმის ატანა, რაც მზადდებოდა და არავითარ აუცილებლობას არ წარმოადგენდა, იქაურობას მოვშორებოდი. რაც ხდებოდა, უნდა მომხდარიყო. ალბათ, ეს იყო ყველაფრის აზრი. თანაც არასდროს მენახა, როგორ უჩვრეტდნენ გულს მიცვალებულს. რატომ არ უნდა შემეძინა ეს უცნაური გამოცდილება, მით უმეტეს თუ სრულიად ბუნებრივად და ძალდაუტანებლად ჩნდებოდა ამგვარი შესაძლებლობა. სასოწარკვეთის მაშინ უკვე აღარ მჯეროდა. ასე რომ, საშიში არაფერი იყო.

არა, არა, ამქვეყნად უმცირეს რაიმესაც კი ვერ წარმოიდგენ. ყველაფერი იმდენი განუმეორებელი წვრილმანისაგან შედგება, მათი წინასწარ განჭვრეტა შეუძლებელია. ჩვენი წარმოსახვა კი ძალზედ სწრაფია, ამგვარი წვრილმანები გვერღზე რჩება. და ვერც კი

ვამჩნევთ, როგორ აკლავ ისინი წარმოსახულს. ხოლო სინამდვილის ყველა მოვლენა აუჩქარებლად და ენით აუწერლად დაწვრილებით მიედინება.

აბა, ვინ წარმოიდგენდა იმ წინააღმდეგობას, რომელმაც მაშინ იჩინა თავი, როგორც კი მიცვალებულს ფართო და მაღალი მკერდი გაუშინებდა. სულწასულმა, პატარა კაცმა წამსვე მოანიშნა საპირო ადგილი, მაგრამ იქ ელვის სისწრაფით ჩარქობილმა ხელსაწყო სიღრმეში ველარ ჩააღწია, იმგვარმა განცდამ შემიპყრო, თითქოს მთელი დრო-ჟამი გაქრა, გაიხვეტა ოთახიდან. ისე გავქვავდით ყველანი, თითქოს სურათში ვიდექით. მაგრამ შემდეგ მსხლტომი, მისხალი რაღაც შარიშურით ისევ შემოიჭრა დრო, და იმაზე ბევრად მეტი დრო დაგუბდა, ვიდრე იქ წამოწყებულ საქმეს ჰქირდებოდა. უცბად, საღლაღ რაღაც კაკუნი გაისმა. ასეთი ხმა ჩემს ცხოვრებაში არ გამეგონა. თბილი, დახშული, ორმაგი კაკუნი. ჩემმა სმენამ ის ჩქამი მაშინვე დასთმო, თვალებს გადააბარა და იმავე წამს დავინახე კიდევ, რომ ექიმს გულამდე ჩაეღწია. ერთი-ორი წუთი გავიდა, ვიდრე ორივე ეს შთაბეჭდილება ჩემში შეერთდებოდა: „ეგრე, ეგრე, — გავიფიქრე, — მაშასადამე, ჩააღწიეს“. კაკუნი კი ისეთი გახდა, — სიჩქარის მიხედვით თუ განვსჯიდით, — თითქოს ხელსაწყო ვნების მიტანის სიხარულმა შეიპყრო. შევხედე ექიმს, რომელსაც აი, უკვე აგრე დიდი ხანი იყო, რაც ვიცნობდი: შეპყრობილივით ირჯებოდა. სწრაფად და საქმიანად მოფუსფუსე ბატონი. სიამოვნების ან კმაყოფილების ნასახიკ კი არ ეტყობოდა სახეზე. ეგ იყო მხოლოდ, რომ, ალბათ, ძველი რაღაც ინსტინქტით, მარცხენა საფეთქელზე ერთი-ორი ღერი თმა ყალყზე დასდგომოდა. მან ფრთხილად ამოაძრო მკერდიდან ხელსაწყო და ის ადგილი დაღებულ პირს დაემსგავსა, საიდანაც სისხლის ორი ტალღა ამოვარდა, თითქოს რაღაც თქვა იმ პირმა, ორმარცვლიანი, და ახალგაზრდა, ქერა ექიმმა ხელის ელეგანტური მოძრაობით ბამბაში გამოამწყვდია მისი ნათქვამი. ახლა ჰქრილობა დაწყნარდა, დამშვიდდა — დახუჭული თვალივით. მგონი, ერთხელ კიდევ დაუჟკარი თავი, ამჯერად მართლა გაუაზრებლად, ყოველ შემთხვევაში, განვცვიფრდი, როცა მივხვდი, რომ უკვე მარტო ვიყავი ოთახში. უნიფორმა ისევ შეეკრათ და თეთრი ზონარიც წელანდელივით ზედ მიემაგრებინათ. მაგრამ ახლა მონადირეთუხუცესი მართლა მკვდარი იყო და არა მარტო ის, გულიც გაბურღეს, ჩვენი გული, ჩვენი გრძელი გვარტომის გული. მა-

შასადამე ახლა ეს გვარიც წარსულს ჩაბარდა. ეს იყო ჩაჩქანის ჩამსხვერვეა. „დღეს ისევ ბრივე და მერე უკვე აღარასოდეს“, წარმოთქვა რაღაცამ ჩემში.

საკუთარ გულზე მაშინ არ ვფიქრობდი, ხოლო მოგვიანებით როცა გამახსენდა, მაშინლა მივხვდი: საქმე მას სულაც არ ეხებოდა. ეს ერთი გამიჭნული, ეული გული იყო, და უკვე აპირებდა, თავიდან დაეწყო ყველაფერი.



ვიცი, მაშინ თავი დავიკრწმუნე, არ შემძლია ახლაც ვავემგზავრო-მეთქი. ჯერ ყველაფერი უნდა მოგვარდეს, — ვუთმობდი ჩემს თავს. რა უნდა მოგვარებულიყო, არ მესმოდა. გასაკეთებელი არაფერი ჩანდა. ქალაქში ვჩხეტიალე და დავადგინე, რომ შეცვლილიყო. მსიამოვნებდა იმ სასტუმროდან გამოსვლა, სადაც ვცხოვრობდი და დანახვა, რომ ეს აღარ იყო ჩემი ბავშვობის ქალაქი, ეს იყო ქალაქი დიდებისათვის, რომელიც ჩემს წინაშე ისე იქცეოდა, როგორც უცხო წინაშე. ოღონდ დაატარავებულიყო ყველაფერი და მე ნელა ავუყუვეი ლანგელისის ქუჩას, შუქურამდე მივედი და უკანვე დაებრუნდი. შემდეგ ამალიეგადის¹⁰ ქუჩაზე ამოვყავი თავი, და რა თქმა უნდა, სწორედ აქ უნდა მომხდარიყო ის, რომ უეცრად საიღანდაც რაღაც დაიძრა, რაღაც, რასაც წლების მანძილზე ვიცნობდი და ვალიარებდი, და რასაც ერთხელ კიდევ სურდა თავისი ძალაუფლება ეჩვენებინა: ირგვლევ კუთხის ფანჯრები, იყო, ქიშკრის თალები თუ ლამპიონები, რომელთაც ძალზედ ბევრი რამ იცოდნენ ჩემ შესახებ და მემუქრებოდნენ. მათ პირდაპირ სახეში შევაკცქერდი, მინდოდა მეგრძნობინებინა, სასტუმრო „ფენიქსში“ ვცხოვრობ და როცა მოვისურვებ, მაშინ ვავემგზავრები-მეთქი. მაგრამ თან სინდისი მქენჯნიდა. ჩემში აღსდგა და ძლიერდებოდა ექვი. რომ ბავშვობის შთაბეჭდილებათა და საგანთა აუხსნელი კავშირებიდან ჯერ არც ერთი არ მქონდა დაძლეული. ავდექი და ერთ მშვენიერ დღეს უბრალოდ დავტოვე ეს საუფლო, უჩუმრად ჭავერიდე, დავტოვე ისეთი, როგორიც იყო: მოუმწიფებელი. მაშასადამე, მთელი ბავშვობა მეტ-ნაკლებად ჯერ ისევ ასათვისებელი მქონდა, ყველაფერი უნდა გამეცნობიერებინა, თუკი არ მსურდა მისი სამუდამოდ დაკარგვა. და როცა ვიგრძნენი, როგორ მეცლებოდა იგი ხელიდან, იმასაც მივხვდი: ბავშვობის გარდა არასოდეს არაფერი არ

მექნებოდა, რაზედაც დაყრდნობას, რის დამოწმებასაც შევძლებდი.

ყოველდღიურად რამდენიმე საათს ვატარებდი Dronningens Gvaergade-ზე იმ ვიწრო ოთახებში, რომლებიც განაწყენებული ჩანდნენ, როგორც ყველა დაქირავებული ოთახი, სადაც ვინმე მომკვდარა. მიმოვდიოდი საწერ მაგიდასა და დიდ, თეთრ მეტლახის ღუმელს შორის და მონადირეთუხუცესის ნაწერებს ვწვადი. წერილებით დავიწყე. თასმაშემოკერილ პატარ-აპატარა შეკვრებს ერთმანეთის მიყოლებით ვისროდი ცეცხლში, მაგრამ რაკი მაგრად იყო შეკრული, მაოლოდ კიდევები უნახვირდებოდათ. მივიჩილა ზონართა მოფამფალება.

ამ შეკვრათა უმეტესობა მძაფრ, მბრძანებლურ სურნელს მაფრქვევდა, სურნელს, რომელიც დაჟინებით ცდილობდა, ჩემში მოგონებანი წამოეშალა. მოგონებანი. მე არ გამაჩნდა. შემდეგ კი ფოტოსურათები გადმოცურდა, ქალღმრთის ფურცლებზე მძიმე რომ იყო და წარმოუდგენლად ნელა იწვოდა. არ ვიცი, რატომ, მაგრამ უცბად გავიფიქრე, ეგებ ისეგებორგოს სურათიც აქ იყოს-მეთქი და ერთი-ორს დავხედე. არა, სულ მოწიფული, დიდებული, მკვეთრი სილამაზის ქალები მოჩანდნენ, სულ სხვაგვარ ფიქრებს რომ აღმოძრავდნენ. და აი, მაშინ, უცბად გამოირკვა: არც მთლად მოგონებათა გარეშე ვიყავი დარჩენილი. სწორედ ასეთ თვალებს ვხედავდი, ადრე, უკვე წამოზრდილი ბიჭი მამაჩემთან ერთად ქუჩას რომ ვკვეთდი ხოლმე. ისინი საიდანდაც ეტლის სიღრმეიდან გამოკრთოდნენ და თავიანთ მზერაში მაქცევდნენ, ისე რომ, იქიდან თავის დაღწევა შეუძლებელი იყო. ახლა მივხვდი, მაშინ ისინი მამაჩემს და მე ერთმანეთს გვადარებდნენ. ეს შედარება კი ჩემთვის სასარგებლო ვერასდროს იქნებოდა. არა, მონადირეთუხუცესს შედარებების ნამდვილად არ ეშინოდა. მაგრამ, შეიძლება ახლა ვიცოდე, რა იყო ის, რაც მას მუდამ შიშის ზარს ხტემდა. გეტყვით, როგორ მივედი ამ აღმოჩენასთან. ერთი ფურცელი ვიპოვე მაშინ მის უბის წიგნაკში. ძველი ფურცელი იყო, სულ გაცრეცილი, დიდი ხნის წინ ოთხად გაკეცილი და ნაკეცებში თითქმის გახეული. წავიკითხე, ვიდრე ცეცხლს მივცემდი. მამაჩემის ხელი იყო, მისი ყველაზე ლამაზი, თანაბარი და მშვიდი ნაწერი, მაგრამ მაშინვე მივხვდი, რომ საიდანდაც გადმოწერილ ნაწყვეტს ვკითხულობდი.

„სიკვდილამდე სამი საათით ადრე...“²⁰ — აგრე იწყებოდა და ქრისტიან მეოთხეზე იყო მოთხოვნილი. შინაარსს, ცხადია, სიტყვა-სიტყვით ვერ გავიმეორებ. სიკვდილამდე სამი საათით ადრე მას წამოდგომა უნებებია. ექიმსა და კამერდინერ ვორმიუსს მისთვის ფეხები გადმოუწევიათ საწოლიდან. მართალია, არცთუ მყარად, მაგრამ მაინც დამდგარა ფეხზე და იმათაც ღამის სამოსი გადააცვეს თურმე. შემდეგ მეფე წინ დაჩოქილ მლოცველს მიაჩერდა და რაღაც თქვა. ვერ გაარჩიეს. ექიმს მისი მარცხენა ხელი ეჭირა, რომ მეფე ისევ საწოლზე არ დაცემულიყო. მერე ისდნენ და მეფე ღროღადრო რაღაცას ლუღლუღებდა, ძლივძლივობით, მაგრამ ვერავინ ვერაფერს უკებდა. ბოლოს ექიმიც გამოელაპარაკა. ეგებ ნელ-ნელა გამოვიცნო, რისი თქმა სურსო. ერთი წუთის შემდეგ მეფემ სიტყვა გააწყვეტინა და უცბად სრულიად მკაფიოდ წარმოსთქვა: „ო, ექიმო, ექიმო, რა ჰქვია მას?“²¹ ექიმს გონზე მოსვლა გაუჭირდა.

„შპერლინგერი, ყოვლად მოწყალეო მეუფეო!“

მაგრამ მეფე ექიმს ნამდვილად არ გულისხმობდა. როგორც კი ჩავსმა, რომ მას გაუგეს, მარჯვენა თვალი დააქვიტა და მთელ სახით წარმოსთქვა ერთადერთი სიტყვა, სიტყვა. რომელსაც მისი ენა მთელი ის ხანი ფორმას აძლევდა, ერთადერთი სიტყვა, რომელიც მისთვის კიდევ არსებობდა ამ ქვეყანაზე: „Döden“, — თქვა მან. — „Döden“.

ფურცელზე სხვა აღარაფერი ეწერა. რამდენჯერმე წაეკითხე, ვიდრე დავწვავდი, და გამახსენდა, რომ მამაჩემს სიკვდილს წინ ბევრი ეწვალა, აგრე მიაშბეს.

მას შემდეგ ხშირად მიფიქრია სიკვდილის შიშზე და საკუთარ გამოცდილებასაც არ ვივიწყებდი. მგონი, შემძლია ვთქვა, რომ ეს შიში ნამდვილად განმციდია. ის თავს დამატყდებოდა ხოლმე სადმე ხალხმრავალ ქალაქში, პირდაპირ ხალხში, და ხშირად სრულიად უშიშეზოდ, ან პირიქით — უამრავ მიზეზთა წყალობით. როცა, მაგალითად, ვილაც სადმე ქუჩაში მერხზე კვდებოდა, გარს ხალხი ეხვია და შესტყეროდა, და ის კი უკვე შორს იყო შიშის განცდისგან: მაშინ მე გადმომეცემოდა ხოლმე მისი თავზარი. ან მაშინ, ნებაპოლში, ერთი ახალგაზრდა პერსონა ჩემს პირდაპირ იჯდა ტრამ-

ვაიში. უცბად ადგა და მოკვდა. ჯერ სხვებივით ვიფიქრე, გული წაუვიდა-შეთქი, და ტრამეაი ერთხანს კიდევ მიჰქროდა. მაგრამ მერე კი უეჭველი გახდა მისი სიკვდილი და ჩვენც გავჩგრდით. ჩვენს უკან მანქანები და ეტლები დაგროვდა, თითქოს იმ მიმართულებით მგზავრობა ერთხელ და სამუდამოდ შემწყდარიყო. ფერმკრთალი, სქელი გოგონა თავის მეზობელს მიყრდნობოდა და მშინდად მომკვდარიყო. მაგრამ დედამისს არ სურდა ამ ფაქტის აღიარება და ათასნაირად აწუხებდა თავის შვილს. ტანსაცმელს უჩეჩდა. რალაც სითხეს ასხამდა პირში, იმ პირს კი აღარაფრის მიღება და შეკავება აღარ შეეძლო, შუბლს უზელდა რალაცა წამლით, ვილაც მგზავრობა რომ მიაჩნია, და როცა გოგომ ქუთუთოები ოდნავ შეარხია, დედამ რაც ძალი და ღონე ჰქონდა, ჯანჯლარი დაუწყო, ეგებ თვალი აახლოეს და გამოიხედოსო. იგი შვილს თვალეებში ჩაპყვიროდა, თვალეებს არ ესმოდათ, ანჯღევდა, არხევდა, არწევდა, გულში იხუტებდა თოჯინასავით, და ვერაფერი რომ ვერ გააწყო, ბოლოს გაასწორა და სახეში მთელი ძალით გააწნა სილა: არ მოკვდეთო.

აი, მაშინ შემიპყრო შიშმა.

მაგრამ უფრო ადრეც განმიცდია ამგვარი ძრწოლა. მაგალითად, ძალიან ავად იყო. მთელი ის დღე მუხლის ჩოქზე ვედექი ვეგრდით. და უცბად შეჰყეფა, შკვეთრად და მოკლე-მოკლედ, როგორც უცხოს შემოსვლისას. უცხოს გამოჩენაზე ასეთი ყეფა ჩვენთვის, ორივესთვის გასაგები ნიშანი იყო და ამიტომ მაშინვე კარისკენ გავიხედე. მაგრამ ის, ვინც მოვიდა, უკვე მასში იყო. შემეფოთებულ ვეძებდი მომაკვდავი ნადირის მზერას და ისიც ეძებდა ჩემსას, მაგრამ არა იმისათვის, რომ დამმშვიდობებოდა. მან მკაცრად და გაუცხოებულად შემომხედა. მზერით დამტუქსა, რად შემოუშვიო. მუდამ დარწმუნებული იყო, რომ შემეძლო არ შემომეშვა. ახლა კი აღმოჩნდა: თურმე მთელი ცხოვრება გადაჭარბებული წარმოდგენა ჰქონოდა ჩემზე და დროც აღარ რჩებოდა, რაიმე ამეხსნა. ბოლომდე ასე მიყურა: როგორც უცხომ და სრულიად მარტოსულმა, ვიდრე არ გათავდა.

და მაშინაც მეშინოდა, შემოდგომის მიწურულს, პირველი ყინვიანი ღამეების შემდეგ ბუზები რომ შემოფრინდებოდნენ ხოლმე ოთახებში და სითბოში კიდევ ერთხელ ითქვამდნენ სულს. ისინი უცნაურად გამომშრალიყვნენ და საკუთარი ზუზუნიც კი აფრთხობა-

დათ. ეტყობოდათ, წესიერად რომ არც იცოდნენ, რას აკეთებდნენ. საათობით ისხდნენ უძრავად ან დაცოცავდნენ, ვიდრე არ გაახსენდებოდათ, რომ ჭერ კიდევ ცოცხლები იყვნენ. მაშინ კი ბრმად მიაწყდებოდნენ ხოლმე აქეთ-იქით და არ იცოდნენ, იქ რა უნდოდათ, და ისმოდა, წამდაუწყუმ ძირს რომ ცვიოდნენ; ძირს დაცოცავდნენ და მთელს ოთახში მიმოკვდებოდნენ. მაგრამ ზოგჯერ მაშინაც მეშინოდა, სულ მარტო რომ ვიყავი ხოლმე. რატომ არ უნდა ვაღიარო ის ღამეები, როცა სიკვდილის შიშით გათანგული უეტრად საწოლში წამოვკვდებოდი და იმ აზრს ვებლაუქებოდი, რომ: ჯდომა მაინც სიცოცხლისაა, მკვდრებს ხომ ჯდომა რა შეუძლიათ. ეს ყოველთვის იმ ოთახებში მეძარებოდა, სადაც შემთხვევით ვიყავი მოხვედრილი, და რომლებიც მაშინვე მარტო მტოვებდნენ გაქირვებაში, თითქოს ეშინოდათ, ამ ბედუქულმართის საქმეებში არ გავიხლართოთ და არავინ დაგვკითხოსო. მეც აგრე ვიჭექი, და ეტყობა, ისეთი საშინელი სახე მქონდა, ირგვლივ ვერც ერთი საგანი ვერ ბედავდა შემოხშიანებას. ჰინათლესაც კი, რომელსაც წამის წინ მოვემსახურე და ავანთე, არაფერი სურდა სცოდნოდა ჩემი. თავისთვის ენთო, თითქოს ცარიელ ოთახში ანთიაო. უკანასკნელ იმედს ყოველთვის ფანჯარაზე ვამყარებდი. თავს ვირწმუნებდდი, ალბათ იქ, გარეთ მაინც არსებობს-მეთქი რაღაც ისეთი, რაც მე მეკუთვნის, ჩემეულია, ახლაც კი, თვით ამ წუთებშიც უეტრად შემოჭრილ ამ სიკვდილისმიერ სილატაკეში. მაგრამ გავიხედავდი თუ არა გარეთ, იმწუთსავე ფანჯრის ამოშენებას ვნატრობდი, რადგან მაშინვე ცხადი ხდებოდა, რომ გარეთაც გულგრილად მიედინებოდა ცხოვრება და მე არ მგულისხმობდა, გარეთაც არაფერი იყო ჩემი მარტოობის გარდა, მარტოობისა, რომელიც მევე გადავუწყვიტე ჩემს თავს და რომლის სიდიდესაც ჩემი გული ველარ აუდიოდა. და აღამიანები მახსენდებოდა, ოდესღაც რომ დავტოვე და ახლა აღარ მესმოდა, როგორ შეიძლებოდა აღამიანების მიტოვება.

ღმერთო ჩემო, ღმერთო ჩემო, თუ კიდევ მიწერია ასეთი ღამეები, რაიმე აზრი მაინც მიწყალობე მე, არასმქონეს, ფიქრი რაიმე, რომ ის ვიფიქრო. არც ისეთი უაზროა, რასაც მე ვითხოვ, რადგანაც, ვიცი, ჩემი შიშია ჩემივე აზრების უშრეტი წყარო, და სწორედ იმიტომ, რომ ეს შიში მართლა დიდია. ბავშუობაში, რადგან ჭერ კიდევ არ ვიცოდი ნამდვილი შიში, ეს ფიქრები სახეში მეხლებოდნენ და მეუბნებოდნენ, შშიშარა ხარო. მაგრამ მას შემდეგ ვისწავ-

ლე სწორი და ნამდვილი შიში, შიში, რომელიც მით უფრო მატულობს, რაც უფრო იზრდება მისი წარმომშობი ძალა. ჩვენ ამ ძალაზე არავითარი წარმოდგენა არ გავაჩნია, მას მხოლოდ ჩვენს შიშში ვიცნობთ, რადგან იმდენად მიუწვდომელია იგი, იმდენად ჩვენ წინააღმდეგ მომართული, რომ ტვინი გვებზარება, როდესაც მის გასააზრებლად ვძაბავთ. და მაინც ერთი ხანობაა, ვფიქრობ: ის სწორედ ჩვენი ძალაა, ჩვენი ძალების ერთიანობა, რომელიც ჯერ კიდევ მეტისმეტად აღევტამება. მართალია, მას ჯერ არ ვიცნობთ, მაგრამ განა სწორედ ჩვენი უშინაგანესი, უსაკუთრესი რამ არაა ის ყველაფერი, რაც ჩვენ ყველაზე ნაკლებად ვიცით? ზოგჯერ ვცდობ, წარმოვიდგინო, როგორ უნდა შექმნილიყო ეს უცნობი საუფლოები: ცა და სიკვდილი.

აღბათ, მხოლოდ იმიტომ შეიქმნა, რომ ჩვენი ყველაზე ძვირფასი განძი თავიდან მოვიშორეთ, გავრმანძილეთ, რადგან ვიდრე მიხთვის მოვიცლიდით, ათასი სხვა რამ საქმე გამოვიგდეთ. და მან ჩვენთან, მოუტყულებთან, თავი საიმედოდ ვერ დაიგულა. ამასობაში ურიცხვმა წყალმა ჩაიარა და ჩვენ, პატარა და უმნიშვნელო ცხოვრებას შეჩვეულებმა, დავკარგეთ სიდიდის ატანის უნარი, ჩვენივე საკუთრება ველარ გვიცნია და თავზარს გვცემს მისი უსომო სიდიდე. არ შეიძლება, აგრე იყოს?

სხვათა შორის, ახლა უკვე კარგად მესმის, რას უნდა ნიშნავდეს, კაცი იმ საქალაღით, სადაც წერილები აქვს შეგროვილი, ვინმეს სიკვდილს აღწერას რომ დაატარებს მთელი ცხოვრება. სულაც არ არის აუცილებელი, საგანგებოდ მოიძიო რაც შეიძლება გამორჩეული სიკვდილი. ნებისმიერი სიკვდილი განუმეორებელია. ხომ შეიძლება, წარმოვიდგინოთ ვინმე ისეთი, რომელიც დაჭდება და გადაიწერს, როგორ მიიცვალა ფელიქს არვერი²². ჰოსპიტალში მომხდარა ეს ამბავი. ძალზედ მშვიდად და აუმღერეველად კვდებოდა თურმე, და მონაზონს იმაზე შორს წასული ჰგონებია ამ ქვეყნიდან, ვიდრე სინამდვილეში იყო. მან თურმე ხმამაღლა გასძახა ოთახიდან ვილაკას, ესა და ეს ნივთი ამა და ამ ადგილზეაო. ფრიად გაუნათლებელი მონაზონი ყოფილა, სიტყვა „კორიდორი“, აღბათ, დაწერილი არასდროს ენახა და „კოლიდორიო“ უთქვამს. თქვა თუ არა, არვერმა მაშინვე შეწყვიტა კვდომა, წუთით გადასდო თავისი სიკვდილი, რადგან აუცილებლად მიიჩნია, ჯერ იმ ქალისთვის განემართა მისი შეცდომა. სრულიად გაუნათლა გონება, მონაზონს აუხსნა, რომ

„კორიდორი“ უნდა წარმოეთქვა, — შემდეგ კი მოკვდა. ის პოეტი იყო და სძულდა უზუსტობა. ან ეგებ მხოლოდ სიმაართლე აღეღებდა სიკვდილის წინ, ან ეგებ გული ეთანაღრებოდა, რომ ბოლო შთაბეჭდილებად ეს მიჰქონდა: თუ რა უბრაოდ და დაუდევრად აგრძელებდა ქვეყანა ტრიალს. ვილა გააკვევს. ერთი კია, პედანტობად არ უნდა ჩაეთვალოს ის დანუბატება, თორემ აბგვარი საყვედური წმინდა ჟან დე დიუსაც²³ არ ასცდებოდა, ვინც სულთაბრძოლისას უეცრად წამოხტა და სხვას მართლაც რომ სულზე მიუსწრო. ბაღში ჩაირბინა და სახრჩობელაზე იმ წუთს დაკიდებულ ადამიანს თოკი გადაუჭრა. რალაც აუხსნელად შეედწია ამ ცნობას მისი აგონიის შეუუვალ დაძაბულობაში. ამ კაცაც სიმაართლე აწუხებდა სიკვდილის წინ.



არსებობს ერთი რამ სულიერი, რომელსაც, როცა უყურებ, სრულიად უწყინარი და უვნებელია, ვერც კი ამჩნევ და მაშინვე ივიწყებ, მაგრამ როგორც კი უხილავად, ამა თუ იმ გზით შენი სმენის წიაღში მოხედება, მაშინვე თითქოს პარკიდან გამოიჭუპარაო, ზრდა-განვითარებას იწყებს და ისეთი შემთხვევებიცაა ცნობლი, როცა ტვინამდე აულწევია, იქ გამრავლებულა და ამ მგრანობიარე ორგანოს ეიანქველებივით მოსდებია, ძალღის პნემოკოქების დარად, ცხვირიდან რომ იჭრება ორგანიზმში.

ამ სულიერს ჰქვია მეზობელი.

მე, ვინც ამდენს დავეხეტები ამ ქვეყანაზე, რალა თქმა უნდა, ათასი ჯურის მეზობელი მეყოლებოდა: ზემოთები და ქვემოთები, მარჯვნივები და მარცხნივები, ზოგჯერ კი ოთხეუ სახეობა ერთად. მე რომ ზოგი ჩემი მეზობლის ისტორია დამეწერა, ამ საქმეს მთელი ცხოვრება დასჭირდებოდა და თან იმ სნეულებათა ისტორია გამოვიდოდა, რაც მათ დამმართეს. მაგრამ, რას იზამ, ეს თვისება თურმე მრავალ სხვა არსებასაც ჰქონია: რომ მათი არსებობა მხოლოდ იმ ზიანით მტკიცდება, რასაც ისინი სხვადასხვა უჭრედებსა და ქსოვილებს აყენებენ.

ძალზედ არაკანონზომიერი ხასიათის მეზობლებიც მყოლია და ძალზეც თანმიმდევრული ბუნებისაც. ერთხელ დავჯექი და შევეცადე პირველი ჯგუფის მეზობელთა კანონზომიერება დამედგინა,

რაკილა ცხადი იყო, რომ ასეთი რამ მათაც გააჩნდათ. და როდესაც ჩემი პუნქტუალური მეზობლები ერთ საღამოს საერთოდ აღარ გამოჩნდნენ, მაშინვე დავისურათხატე, რა შეიძლებოდა შემთხვევით, ჩემს ოთახში შუქი ანთებული დავტოვე და ყმაწვილი ქალივით ამიტანა შიშმა. მყოლია ისეთი მეზობლები, სიძულვილით რომ ცოცხლობდნენ და ისეთებიც, სიყვარულით რომ იყვნენ შეპყრობილნი; იმასაც შევსწრებივარ, მათ სიძულვილს, მათ სიყვარულში რომ უსკუპია შუალამისას, და მაშინ, ცხადია, ძილზე ფიქრიც კი სასაცილო იყო. საერთოდ, დავაკვირიდი, ძილი არც ისე ხშირი მოვლენაა, როგორც ჰგონიათ. ჩემი პეტერბურგელი მეზობლები, მაგალითად, ძილს სულ არაფრად აგდებდნენ: ერთი იდგა და მთელი ღამე ვიოლინოს უკრავდა და დარწმუნებული ვარ, ამ დროს ზეფხიზელ, განახჩახებულ სახლებს გადასცქეროდა, რომლებიც არც აპირებდნენ ჩაბნელებას აგვისტოს იმ სასწაულებრივ ღამეებში. მარჯვენა მეზობელს რაც შეეხება, ნამდვილად ვიცოდი, რომ იწვა. ჩემსობას საერთოდ აღარ დგებოდა საწოლიდან, თვალებსაც კი აღარ ახელდა. მაგრამ მაინც ვერ იტყოდი, სძინავსო. იწვა და პუშკინისა და ნეკრასოვის გრძელგრძელ ლექსებს ამბობდა ზეპირად, ისეთი ხმით, ბავშვები რომ ამბობენ ლექსებს უფროსებს თხოვნით. ჩემი მარცხენა მეზობლის მუსიკა მარჯვენა მეზობლის პოეზიას ვერ ახშობდა, ეს ლექსები ჩემს ტვინში იქუპრებოდნენ და ღმერთმა იცის, იქიდან რა გამოიჩეკებოდა, რომ ერთხელ სტუდენტს, მის ხშირ სტუმარს, კარი არ შეშლოდა და ჩემთან არ შემოსულიყო შემთხვევით. მან თავისი მწოლიარე ნაცნობს ამბავი მიაშბო, რომელიც მადლობა ღმერთს, არც ისეთი გულისგამხეთქი აღმოჩნდა. ყოველ შემთხვევაში, ეს ერთი მარტივი, თანმიმდევრული ამბავი გახლდათ, და ჩემი ვარაუდების მრვალი ჭია ერთბაშად მოსპო.

მაშასადამე, ჩემს გვერდით მცხოვრებ, აწ ლექსებად ქცეულ პატარა ჩინოვნიკს ერთ მშვენიერ დღეს ყოვლად უცნაური ამოცანის ამოხსნა მოსვლოდა აზრად. თურმე დაუშვა, რომ კიდევ დიდხანს, ასე, ორმოცდაათი წელი მაინც ვიცოცხლებო. ამ დიდსულოვნებას, რაც საკუთარი თავის მიმართ გამოიჩინა, ბრწყინვალე გუნებაზე დაეყენებინა, მაგრამ სურდა თავისივე თავისთვის გადაეჭარბებინა, და გადაწყვიტა, მთელი დარჩენილი წლები დღეებზე, საათებზე, წუთებზე და, თუ გაუძლებდა, წამებზეც გადაემრავლებინა. ნამ-

რავლად ისეთი რიცხვი მიიღო, ცხოვრებაში რომ არსად ენახა. რეტი დაესხა თურმე და ჰურდა, წამით სული მოეთქვა. დრო ძვირად ფასობსო, ხომ ყოველთვის ესმოდა, და ასლა განცვიფრებული ყო, ამ თავზნსაყრელი დროის ანუ თანხის პატრონს, რატომ დაცვას არ უნიშნავდნენ. რა ადვილად შეიძლებოდა მისი მოპარვა და გატაცება! შემდეგ მალევე დაბრუნებოდა შესანიშნავი, თითქმის კვიმატი გუნებ-განწყობა, ქურქი ჩაეცვა, უფრო წარმოსადეგი და დიდმნიშვნელოვანი რომ ყოფილიყო და მთელი ის საარაკო კაპიტალი ოდნავ მედიდური სიტყვებით, უშურველად ეწყალობებინა საკუთარი თავისათვის:

„ნიკოლაი კუზმიჩ, — კეთილგანწყობილად მიმართა თურმე მეორე ნიკოლაი კუზმიჩს — უქურქოს, კაფანდარასა და ღარიბ-ღატაკს, რომელიც ცხენის ძუისაგან დაწნულ სავარძელში მოკუნტულიყო, — ნუ გაგაყოყოჩებთ ეს სიმდიდრე. ყოველთვის გახსოვდეთ, სიმდიდრე არ არის მთავარი. რამდენი უქონელი, მაგრამ კეთილშობილი ადამიანია ამქვეყნად. აკი გალატაკებული დიდგვაროვანნიც არსებობენ და დიდ-დიდ კაპიტანთა ქალიშვილებიც, ახლა რომ ქუჩა-ქუჩა დაყიადობენ და რალაც-რალაცების გაყიდვით იჩინენ თავს“. და ქველმოქმედმა მდიდარმა კიდევ მრავალი, მთელს ქალაქში ცნობილი მაგალითი გაიხსენა.

ისევ სავარძელში მჯდომ, დასაჩუქრებულ ნიკოლაი კუზმიჩს, ჭერჭერობით სულაც არაფერი ეტყობოდა მედიდურობისა, და მთელი მისი იერი იმედს იძლეოდა, რომ მომავალშიც გონიერულად მოიქცეოდა. და მართლაც, მას ხომ არაფრით შეუცვლია თავისი მოკრძალებული, ჩვეულებრივი ცხოვრების წესი: კვირა დღეებს ისევ თვლასა და ანგარიშში ატარებდა. მაგრამ რამდენიმე კვირის შემდეგ უეცრად დაასკვნა, ძალიან ვანიავებ ჩემს სიმდიდრეს, აგრე არ გამოვა, ხელმოჭერილად უნდა ვიცხოვრო. მეორე დღიდან მოკიდებული უფრო ადრე დგებოდა, უფრო ნაჩქარევად იბანდა ჩელ-პირს, ზეზეურად სვამდა ჩაის, ბიუროში გარბოდა და უფრო ადრე ბრუნდებოდა შინ. ცოტა-ცოტა დროს ყველგან ზოგავდა. მაგრამ, კვირა დღეს მაინც არაფერი აღმოაჩნდა დაზოგილი. და მიხვდა, რომ მოატყუეს. არ უნდა გადამეხურდავებინაო, — გაიფიქრა, — რა გრძელია წელიწადი თავისთავად, და რა შეუმჩნეველად იხარჯება ეს დაწყველილი წვრილი ფულიო. და მერე ის ყოვლად საზიზღარი ნაშუადღევიც დადგა, როცა სავარძლის კუ-

თხეში მიიკუნტა და ქურქიან ბატონს დაუწყყო ლოდინი, რათა თავისი დრო უკანვე მოეთხოვა. გადაწყვეტილი ჰქონდა, კარი ჩაერახა და იქამდე არ გაეშეა, ვიდრე ყველაფერს არ გამოართმევდა. „ქალაღლის ფულით ვიანგარიშოთ, — ასე აპირებდა ლაპარაკს, — ერთი ბანკოტი ათ... წელს უდრიდეს, მაშასადამე, ოთხი — ორმოც წელს, ერთიც ზუთ წლად ჩავთვალოთ და დანარჩენი ზურდად დაიტოვეთ, ეშმაკმაც დალახვოს“. დიახ, გართულებათა თავიდან ასაცილებლად, მზად იყო, ხურდაც კი ეჩუქებინა. ნერვებაშლილი იჭდა ცხენის ბუისგან დაწნულ სავარძელში და უცდიდა... მაგრამ ბატონი არ მობრძანებულა და მას, ნიკოლაი კუზმიჩს, რამდენიმე კვირის წინათ ასე ადვილად რომ შეეძლო სავარძელში მოკალათებული საკუთარი პიროვნების დაწახვია, ახლა, როცა მართლა იჭდა იმ სავარძელში, ქელარ ახერხებდა წარმოედგინა ქურქიანი, დიდსულოვანი და ხელგაშლილი ნიკოლაი კუზმიჩი. ღმერთმა იცის, რა დაემართა, შეიძლება, ყველგან ამხილეს მისი თაღლითობანი და ახლა სადღაც იყო ჩამწყვდეული. რა თქმა უნდა, მის გარდა სხვასაც გააუბედურებდა, ეგეთი არამზადები ფართო ქსელს აბამენ მუდამ.

მერე იფიქრა: წესით, სადღაც ნამდვილად უნდა არსებობდეს სახელმწიფო დაწესებულება, რაღაც „დროის ბანკის“ მაგვარი რამ, სადაც ჩემს უბადრუკ წამებს ისევ წლებზე გადაეცულიო. ბოლოს და ბოლოს ის წამები ხომ ნაღდი იყო. მართალია, ასეთი ბანკის შესახებ არაფერი სმენოდა, მაგრამ სამისამართო ცნობარში ნამდვილად იპოვიდა ასო „დ“-ზე, თუკი „დროს“ მიხედვით მოძებნიდა, ან „ბ“ უნდა ჩაეკითხა, ეგებ „ბანკთან“ ეპოვა რაიმე და არც „ს“ უნდა დაეიწყებოდა, ეგებ ეს „საიმპერატორო ბანკი“ იყო, ასეთი დიდმნიშვნელოვანი რამ, დიახაც, შეიძლებოდა უმადლესი ინსტანცია ყოფილიყო.

შემდეგ კი ნიკოლაი კუზმიჩი თურმე იფიცებოდა, იმ საღამოს ნამდვილად არაფერი დამილევია, თუმცა სულით მთლიანად დაცემული ეიყავიო. მაშასადამე, სავსებით საღ გონებაზე იყო, როცა ის ამბავი მოჩდა, თუკი საერთოდ შესაძლებელია თქმა, რა მოხდა. მაგრამ ამ თავის საჯარძელში, ალბათ, ჩათვლიმა. ხანმოკლე ძილმა თავიდან მართლა შეება მოჰგვარა. რას ავიკვირებ ეს რიცხვებიო, — უთქვამს თავისთვის გამოღვიძებულს, — მართალია, რიცხვების არაფერი გამეგება, მაგრამ ერთი კი ცხადია, მათ დიდი მნიშვნელობა არ უნდა მიანიჭოს კაცმა. აბა ვის უნახავს ქალაღლის

გარდა სადმე რიცხვები! ხომ ნამდვილად გამოირიცხულია, რომ რომელიმე საზოგადოებაში უცბად „შეიდიანს“ გადააწყდე ანდა „ოცდახუთს“. ისინი იქ საერთოდ არ არსებობენ. მხოლოდ დაბნეულობის გამო დამეძარტა, ფული და დრო ერთმანეთში რომ ამერიჩა, თითქოსდა არ შეიძლებოდეს მათი ცალ-ცალკე წარმოდგენა და კიდევ კარგი, ბოლოს და ბოლოს თავი დაიძვრინა ამ ვითარებიდან, და რაც მთავარია, დროზე გაარკვია ეს უაზრობა. ღმერთმა იცის, რა მოხდებოდა, ოჰ, ეს დრო. დრო! დიდი უკუღმართო რაშაა, მაგრამ განა მხოლოდ მისი გასაჭირია? სხვისთვისაც ხომ სწორედ ასე მიედინება — წაშებში, როგორც თვითონ დაადგინა. მერე რა, თუ იმ სხვებმა ეს არ იციან!

და ნიკოლაი კუზმიჩს თითქმის ბოროტად გაეზარდა, როცა სხვებიც თავის დღეში წარმოიდგინა. მაგრამ სწორედ იმ წუთს... მოხდა ის განსაკვიფრებელი უცნაურობა: უცებ რაღაცამ მსუბუქად ჩაუქროლა სახესთან, მერე ყურებთანაც ჩაუსრიალა და ხელებითაც შეიგრძნო წამსვე რაღაცნაირი, ოდნავი ქროლვა. თვალები დააქყიტა. ფანჯარა რიგინანდ იყო ჩაკეტილი. და ასე თვალებად-ქვეული იმ ჩაბნელებულ ოთახში რომ იჯდა, ნელ-ნელა მიხვდა: რასაც იმწუთას შეიგრძნობდა, დრო იყო, ნამდვილი დრო, რომელიც მიდიოდა, მიედინებოდა. მაშინვე სწორედ რომ იცნო ის წამები, ერთნაირად გულგრილი, მაგრამ სწრაფი, სწრაფი წამები. ღმერთმა უწყის ახლა კიდევ რას უპირებდნენ! და რაღა მიინცდამაინც მას უნდა დამართნოდა ეს უბედურება, მას, ვინც ყველანაირ ქარს პირად შეურცხყოფად იღებდა! ახლა რაღა უნდა ექნა! აგრე მჭდარიყო და მთელი ცხოვრება ეს დენა და ქროლვა აეტანა? წინასწარ წარმოიდგინა ნევრალგიის ყველა სახეობა, რაც აუცილებლად შეეყრებოდა და მრისხანებით გონდაკარგული სავარძელიდან წამოხტა. მაგრამ სიღრპრარზეები თურმე არ ამოწურულიყო. ფეხქვეშაც რაღაც მოძრაობა შეიგრძნო, ერთმანეთში უცნაურად გარდაამავალი, უწყვეტი რხევები, და თავზარდაცემული გახვედა. ნუთუ დედამიწა? რა თქმა უნდა, დედამიწა იყო. სკოლაში ხომ ასწავლეს ერთხელ, დედამიწა ბრუნავსო, თუმცა სახელდახელოდ გაიარეს ეს საკითხი და მერე სიამოვნებით მიაფუჩიჩეს. ამაზე ლაპარაკი რატომღაც უადგილოდ ითვლებოდა ყველგან და ყოველთვის. ახლა კი საგრძნობი გახდა და ისიც გრძნობდა! ნეტავ სხვებიც თუ ამჩნევდნენ ამ ტრიალს? ალბათ. მაგრამ, ისინი არ იმჩნევდნენ. არც

მებღავურები იქნებოდნენ კარგ დღეში. ნიკოლაი კუზმიჩი კი, ამ თვალსაზრისით, ფრიად დელიკატური გახლდათ. ტრამვაისაც კი ერიდებოდა! და, აი, ახლა, თითქოს გემბანზეაო, ისე დაბარბაცებდა საკუთარ ოთახში და თავს ძლივს იმაგრებდა. საუბედუროდ, კიდევ რაღაც გაახსენდა დედამიწის ლერძის ირიბ მდგომარეობაზე. არა, არა, ამდენ რყევასა და რხევას ვერასოდებოდა ვერ გაუძლებდა! განადგურებული იყო. წოლა და მშვიდად ყოფნაა საჭირო, სადღაც წაეკითხა ერთხელ და მას შემდეგ იწვა თურმე ნიკოლაი კუზმიჩი.

იწვა და თვალსაც კი აღარ ახელდა. ხანდახან შედარებით მშვიდი, ნაკლებად რხევადი დღეებიც უღვებოდა, და მაშინ ასე თუ ისე ასატანი იყო ხოლმე არსებობა. ბოლოს ლექსები გაახსენდა. სხვა არც კი დაიჭერებდა, როგორ შევლოდნენ ისინი. როცა ნელა ამბობდა ლექსს და კიღურა რითმებს ერთნაირად გამოკვეთილად წარმოსთქვამდა, რაღაც სიმყარე ჩნდებოდა მაშინ და მას შეეძლო ამ სიმყარისთვის თვალაც კი შეეველო, შინაგანად, რაღა თქმა უნდა. მადლობა ღმერთს, იმდენი ლექსი იცოდა ზეპირად! ეს კი იმიტომ, რომ ყოველთვის გამსაკუთრებით იზიდავდა ლიტერატურა. თავის მდგომარეობას მაინცდამაინც არ უჩივისო, დამარწმუნა სტუდენტმა, რომელიც მისი ძველი ნაცნობი ყოფილიყო. ეს იყო მხოლოდ. რომ რაც დრო გადიოდა, ნიკოლაი კუზმიჩს სულ უფრო აოცებდა თურმე ყველა ადამიანი, მათ შორის სტუდენტიც, რომლებიც ისე მიღი-მოდრიოდნენ, ვითომც არაფერი, და დედამიწის ტრიალს იტანდნენ.

ამ ამბავს აგრე დაწვრილებით მისთვის ვიხსენებ, რომ მაშინ არაჩვეულებრივად დამამშვიდა. შემიძლია დაბეჯითებით ვთქვა: ასეთი სასიამოვნო მეზობელი მერე აღარასოდეს მყოლია, მეზობელი, რომელიც, წესით, ჩემითაც უნდა ყოფილიყო განცვიფრებული.



ამ გამოცდილების შემდეგ გადავწყვიტე, მსგავს შემთხვევებში მაშინვე სინამდვილე დამედგინა, რადგან შევამჩნიე, რა დამამშვიდებლად მოქმედებდა ფაქტები ვარაუდებთან შედარებით. თითქოს უკვე მაშინ არა მცოდნოდა, რომ ყველა ჩვენი შეხედულება ფაქტების შემდეგ ყალიბდება, დასკვნებია და სხვა არაფერი. მათ კვალ-

დაკვალ კი მაშინვე ცხოვრების ახალი ფურცელი გადაიშლება ხოლმე, რაღაც სულ სხვა რამ იწყება, ყოველგვარი გადასვლის გარეშე. აბა, რას მარგია ჩემს ახლანდელ მდგომარეობაში ის თითო-ოროლა ფაქტი, თამამ-თამაშით რომ დაილექნენ ჩემს შეგნებაში. ამ ფაქტებმა უფრო დაამძიმეს ჩემი მაშინდელი (უნდა ვაღიარო) ისედაც მძიმე სულიერი მდგომარეობა.

ჩემს სასახელოდ მინდა აღვნიშნო: იმ დღეებში ძალზედ ბევრს ვწერდი. ლამის კრუნჩხვაშეყრილი ვწერდი და ვწერდი. ისე რომ, გარეთ ხეტილისას შინ დაბრუნებაზე ფიქრი აღარ მსიამოვნებდ. ხან სად შევეუხვევდი და ხან სად, რათა გზა გამეგრძელებინა და ნახევარი საათი მაინც დამეკარგა, რომელსაც თუკი შინ ვიქნებოდა, ისევე წერას მოვანდომებდი. ჩემს ოთახში კი საყვედური არ მეთქმოდა. იქ წუთს არ ვკარგავდი. ვწერდი. მე ჩემი ცხოვრება მქონდა, გვერდით კი სულ სხვა ცხოვრება მიედინებოდა და მე ოდნავაც არ მეხებოდა ვიღაც სტუდენტის ცხოვრება, რომელიც მედიცინას სწავლობდა და ახლა გამოცდებისათვის ემზადებოდა. მე გამოცდისმაგვარი არაფერი მელოდა. აი, ეს იყო გადაწყვეტი მნიშვნელობის განსხვავება ჩვენს შორის. და ისედაც, სრულიად განსხვავებულ პირობებში მიედინებოდა ჩვენი ცხოვრება. ეს ჩემთვის აშკარა იყო, იქამდე, ფიდრე არ გავიფიქრე, ახლა ადგება და ჩემთან შემოვამეთქი. აი, მაშინ კი დამავიწყდა, რომ ჩვენ საერთო არაფერი გვქონდა. ისე სულგანაბული ვუყურადებდი, ჩემი გულის ძგერაც კი ისმოდა და მართლაც შემოვიდა. არასდროს შევმცდარვარ.

თითქმის ყველა იცნობს ამ ხმას, რომელსაც გამოსცემს თუნუქის რაიმე მრგვალი საგანი, დავუშვათ, თუნუქის ქილს ხუფი, როცა ის ხელიდან უვარდებათ. ჩვეულებრივ არცთუ მკახედ ვარდება იატაკზე, წამიერ რაღაც ხმას გამოსცემს და მეჩრე გაგორდება ხოლმე. მხოლოდ მაშინ ხდება უსიამოვნო, როცა გორვას შეწყვეტს და რალაცნაირად აბარბაცდება, ვიდრე საბოლოოდ დაეცემოდეს და გაჩერდებოდეს. მაშასადამე, სულ ეს არის. ჰოდა, აი, სწორედ თუნუქის ასეთი რაღაც საგანი ვარდებოდა ხოლმე მეზობელ ოთახში. დავარდებოდა, გაგორდებოდა, გაჩერდებოდა და რაღაც გარკვეული ინტერვალებით ატყაპუნდებოდა. როგორც ყველა განმეორებადი ხმაური, ესეც შინაგანად ორგანიზებული იყო. სულ იცვლებოდა, ზუსტად არ მეორდებოდა, და სწორედ ეს

მეტყველებდა მის შინაგან კანონზომიერებაზე. საგანი ხან მძაფრ ხმას გამოსცემდა, ხან რბილ ჩქამს, ან მელანქოლიურს, ხან თითქოს სულმოუთქმელად გარბოდა, ხან კი უსასრულოდ წელა და ხანგრძლივად მისრიალებდა ვიდრე საბოლოო სიმშვიდე არ დაუდგებოდა. ბოლო შებარბაცება მუდამ განსაცვიფრებელი იყო. ამის საპირისპიროდ იმ ტყაპუნს თითქოს რაღაც მექანიკური ძალა იწვევდა, რომლის მიზანიც თითქოს ის იყო, რომ ხმა სულ სხვადასხვანაირად გაენაწილებინა. დღეს გაცრლებით უკეთ ვაცნობიერებ ამ წერილმანებს, რადგან ოთახი ჩემს გვერდით უკვე ცარიელია, სტუდენტის შინ გაემგზავრა, რომელიღაც პროვინციაში. დასვენება უნდოდა. მე სულ ზედა სართულზე ვცხოვრობ. მარჯვნივ სხვა სახლი დგას, ჩემ ქვემოთ არაფერ შემოსახლებულა, მაშასადამე, უმეზობლოდ ვარ.

ჩემს ახლანდელ მდგომარეობაში უკვე მიკვირს, რად განვიცადე ის ამბავი ესოდენ მძაფრად. მით უმეტეს, რომ გუმანი ყოველთვის წინასწარ მაფრთხილებდა. უნდა მესარგებლა ამ გაფრთხილებით. ნუ შეშინდები, — უნდა შეთქვა ჩემი თავისთვის, — ახლა დაიწყება. ხომ ვიცოდი, რომ არასდროს ვცდებოდი. მაგრამ ყველაფერი ფაქტების ბრალია, ალბათ, იმ ფაქტებისა, რომელთა დადგენის შემდეგ კიდევ უფრო დავშინდი. მოჩვენებასავით მზარავდა იმის ცოდნა, რომ ამ ხმაურის გამოწვევი ჩემი მეზობლის მარჯვენა ქუთუთო გახლდათ. ეს ქუთუთო მძიმედ ჩამოვარდებოდა ხოლმე და თვალს ეხურებოდა, როცა სტუდენტი წიგნს კითხულობდა, და ისიც, გააფთრებული სტაცებდა ხოლმე ხელს თუნუქის რაღაც საგანს და იატაკზე ახეთქებდა. აი, ეს წერილმანი გახლდათ მისი ისტორიის უმნიშვნელოვანესი მოვლენა. მან რამდენიმეჯერ გადასდო გამოცდა, შინაურები კი, ალბათ, ყოველ წერილში აჩქარებდნენ. რაღა დარჩენოდა, ძალა უნდა მოეკრიბა და მომზადებულიყო. მაგრამ გადაწყვეტილებამდე რამდენიმე თვით ადრე თავი იჩინა ამ სისუსტემ, ამ აუტანელმა დადლილობამ, რაც კაცმა რომ თქვას, ისევე სასაცილო იყო, როგორც ფანჯრის ფარდას თავის ადგილზე გაჩერება რომ არ მოენდომებინა. დარწმუნებული ვარ, მთელი კვირების განმავლობაში შთაიგონებდა, ამ სისუსტეს უნდა ვძლიო. სხვაგვარად არ გამიჩნდებოდა აზრი, მისთვის ჩემი ნებისყოფა შემეთავაზებინა. ერთ დღეს მივხვდი, მისი ნებისყოფა ამოწურულიყო. მას შემდეგ, როგორც კი ვიგრძნობდი, ახლა დაიწყება-მეთქი, ჩვენს საერთო კედელთან ვდგებოდი და მეზობელს გულში ვეხე-

წებოდი, ჩემი ნებისყოფით ესარგებლა. თანდათან ცხადი გახდა ჩემთვის, რომ სარგებლობდა კიდევ. მაგრამ ეგებ არ ღიორდა, არ უნდა მიეღო ეს დახმარება, მით უმეტეს, თუ ჩაუტყვირდები, არაფერს შეელოდა. დაეუშვათ, საქმე ცოტა ხნით გავაჩქარებოდა, მაინც ხომ საკითხავი იყო, შესძლებდა კი იგი ასე ერთობლივად მოგებულნი წუთები რაიმეში გამოეყენებინა. ჩემს შეწირულობას რაც შეეხება, ის ჩემთვის თანდათან საგრძნობი გახდა. ვიცი, სწორედ იმ ნაშუადღევს, როცა ვიღაც ჩვენს სართულზე ამოვიდა, შევეკითხე ჩემს თავს, როდემდე შეიძლება აგრე გაგრძელდეს-მეთქი. ამ პატარა სასტუმროში, ვიწრო დერეფნების გამო უხმაუროდ ვერავინ ჩაივლიდა. ერთი წუთის შემდეგ მომეჩვენა, რომ სტუდენტის ოთახში ვიღაც შევიდა. ჩვენი, ორთავეს კარები, ჩემიცა და მისიც, დერეფნის ბოლოში იყო. მისი ლამის ზედ ეკვროდა ჩემსას. ვიცოდი, ზოგჯერ მეგობრებიც მოსდიოდნენ, და მე, როგორც იტყვიან, სულ არ მაინტერესებდა მისი ურთიერთობანი. მისი კარი დღეში, მგონი, რამდენჯერმე იღებოდა და იხურებოდა, მაგრამ მერა მესაქმებოდა! ამაზე პასუხს ნამდვილად არ ვაგებდი.

აი, იმ საღამოს კი ყველანაირად გართულდა საქმე. არ იყო გვიან, მაგრამ რადგან ძალზე დაღლილი ვიყავი, საწოლს მავაშურე. ისე კი ვეძვობდი, რომ ძილი მეღირსებოდა. და მართლაც, მაშინვე წამოვხტი. თითქოს ვიღაც ხელით შემეხო. წამოვხტი და დაიწყო კიდევ: რაღაც დაენარცხა, ახტა და გაგორდა; გაქანდა, დაბარბაცდა და შენზარავად ატყაპუნდა. შუა ტყაპუნში ქვემო სართულიდან ამოაკაკუნეს: აშკარად ქერზე გაბრაზებულებმა. ახალი ნაცხოვრებელიც შეწუხდა, ალბათ. ახლა: მისი კარი უნდა ყოფილიყო. ისე გამოვფხიზლდი, მეგონა, ქვედა მეზობლის მოძრაობაც კი მესმოდა, თუმცა კარს განსაკვიფრებლად ფრთხილად შეეხო. მომეჩვენა, რომ ახლოვდებოდა. ცხადია, მოინდომა გაეგო, რომელი ოთახიდან გამოისმოდა ხმაური. მაგრამ რამაც თავგზა ამიზნია, ეს გახლდათ მისი გადაქარბებული სიფრთხილე. კი მაგრამ, რით ველარ შეამჩნია, ამ სახლში სიჩუმეს რომ არავინ დაგიდევდა. მაინც რატომ ახშობდა თავის ნაბიჯს, აგრე ჩუმად რად მოიწევდა? ერთ წამს თითქოს ჩემს კართან შეჩერდა, მაგრამ შემდეგ გავიგონე, ექვის შეტანა შეუძლებელი იყო, რომ სტუდენტის ოთახში შეაბიჯა. ადგა და ყოველგვარი კაკუნის გარეშე პირდაპირ შევიდა.

და აი, (როგორ უნდა აღვწერო?), სიჩუმე ჩამოვარდა. ისეთი

სიჩუმე, თითქოს რაღაც ტკივილი მიყუჩდა, საოცრად საგრძნობი, მოჭიმული დუმილი, თითქოს კრილობა იკრავდა პირს. და უკვე შემეძლო დამეძინა, შემეძლო შვებით ამომესუნთქა და დამეძინა. განცვიფრებალა მაფხიზლებდა. ვილაც ლაპარაკობდა გვერდითა ოთახში, მაგრამ ის ლაპარაკიც სიჩუმისა იყო; თავად უნდა განიცადო ის გარინდება, მისი აღწერა შეუძლებელია. გარეთაც კი თითქოს ყველაფერი გამოსწორდა და გაინაბა. წამოვჯექი, ყურს ვუგდებდი, სოფელში მეგონა თავი, და გავიფიქრე, ზუპერთო დიდებულს, დედა ჩამოუვიდა! იგი ლამპის გვერდით იჯდა. შვილს უკვანებდა, მასაც, ალბათ, დედის მხარზე ჩამოეყრდნო თაქ და დედაც. ალბათ, სადაც იყო ლოგინში ჩააწვენდა. ახლალა მივხვდი, წელან დერეფანში აგრე წყნარად ვინ მოდიოდა. ო, ღმერთო ჩემო, ეს რომ არსებობს ამქვეყნად! — ასეთი არსება, ვის წინაშეც სულ სხვაგვარად იღება ყოველი კარი, ვიდრე ჩვენს წინაშე. ჰო, ჰო, ახლა შეგვეძლო დაგვეძინა.



ჩემი მეზობელი თითქმის უკვე გადამავიწყდა. ახლა ვხედავ: რასაც მის მიმართ განვიციდიდი, მაინც არ იყო ნამდვილი თანაგრძნობა. ისე კი, ქვემოთ, გასასვლელში ზოგჯერ ვკითხულობ, რაიმე ამბავი ხომ არ ისმის მისგან. და მიხარია, სასიკეთოს თუ ვიგებ რასმე. მაგრამ არც ესაა ნამდვილი. გადაჭარბებაა ჩემი საქციელი. კაცმა რომ თქვას, მე ხომ სულაც არ მჭირდება მისი ამბის ცოდნა! ზოგჯერ საშინლად რომ გამიწევს გული და მის ოთახში შესვლა მინდება, თვითონ ჩემი მეზობელი არაფერ უტააშია. უბრალოდ, ჩემი კარიდან მის კარამდე ერთი ნაბიჯია, თანაც ვიცი, კარი ღიაა, და მაინტერესებს, ოთახი როგორ არის მოწყობილი სინამდვილეში. კაცი ნებისმიერ ოთახს ადვილად წარმოიდგენ, და ასე თუ ისე დაემთხვევა სინამდვილეს, მაგრამ გვერდითა ოთახი, რატომღაც ყოველთვის სხვანაირი აღმოჩნდება ხოლმე, ვიდრე გეგონა.

კი ვთქვი, რაც მეწევა იმ ოთახისკენ, მაგრამ, კარგად ვიცი: ყველაზე მეტად ეს ის თუნუქის რაღაც საგანია, იქ რომ მგლოდნება. მე ხომ დავუშვი, ქილს ხუფი იქნება—მეთქი, მაგრამ, რა თქმა უნდა, შეიძლება ვცდებოდე კიდეც. ეს არ მაწუხებს. სწორედაც რომ ჩემი ბუნებაა, ყველაფერი თუნუქის სახურავს დავაბრალო. არა

მგონია, სტუდენტს ის ხუფი თან წაეღო. ალბათ ოთახი დააღაგეს და ის ხუფიც, როგორც წესი და რიგია, თავის ქილას დაახურეს. და ახლა ხუფიც და ქილაც ერთ ცნებად — ქილად იქცა, მრგვალ ქილად, უფრო ზუსტად, ერთ ძალიან უბრალო, ნაცნობ ცნებად შეერთდა. თითქოს მახსენდება, რომ ორივე ბუხარზე ძეგს, ის ორი — რაც ქმნის ქილის ერთიანობას. უფრო მეტად — სარკის წინაა და ნაშასაღამე, კიდევ ერთი ქილა ჩნდება, ნამდვილისაგან ძნელად განსახვევებელი, ასახულ-არეკლილი ქილა, რომელსაც ჩვენ არაფრად ვაგდებთ, მაიმუნი კი შეიძლება წაეტანოს. ნამდვილად. ის კი არადა ორი მაიმუნი ერთად ეცემა, რადგან მაიმუნიც მაშინვე გაორმაგდება, როგორც კი მიაღგება ბუხარს. მაშასადამე, ქილის ხუფია, რამაც მე მიზანში ამოძილო. მოდი, შევთანხმდეთ: ქილის ხუფს, უწინებელი ქილის სახურავს, ქილისა, რომლის პირიც ზუსტად ისეა მომრგვალებული როგორც კიდევ მისი ხუფისა, წესით ხომ სხვა არც არაფერი უნდა უნდოდეს, გარდა იმისა, რომ თავის ქილაზე იყოს დამხობილი. ეს უნდა იყოს უმაღლესი რამ, რისი წარმოდგენაც კი ამ ხუფს შეუძლია, მისი ბედნიერების მწვერვალი, ყველა ნატურალურცილის აღსრულება. განა სწორედაც იდეალური არ არის, თვინიერად და ნეტარად იყოს მორგებულ-მოჭერილი ქილის პირზე, რომელიც ზუსტად ისევეა მომრგვალებული და წამახული, როგორც თავად ხუფის კიდეა? მაგრამ, ეჰ, რა ცოტაა, ისეთი ხუფი, ამისი ფასი და ყადრი რომ იცის. აი, სწორედ აქ ვლინდება, თუ რა თავგზისამბნევი ზემოქმედება მოახდინა საგნებზე ადამიანებთან ურთიერთობაში. განა ადამიანებიც, თუნდაც ყოველად ზერელებდ რომ შევადაროთ ისინი საჩქევლებს, ასევე უხალისოდ და უზეიროდ არ არიან მორგებულნი თავიანთ საჭმიანობას? ნაწილობრივ იმ მიზეზით, რომ სიჩქარეში არასწორ ადგილას მოხვდნენ, ნაწილობრივ იმის გამო; რომ ისინი მრისხანედ და მრუდედ დაახურეს მიჩენილ საქმეს, ზოგჯერ კი მიზეზი ის გახლავთ, რომ ერთმანეთისთვის განკუთვნილი თავსარტყელები გაღუნულია. ვიყოთ გულწრფელნი. ადამიანებს ძირითადად ხომ სულ ეს უტრიალებთ თავში: გადაბტნენ. ჩახტნენ, გაგორდნენ და ირახრაბონ, — თუკი მოახერხებენ. აბა, მაშ საიდან მოდის მთელი ეს ეგრეთ წოდებული დაბნეულობა და ხმაური, რასაც ეს დაბნეულები აღძრავენ?

საუკუნეებია, რაც საგნები ადამიანთა საქციელს შესცქერიან. და რა გასაკვირია, რომ მათი ზნეც წახდა, რომ აღარ ესმით თავი-

ანთი ბუნებრივი, მოკრძალებული მიზნის ფასი, და ისევე უღლებიან თავიანთ ყოფიერებას, როგორც ადამიანები სჩადიან ამას. საგნები ცდილობენ თავი აარიდონ საკუთარ დანიშნულებას, უხალისონი და გულგრილნი გახდნენ და ადამიანებსაც არ უკვირთ, როცა მათ ფუქსავატობაზე წაასწრებენ ხოლმე: ეს ხომ ასეთი მშობლიური და ნაცნობია მათთვის. და თუ ბრახობენ, მხოლოდ იმიტომ, რომ საგნებზე ძლიერნი არიან და აღიზაანებთ, როცა სუსტები მათ ბოძავენ. აგრე ჰგონიათ, თითქოს მხოლოდ მათ ჰქონდეთ გადაგვარების უფლება. მაგრამ, არსებითად, მათ საგნები თავიანთ ნებაზე მიუშვებს, ისევე როგორც საკუთარი თავი ჰყავთ მიშვებულნი. და თუკი სადმე აღმოჩნდება ვინმე ისეთი, ვინც თავს ხელში აიყვანს. ვინმე მარტოსული ადამიანი, რომელსაც სწადია მთლიანად მოკრძაოს საკუთარ არსს და მასში სუფევდეს, აი, ეს კაცი თავის წინააღმდეგ აიშხედრებს გადაგვარებულ საგან-ნივთების მთელ ურიცხვ მოდგმას, მათ გესლსა და სიძულვილს დაიტენს თავზე, რადგანაც ისინი, სინდისის ქენჯნით გაავებულნი, ველარ იტანენ სხვის ძალისხმევასა და აზრიან სწრაფვას; ისინი ერთიანდებიან მარტოსულის წინააღმდეგ, რათა ხელი შეუშალონ, თავგზა აუბნიონ, თავზარი დასცენ და კარგად იციან, რომ ეს შეუძლიათ. ისინი თვალს უკრავენ ერთმანეთს და იწყებენ მის ცდუნებას. ვილას არ ითრევენ ამ საქმეში! — ყველა სულიერს, მთელ სამყაროს, უფალ ღმერთსაც კი, იმ ერთის, ერთადერთის წინააღმდეგ, რომელმაც, ვინ იცის, ეგებ გაუძლოს კიდევ და: გახდეს წმინდანი.



ო, როგორ მესმის ახლა ეს გამაოგნებელი ნახატები²⁴, სადაც ვიწრო, ყოველდღიური დანიშნულები საგნებს თავი აუშვიათ, ცნობისმოყვარედ აცდუნებენ და თვალს უკრავენ ერთი-მეორეს, ატაცებულნი ზნედაცემული აღრეულობით: ქვაბები, ხარშვისას აქეთიქით რომ დაეხეტებიან, კოლბები, რაღაც ფიქრი რომ გასჩენიათ, თუ ძაბრები, დასაამებლად ხვრელებში რომ იჭედებიან. და აი, უკვე ისინიც აქ არიან, ამათ შორის ტრიალებენ — ეჭვიანი არა-რას მიერ გაღმოსროლილი: სხეულის ნაკვთები და ასოები, სახეებიც კი, ზედ რომ ანთხევენ იმ ყველაფერს თბილ, მძიმე ნარწყევს, და

მქმენი უკანალები, სიამოვნებას რომ ანიჭებენ იმ აცეტებულ საგანთა მოდგმას.

და წმინდანი მოკრუნჩხულა, მთლად შეკუმშულა. მაგრამ მაინც წეიცავდნენ მისი თვალეზი ერთ ისეთ მზერას, რომელმაც აიტანა ია ყველაფერი: შეხედა. და დაწმენდილი განცდა-ფიქრები წამ' ქე ჩამოსწყდნენ მისი სულის ხსნის ნათელ სიმაღლეს. წმინდანის ლოცვა ფურცელ-ფურცელ ჩამოიშალა და შეძარცვლი თიგულ-ლივით წერჩა მის ბაგეს, და წაპირქვედა ზისი გული, გადაყირავდა და სიმღვრივეში გადაიღვარა. და თვითგვემის გრძელი მათრახი ისევე დასთრევს, ვით ღუნე კული, ბუზებს რომ აფრთხობს. მისი სქესიცი ისევე თავს იყრის იმავე ადგილას და, როცა ქალი აღემართება ამ ამოა ორომტრიალში, მოშიშვლებული ძუძუ-მკერდის რხევათამთამით, — საჩვენებელი თითოვით მისკენ მიიმართება.

ერთ დროს ამ სურათებს მოძველებულად ეთვლიდი. იმტომ კი არა, რომ მათ სიშართლეში ექვი მეპარებოდა. არა, უბრალოდ, ვფიქრობდი, ეს მხოლოდ წმინდანებს ემართებოდათ-მეთქი, — სულსწრაფ არსებებს, რომელთაც სურდათ, რადაც არ უნდა დასჯდომოდათ, საქმე პირდაპირ ღმერთით დაეწყოთ. ჩვენ კი ამდენს აღარ ვიღებთ საკუთარ თავზე, იმას ვგრძნობთ მხოლოდ, რომ ღმერთი ძალზედ ძნელია ჩვენთვის, და ის სულ მუდამ უნდა გადავდოთ, რათა წელა აღვასრულოთ ხანგრძლივი სამუშაო, რაც მას გვაშორებს. ახლა კი ვიცი: ეს ჯაფაც წმინდანობასავით სათუო გამზნდარა. და იმ კაცის გარშემო, ვინც ამ სამუშაოს აღსასრულებლად განმარტოვდება, ისეთივე უკულმართობა დატრიალდება, ღვთის მარტოსულებს რომ ეხვია ირგვლივ, ოდესღაც, უდაბნოსა თუ ქვაბ-მღვიმეებში.

როცა მარტოსულ ადამიანზე ლაპარაკობენ, ძალზედ ბევრს იღებენ საკუთარ თავზე: ტყუილად ჰგონიათ, თითქოს იცოდნენ, ვის და რანაირს ეხება საქმე. არა, არ იციან. ხალხს მარტოსული არასოდეს დაუნახავს, ის მხოლოდ სძულდა. სძულდა, ისე, რომ არასოდეს უნებებია მისი გაცნობა. ისინი იყვნენ მარტოკაცის შეზობლები, მას რომ აცდენდნენ, და ზმები გვერდითა ოთახებში, — რომ აცდუნებდნენ. ისინი საგნებს აქეზებდნენ მის წინააღმდეგ, რათა ეხმა-

ურათ და ის ჩაეხშოთ. ბავშვები ერთიანდებოდნენ მარტოსულის წინააღმდეგ, რადგანაც ის სათუთი იყო და თავადაც ბავშვი, და თავისი ზრდის ყოველი წამით იზრდებოდა მოზრდილთა წინააღმდეგ. ისინი კვალში მისდევდნენ მუღამ: როგორც ნადირს მოსანადირებელს, თავს ესხმოდნენ თავის საფარში, და მისი ხანგრძლივი სიბავშვე და ახალგაზრდობა ოდნავადაც არ დაუზოგავთ. და თუ მან სული არ გააქელინა, არ დაიშრიტა და ასე დააღწია თავი მათ მტრობას, მაშინ ხალხი მის ქმნილებას ითვალწუნებდა, საზიზღრობაა, სიმახინჯეო, გაიძახოდა, და თუ ის ყურს არ ათხოვებდა ამ ღრიანცელს და თავის საქმეს განაგრძობდა აუმღერეველი, მაშინ ისინი დაუფარავ მტრობას უწევდნენ: საკმელს უნთქავდნენ, თავიანთ აცრას ასუნთქებდნენ პირისახეში და უფურთხებდნენ სილატაკეში, რომ საკუთარი სილატაკე შეჰზიზღებოდა. სახელს უტეხდნენ, ხმებს უვრცელებდნენ, ქვებს ესროდნენ როგორც კეთროვანს, რათა საწრაფოდ გარიდებოდა იქაურობას. და არც ლალატობდა თავიანთი ძველი ინსტინქტი. რადგან ის მართლაც მტერი იყო მათი ოდიოვანი.

მაგრამ შემდეგ, თუკი იგი მათ ღრიანცელს არად აგდებდა, გონს მოდიოდნენ. გრძნობდნენ, რომ ამ სიძულვილ-მტრობით ის განამტკიცეს თავისსავე მარტობაში და დაეხმარნენ, მათ საიუღამოდ განშორებოდა. მაშინ ისინი უკანასკნელ ხერხს მიმართავდნენ, უკიდურეს საშუალებას, სხვა დაბრკოლებას აღუმართავდნენ: დიდებას. ამ ხმაურზე კი თითქმის ყველა მარტოსული თავს იღებდა თავის საქმიდან, და ბრბოსაკენ იხედებოდა. იბნეოდა და იფანტებოდა.



ამ ღამით ისევ თვალში მომხვდა პატარა, მწვანე წიგნი, რომელსაც ხშირად ვკითხულობდი ჩემს ბიჭობაში. არ ვიცი, რატომ, მაგრამ მეგონა, მატლილდე ბრავს ეკუთვნოდა. როცა პირველად ჩამივიარდა ხელში, არ დამაინტერესა და მხოლოდ რამდენიმე წლის შემდეგ წავიკითხე. მგონი მაშინ, ულსგორში რომ ვიყავი არდადეგებზე. პირველივე წუთიდან მიმიჯაკვა. მთელი წიგნი, თვით გარეკანიც კი რაღაც ფარულ, შინაგან ერთიანობას ასხივებდა. ყდის სიმწვანე რაღაც მნიშვნელოვანს გაპირდებოდა, და რომ გადაშლი-

დი, მართლა იპოვიდი დანაპირებს. თითქოს საგანგებოდ, რაღაცა მიზნით, თავფურცელი გლუვი იყო, წყალში განზავებული თეთრით ნაფერი, და მას სათაურიანი გვერდი მოსდევდა — რაღაც საიდუმლოებით მოცული ფურცელი, რომელიც ისე განგაწყობდა, რომ შეძლებ უკვე ნახატებს ელოდი. მაგრამ წიგნს ნახატები არ ახლდა, და გინდოდა თუ არა, უნდა გელიარებინა: სწორედ ასეა საჭიროო. და მერე, როცა გადავშალე და ერთგან სანაშენი ზონარის აღმოვაჩინე, ისეთი განცდა დამეუფლა, თითქოს დამაჯილდოვეს. ღმერთმა უწყის, რა დროიდან იღო ერთსა და იმავე ორ გვერდს შორის ეს გაცრეცილი, ოდნავ ირიბად მდებარე ზონარა. გულისამაჩუყებლად რომ მიმხელდა თავის საიდუმლოს: ოდესღაც ვარდისფერი ვიყავიო. ვინ იცის, ეს სანიშნი სულ მთლად უხმარი იყო და ამკინძავემ ჩადო წიგნში სწრაფად და ბეჯითად, ისე რომ არც დაუხედავს. ან ეგებ არც იღო შემთხვევით. შეიძლება, ვიღაცამ სწორედ იმ ადგილას შეწყვიტა კითხვა და ველარასდროს ვერ გააგრძელა, რადგან სწორედ იმ წუთს მიუტაკუნა კარზე ბედისწერამ, რათა სხვა საქმეზე გადაერთო, და შორს გაიტაცა წიგნებიდან, რომლებიც, ბოლოს და ბოლოს, ცხოვრება ხომ მაინც არ არის. ვერ მიხვდებოდი, წიგნი ბოლომდე იყო წაკითხული თუ არა. ისიც შეიძლებოდა გეფიქრა, რომ ყოველთვის სწორედ ეს ფურცელი უნდა გადაშლილიყო და სწორედ მას შლიდნენ კიდევ ყოველთვის, მერე რა თუ ზოგჯერ გვიან დამით! ყოველ შემთხვევაში, ეს გადაშლილი ორი გვერდი ისე მაკრთობდა, როგორც სარკე, რომლის წინაც ვიღაც დამდგარა. ეს გვერდები არ წამიკითხავს. ისიც არ ვიცი, მთელი წიგნი კი წავიკითხე თუ არა. წიგნი არ იყო მაინცდამაინც დიდი ღირსების, მაგრამ მთელ რიგ ამბებს გთავაზობდა, განსაკუთრებით ნაშუადღევს: ამ დროს ყოველთვის აღმოჩნდებოდა ხოლმე რაღაც ისეთი, რაც ჯერ კიდევ არ წამეკითხა.

მხოლოდ ორი ამბავი მახსენდება. ახლავე ვიტყვი, რომლები: გრიშა ოტრებიევის²⁵ სიკვდილი და კარლოს მამაციის²⁶ აღსასრული.

ღმერთმა უწყის, შთაბეჭდილება მოახდინა თუ არა მაშინ, მაგრამ ახლა, ამდენი წლის შემდეგ, დაწვრილებით მახსენდება, ცრუ მეფის გვამი ქვემოთ ბრბოში როგორ ისროლეს; და როგორ ეგდო იქ მთელი სამი დღე სახეზე ნიღაბაფარებული, დაჯიჯნილი და მთლად დაფლეთილი. ცხადია, მხოლოდ ამ ამბის გამო არ მივბრუ-

ნებივარ ამ პატარა, მწვანეყდიან წიგნს. მაგრამ ხსენებული ადგილი მართლაც განსაკუთრებული იყო. მინდოდა ხელახლა ჩამეკითხა, როგორ ჩაივლიდა დედასთან შეტყვედრა. ნამდვილად გრძნობდა გრიშა ოტრეპიევი, სხვის დედას მოსკოვში რომ ჩააყვანიებდა. უპქველია, იმ დროს ისე იყო დარწმუნებული საკუთარ თავში, რომ ის ქალი მართლა საკუთარი დედა ეგონა. მართლაც და იმ მარია ნაგაიამ²⁷ თავისი მწირი მონასტრიდან ეგზომ საჩქაროდ რომ გაემგზავრა, ხომ ყველაფერი მოიპოვა, როცა დაუდასტურა: მაგრამ განა არ უაიბზარა მისი სიმტკიცე იმით, რომ დედამ ის აღიარა? ჩემთვის არ არის უცხო, ვიფიქრო: ამ ადამიანის გარდასახვის ძალა მაშინ აღწევდა მწვერვალს, როცა ის ამქვეყნად არავისი ეყუი აღარ იყო.

¹(საბოლოოდ ეს არის ძალა, ყველა იმ ახალგაზრდისა, ვინც თავის კვრას სტოვებს და მიდის).

ხალხმა, რომელსაც იგი სურდა, ისე რომ წარმოდგენაც არ ჰქონდა მასზე, კიდევ უფრო დიდი, უსაზღვრო შესაძლებლობანი და თავისუფლება მიანიჭა. მაგრამ დედის განცხადებას, თუნდაც როგორც შეგნებულ ტყუილს, აღმოაჩინდა ძალა მისი შებოჭვისა. მან გამოირიყა ოტრეპიევი მისი გამოგონების სისავსიდან, ღონემიხდილ მიმბაძველად გადააქცია, აქცია იგი ცრულ და თვალთმაქცად: რადგან რაღაც ერთსა და ცალკეულზე ჩამოაქვეითა მისი ზოგადობა. და აი, მოვიდა ის მარია მნიშეკი²⁸, რომელმაც უფრო რბილად და ჩუმად გააღლო მისი გამოწავონის სიმტკიცე: თავის მხრივ უარყო იგი, და, როგორც შემდეგ გამოირკვეა, ოტრეპიევს კი არა სჯეროდა, არამედ ყველასი. არ მახსოვს, იყო თუ არა ეს ამბავი იმ წიგნში სათანადო სიღრმით წარმოდგენილი. მგონი, ღირს მოყოლა.

როგორც არ უნდა იყოს წარმოდგენილი, ერთი ცხადია: მოძველებული სულაც არ არის. მაგრამ ისეთი მთხრობელი უნდა არსებობდეს, ვინც დიდის სიფაქიზით მოეკიდებოდა. ცრუმეფის სიციცხლის სულ ბოლო წუთებს. და მართალიც იქნებოდა. რა აღარ ხდება იმ ბოლო წუთებში: როგორ ისკუბა მან თავისი უშინაჯანესი ძილიდან ფანჯარისკენ, ფანჯრიდან კი ეზოში — მცველთა შორის. ისკუბა, მაგრამ აი, ველარ წამოდგა. მცველები ეხმარებიან. ალბათ, ფეხი მოიტეხა. ორნი მხრებში შეუდგნენ და გრძნობს:

¹ ხელნაწერში კიდევუა მიწერილი. (ჩილკეს შენიშვნა).

სჯერათ მისი. ირგვლივ ისეღება, სხვებსაც სჯერათ, თ-თემის ებრა-
ლებათ: ამ გოლიათ „სტრელეცებს“. შორიდან მოდის ეს სიბრა-
ლული. ივან გროზნის იცნობდნენ ისინი, და ახლა სჯერათ მისი,
ცრუმეფეს სურს განუმართოს, გააგებინოს, მაგრამ ახლა პირის
გაღება დაყვირებას ნიშნავს: ჰკუიდან შემშლულად სტკევა ფეხი,
და იმ წუთს ისე ნაკლებად ფიქრობს თავის თავზე, რომ აღარაფერი
ახსოვს ტკივილის გარდა. და თან დროც აღარ იცდის. აი, ისინი
მიაწყდნენ კიდეც, შუისკის²¹ ხედავს და მის ზურგს უკან ყველა
დანარჩენს. მალე ყველაფერი დამთავრდება. მაგრამ აქ, უცებ: შუ-
იმართნენ მისი მცველები. ისინი მას არ გასწირავენ. და სასწაული
ხდება. ძველ მეომართა რწმენა სხვებსაც გადაედო. აღარაფერს ცდი-
ლობს დაეწიოს და შუისკი — სასოწარკვეთილი იძახის ფანჯრის-
კენ. იგი თავსაც კი არ აბრუნებს. კარგად იცის, ვის უძახიან, ვინ
დგას შიგნით, იმ ფანჯარასთან. გრძობს: სიხუმე ჩამოვარდა. ყო-
ველგვარი გადასვლის გარეშე უცებ დადუმდა ყველაფერი. ახლა
გაისმება ხმა, რომელსაც მეფობის დროიდან იცნობს, მაღალი, ყალ-
ბი ხმა, მუდამ ზედმეტად რომ იძაბება. და აი, მოუსმა კიდეც ძა-
ხილი დედა-დედოფლისა, ხმა, რომელმაც იგი უარყო.

აქამდე საქმე თავისით მიდიოდა. მაგრამ ახლა, მთხრობელი,
მთხრობელი, თუ შეიძლება! რადგან იმ ბოლო სტრიქონებიდან,
რომლებიც დაგვრჩა, ის ძალა უნდა ამოიმართოს, ყოველგვარ შე-
უსაბამობას რომ დააცხრობს და გადასცდება. არა აქვს მნიშვნელო-
ბა, მიღებულია თუ არა ამის აღნიშვნა, მაგრამ მთხრობელმა უნდა
დაიფიქროს და შეგვაგონოს, რომ დედოფლის ძახილსა და პისტო-
ლეტის გასროლას შორის მასში ჯერ კიდევ ბორგავდა უკიდურე-
სად დაწნეხილ-შეკუმშული ძალა და ნება: ყოფილიყო ყ ვ ე ლ ა-
ფ ე რ ი. სხვაგვარად გაუგებარი იქნება ეს ბრწყინვალე თანმიმ-
დევრობა, რომ წამში დაცხრილული ღამის სამოსი ისე ჩაუჭურთეს
ჯერაც თბილ ხორცში, თითქოს პიროვნების სიმაგრე უნდა დაეფშ-
ვნათ და დაეკუწათ მის მკვდარ სხეულში. და რომ სიკვდილშიც ნი-
ლაბს ატარებდა, მთელი სამი დღე, ნილაბს, რომელიც თითქმის
უარყო.

ამ ამბავზე ფიქრისას უცნაური, მეჩვენება, რომ იმ კაცს აღ-
სასრულიც ამავე წიგნში იყო მოთხრობილი. რადგან ის კაცი ხომ

მთელი ცხოვრება ერთი იყო, ერთი და იგივე, ტინივით მაგარი და ნირჟუცვლელი, სულ უფრო მძიმე ტვირთად რომ აწვებოდა იმ აღამიანთ, ვინც მას უძლებდნენ. მისი ერთი სურათია გამოფენილი დიკონში³⁰. მაგრამ უსურათოდაც ცნობილია, რომ ეს კაცი ტანდაბალი იყო, ანჩხლი, თავნება და სასოწარკვეთილი. ხოლო მის ხელებს რაც შეეხება, მათზე კი შეიძლება დღემდე არვინ დაფიქრებულა. ეს გახლავთ ავად მხურვალე ხელები, სულ რომ გაგრილებას ნატრობენ და უნებურად ცივ საგნებს ეტანებიან, თითებგაფარჩხული: რათა თითებშორის ჰაერმა გაუაროთ. ამ ხელებს ისე მიაწყდებოდა ხოლმე სისხლი, როგორც თავში უვარდებათ სხევებს. და ისინიც აღამიანთა თავებივით მომუშტულიყვნენ, იმ თავებივით, რაღაც გიჟური გაელვებანი რომ ამობოქრებთ.

წარმოუდგენელი სიფრთხილე სჭირდებოდა ცხოვრებაში ამ სისხლის პატრონს. და ჰერცოგიც თავის სისხლთან ერთად საკუთარ წილში ჩაკეტილიყო და დროდადრო ძრწოდა, როდესაც გრძნობდა, როგორ უვლიდა სისხლი მთელ ტანში — იქ ჩამწყვდეული და ჩაწყვდიადებული. შემზარავად უცხო ეჩვენებოდა ეს სწრაფი, მოუხელთებელი, ნახევრად პორტუგალიური სისხლი, თავადაც რომ არ იცნობდა ხეირიანად. ზოგჯერ ეშინოდა, ძილში არ მეცეს და არ გამფატროსო. თავი ისე ექირა, თითქოს მოთოკილი ჰყავდა, მაგრამ სწორედ სისხლი გახლდათ მისი შიშის უწყვეტი წყარო. ქალის შეყვარებაც ვერ გაებედა, რომ სისხლს არ ეექვიანა, და არც ღვინოს აკარებდა პირს. სისხლს, ღვინის ნაცვლად, ვარდის მუხით ამონშინებდა, თუმცა ერთხელ მაინც დალია: ლოზანასთან გაშლილ ბანაკში³¹, როდესაც გრანსონი³² დაიკარგა. ავად იყო მაშინ, ლოგინად ჩავარდნილი, და ბევრი ღვინო დალია, წითელი ღვინო. მაგრამ მაშინ ეძინა მის სისხლს. თავის უაზრო, ბოლო წლებში ზოგჯერ ჰერცოგს მძიმე, ცხოველური ძილი შთანთქამდა ხოლმე, და მაშინ ცხადად ჩანდა, სისხლი როგორ მთლიანად ბატონობდა თავის პატრონზე. რადგან თუ სისხლს ეძინა, ისიც ყოველგვარ ძალას ჰკარგავდა. არავინ უნდა გაჰკარებოდა სიახლოვეს; არ ესმოდა, რას ეუბნებოდნენ. უცხო ელჩებთანაც ვერა ჩნდებოდა: ისეთი დაშრეტილ-დაცლილი იყო. ისიც იჯდა და იცდიდა: როდის გაიღვიძებდა სისხლი, რომელიც ერთი ნახტომით წამოვარდებოდა ხოლმე უეცრად, გულიდან რნთხეოდა და ღრიალებდა.

ამ სისხლის გულისთვის იყო, თან ათასნაირ საგნებს რომ და-

ათრევდა, საგნებს, რომლებიც სინამდვილეში არაფრად უღირდა. სამ ვეება ბრილიანტსა და სხვა იშვიათ თვლებს; დახვეწებულ ფლანდრიულ მაქმანებსა და არასულ ხალიჩებს; თან დაჰქონდა ოქროს-თასმებოანი აბრეშუმის კარავი თავისთვის და ოთხასი კარავი ამალისათვის; ხეზე მოხატული სურათები და სუფთა ვერცხლში ჩამოსხმული თორმეტი მოციქული. მუდამ თან ახლდნენ ტარენტის პრინცი და ჰერცოგი ფონ კლევე, ფილოპ ფონ ბადენი და château de Yvon-ის დიდი მთავარი. რაღვან მას სურდა შეეგონებინა თავისი სისხლისთვის: მეფე ვარ და ჩემზე ვერავინ იბატონებსო. რათა სისხლს მძიი შინებოდა. მაგრამ სისხლი ყურს არ უგდებდა, ამ საბუთების ვიუხედავად არ უჭერებდა: უნდო სისხლი იყო შეიძლება ერთ წუთით კი შექოქმანდა, მაგრამ მალევე გამოერკვა: ურის ბუკებმა³³ გასცეს ჰერცოგი და მას შემდეგ მყარად იცოდა ჰერცოვის სისხლმა, რომ ის დამარცხებული ადამიანის ტანში სახლობდა. იცოდა და გარეთ იწევდა.

ასლა ამგვარად მეხატება კარლოს მამაცი. მაშინ კი, ამ წიგნს როცა ვკითხულობდი, ყველაზე მეტად ის ამბავი მალეღვებდა, მას რომ დაეძებდნენ სამი მოგვის დღეს.

არნახული შმაგი ბრძოლის შემდეგ ახალგაზრდა ლოტარინგიელი თავადი დილაადრიან ნანსში³⁴ შემოიჭირითდა და მთელი ქალაქი წამოშალა. ჰერცოგს ეძებდა. შიკრიკს შიკრიკზე გზავნიდნენ და თავადი თვითონაც ხშირ-ხშირად ჩნდებოდა ფანჯარასთან, შეწუხებულ-შეშფოთებული; ყოველთვის ვერ სცნობდა, ვინ მოჰყავდათ ეტლებითა თუ საკაცეებით, მაგრამ ჰერცოგი რომ არ იყო, ამას ხედავდა. ვერც დაჭრილებში იპოვეს და ტყვეებიდანაც, რომელთა რიცხვიც სულ მატულობდა, არვინ აღმოჩნდა მისი მნახველი. ხოლო ლტოლვილებს ოთხივ მხარეს მიჰქონდათ მისი გაუჩინარების ამბავი და თან შიშისგან აცახცახებდათ, ვაითუ სადმე გადავაწყდეთო. უკვე შებინდდა, ჰერცოგის ასავალ-დასავალი კი ჯერ ვერ გავგოთ. მისი დაკარგვის ცნობას ზამთრის იმ გრძელ საღამოს საკმაოდ რო ჰქონდა, იქაურობას მოსდებოდა, და სადაც კი აღწევდა, ყველგან გადაჰარბებულ, შმაგ რწმენას აღძრავდა, რწმენას: რომ ის კაცი ცოცხალი იყო. აღბათ, ჰერცოგი არასოდეს ყოფილა აგრე ნამდვილი ადამიანთა წარმოდგენაში, როგორც იმ დამეს. არ დარჩა სახლი, სადაც არ ფხიზლობდნენ, არ ელოდნენ და წამდაუწყუმ მისი კაკუნი არ ელანდებოდათ. და სჯეროდათ: თუ არ მივ-და, მხოლოდ იმიტომ, რომ დაუკაკუნებლად ჩაიარა გზად.

ყინავდა იმ ღამით და თითქოს გაიყინა რწმენაც — რომ პერცო-
გი ცოცხალი იყო, ისე გამყარდა ეს აზრი, მრავალ, მრავალ წყალს
უნდა ჩაეღო, ვიდრე გაღლებოდა. თუმცა არაფერი იცოდნენ მი-
სი, ყველამ დაიყინა, ცოცხალიაო. ბედი, რაც პერცოგმა თავს და-
ატებათ, მხოლოდ მისი პიროვნების წყალობით გამხდარიყო ასატა-
ნი. მათ ისე ძნელად შეითვისეს მისი ყოფნა და არსებობა, რომ ახ-
ლა უცებ აღმოაჩინეს: კარგად დამახსოვრებოდათ და ველარაფრით
დაივიწყებდნენ.

მაგრამ მეორე ღღეს, 7 იანვარს, სამშაბათს, ძებნა განახლდა.
ამჯერად წინამძღოლი გამოჩენილიყო — პერცოგის პაეი. ამბობდნენ,
თითქოს პაეს შორიდან დანახა. როგორ დაეცა მისი ბატონი და
ახლა ადგილი უნდა ეჩვენებინა. თვითონ პაეი ხმას არ იღებდა,
გრავ ფონ კამპო-ბასოს³⁵ მოეყვანა და მის მაგივრადაც თვითონ
ლაპარაკობდა. პაეი წინ წავიდა და დანარჩენებიც ახლოს მიჰყენენ.
ვინც მას ასეთს — ზოსასტაში გახვეულსა და უცნაურად დაბნულს
ხედავდა, ძნელად ირწმუნებდა. რომ ის მართლაც გოგონასავით ლა-
მაზი და ეიწროკიდურებიანი ჯანბატისტა კოლონა იყო. სიცივისა-
გან კანკალებდა. ღამის ყინევას ჰაერი გაეხეხეშებინა. მათ ფერხთა
ქვეშ თოვლი კბილთა ღრქიალავით ხმას გამოსცემდა. ყველანი ითო-
შებოდნენ. მხოლოდ პერცოგის მასხარა — მეტსახელად ლუდოვიკ
XI³⁶ დაწრილებდა. იგი ძაღლს განასახიერებდა. წინ გარბოდა,
უკანვე ბრუნდებოდა, მერე ბიჭის გვერდით ოთხზე იწყებდა ხტუნ-
ვას, მაგრამ წინ სადმე ვიღაცის ცხედარს თვალს რომ მოჰკრავდა,
გახტებოდა, სკუპ-სკუპით მიიბრუნდა და წელწახრილი ყურში
ჩასჩურჩულებდა: „თავს ცოტა ძალა დაატანე და გახდი ის კაცი.
ვისაც ჩვენ ვეძებთო“. დაფიქრების დროს აძლევდა და მერე ისევ
ცოცხლებთან ბრუნდებოდა გაბრაზებული: იმუქრებოდა, იწყევ-
ლებოდა და ქოქოლას აყრიდა მკვდრების სიჯიუტესა და წელმო-
წყვეტილობას. და აი ასე, უსასრულოდ და გაუთავებლად. ქალაქი
თითქმის აღარ მოჩანდა, რადგან სიცივის მიუხედავად მოიქუფრა
და ნისლი ჩამოწვა, თვალთან თითსაც კი ვერ მიიტანდი. მიდამო
ბრტყლად და გულგრილად განფენილიყო და პატარა, შემქიდრო-
ებულ ჯგუფს სულ უფრო ებნეოდა თავგზა, რაც უფრო წინ მი-
იწევდა. არავინ იღებდა ხმას. მხოლოდ ერთი ადევნებული დედაბე-
რი რაღაცას ლულულულებდა გაუთავებლად და თავს აქნევდა. ალბათ,
ლოცულობდა.

უცხად მეწინავე შეჩერდა და მიმოიხედა. შემდეგ ოდნავ შებრუნდა ლუპისაკენ, ჰერცოგის პორტუგალიელი ექიმისაკენ და წინ გაიშვირა ხელი. რამდენიმე ნაბიჯის მოშორებით ყინული მოჩანდა, გაყინული გუბურა თუ ტბორი, და იქ ათიოდე დამტვრეულ-დასახინჩრებული, შიშველი და გაძარცული გვაში ეგდო. წელში მოხრილი და ყურადღებად ქცეული ლუპი ხან ერთთან მიდიოდა, ხან მეორესთან. და სხვებმაც, ახლა ცალ-ცალკე რომ მიმოდითნენ, სათითაოდ ამოიცივენ ოლივიე დე ლა მარში³⁷ და კარის მღვდელი. დედაბერმა კი ჩაიჩქა და წრიბინ-წრიბინით დაინხარა თოვლდანი ამოჩრდილი ერთი დიდი, გაფარჩხული ხელისმტევნისკენ, რომლის გახევებული თითებ-ც უჭიათად ამოსცქეროდნენ. ყველა იქით გაემართა. ლუპიმ და კიდევ რამდენიმემ პირქვედამშობილი გვამის გადაბრუნება სცადეს, მაგრამ დამზრალი სახე ყინულს დაჰკვროდა და რომ ააგლიჯეს, ცალი ლოყა თხლად ჩამოეფტქვნა, ხოლო მეორე სულ აღარ ჰქონდა — ძალლებსა თუ მგლებს გამოეჭამათ. სწეულიც შუაზე გადაპობოდა: ყურიდან იწყებოდა ვეება კრილობა. ისე რომ, სახეზე ლაპარაკიც კი ზედმეტი იყო.

ყველამ ირგვლივ მიმოიხედა, რომაელები ხომ არ გვიდგანან ზურგს უკანო³⁸. მაგრამ მხოლოდ მასხარა დაინახეს, გაანჩღებულმა და გასისხლიანებულმა რომ მოიჩბინა. რალაც მოსასხამი ექირა განზე გაწვდილი და ისე ბერტყაედა, თითქოს იქიდან რალაც უნდა ჩამოვარდნილიყო. მაგრამ მოსასხამი ცარიელი აღმოჩნდა. ადგნენ და სხვა ნიშნების ძებნა დაიწყეს, და მართლაც წააწყდნენ რალაც წერილმანებს, რითაც ჰერცოგს ამოცნობა შეიძლებოდა. ცეცხლი დაანთეს და ცხედარი თბილი წყლითა და ღვინით განბანეს. აი, ნაიარევი გამოჩნდა ყელზე და ორი დიდი აბსცესის ნაკვალევი. ექიმს ეჭვი აღარ ეპარებოდა, მაგრამ მანც განაგრძეს ძიება. ლუდოვიკ XI-მ რამდენიმე ნაბიჯის მოშორებით უზარმაზარ, შავი ცხენის — მოროს გახევებული ლეში იპოვა. ამ ცხენზე ამხედრებული გამოვიდა ჰერცოგი იმ დღეს ნანსიდან. ახლა კი მასხარა გადაჯდა და მოკლე ფეხები ააქანავა. სისხლი ისევ სწვეთდა ცხვირიდან და პირში ჩასდიოდა, და შეამჩნიეს, რომ გემოს უსინჯავდა საკუთარ სისხლს. ვრაცას მსახურებიდან გაახსენდა, ჰერცოგს მარცხენა ტერფზე ფრჩხილები ჰქონდა ხორცში ჩაზრდილიო, და ყველანი ფრჩხილის ძებნას შეუდგნენ. მასხარა კი ისე ათახთახდა, თითქოს უღიტინებენო და დაიყვირა: „ე, მოსინიორო! მოუტევე ამ ბრყეებს, რომ ისინი შენს უხეშ შეცდომებს ამზეურე-

ბენ და ვერა გცნობენ ჩემს გრძელ სახეზე, სადაც შენი სათნოება-
ნი შეკრებილან¹“.

¹ (პირველად სწორედ ჰერცოგის მასხარამ იხილა გაპატიოსნე-
ბულ-დასვენებული ცხედარი ვინმე გეორგ მარკიზის სასახლეში.
არაღუნ იცოდა, როგორ მოახერხა. სუღარა ჯერ არ გადაეფარები-
ნათ. ასე რომ, მან სრული შთაბეჭდილება მიიღო. კამზოლის სი-
თეთრე და მოსასხამის მეწყამულობა ბასრად და მტრულად ემიჯნე-
ბოდნენ ერთმანეთს ბალდახინისა და სარეცელის ორგვარ სიშა-
ვეში. წინ ოქროსდებნიანი, ხასხასა წითელი ჩექმები გაქვავებუ-
ლიყვნენ. ხოლო ზემოთ: რაკი გეორგეონი მოჩანდა. მაშასადამე
გარდაცვლილის თავი ესვენა. ეს დიდი, მძიმე საჰერცოგო გვირგვი-
ნი უახლდით, მოოქვილი ათასგვარი ძვირფასი თვლებით. ლუდოვიკ
XI დინჯად მიდი-მოდოდა და ყველაფერს ყურადღებით აკვირ-
დებოდა. ატლასიც კი გასინჯა, მიუხედავად იმისა, რომ ქსოვილე-
ბისა ბევრი არაფერი გაუგებოდა. კარგი ატლასი უნდა ყოფილიყო,
თუმცა, ბურგუნდელთა გვარისათვის თითქოს უბრალო. უკან დაი-
ხია. რათა მთელი სანახაობისათვის უკეთესად მოეველო თვალი. ამ
თოვლისმიერ მკვეთარ სინათლეში ფერები საოცრად არ ეხამებო-
დნენ ერთმანეთს და მასხარას თითოეული ამ ფერთაგანი მკაზედ
და განცალკევებულად ებეჭდებოდა მზერაში.

„კარგადაა გამოწყობილი. — აღიარა ბოლოს, — მაგრამ ზედმე-
ტად ეტყობა მონღოლების კვალი“. სიკვდილი მას თოჯინებით მო-
თამაჟე მსახიობად ეჩვენებოდა, რომელსაც უცბად დასჭირდა ჰერ-
ცოგი.)



სწორედ იქცევიან, როცა ზოგიერთ ფაქტს, რისი შეცვლაც
ალარ შეიძლება, ყოველგვარი სინანულისა და განსჯის გარეშე,
უბრალოდ აღარებენ. აგრე უნდა ვაღიარო, რომ ნამდვილი მკითხ-
ველი არასდროს ვყოფილვარ. ბავშვობაში კითხვა რალაც პროფე-
სიად მიმაჩნდა, რომელიც, მერე როცა გავიზრდებოდი, მრავალ
სხვა ვალდებულებასთან ერთად უნდა მეტვირთა. გულწრფელად
რომ ვთქვა, ზუსტად არ ვიცოდი, როდის დადგებოდა ეს ხანა. ვფიქ-

¹ ხელნაწერში კიდევუა მიწერილი. (რილკეს შენიშვნა).

რობდი, ალბად, მაშინ დაიწყება, როცა ცხოვრება მეტ-ნაკლებად შეეცვლება და უცებ გარედან მომეახლება, ისევე როგორც ახლა ჩემივე წიალიდან ამოდის-მეთქი. რატომღაც მეგონა, დიდობაში ცხოვრება უფრო ცხადი, მკაფიო, ერთნიშნა და გასაგები გახდებოდა. მარტივი კი არა, არა, პირიქით: უფრო პრეტენზიული, ჩაბლართული და მძიმე — ჩემს გამო, მაგრამ მაინც ხილული. მჯეროდა, იმ დროისათვის უკვე დაძლეული და უკან მოტოვებული მექნებოდა ბავშვის უცნაურად მოუსვლელადელი სამყარო: ვერგასამიჯნი, ვერგასარკვევი და ვერგასათვალისწინებელი. ცხადია, არ ვიცოდი, ეს რა გზით მოხდებოდა. სინამდვილეში, ჩემი შინაგანობა ჯერჯერობით მხოლოდ მატულობდა, ყოველი მიმართულებით ფართოვდებოდა. რაც უფრო მეტად ვიხედებოდი გარეთ, მით უფრო მეტად ვამღელვარებდი საკუთარ ზილამეს: იგი სულ უფრო უძირო ჩანდა. ღმერთმა უწყის, საიდან იღებს სათავეს ბავშვის ეს უკიდვგანო, უშრეტო წიალი. მაგრამ, ალბათ, უკიდურესი სიჭარბისათვის უნდა მივლწია, რათა ერთბაშად გადმოვდრილოყო. იოლი შესამჩნევი გახლდათ, რომ დიდებს ის ნაკლებად აწუხებდათ: დადოლნენ, მსჯელობდნენ და მოქმედებდნენ — ვითომც არაფერა, და თუ რაიმე გაჭირვება ადგათ — სულ გარეგანი ცხოვრებით გამოწვეული.

აი, ამ დროისთვის გადავდე წიგნის კითხვა, როცა მეც შევიცვლებოდი; დიდი გავხდებოდი. ვფიქრობდი, წიგნებთან ისეთ ურთიერთობას დავამყარებ, როგორც ნაცნობებთან, და დროც იკიდენი მექნება, რამდენიც ერთ ადამიანს სჭირდება-მეთქი: თანაბრად და სასიამოვნოდ მიმდინარე დრო. ცხადია. შეიძლებოდა სხვა წვრილმანებისაკენ უფრო გაეწია გულს და, ალბათ ვერც უარს ვიტყოდი, ნახევარი საათი მაინც დამეთმო: გასეირნებისათვის თუ ნაცნობებთან შეხვედრისათვის; ან სასწრაფო წერილის დაწერა დამპირდებოდა ან კიდევ მომინდებოდა რომელიმე სპექტაკლის დასაწყისი ერთხელ კიდევ მენახა თეატრში და აგრე წავიდოდა ცხოვრება. მაგრამ, ღმერთო ჩემო, ბავშვობის ის ენითგამოუთქმელი საშინელებანი ხომ ნამდვილად გამორიცხული იქნებოდა! თმა რომ უცებ ყალყზე გიდგება და მერე გადაგტკიცება, თითქოს ვიღაც თავზე დაგაწვაო, ყურებზე ცეცხლა რომ წაგეკიდება მოულოდნელად და ხელები კი რკინასავით გაგეთოშება, ან გრძელი

სანთელი შენს წინ ნელ-ნელა რომ ჩაიღვენთება და ოთახი ჩაწყვ-
დიადდება.

ამ ამბებს ახლა მისთვის ვისხენებ, რომ ეს ყველაფერი განსა-
კუთრებით მძაფრად განვიცადე მაშინ ულსგორში, არღადეგებზე,
როცა უცებ დავიწყე კითხვა. მაშინვე გამოჩნდა: წიგნის კითხვა ჯერ
არ შემეძლო. ალბათ, უფრო ადრე შევუდექი ამ საქმეს, ვიდრე
მოფიქრებული მქონდა. მაგრამ იმ წელს სორიოში, ჩემს თანატო-
ლებს შორის უნდობლად განვეწყვე წინასწარ მოფიქრებული გუგუ-
ბისადმი. იქ სწრაფი, მოულოდნელი ამბებუ მატყდებოდა თავს, ამ-
ბები, რომლებიც. აშკარა იყო, სულაც არ მთვლიდნენ ბავშვად,
და იმ სიმძიმით მაწვებოდნენ, რა სიმძიმეც ცხოვრებაში გააჩნდათ.
და რაც უფრო ჩავწვდი მათ სინამდვილეს, მით უფრო ცხადლივ
დავინახე, რა უსასრულო იყო ბავშვის სამყარო. მივხვდი: ეს სამყა-
რო არასდროს ამოიწურებოდა, იგი არ შეწყვეტდა არსებობას,
თუმცა სხვა ცხოვრება უკვე დაიწყო. ვამბობდი, ყველასა აქვს უფ-
ლება საზღვარი გაავლოს ბავშვობასა და დიდობას შორის, მონა-
კვეთებად დაყოს-მეთქი თავ-სი ცხოვრება. მაგრამ ეს მონაკვე-
თები გამოგონილია და ვერც მე მოვახერხე მათი დადგენა: რამ-
დენჯერაც დავაპირე. ცხოვრებამ იმდენჯერმე მაგრძნობინა: ეგეთი
რამ მე არ ვიციო. მაგრამ, როცა არ დავუთმე და დავიჟინე, ჩემი
ბავშვობა უკვე წავიდა-მეთქი, მაშინვე მთელი მომავალიც გადამე-
კარგა, და იმხელა საყრდენილა დამრჩა, რამდენიც კალის სათამაშო
ჯარისკაცსა აქვს ფეხქვეშ, რათა როგორმე დგომა შეიძლოს.

ამ აღმოჩენამ, ცხადია, კიდევ უფრო მეტად გამრცა ყველასა-
გან, ჩემსავე თავში გამიჩინა საქმე და მერე იმ საბოლოო სინარუ-
ლით ამავსო, რომელიც მე მწუხარებად ჩავთვალე, რადგან იგი
დიდად სცილდებოდა ჩემს მაშინდელ ასაკს. იმხანად ისიც მაწუხებ-
და, რომ, რაკი წინასწარ რაიმეს დაგეგმვა შეუძლებელი აღმოჩნდა,
მაშასადამე, ზოგი რამ საქმის განხორციელება საერთოდ შეუძლე-
ბელი იქნებოდა. და აა, აგრე განწყობილი რომ დავბრუნდი ულს-
გორში და ყველა წიგნი ერთად დავინახე. მაშინვე ვეცი. ჩქარ-ჩქა-
რა ვკითხულობდი და თან სინდისი მაწუხებდა. მაშინ ბუნდოვნად
ვგრძნობდი, შემდეგ კი უკვე აშკარა ვახდა: ან არც ერთი წიგნი არ
უნდა აიღო ხელში, ან ყველა უნდა წაიკითხო. ყოველი სტრიქონით
მთელი სამყარო მეხსნებოდა. წიგნებამდე ეს სამყარო წმინდა იყო,
და. ალბათ, მთლიანიც — ვიდრე მათ მიღმა იდგა. მაგრამ ახლა

როგორ ამომეკრება იგი ყველა წიგნიდან, როცა კითხვა არსებითად არ შემეძლო?! ეს წიგნები კი ეწყო იქ, ჩემს წინ, თვით ამ მოკრძალებულ ბიბლიოთეკაშიც ასეთი სასოწარმკვეთი სიმრავლით წარმოდგენილი: ერთმანეთის გვერდიგვერდ ჩამწკრივებულ იყვნენ და ერთმანეთს გულისხმობდნენ. მე კი ხან ერთ წიგნს ვეცემოდი გონდაკარგული, ხან მეორეს, და ისე მივარღვევდი ფურცლებს, თითქოს ციხესიმაგრე მქონდა ასალები. მაშინ წაეკითხე შილერი და ბაგესენი³⁹, ელენშლეგერი⁴⁰ და შაკ სტაფელდი⁴¹, ვალტერ სკოტის ყველაფერი, რაც იყო, და კალდერონი. ბევრი შემხვდა ისეთი წიგნი, დიდი ხნის წაკითხული რომ უნდა მქონოდა წესით, ზოგიც ისეთი, რომლის წაკითხვაც ჯერ აღრე იყო. ჩემი ასაკისთვის შესაფერი არაფერა ჩანდა, და მაინც ვკითხულობდი.

უფრო გვიან, წლები რომ გამოხდა, ზოგჯერ ასეთი რამ მემართებოდა: ღამთაღამოთ უცბად ვიღვიძებდი და ვხედავდი, ვარსკვლავები რა ნამდვილად ენთო ზეცაზე, აღვსებული რაღაც აზრით და მნიშვნელობით, და არ მესმოდა, როგორ შეიძლებოდა ამხელა სამყაროს გაცდენა, ძალში გამოტოვება. და აი, დაახლოებით ამგვარი განცდა მეუფლებოდა წიგნის კითხვისას, უცებ თავს რომ ავიღებდი და ვხედავდი: გარეთ ზაფხული იდგა და აბელონე მეძახდა. რაღაც მოულოდნელად დაგვემართა ეს ამბავი: რომ იგი იძახდა და მე არ ვპასუხობდი. თანაც ხსენებული უცნაურობა სწორედ ჩვენი ურთიერთობის უნეტარეს დღეებში დაიწყო. მაგრამ რაკი ერთხელ შემიძყრო კითხვამ, მეც შმაგად მივეჩაქვე და ჩვენს ყოველდღიურ დღესასწაულებს უგუნურა ქედმაღლობით ვემალებოდი. მე ხომ ვერასოდეს ვახერხებდი ბუნებრივი ბედნიერების უჩუმარ ნეტარებათა შერეებას. ახლაც მოახლოებული განხეთქილების წინაშე, მომავალ შერიგებას ვპირდებოდი საკუთარ თავს, შერიგებას, რომელიც მით უფრო ტკბილი მეჩვენებოდა. რაც უფრო შორს მეგულებოდა.

სხვათა შორის, ჩემი გაბრუებული და შმაგი კითხვა ისევე უეცრად შეწყდა, როგორც დაიწყო, აი. სწორედ მაშინ, როცა გვარიანა შეხლა-შემოხლა მოგვივიდა. აბელონესაც არ დაუკლოა გესლი და ბრაზი, და მერე, როცა ბალის ჩეროწი შემთხვევით შევხვდით ერთმანეთს, მიმტკიცებდა, მეც შინ ვზივარ და წიგნს ვკითხულობო. და დადგა ის კვირა დილაც: თუმცა დახურული წიგნი მართლა ელო გვერდით, მაგრამ თვითონ საჭიროზე მეტად გატაცებული ჩან-

და მოცხარის შეგროვებით: პაწია ჩანგლით ნელა აცლიდა მარცხლებს დახუნძლულ კუნწულას.

ისეთი დილა იყო, ივლისში რომ იცის ხოლმე; როცა მსუბუქად მიედინებოდა ცინცხალი. დასვენებული საათები და ყველგან თავისთავად ხდება რაღაც სასიხარულო. მილიონობით უნებლიე მოძრაობისაგან იკერება უსაზღვროდ დამაჯერებელი ყოფიერების მოზაიკა. საგნები თითქოს ერთმანეთში და ჰაერში ვიბრირებენ, ჰაერის სიგრილე ჩრდილებს ამკაფიოებს, მზის ნათებას კი ჰაეროვან, სულეირ ნათებად აქცევს. ასეთ დროს ბაღში არ არსებობს მთავარი და არამთავარი. ყველგან ყველაფერია. და ყველაფერში უნდა ჩაერთო, თუკი გინდა, არაფერი გამოგრჩეს.

აბელონეს ამ უბრალო საქმიანობაში ბალის ეს დიდი მთლიანობა მეორადებოდა. რა ბედნიერი გამოგონებაა, აი ეს — რასაც და როგორც აბელონე აკეთებს-მეთქი, გავეფიქრე. მისი ჩრდილდაფენილი, თეთრი ხელები შეხმატკბილებულად და მსუბუქად ფუსფუსებდნენ, ჩანგლის კბილებიდან კი ყოჩაღად ხტებოდნენ მოცხარის მარცვლები ვაზისცვრიანფოთოლჩაფენილ ჯამში, სადაც აღრე ჩაყრილი მარცვლები გროვა-გროვა შეჭგუფებულებიყენენ: წითელვარდისფერი, მზინავკანიანი, ციქნა ნაყოფები, ჯანმრთელ კურკებს რომ მალავდნენ მკვირვ წიაღში. არაფერი მსურდა იმის გარდა, აგრე ემდგარიყავი და უსასრულოდ მტკიცირა მისთვის, მაგრამ ვიცოდი, არ დამაცლიდნენ. და მეც ვითომ უშეულოდ და ლაღად ვიქცევი-მეთქი. ავდექი და ისევ წიგნს ვეცე, მეორე მხრიდან მივეუჩქეი მაგადას, და დიდხანს არ მიფურცლია, სადღაც ჩავეშვი.

„ეგებ ხმამალა მაინც წაიკითხო, წიგნის ჰიავ!“ — ჩაილაპარაკა აბელონემ ცოტა ხნის შემდეგ. რადგან მისი სიტყვები არცთუ გამომწვევად ჟღერდა, და კიდევ იმიტომ, რომ ვიფიქრე, დროა ანგარიში გავათანაბროთ-მეთქი, მაშინვე ხმამალა შევეუდექი კითხვას. უაზროდ ჩაეკითხე რაღაც ნაწყვეტი, მომდევნო სათაურამდე: „ბუტინას“⁴². „არა, არა, პასუხები არ გინდა“, — შემაწყვეტინა აბელონემ და ძალაგამოლეულივით დაუშვა ძირს პატარა ჩანგალი. მაგრამ მაშინვე გაეცინა ჩემს შემხედვარეს, ისეთი სახით ვიყურებოდი.

„ღმერთო ჩემო, რა საშინლად წაიკითხე, მალტე!“

რაღას ვიზამდი, უნდა მეღიარებინა, რომ არც გამიგია, რა წაუვიკითხე.

„მე მხოლოდ იმიტომ ვკითხულობდი, რომ შეგაწყვეტინებო-

ნა“; — გამოვეტყუდი და დამცხა, და წიგნი უკვე გადავეფურცლე, სა-
თაურისკენ, და ცნობისწაღალოთ ვკითხუ: „პასუხები რატომ არ
ვინდა?“

აბელონეს თითქოს არც გაეგონოს. ისე იჯდა, ღია ფერის კაბა-
ში გამოწყობილი, თითქოს შინაგანად თავისი თვალებივით ჩამუქ-
დაო.

„მომეცა“ — მითბრა უცებ, ლამის განრისხებულმა, წიგნი გამო-
მართვა. ჩანდა, სწორედ სასურველ ადგილას გადაშალა. არ ვიცი,
გავიგე თუ არა რაიმე მისი წაკითხულიდან, მაგრამ ისეთი განცდა
მქონდა, თითქოს საზეიმოდ დამპირდა, ამ ყველაფერს ოდესმე შუა
თავად გამოსცდიო. მისი ხმა თანდათან გაძლიერდა და ბოლოს იმგვარად
აყლერდა, როგორც სიმღერისას სჩვეოდა. და მე შემრცხვა.
ჩვენი შერიგება ესოდენ უმნიშვნელოდ რომ წარმოვიღვივებ. რაღ-
ვანაც მივხვდი: ჩვენ შევრიგდით. მაგრამ შევრიგდით სადღაც სხვა-
გან, რაღაც დიადში, ისეთ სიმალღეში, რომელსაც ჯერ კიდევ ვერ
ვწვდებოდა.



ის დაპირება ახლაც სრულდება. აჟო ეს წიგნი. ერთხელ რომ
შეერიო, მერე სამუდამოდ დარჩა კიდევ იმ წიგნებში, რომლებსაც
განუტყრელად თან დავატარებ. მეც იმ ადგილას გადამეშლება ხოლ-
მე, სადაც მაშინ აბელონემ გადაშალა და როცა ვკითხულობ, არც
კი ვიცი, ბეტიანაზე ⁴² ვფიქრობ თუ აბელონეზე. არა, ბეტიანა უფრო
განამდვილდა ჩემში, ხოლო აბელონე, რომელსაც ნამდვილად ვიც-
ნობდი, მისი მომამზადებელი საფეხური გახლდათ. და ახლა ბეტი-
ანაში გადამეზარდა, როგორც თავისსავე საკუთარ, მის უნებლიედ
მისგან გამომდინარე არსებაში, რადგან ბეტიანამ — ამ უპრცულესმა
ხატებამ ქალის — ადგილი დაუტოვა თავისი წერილების უსაზღვრო
სივრცეში. მან იმთავითვე ისე განავრცო სამყაროში თავისი თავი,
ისე განზავდა ყოველივეში, თითქოს საკუთარი სიკვდილის შემდეგ
ცხოვრობდა. ყველგან ღრმად შეიჭრა ყოფიერებაში, ყველანაირი
არსებობის წილი და ზიარი, და რაც ემართებოდა, ბუნებისმიერი
და ბუნებრივი იყო ყოველთვის. ბუნებაში შეიცნო მან თავისი თა-
ვი და თითქმის მტკივნეულად გაიწოვა უკანვე: მან ხელახლა გა-
მოიცნო ბუნებაში გაღვრილი თავისი არსება. თითქოს თქმულებებში

ეპოვოს იგი, როგორც სული თლისმწიველ ვარსებო უკან და გაეძღ-
ლო.

თითქოს წუთის წინ იყავი აქ, ბეტონა, — გხედავ! განა დედა-
მიწა ისევ თბილი არ არის შენით? და ჩიტებიც კვლავ სივრცეს უთ-
მობენ შენი ხმის წყრილს. ნამი, ალბათ. ის ალარაა, მაგრამ ვარს-
კვლავები ხომ იგივეა — შენს ღამებშიც ღამ ესენი ენთენს! და გა-
ნა მთელი ვრცელი სამყარო შენით არ არის? რადგან, გაიხსენე, თუ
რამდენჯერ მიეც იგი ცეცხლს: შენეული სიყვარულით ააგიზგიზე,
ღაინანე, როგორ გაჩაღდა. დაიფერფლა, ისევ აენტო, და რამდენ-
ჯერ შესცვალე სხვა სამყაროთი, როცა ყველას მშვიდად ეძინა. რა
თანხმობაში იყავი ღმერთთან. როცა მას ყოველ დღე-ცისმარე ახალ
დედამიწას ევეღრებოდა. რათა ყველა იქ მისულიყო, ყველა, ვინც
შექმნა. უბადრუკობად გეჩვენებოდა დედამიწის დაზოგვა, გაუმ-
ჯობესება, შენ მას ზოლომდე ხარჯავდი და ზელებს იწვდიდი სულ
უფრო დიდი სამყაროსათვის. რადგან შენი სიყვარული ყოველივეს
შეზრდოდა.

განა შეიძლება, რომ ირგვლივ ყველა შენს სიყვარულზე არ ლა-
პარაკობს? განა უფრო დიდი რა სასწაული მოხდა მას შემდეგ? უფ-
რო დასამახსოვრებელი? ნეტავ, ასეთს რას საქმიანობენ, რომ არ
სცალიათ? თვადვე იცოდი შენი სიყვარულის ფასი და ყადრი და
ხმამალა უთხარი შენი ქვეყნის უდიდეს პოეტს, რომ იგი შენს
გრძნობას მეტრამეტად აღამიანურს ჰდიდა. ეს სიყვარული ჯერ
ისევ სტიქიონი იყო. მან კი პოეტმა, ხალხს მოჰგინა, როცა მოგ-
წერა. აწ ამ პასუხებს კითხულობს ყველა და მათი უფრო ესმით
და სჯერათ, ვიდრე შენი სიყვარულისა, რადგან ხალხისთვის პო-
ეტი მუდამ ბევრად მეტს ნიშნავს, ვიდრე ბუნება. მაგრამ ერთხე-
ლაც ეგებ გამოჩნდეს, რომ სხენებული პასუხები იყო სწორედ
ზღვარი მისი სიდიდისა. ეს მეტრფე ქალი მას დაეკისრა და მან
ვერ გაუძლო ამ დავალებას. აბა, რას ნიშნავს: „პოეტს არ შეეძლო
მის გრძნობაზე ეპასუხაო“. ასეთ სიყვარულს შეგებება არა ჰჭი-
რდება, იგი ძახილსაც და პასუხსაც თვითონ შეიცავს. იგი თავის
თავს თვითონ უსმენს, თვითონ შეისმენს. პოეტს ჰმართებდა თვი-
ნიერებით აღვსილიყო წინაშე ამ სიყვარულისა და პათმოსზე მუხლ-
მოდრეკილ იონებადით⁴³ დაჩოქილს ჩაეწერა ორივე ხელით. რასაც
ეს ხმა უკარნახებდა, და ელადადა მთელს სამეფოში. ამ ხმის წინა-
შე არჩევანი არ არსებობდა, ხმისა: „ანგელოზთა სამსახურად რომ

ამწესებდა. ეს ხმა მოვიდა, რათა პოეტს შემობვეოდა და მარადმ-
სობის სიმაღლეში ზეაეტაცა, ის იყო ეტლი მისი ცეცხლოვანი ცაღ-
ამაღლებსთვის. ამ სიყვარულმა მას განუმზადა სიკვდილის ცხელი,
ბნელი მითოსი, რომელშიც იგი ვერ ჩასაჩლდა და გააკუდა.

●

ბედისწერას უყვარს ნიმუშებისა და სიმბოლოების გამოგონება. მისი სიძნელე — სირთულეშია. ცხოვრება კი ძნელია უბრალოების გამო. მას მხოლოდ რამდენიმე საგანი აქვს ჩვენთვის მიუწვდომელი სიდიდისა. წმინდანი, უარყოფს რა ბედისწერას, ამ საგანთ ირ-
ჩევს — ღმერთის პირისპირ. მაგრამ რომ ქალმა, თავისი ბუნებიდან გამომდინარე იგივე უნდა აირჩიოს მამაკაცთან მიმართებაში, — იწვევს ყველა სასიყვარულო ურთიერთობის უბედურებას. გადაჭ-
რით და უბედისწეროდ, როგორც უკვდავი, დგება იგი მამაკაცის გვერდით, მამაკაცისა, რომელიც მუდამ გარდაიქმნება. მეტრფე კი სატრფოს მარადქამულად აღემატება, რადგან ცხოვრება უფრო დი-
დია ვიდრე ბედისწერა. მეტრფეს სწყურია: უსამანოდ მიეცეს სატ-
რფოს. აი, მისი ბედნიერება. ზოლო ენით უთქმელი ტანჯვა მისი სიყვარულისა მუდამ ეს იყო: მისგან ითხოვდნენ, შეეზღუდა ეს თავ-
მიცემა.

დასაბამიდან სულ ამასე ჰგოდებდნენ ქალნი: ამ მოთქმას ვუს-
მენტ პირველ ორ წერილში ელიოზასი⁴⁴, და ლუთასი წლის შემდეგ კვლავ აღსდგება იგივე გოდება პორტუგალიელი ქალის ყველა წე-
რილში, ფრინველთა გადაძახილს მოგვეაგონებს ვაება მათი და ამ-
დაკვარი სიყვარულის უნათლეს სივრცეს უცბად გაკვეთავს საფოს შორზე-შორი სახება, რომელიც ვერ იპოვეს საუკუნეებმა, რადგან ბედისწერაში ეძებეს იგი.

●

ვერასოდეს გავბედე იმ კაცისგან ვაზეთი მეყიდა. რა ვიცი, ანკა მართლა დააქვს ერთი-ორი ნომერი მაინც იმ ძველი ჩანთით, ლუქ-
სემბურგის პარკის მოაჯირს რომ მიუყვება ჭურის მარადან მთელი საღამო? ზურგი მესერასკენ მიუქცევიდა და ხელს კედელზე მი-
აკურებს, საიდანაც გისოსები ამოზიდულან. ისე ბრტყლად ეკვრის

რკინის მოაჯირს, ყოველდღე ათასობით აღამიანი ჩაუვლის წინ და ვერავინ ამჩნევს. თუმცა მას ჯერ კიდევ შერჩენია ხმის ნალევი და გამვლელთაც უხმობს, მაგრამ ის ხმა იმ შარიშურს ჰგავს, აღიას პარპალი რომ გამოსცემს ღუმელში ან ლამპის შუშაში, ან თავისებური შუალედებით რაღაც რომ წვეთს მრუმე მღვიმეში. და ისეა ეა ჭვეყანა მოწყობილი, რომ ასობით აღამიანი სწორედ იმ მოკლე შესვენებებზე ჩაუვლის ხოლმე, როცა ის კაცი ყველაზე უფრო უჩუმარია ამქვეყნად მოძრავე საგანთა შორის; როცა ეს კაცი ისე გადაადგილდება როგორც საათის დიდი ისარი, ვით ისრის ჩრდილი, როგორც თავად დრო. რა უსამართლოდ ვიქცეოდი, როცა არ მსურდა მისკენ გახედვა. მრცხვენოდა დაწერა, რომ მის სიახლოვეს დანარჩენ გამვლელთ ავუწყობდი ხოლმე ფეხს, თითქოს მიპ შესახებ არცრა მცოდნოდეს. და შემდეგ მესმოდა: „La Presse“⁴⁵-ო უღონოდ მეორედაც რომ დაიძახებდა, და მესამედაც — სწრაფი შუალედებით, ხალხი აქეთ-იქით იხედებოდა: მის ხმას ეჭებდა. აქ კი ნაბიჯს ვუჩქარებდი და სხვებზე აღრე მივდიოდი, თითქოს ვერაფერს ვამჩნევდი ირგვლივ, თითქოს საკუთარ თავში ვიყავი ჩაძირული.

არადა, მართლა ვიყავი ჩემშივე დანთქმული, რადგან ვლამობდი, ეს კაცი წარმომედგინა. საკმაოდ ძნელი ამოცანა გახლდათ: შემეთხზა ამ ხმის პატრონი. ოფლიც კი ჩამომდიოდა დაძახულობისგან. მე ის უნდა შემექმნა, როგორც მიცვალეზულთ ქმნიან წარმოსახვაში, გარდაცვლილთ, რომელთა ამსახველი არავითარი საბუთი არ დარჩენილა. მათ ყოველ ნაკვეთს უენი სულისგან უნდა შეასტა ზორცი. ახლა ვცი, ამ საქმეში მცირეოდენ ქრისტეს გარდამოსხნილ სხეულებზე ფიქრიც მშველოდა. სპილოს ძვლისაგან ნაკვეთ ასეთ სხეულებს ირგვლივ ყველგან ნახავდით — ძველი ნივთებით მოვაჭრებთან. პიეტაზე ფიქრი ხან წინ იწევდა ჩემს გონებაში, ხან უკან იხევდა. და, აღბათ, იმისთვის ხდებოდა ეს ყველაფერი, რომ მკაფიოდ წარმომედგინა: მისი შოგრძო სახე გვერდზე როგორ გადახრილიყო, თავს როგორ იმაგრებდა აგრე გვერდულად, ამ სახეს როგორ მოსდებოდა ჩავარდნილი ლოყების ჩრდილებში უნუგეშოდ ამოზრდილი წვერი და როგორ მტკივნეულად ჩაეკეტა სიბრმავეს უდაბური იერი მისი ზემოთ აწეული სახისა. მაგრამ, ვინ მოთვლის, კადევ რამდენი წვრილმანისგან შედგებოდა ეს უცხო კაცი, რომლებიც აუცილებლად უნდა წარმომედგინა, რადგან იმთავითვე მივხე-

დი: ამ წვრილმანებელ-დან ყველაფერი მთავარია იყო: ისიც, თუ როგორ აჩენდა უკანგადაქანებული პალტო თუ პიჯაკი მთელ საყელოს, თ:ლად რომ ამობურცულიყო თითქოსდა ნიშნუქერილი კისრის გაბზემო, კისრისა, რომელსაც არც ეხებოდა; მისი მომწივანო-მოშავო კაშნე, კისერ-საყელოს ერთიანად რომ შემოხვეოდა, და განსაკუთრებით კი ძველი, მაღლა აზვირთული, მომრგვალებული ქუდი, რომელიც ისე ეხურა, როგორც საერთოდ ასურავთ ბრმებს: უსინათლონი ხომ ვერ ახერხებენ ქუდი თავიანთი სახის წყობას შეუხამონ და ამ დანამატი საგნისა და საკუთარი თავისაგან რაიმე ახალი, გარეგნული ერთიანობა შექმნან. ქუდი ისე ასურავთ, როგორც რაღაც სრულიად უცხო საგანი, რომელიც დახურვაზე დაიყოლიეს.

ვიღრე მისკენ გახედვა მეზინოდა, ჩემი წარმოსახვა დროს არ ჰკარგავდა და ბოლოს ისე გაშალა ფრთები, რომ ამ კაცის სახე უეცრად, სრულიად უმიზნოდ შენივთდებოდა ხოლმე ჩემში. იგი ისეთ უსაშველო ტანჯვა-ვაებას გამოხატავდა, რომ ამ გაუსაძლისი ხატიტ გაწამებულმა გადავწყვიტე, ჩემი წარმოსახვის იზარდი მოწადინებისთვის ნამდვილი ფაქტით დამესვა წერტილი: გადავწყვიტი, მაშინვე ჩამეკლო ამ კაცის წინ და მისთვის ყურადღებით შემეხედა.

მაგრამ უნდა იცოდეთ: გაზაფხული ანლოვდებოდა, დღის ქარი ჩაცხრა, გრძელი ქუჩაბანდებიც კარგ გუნებაზე ჩანდნენ. მათ ბოლოში სახლები კაშკაშებდნენ, ბრწყინავდნენ როგორც თეთრი ლითონის ახალი ნაპრალები, ოღონდ განსაცვიფრებლად მსუბუქი ლითონისა. ფართო, შორსმომსწრაფ ქუჩებში ხალხი ირეოდა და თითო-ოროლა ეტლს ზედ არ უყურებდნენ. კვირა დღე უნდა ყოფილიყო.

სან-სულპიცის⁴⁶ სამრეკლოები ხალხიანად და ლაღად გამოიყურებოდნენ, თითქოს უეცრად კიდევ უფრო გამაღლებულიყვნენ ამ უქარობაში. და ვიწრო, თითქმის რომაულ ქუჩაბანდებს შეუმჩნევლად გაჰყავდი გარეთ: წელწადის დროში. ბაღში და ბაღს გარეთაც იმდენი ხალხი ირეოდა, რომ ის მაშინვე ვერ დავინახე, ან ეგებ მაშინვე ვერ ვიციანი იმ ზიზზიმში?

შევხედე თუ არა, მაშინვე მივხედი, რომ ჩემი წარმოსახული ხატი კაპიკად არ ღირდა: ამ კაცის სიდუხჭირე არავითარ სიფრთხილეს არ იჩენდა, ყოვლად დაუფარავად გადმოტვრილიყო. ამ უკიდევანო სივალალის წარმოდგენა ჩემს ძალებს აღემატებოდა. მე გამომრჩენოდა მისი დგომის გადახრის კუთხეც და ის საშინელდებაც, რი-

თაც მას თავისი ქუთუთოს შიღამხარე აღაგებდა. მის ჰირზედაც აი დაფიქრებულვარ, ავზის ღია სადინარივით რომ ჩაეარდნილიყო. შეიძლება, მოგონებანი ჰქონდა ოდესღაც, მაგრამ ახლა უკვე ველარაფერი აღწევდა მისი ხელის წალში ყოველდღიური კედლის ამორფული შეგრძნების გარდა, კედლისა, რომელზედაც მისი ხელა ცედებოდა. გაეჩრდი და ვიდრე ყველაფერ ამას თითქმის ერთდროულად აღვიქვამდი, მიფხვდი: სულ სხვანაირი ქუდი ეხურა, და ექვი არ იყო, საკვირაო, ყვითელივდერი, კუბოკრული კაშნე გქეთა. ხოლო ქუდს რაც შეხება — ეს გახლდათ იაფი, მწვანეხაფთიანაჩალის შლახა. ცხადია, ფერები საერთოდ არაფერ შუაშია, და რა წერილმანობაა, რომ მანსოვს! მხოლოდ იმის თქმა მსურდა, რომ ამ აღამიანის მმოსავი ფერები მაგონებდა უნახეს ღინდლს ჩიტის მუცელზე: იგი ხომ ამ ფერებს ვერ ხედავდა, არ შეჰხაროდა, და საღ იყო ის კაცი (ირგვლივაც კი მიმოვიხედე), ვისაც ძალა შესწევდა ეფიქრა: რომ ეს სახელმწიფო ამ უბედურის გულწინთვის არსებობდა? 47

ღმერთო ჩემო, ღმერთო! — შმაგად გამანსენდა, — მაშასადამე, შენ ხარ! თურმე არსებობს საბუთი შენი არსებობისა! ეს საბუთები შევნებულად დავივიწყე და აღარასდროს მომიტხოვია, რადგან რა შემზარავ პასუხისმგებლობას დამაკისრებდა შენი არსებობის უექველი ცოდნა! მაგრამ აი, ახლა სახეზე ამეფარა ეს ნივთმტკიცება. აი, ასეთი გემოვნება გაქვს, სივალაღე გესათნოება. ო, ნეტავ გვესწავლა: ყველაფრის გაძლება — განუსჯელად და განუკითხავად.

რა არის სიმძიმე? რა არის წყალობა? — მხოლოდ შენ უწყი.

ოლონდ, ერთხელ კიდევ რომ დაზნამთრდება და ახალი პალტოს შეიძენა დამპირდება, შემეწიე. ახალივით ვატარო იგი, ვიდრე ახალი იქნება.



არა, ამათგან გამორჩევა კი არ მინდა⁴⁵, ამათზე უკეთესი, თავიდანვე ჩემი ტანსაცმელი რომ მაცვია; საჭიროდ რომ ვთვლი, თავზე საკუთარი კერი მუნტაროს. არა, ავრე შორს როდი მივდივარ. უბრალოდ. ვერასოდეს გავებდავ მათსავით ცხოვრებას. მე რომ მკლავი გამსმობოდა, ალბათ, დავმალავდი. ეს ქალი კი (არ ვიცი,

სხვა დროს ვინ იყო) ყოველდღე ჩნდებოდა კაფეების ტერასათა წინ. თუმცა ძალზე უპირდა პალტოს გახდა და რაღაც გაუგებარი კაბიდან და კაბისშიღა ბოლოკაბიდან ამოძრომა, ძალ-ღონეს მაინც არ იზოგავდა; იხდიდა და იხდიდა. თან ისე ნელა, უფრო ნელა გახდა ვერც წარმომიდგენია. შემდეგ კი ჩვენ წინ იდგა მორიდებულად: დაგრეხილ, გამზარმკლავიანი და ყველა ხედავდა, რომ ეს მკლავი აღარ ვარგოდა.

არა, მათგან გამორჩევა ნამდვილად არ მინდა. მაგრამ ჩემს თავზე დიდი წარმოდგენა უნდა მქონოდა, მათებურად ცხოვრება რომ მომენდომებინა. ვერა, ვერ დავემსგავსები. არც მათსავით ძლიერ ვარ და არც მათი საზომები გამაჩნია. მე ჩემს თავს ვაპურებ და პურობიდან პურობამდე ყოველგვარ საიდუმლოს მოწყვეტილი ვარ. ისინი კი თავს ისე ირჩენენ და ინახავენ, თითქოს უკვდავები ყოფილიყვნენ. იმ თავიანთ კუთხეებში დგანან ყოველდღე, ნომბრის თვეშიც, და არ ყვირიან ზამთრის წინაშე. მერე ნისლი მოდის, მათ ბურავს და აბუნდოვანებს. ისინი მაინც დგანან და დგანან. წასული ვიყავი, ვმოგზაურობდი, ვივადმყოფე. ბევრი რამ შემემთხვა, ხოლო ისინი არ დახოცილან.

¹ (არ ვიცი, არა, როგორ დგებიან სკოლის მოწაფეები დღღა-აღრიან რუხსუნიათი ყრვით ავსებულ ოთახებში. ვინ აძლევს ძალას სიჩქარით აცახცახებულ ამ პატარა ჩონჩხებს, გაიქცენ, გაიქცენ უფროსთა ქალაქში, მღვრიე რიყრაყში, მარადიული სასწავლო დღისკენ: ჭერ ისევ სრულიად პატარა ბავშვები. მუდამ სავსენი წინათგრძნობებით, ყველგან ყოველთვის დაგვიანებულნი. წარმოდგენა არა მაქვს იმ უზარმაზარ. საიდუმლო თანადგომაზე. რასაც ბავშვები ერთთავად ხარჯავენ საწვავივით).

ეს ქალაქი სავსეა იმგვარი ადამიანებით, ნელ-ნელა მათენ — ფსკერზე მყოფთაქენ რომ ეშვებიან. უმეტესობა ჭერ იშრიტება და იფანტება. მაგრამ არიან ხანში შემავალი. ძლიერი. სრულიად დაუზარჯავი ქალიშვილებიც. ამქვეყნად არავის რომ არ ყვარებია. ისინი გაუბრძოლებლად ნებდებიან ბედს.

უფალო ჩემო, ეგების ფიქრობ, რომ სწორედ მე უნდა მივატოვო ჩემი ცხოვრობა და ეს ქალიშვილებიც მე შევიყუარო? მაშ. რატომ მიმძიმს აგრე ძალიან. არ ავიღებო. როდესაც ისინი გამისწრებენ

¹ ხელნაწერში კიდებუა მიწერილი (რ. მ. რილეს შენიშვნა).

ხოლმე ქუჩაში? და რატომ ვიწყებ მაშინ ერთბაშად ემსურვალესს-ულამეულებს საალერსო სიტყვების შეთხზვას და რად მიღლებდა ხმა გულსა და ბნელ ხორხს შორის ნეტარებისგან? რატომ წარმოვიდგენ ხოლმე, რომ ჩემი სუნთქვით უსაზღვროდ ნაზად ვათბობ, ვაცოცხლებ ამ დიდ თოჯინებს, რომლებითაც ცხოვრებამ ითავაშა გაზაფხულობით. ტყუილად, არაფრის შესაგებებლად რომ უშლიდა მკლავებს, ვიდრე მხრისთავეები არ მოუფამფალდათ. ისინი დიდი იმედის სიმაღლიდან არასოდეს ჩამოცვენილან და ამიტომ არც დამსხვრეულან. მაგრამ გაცვდნენ კი, და ცხოვრებისთვის აღარ ვარგანან. უპატრონო კატები თუ ეწვევიან შელამებოსას. ისინი შეუმჩნევლად უქაწრავენ შემქნარ სხეულებს და მათ მკერდზე იძინებენ საბანზემოდან. ზოგჯერ ორი ქუჩის მანძილზე გავედევნები, ისინი ნელა მიუყვებიან სახლების რიგს, და მოდის და მოდის ხალხის ნაკადი, თანდათან ფარავს, და ისინიც უჩინარდებიან, თითქოს არ ყოფილან.

და მაინც, თუკი ვინმე შეეცდება მათ შეყვარებას, მეტისმეტად გაუჭირდება. რადგანაც ეს ქალიშვილები უკვე ძალზედ შორს არიან თავიანთი მარტობის გზაზე წასულნი, და იძულებულნი გახდებიან. შეჩერდნენ და დაუტადონ იმ აღამიანს. ალბათ, მათ ატანას იესო ქრისტე შესძლებდა მარტო, რომლის მთელი სხეული ჯერ ისევ თრთის აღდგომის თრთოლვით. მაგრამ მას ესენი არ აინტერესებს. მას მეტრფენი იზიდავენ მხოლოდ და მხოლოდ, მეტრფე ქალები და არა ისინი, სატრფოდ ყოფნის პატარა ნიჭით რომ დვანან და იცდიან. თითქოს ცივი ლამპარი სკეროდეთ ხელში⁴⁹.



ვიცი, თუკი უმძიმესი ხვედრი მიწერია, ვერას მიშველის. მათზე უკეთეს ტანისამოსს თავს რომ ვაფარებ. განა თვით მეფეს, უზენაესი მეუფებით გარემოსილს, არ მისწვდა ბედისწერა, აღზევების ნაცვლად ფსკერზე რომ დაძირა და შეუერთა ყველაზე ბედკრულთ? მართალია, ზოგჯერ სხვა მეფეების უფრო მჭეროდა, თუმცა ძველი ბაღნარები მათ შესახებ აღარას ამბობენ, მაგრამ ახლა ღამეა, ზამთარია, მე ვიყინები და მწამს ის მეფე, უბედურებამ ვინც აირჩია. რადგან დიდებულება—წამია მხოლოდ, ჩვენ კი არა

გვენახავს სივალაღუე უფრო ხანგრძლივი. ზოლო მეფემ ეამთა ტრიალს უნდა გაუძლოს.

განა იგი ერთადერთი კაცი არ არის⁵⁰, რომელმაც თავი შეინარჩუნა თავისი სოფლის დიდ სიბნელეში. როგორც ცვილანას ნახე ყვერლებს ახარებენ მინის ხუფებქვეშ? სჯვა მეფეთათვის ხანგრძლივ სიცოცხლეს ევედრებოდნენ არსთა გამრგევა ეკლესიებში. ამას კი კანცლერმა თან შარლ ერასონმა⁵¹ მოსთხოვა: მარადიულად უნდა იყო. და ეს მაშინ, როცა მეფე ყველაზე გახშირული გამხალარყო მთელ სამეფოში, წმინდაწყლის სილატაკეთი დასტამულიყო, თავისი გვირგვინის მოუხედავად.

მაშინ იყო, ეამი-ეამ უცხოდ გადაცმული, საზეშემურული კარისკაცები მეფეს საწოლშივე რომ ესმოდნენ თავს, რათა წყლულებში ჩაბრწინილი ძვირფასი ჰერანგი რამენარჩად წაეძროთ ტანადან. პერანგი, რომელიც, უკვე რა ხანია მეფეს საკეთარი სხეული ეგონა. ბნელოდა ოთახში. და ისინი ფლეთდნენ და ფლეთდნენ ჩაძინილ ქსოვილს მეფის გახევებულ, უგრანობ მკლავებქვეშ. ერთ-თელაც, ერთმა მათგანმა ჩირადდანი ანთო და მაშინდა დარინახე მეფის მკერდზე ღია კრილობა, სადაც რკინის ავეაროზი ჩაძირულიყო, რადგან მას მეფე ყოველ ღამე მკერდზე იჭერდა თავისი სიშმაგის მთელი ძალღონით და აი, ახლა ღრმად ჩაჭროდა შემაზრზენაჲ ძვირფასი ნივთი: ჩირქის მარგალიტებით, ქობამოვლებული, როგორც სასწაულმოქმედი ნარჩენი რელიქვიის მეწამულ ღრმულში. უფრო ამტანი შსახურები მოაყვანინეს. მაგრამ ვერც ისინი მოერივნენ ზიზღს, როდესაც მყუდროებადარღვეული ქია-მატლები ზედ შეაცოცდათ ფლანდრიული ხავერდის ნაფლეთებიდან და შეუშინველად სახელოებშიც შეუსავსავდათ. ნათლად ხედავდნენ, ხელმწიფის საქმე მთლად წასულყო Parva regina-ს⁵² სიკვდილის შემდეგ. აღრე ამ დღეში არ იქნებოდა. რაკი იმ გოგონას — აგრე ნორჩსა და აგრე კრიალას — შეეძლო მისი სარეცელის გაზიარება. მაგრამ ის მოკვდა და ველარავინ ბედავდა ამ ცოცხალი მძორისათვის თანამწოლის შეთავაზებას; რადგან მოკვდა და თან წაიღო სიტყვები და მოფერებანი, რითაც მეფეს აღმობიერებდა და ამშვიდებდა. და აწ ველარავის შეელწია ამ გაპარტახებული სულის უდაბურობაში, აღარავინ ეხმარებოდა, რომ მეფეთ-მეფეს თავისი წიალის ხრამ-ხევიბიდან გამოელწია. და ვერვინ მიხვდა. ერთხელ უეცრად თავისით როგორ გამოვარდა იმ სიბნელიდან, პი-

რუტყვივით ხარბნუერიანი, პირუტყუ-ეთ საბ-ლაზოლ რ-ო მ-ოიჩ-ქარის. და როცა მაშინ ურუენალის⁵⁴ საქმიანი სახე შეიცნო, სა-ხელმწიფო გააჩენდა. ისეთი. როგორც დასტოვა ბოლოს. და მო-ინდომა დასწეოდა ყოველივეს, რაც გამოსტოვა.

მაგრამ იმ დროის მოვლენები ისეთი გახლდათ, რომ ლმობი-ერად ვერ აცნობებდნენ. თუ რამ ხდებოდა, ხდებოდა მთელი თავისი სიმძიმით. და როცა უყვებოდნენ, თითქოს ერთ გაბმულ სპექ-ტაკლს ისმენდა. ან რა უნდა გამოეყო იქიდან, რომ მისი ძმა მოკ-ლეს⁵⁴, რომ გუშინ ვალენტინა ვისკონტიმ⁵⁵, ვისაც მეფე საყვარულ დას უწოდებდა. დაუჩოქა და დამახინჯებულ-მომჩივანი სახის გო-დებას ქვრივის სამგლოვიარო პირბადე ახადა? დღეს კი სასტაკო, სიტყვაუხვი დამცველი იღვა და იმდენ ხანს ასაბუთებდა სამეფო მკვლელის წმინდა უფლებას, ვიდრე დანაშაული ერთიანად არ გამ-ქვირვალდა და აკაშქაშდა. თითქოს აგრე ნათელმოსილს ცად ამდ-ლება განუზრახავსო. სამართლიანობად ყველას გამართლება ითვ-ლებოდა: და ვალენტინა ორლენელი მწუხარებით გააღა-ცვალა, თუმცა შურისძიებას შეჰპირდა მეფე. ან რა აზრი ჰქონდა. ბლ-გუნდიის ჰერცოგი რომ შეიწყალა. ერთხელ, მეორედ და უსას-რულოდ რომ იწყალებდა. იგი სასოწარკვეთის პირქუშმა სიმშაგემ შეიპყრო და რამდენიმე კვირა არგოლის უღრან ტყეში ბინადრობ-და, თავის კარავში. თან ამტკიცებდა ლამ-ლამობით ირმების ყვირი-ლო მინდა ვისმინო, ეგებ ცოტაოდენი შვება ვნახო.

აი, ამ ყველაფერს ჩაუფიქრდა, თავიდან ბოლომდე. და ამასო-ბაში ხალხმაც ითხოვა. მეფე გვანახეთო, და იხილეს: თავგზააბნე-ული და უნუეგეშო. მაგრამ ხალხს გაეხარდა მეფის დანახვა, რად-განაც მიხვდნენ. სწორედაც რომ ეს იყო მეფე: ეს მშვიდი, თვინი-ერი ადამიანი, რომელიც ახლა აგრე წყნარად, უჩუმრად იღვა. რათა ღმერთს თავისუფლად ემოქმედა მის მიმართ და დაეტეხა ის დრტყინვა-სიშმაგე. რასაც ჟამი-ჟამ ატეხდა თავს. იმ ნეტარ წუთებში, როდესაც მეფე სან პოლის სასახლის აივანზე იღვა, ალ-ბათ. თავის საიდუმლო, შინაგან წინსვლას გრძნობდა გუმანით. და მას გაახსენდა როზბეკის ის დღე⁵⁶. როდესაც ბიძამისმა, ჰერცოგ-მა ბერაელმა ხელი ჩასჰრდა და თავიანთი პირველი დაგვირგვინე-ბული გამარჯვება დაანახა. და ის კენტერში. ნოემბრის საოცრად გრძელ-ნათელ დღეს მონუსხული გადასცქეროდა შედედებულ მა-სას ხალხისას. იმ კყლეტაში ადამიანებმა ერთმანეთი გააუღღეს. რ-

ცა ყოველი მხრიდან მიაწყდნენ მხედრები. ერთმანეთში ახელი-
ლები, ისინი გიგანტური ტვინის მსგავს გროვებად დახვავებულნიყ-
ნენ. თვითონ შეგროვდნენ აგრე, რადგან შემჭრდროვება, ერთმა-
ნეთთან ახლოს ყოფნა უნდოდათ. მაშინ მას სუნთქვა ეკვროდა ამ-
დენი გაგუდული სახის დანახვაზე. ვერ მოეშორებინა განცდა, რომ
ჰაერი აღარ დარჩა, რადგან იმ სივიწროვეში ჯერ კიდევ ფეხზე
მდგომი გვამებიდან აღმომხდარი ურიცხვი სასოწარკვეთილი სუ-
ლით გაიქედა მთელი ის სივრცე.

და მეფეს შთააგონეს, რომ სწორედ იმ დღეს დაიწყო მისი დი-
დება, და დაიმახსოვრა. მაგრამ თუ ის დღე სიყვდილის ტრიუმფი
იყო, ახლა მისტერია იშლებოდა სიყვარულისა. სხვათა შემხედვარეს
ესმოდა: იმ ხოცვა-ჟლეტის გაგება შეიძლებოდა, იმგვარ საწინე-
ლებას წარმოადგენდა იგი. მაგრამ რაც ახლა მეფის სულში ზღე-
ბოდა, შეუცნობელი იყო და შეუცნობლად სურდა დარჩენა. მეფეს
თავისი სულის საიდუმლო ისეთივე სასწაულად ეჩვენებოდა, რო-
გორც ოქროსსაყვლეურიანი ირემი⁵⁷, როზბეკის ბრძოლის წინ სენ-
ლის ტყეში რომ დაესიზმრა. მაგრამ ახლა თავად იყო სხვათა ხილ-
ვა, სხვათა სიზმარი, და ის სხვანი კვრეტად ქცეულიყვნენ. მე-
ფემ იცოდა: იმგვარსავე მოლოდინს აეტანა სუნთქვაშეკრული მისი
მკვრეტელნი, როგორმაც იგი შეიპყრო ერთხელ სიჭაბუკეში, ნადი-
რობისას: როდესაც თვალედაქცეულმა, მწყაზარმა სახემ ტოტემ-
ფოთლებიდან ამოანათა. მისი ხილვადობის საიდუმლო მის მშვიდ
სხეულზედაც ვრცელდებოდა. არც კი ირხეოდა შიშისაგან: არ
გაჰკრეო. ვიწრო ღიმილს მეფის უბრალო, ფართო სახეზე — წმინ-
დანთა ქანდაკებებისა არ იყოს — ბუნებრივი მუდმივობა შეეძინა,
და არ ქანცავდა. აგრე იდგა სულგანაბული და გრძობდა, ეს იყო
წუთები, რომლებიც შეკუმშული მარადისობაა. ხალხი ამას როგორ
გაუძლებდა. უსასრულოდ გაზრდილი ნუგეშით დაპურებულმა
ბრბომ სინარულის ყიყინით გააპო სიჩუმე. მაგრამ ზემოთ, აი-
ვანზე ჯერ მხოლოდ ჟიუვენალ ღუზიურსენი იდგა. რომელმაც,
ჩაცხრა თუ არა ყიყინა, დაიძანა: მეფე სენ დენის ქუჩაზე⁵⁸ მობრ-
ძანდება უფლის ვნებათა ძმობასთან, მისტერიის სანახავად.

ასეთ დროს მეფეს ღმობიერება და სინაზე ავსებდა. იმ დროს
მხატვარს სამოთხის ბინადართა ასახვა რომ მოენდომებინა, მეფის
დაწყნარებულ სახეზე უფრო სრულყოფილ ნიშნებს, ალბათ. ვერც
იპოვიდა — როცა მეფე ლუვრის მაღალ ფანჯარაში ჩინდებოდა.

თავისი დამრეცი მძრებს თაღს შეუბჯენილი. იგი კრიტიკურად პიზანელის³⁰ მომცრო წიგნს ფურცლადა, „ხანგრძლივი სწავლის გზა“ რომ ერქვა და მას ეძღვნებოდა. მეფე როდი კითხულობდა გაშსწავლულ პაექრობებს იმ ალეგორიული პარლამენტისა, რომელსაც მიზნად დაესახა, ეპოვა თავადი, მსოფლიოზე ბატონობის ღირსა რომ იქნებოდა. წიგნი ყოველთვის ყველაზე უბრალო ადგილას გადაეშლებოდა ხოლმე, იქ. სადაც გულზე იყო ლაპარაკი, გულზე, რომელიც ცამეტი წელიწადი მხოლოდ იმიტომ ეხურა ტკივილებს უცხლგამძლე კოლბასავით, რომ სიმწრის წყალი გამოეხადა თვალებისათვის. და მეფემ შეიცნო: ნამდვილი ნუგეში სწორედ მაშინ აღმოცენდა, როცა ბედნიერება საკმარისად განქარდა, სამუდამოდ განეშორა. და არაფერი იყო მეფისათვის ამ ნუგეშზე უფრო ახლობელი. და როცა მზერას გაღმა გადებულ ხილს მიაპყრობდა, სიხარულს ანიჭებდა, მძლავრ ქალაქ კუშადან დიადი გზებისთვით აღძრული გულს თვალთ დაენახა მაშინდელი ქვეყნიერება, იმ გულს თვალთ, რომელზედაც წიგნი მოუთხოვრებდა³¹: აი. შეუპოვარი ზღვები. შორეულ სივრცეთა მოწოლით შეგუბებულნი, უცხოკოშკებიანი ქალაქები, აღტყინებული მარტოობის გადაბმული მთაგრეხილები, შინეული იპვით ნაკლავი ცანა, ახლავა რომ მკვრივდებთან ჩვილის ყიფლიბანდივით.

მაგრამ თუ ვინმე დარბაზში შევიდოდა, კრებოდა მეფე და ნელ-ნელა ებინდებოდა სული. თანახმა იყო, ფანჯრიდან მოეშორებინათ და გაერთოთ. მათ მიაჩვიეს, საათობით ეთვალეირებინა ილუსტრაციები, და მეფეც კმაყოფილი იყო. მხოლოდ ის სწყინდა, ფურცელისას სურათებს სულ ცალ-ცალკე რომ ხედავდა და არა ერთად, რომ სურათები მაგრად ისხდნენ ფოლიანტებში და არ შეიძლებოდა მათი ამოძრავება. მაშინ ერთმა ბანქოს რაღაც თამაში გაიხსენა, სამეფო კარზე დიდი ხნის წინ დაეიწყებული. „ასწავლა მეფეს და დიდი სიხარულიც მიანიჭა. ო, გულს როგორ ეფონებოდა ეს ათასგვარნახატაინი ფერადი ქაღალდები, აგრე თავისუფლად რომ მოძრაობდნენ. და როცა ბანქოს თამაში კარზე ისევ მოდოდ იქცა, მეფეც თავის ბიბლიოთეკაში იჭდა და მარტო თამაშობდა. დამატაკ ხომ აგრე ერთ ღროში მოგვაქცია მე და იმპერატორი ვენცელიო³¹ — ფიქრობდა ხოლმე, როცა ორ მეფეს მაგიდაზე გვერდივერდ დებდა. ზოგჯერ დედოფალი კედებოდა და მაშინ მეც ველის ტუჩს ავ-ბედა გულზე. საფლავის ლოდვიით. სულაც არ უკვირდა, ამ თამაშში რამდენიმე პაპი რომ ტრიალებდა. რომს —

იქით. მაგიდის ბოლოს აგებდა, ავინიონი კი აქეთ, მარჯვენა ხელის ქვეშ ეგულებოდა. რომის მიმართ გულგრილი იყო, რატომღაც მრგვალი წარმოდგინა და სხვა არც არაფრის ცოდნას არ იჩემებდა. ავინიონს კი კარგად იცნობდა⁶², და როგორც კი ავინიონზე დაფიქრდებოდა, მისი ხსოვნა მაშინვე იმეორებდა მაღალი, პერმეტული სასახლის კონტურს და მეტისშეტად იძაბებოდა. მეფე თვალებს ხუჭავდა მაშინ და სულს ითქვამდა. შიში იპყრობდა, რომ ცუდ სიზმრებს ნახავდა ღამით.

საერთოდ კი, რა თქმა უნდა, თამაში ნამდვილად ამშვილებდა და სწორად იქცეოდნენ, მეფეს ისევ და ისევ რომ სთავაზობდნენ ბანქოს ქალღლებს. თამაში განუმტკიცებდა რწმენას, რომ იგი მეფე იყო, მეფე კარლოს VI. განა მელიდურობდა! არა, ძალზედ შორს გახლდათ იმ აზრისაგან, თითქოს თავად მუყაოს ამგვარ ნაპერზე შეტი იყო, მაგრამ უმტკაცდებოდა რწმენა, რომ თვითონაც ერთ განსაზღვრულ ნახატს წარმოადგენდა; შეიძლება, ცუდად, ანჩხლად და მრისხანედ გათამაშებულს, რომელიც მუდამ იღუპებოდა, მაგრამ ყოველთვის ერთა და იგივეს, არასოდეს — რომელიმე სხვას. და მაინც, ამგვარ თანაბარ თვითღგენაში ერთი კვირა რომ გაივლიდა, უცბად თავს ვიწროდ იგრძნობდა ღოღე საკუთარ თავში. კანი უჭერდა შუბლსა და კეფაზე, თითქოს ერთბაშად შეიგრძნობდა უზომოდ მეტეზად თავის ქალის მოხაზულობას და არავინ იცოდა, რა ცდუნებას დაჰყვებოდა ხოლმე. როცა მისტერიებს იხსენებდა, ერთი სული რომ ჰქონდა, როდის დაიწყებოდა სანახაობა. და როცა აქამდე მიღიოდა საქმე, მაშინ უმეტესად სენ დენის ქუჩაზე ცხოვრობდა და არა სენ პოლის დიდ სასახლეში.

იქ წარმოდგენილ მისტერიებს ერთი საბედისწერო რამ სჭირდათ: მათი ტექსტი თანდათან მატულობდა, ათიათასობით სტრიქონად იტკობოდა, იმდენ ღღეს გრძელდებოდა, ვიდრე მათი დრო ბოლოს და ბოლოს ნამდვილ დროს არ დაემთხვეოდა. დაახლოებით ისე, ღეღამიწის ხელა გლობუსი რომ გაეკეთებინათ. შუღრმავებული ესტრადა. — რომლის ქვემოთაც ჯოჯობეთი მოეწყობათ. ზემოთ კი ერთადერთი, სვეტზე შემდგარი, უმოაჯირო აივანი სამოთხის ღონეს მიანაშენებდა. — ილუზიის დაძლევისათვის უწყობდა ხელს. რადგან იმ საუჯუნემ ზეცაც და ჯოჯობეთიც მართლაც რომ მიწაზე ჩამორტანა. ორთავე საუფლოს ძალებით ცოცხლობდა, რათა საკუთარი თავისთვის გაეძლო.

ავინიონური საქრისტიანოს ხანა იღვა⁶³, მრავალი წლის წინ რომ დაიწყო და იოანე ოცდამეორის⁶⁴ მეუფებაც მოიყოლია. და იქაურობა უნებურად იმდენისთვის იქცა თავშესაფრად, რომ დაიწყო თუ არა მისი პაპობა, მაშინვე აღიმართა ამ სასახლის ერთიანი მასაც, პირქუში, მძიმე და ჩაკეტილი, როგორც უკიდურეს ძნელბედობაში მრავალი უსახლკარო სულისთვის იძულებით მიჩენილი ერთი სხეული. ხოლო ის თავად — პატარა, მსუბუქი, სულსმიერი მოხუცი ჯერ ისევ ღიად ცხოვრობდა. ხეირიანად არც იყო იქ ჩასული, მაშინვე შეუდგა ფუსფუსს ყოველგვარი მიმართულებით. ათასგვარი წვრილ-წვრილი საქმის მოსაგვარებლად. ვიდრე პაპი აგრე ფაციფუცობდა, მის ტაბლაზე შხამშერეული სასმელით სავსე ფილები დაედგათ უკვე. პირველი სასმისიდან მუდამ უხდებოდათ ღვინის გადაღვრა. რადგან მარტორქის ნაჭერი მაშინათვე ცულ ფერს იღებდა, როგორც კი ამოიღებდნენ ხოლმე სასმელიდან, და სამოცდაათი წლის მოხუცმა არ იცოდა, რა ელონა და სად დამალულიყო. აქეთ-იქით აწყდებოდა და ცვილისგან ჩამოქნილ საკუთარ გამოსახულებებს დაარბენინებდა: ეს ფიგურებიც მისი მოსპობის მიზნით შეექმნათ, და მოხუცს თითები ეჩხვლიტებოდა ნემსებსა და ქინძისთავეებზე, მათში რომ ჩაერკოთ. ისეთი თავზარი დასცა ამ აუბედითმა ჯადო-ნიშნებმა, თავისი ძლიერი ნებისყოფის მიუხედავად, შიშმა არტანა, მეც არ გავჭრე, როცა ცეცხლი ცვილს დაადნობსო. ამდენმა საშინელებამ მისი გალეული სხეული მთლად გამოაწრთო და გამძლე გახადა. მაგრამ, სამაგიეროდ. პაპის საუფლოს სხეულს ჩასწვდნენ და შეუტიეს. გრანადიდან მოკიდებული ებრაელებმა ყველგან წამოიწყეს საქრისტიანოს დარბევა და ამჯერად შემზარავი აღმსრულებელნი შეისყიდეს. ატყდა თუ არა მითქმა-მოთქმა, აღარავინ ექვობდა კეთრის გაჩენას. მევანს და მევანს საკუთარი თვალით ენახა, ებრაელებს კებში როგორ ჩაეყარათ კეთროვანთა გვამების ერთად გამოკრული ნაგლეჯ-ნაფლეთები. ქარაფშუტობა როდი გახლდათ ამის მაშინათვე დაჯერება. უბრალოდ, რწმენა გამხდარიყო იმდენად სამძიმო, რომ მაშინვე მოსწყდა შიშით აცახცახებულთ და ჰის ფსკერზე ჩაეცა. და ბეჯითსა და დაუღეგარ მოხუცსაც ისევ უნდა დაეცვა საკუთარი სისხლი შხამისაგან. ცრუმორწმუნეობრივი შემოტევის ეამს მან საკუთარ სულსა და მთელ იმ ქვეყანას დილა-მწუხრის საგალობელი გამოუწერა ღამის დემონთა წინააღმდეგ და მთელი აფორიაქებული ქვეყნის თავზე ყოველ სა-

ღამო რეკდნენ ზარები დამამშვიდებელ ლოცვა-გალობას. ისე კი ყველა ბულა და ეპისტოლე, რაც ამ მოსუტის ხელიდან გამოდიოდა, უფრო შეზავებულ ღვინოს ჰგავდა, ვიდრე სამკურნალო ნაყენს. იმპერატორის კარი პაპის მკურნალობის წესში არ ერიოდა. მაგრამ მოხუცი არ იღლებოდა, კარისთვის სახელმწიფოს ავადმყოფობა დაესაბუთებინა. და აი, უშორესი აღმოსავლეთიდანაც მიმართეს ამ მბრძანებელ ექიმს.

მაგრამ, სწორედ მაშინ მოხდა ყოვლად წარმოუდგენელი რამ. ყველა წმინდანის დღეს⁶⁵ მან ჩვეულებრივზე უფრო დიდხანს, უფრო მხურვალედ იქადაგა. უცებ ყველას, მთელ საქრებულოს დაანახა თავისი რწმენა, თითქოს თავადვე მოესურვა. მისი კიდევ ერთხელ დანახვაო: მთელი ძალების დაძაბვით ნელა ამოიღო ოთხმოცდახუთი წლის სანაწირლდან⁶⁶ და ამბიონზე გადმოაფრქვია: და ყველამ ყვირილი დაატეხა თავს. მთელი ევროპა აყვირდა: არ ვარგა ეგ რწმენაო.

და მაშინ იყო, პაპი რომ გაქრა. დღე დღეს მისდევდა, მისგან კი არავითარი განკარგულება აღარ ისმოდა. თავის სამლოცველოში მუხლის ჩოქზე იდგა და საქმის კაცთა ზაიდუმლოს იკვლევდა, ზარალს რომ აყენებენ საკუთარ სულს. ბოლოს დაბრუნდა, ამ მძიმე დაბრუნებით ქანცგაწყვეტილი, და განუდგა თავის რწმენას. რამდენჯერმე უარყო ზედიზედ. მისი სულის ბებრულ სანახად იქცა ეს უარყოფა. და ისიც მოხდა, რომ ღამლამობით კარდინალებმა აღვიძებდა, რათა თავისი მონანიება გაენდო მათთვის. ალბათ. მხოლოდ იმედის წყალობითღა ინარჩუნებდა ბატონობას ხალხზე: მას იმედი ჰქონდა, რომ თავს მოიდრეკდა თვით ნაპოლეონ ორსინის⁶⁷ წინაშეც კი, ვისაც პაპი სძულდა და არ სურდა ზღებოდა.

პაპი იოანე ფონ კაპორი⁶⁸ განდგა. და თითქოს ღმერთმა თავად მოინდომა მისი შეცდომის მხილება, როცა ამ ამბიდან მცირე ხნის შემდეგ გრაფ ფონ ლინის ვაჟი⁶⁹ აღაზვევა ავინიონში. ეს ბიჭი თითქოს თავისი ბავშვობის გასრულებასღა უცდიდა დედამიწაზე, რათა ყმაწვილკაცურად მისცემოდა ზეციური საუფლოს ვნებათაღელვას.

ბევრს ახსოვდა ან ნათელმოსილი ყრმის კარდინალობა. ახსოვდათ, როგორ გახდა ეპისკოპოსი თავის სიკბაბუკის დამდეგს და თვრამეტ წელს მიუღწეველი როგორ გარდაიცვალა საკუთარი სრულყოფილების ექსტაზში. და სხვა გარდაცვლილთაც კი ხედებოდნენ ხოლმე იმხანად: რადგან პაპის კბაბუკის სამარის თავზე მისი

განთავისუფლებული, წმინდა, კამკამა სიცოცხლე შეეწოვა და კიდევ კარგა ხანს ზემოქმედებდა გვაგებზე. მაგრამ განა ამ აღრე მომჭიფებულ სიწმინდეშიც არ იმალებოდა რაღაც უსაზღვროდ სასოწარმკვეთი? განა უსამართლობა არ იყო ყველას მიმართ: რომ ამ სულის წმინდა ქსოვილი ის-ის იყო შეიწნა და თითქოს მხოლოდ იმისთვის, რომ ეგზომ სხივმფინარე მაშინვე დრო-ჟამის მსუყვე სისხლისფერით შეღებილიყო?

განა საპასუხო დარტყმად არ უნდა აღექვათ ამ ნორჩი პრინცის უეცარი ნახტომი ცისკენ? რად არ რჩებიან მანათობელნი ღონემიხდილ მეჩირადღნეთა შორის? განა უკუნეთი არ იყო იმ საუკუნისა, იოანე XXII-ს რომ ათქმევინა: „სრული სიწმინდე არსად ყოფილა, თვით ნეტარ სულთა შორისაც კი არ არსებობს და არც იარსებებს განკითხვის დღემდეო!“ რა თავნება და უჯიათი უნდა ყოფილიყო აღამიანი, ვინც, ამ გაუვალი სიბნელისა და ორომტრიალის შემხედვარე. მაინც წარმოიდგენდა: რომ სადღაც მაღანთა სახეებს უკვე უფლის შუქი ეფინათ, ანგელოზებს მიყრდნობოდნენ და დარწმუნებულიყვნენ უფლის უშრეტი სანახის ჰერეტიით.



და აჲ, მე ვზივარ, ცივი ღამეა, და ვწერ, ვწერ და ვიცი ეს ყველაფერი. ალბათ, იმიტომ ვიცი, რომ იმ კაცს გადავაწყდი მრავალა წლის წინ, ჩემს ბავშვობაში. დიდი ტანისა იყო, ახლაც ასე ვარ დარწმუნებული. თვალში საცემად დიდიც კი უნდა ყოფილიყო.

ახლაც არ ვიცი, როგორ მოვახერხე, მაგრამ ერთ საღამოს სახლიდან გავიპარე. გავიქეცი, სადღაც კუთხეში შევეუხვე და დავეჯახე კიდევ იმ კაცს. ვერ ვაცნობიერებ, როგორ ეყო იმ ყველაფერს, რაც მაშინ მოხდა, სულ რაღაც ხუთიოდე წამი. რა მოკლედაც არ უნდა მოვყვე, მაინც ვაცილებით დიდხანს გრძელდება. მაშასადამე, დავეჯახე და რაღაც ვიტყვინე. პატარა ვიყავი, ისიც დიდი ამბავი იყო ჩემგან, რომ არ ავტირდი. და რა თქმა უნდა. ახლა დამსახურებულ მოფერებასა და ნუგეშს ველოდი. რაკი ის კაცი მსგავსს არაფერს აპირებდა, ვიფიქრე. ალბათ, შეცბუნებული და დარცხვენილია, ველარც ხუმრობას ახერხებს, რომ ეს ამბავი გააქარწყლოს-მეთქი. გული მომიღბა, უკვე მზად ვიყავი. თავად მივხმარებოდი, მაგრამ ამისათვის სახეში უნდა შემეხედა, წომ

ვთქვი უკვე, რომ ძალიან მაღალი იყო, და არც კი დაჩრილა ჩემ-
კენ, რაც ბუნებრივი იქნებოდა. იღვა იმ თავის სიმაღლეში გახვევე-
ბული. მე კი ამ სიმაღლისათვის მოუშზადებელი ვიყავი. ჩემი სა-
ხის წონ ისეე და ისეე მისი პიჯაკის უცნაური სიმაგრე და სუნი ოდ-
გა, რაც პირველსავე წუთში ვიგრძენი. და აი, უცბად მოვიდა მისი
სახე. მოვიდა. როგორი იყო? არ ვიცი. არ მინდა ვიციოდე. და ამ
სახის გვერდით, მისი შემზარავი თვალების გასწვრივ, თ-თ-ოს მე-
ორე თავიანო. — აღმართულიყო ვება მუშტი. ვიდრე პირს ვიბრუ-
ნებდი. უკვე გავრბოდი. გვერდზე ვესკუბე და გავიქეცი: ცარიელ,
საშინელ ქუჩაში, უცხო ქალაქის ქუჩაში, ქალაქისა, სადაც არა-
ფერს გაპატიებენ.

მაშინ ისეთი რამ განვიცადე, რასაც მხოლოდ ახლა ვაცნობი-
ერებ. მე ვიგრძენი ის მასიური, სასოწარკვეთილი ეამი⁷⁰. ხანა, რო-
დესაც ორი შერიგებული ადამიანის კონა მხოლოდ ნიშანი იყო
გარსშენორტყმული მკვლელებისათვის. მტრები ერთი სასმ-სით
სვამდნენ. ყველას თვალწინ ერთ ცხენზე სხდებოდნენ, და ისიც გაბ-
შირდა, ღამით ერთ საწოლში რომ იძინებდნენ. და ყოველი ურთი-
ერთშეხება ისე ამაფრებდა ურთიერთსიძულვილს. რომ რამდენ-
ჯერაც ერთმანეთის მფეთქავ ძარღვებს შეაკეპრდებოდნენ, ავადმ-
ყოფლური ზიზღი იპყრობდათ, თითქოს გომბეშოს ცაქცაქს უმზერ-
დნენ. ეს იყო ეამი, ძმა ძმას რომ დაესხა თავს მიწის უფრო დიდი
წილის გულისთვის და დაამწყვდია. თუმცა მეფემ დაიცვა დაზარა-
ლებული და დაუბრუნა საკუთრება და თავისუფლება, თუმცა უფ-
როსი ძმაც გამოუტყდა დანაშაულში უცხო ბედ-იღბალთა ჩხრეკა-
კვლევიით დაღლილ ხელმწიფეს და მრავალგზის მოინანოა კიდევ წე-
რიღებში თავისი ცოდვა. — განთავისუფლებული გონზე მაინც ეკ-
ლარ შოვიდა. და საუკუნე გვიჩვენებს მას პილიგრიმის სამოსით
მოსილს. ეკლესიიდან ეკლესიისაკენ რომ მიეშურება. იგი სულ უფ-
რო უცნაურ აღთქმებს იგონებს და ავგაზოზებასხმულ სენ-დენის
ბერებს ყურში ჩასჩურჩულებს თავის შიშსა და სასოწარკვეთას. და
ამ ამობრს ნუსხა-გუჯარბში დღებან იყო აღნიშნული ასფუთიანი
თაფლის სახთელი, რომელიც მან წმინდა ლუდვიგისათვის⁷¹ შესა-
წირავ მოიწადინა. საკუთარ ცხოვრებას აღარ მიბრუნებია. სიკვდი-
ლამდე მტანჯველად გრძნობდა უფროსი ძმის შურსა და რისხვას,
როგორც საკუთარი გულის თავანზე მცდარად მოხვედრილ ავ ვარს-
კვლავებს. და განა იმ გასტონმა ფებმა, იგივე გრაფმა ფუამ⁷² ყე-

ლას რომ აღაფრთოვანებდა, საჯაროდ არ მოკლა თავისი ძმისშვილი ერნაუტი, ინგლისის მეფის ასისტაივი ქალაქ ლურდში⁷³! და რა იყო ეს აშკარა მკვლელობა იმ შემზარავ შემთხვევასთან შედარებით? — ცა მას დააიწყდა, ფრჩხილების პატარა, ბასრი დანა სადმე დაელო და სილამაზით განთქმული ხელით იმ დანიანად ეფერებოდა მწოლარე ვაჟიშვილის გაშიშვლებულ ყელს! ბნელოდა ოთახში. უნდა გაენათებინათ, რომ სისხლი დაენახათ, სისხლი, რომელიც აგრე შორი გზიდან მოდიოდა და აწ სამუდამოდ ტოვებდა ძველ, ძვირფას გვარ-ტომს, მიქქალის ბიჭის ციციქნა კრილობიდან გაღმომღინარე.

ან ვის გააჩნდა ესოდენი ძალმოსილება, რომ მკვლელობას გადაარჩენოდა? განა იმ დროის ადამიანთა შორის მოიძეებოდა ვინმე ისეთი, რომელმაც არ იცოდა, უკიდურესი საშინელებაც გარდუვალი რომ გამხდარიყო? აქ თუ იქ, მავან ადამიანს, ვინც ყოველ ცისმარე მკვლელის შემოწმებელ მზერას აწყდებოდა, უცნური წინათგარძნობა ეუფლებოდა. იკეტებოდა, იმალებოდა, უკანასკნელ სურვილებს წერდა, ბოლოს კი ტირიფის რტოთაგან შეწნულ საკაცეს ითხოვდა, ცელესტინელთა ორდენის⁷⁴ მუქ ანაფორას და გამოუვალ დარღს ეძლეოდა. უცხო მენესტრელები ჩერდებოდნენ მის სასახლესთან და მათ გულუხვად აჭილდობდნენ, რადგან მოხეტიალე მომღერალთა ხმებიც სასახლის პატრონის შიშნეულ წინათგარძნობას ესიტყვებოდა. ძაღლების გამოხედვაშიც ეჭვი ჩაბუდებულიყო, მათ უტყვე მოლოდინსაც შფოთი გასჯდომოდა. იმ დევიზიდანაც, მთელი ცხოვრება ვარგისად რომ ითვლებოდა. აშკარად სხვა, უცხო აზრი ამოზრდილიყო. ზოგი ძველი ადათი მოძველებულად მიაჩნდათ და მათ შემცვლელ ახალ წესებსაც ვერ პოულობდნენ. მომავლის გეგმებს აწყობდნენ, მომავლისა კი აღარ სჯეროდათ. სამაგიეროდ, წარსულის რაღაც მოგონებებმა მოულოდნელად შეიძინეს საბოლოო აზრი და სინამდვილე. და სურდათ, ამ მოგონებებს მისცემოდნენ ცეცხლის პირას საღამოობით. მაგრამ უეცრად ღამე ახმაურდებოდა შემაშინებლად, ღამე, რომელსაც ვეღარ სცნობდნენ. იმდენ თავისუფალ თუ საშიშ ღამეთა განმცდელი სმენა სიჩუმის უმცირეს რხევებსაც კი განასხვავებდა, მაგრამ ახლა სულ სხვაგვარი ღამე დამდგარიყო. ის აღარ იყო ღამე — ჩამდვარა გუშინდელსა და დღევანდელს. შორის. ის იყო ერთი გაბმული ღამე. თავისთავადი. ღამე. და რჩებოდათ მხოლოდ და მხოლოდ

Beau Sire Dieu⁷⁵ და მკვდრეთით აღდგომა. ამ უკუნეთში რაღა აზრი ჰქონდა სატრფოსათვის თავის გამოდებას, კაცი როგორღა გახდებოდა სატრფოს პატრონი: ალბებმა და სირკვენტებმა⁷⁶ დაამახინჯეს სატრფოთა სახე, გაწელილმა, ბრკვეიალა მეტსახელებმა შეუძლებელი გახადეს მათი შეცნობა. ისიც დიდი ანბავი იყო, თუ სიბნელეში მათ სავსე და ქალღურ მზერას წააწყდებოდი მათ ნაშაერ ვაეიშვილთა გამოხედვაში.

და მერე გვიანი ვახშმის შემდეგ ფიქრი წაიღებდათ ხოლმე წყლით სავსე ვერცხლის თასში ჩაძირულ ხელებზე. საკუთარ ხელებზე. იყო რაიმე კავშირი, ერთიანობა ამ ხელების მოძრაობაში? რაიმე თანმიმდევრობა ხელის ტაცებასა და ხელის გაშვებაში? არა. ირგვლივ ყველანი აქეთ-იქით აწყდებოდნენ. თვითონ ჰკრიუნენ და თვითონ კერავდნენ. ამღენად, საწმე არ კეთდებოდა. ქმედობას ვერაფერს დაარქმევდი.

მხოლოდ მისიონერებზე შეიძლებოდა თქმა, რომ ისინი მართლად მოქმედებდნენ. და მათი საქციელის შემყურე მეფემ საგანგებო სიგელი გამოიგონა. მისიონერებს თავის საყვარელ ძმებს უწოდებდა, მათზე ახლობლად არაფერს მოაჩნდა: სიტყვიერი უფლება მიანიჭა. თავისუფლად ეტრიალათ მოკვდავთა შორის და თავიანთი საქმე ეკეთებინათ. რადგან მეფეს ესლა ეწადა: მისიონერთ ყველანი მოექციათ და თავიანთ მძლავრ ქმედებაში ჩაერთოთ, ქმედებაში, დიად წესრიგს რომ ასწივებდა. თავად კი ნატრობდა, რაიმე ესწავლა მათგან. განა თვითონაც რაღაც განსაკუთრებული აზრის გამოშხატველ ტანისამოსს არ ატარებდა, რაღაც იდუმალი ნიშნებოთ არ იყო აღბეჭდილი? და როცა შესცქეროდა, სჯეროდა, თვითონაც ისწავლიდა აგრე მოქცევას: მათსავით შემოსვლას. მათსავით გასვლას, მეტყველებასა თუ უკან გადახრას. და თან სრულიად დამაჯერებლად. უსახლვრო იმედები უესებდა გულს. სამების მონასტრის⁷⁷ წრილა შუქით განათებულ, უცნაურად გაურკვეველ დარბაზში ყოველდღე საუკეთესო ადგილას იჯდა და აღელვებული წამოდგებოდა ხოლმე უეტრად, მთლად მოწაფესავით ირჩებოდა. სხვები ტიროდნენ. მისი სული კი ცრემლის მბრწყინავი ნიაღვრებით ავსებულყო, და ხელს ხელზე იჭერდა. ის ნიაღვრები რომ აეტანა. ზოგჯერ, საბედისწერო წუთს, თამაშს ჩამოწყვეტილი რომელიმე მსახიობი მისი ფართო მზერიდან რომ გავიწოდდა. მეფე თავს ასწევდა, აიხედავდა და შიში იპყრობდა: ო. უკვე რა ხანია რაც ის

იქ იდგა: მომსწიწორ მიქელ-მთავარანგელოზი⁷⁸, თავის სარკოვან, ვერცხლის აბჯარში გამოწყობილი, ესტრადის თავზე, აივნის პირას რომ აღმართულიყო.

ასეთ წუთებში მეფე მაშინვე ფეხზე დგებოდა. მიმოიხედავდა, თითქოს გადაწყვეტილებას რასმე იღებდნენ. ის უკვე შზად იყო მოეთხოვა, ნანახი წარმოდგენის საწინააღმდეგო დადგმა ეჩვენებინათ: ხანგრძლივი შიშით დაზაფრული, დიდი, გაუბრალოებელი ჯვარცმის ამბავი, სადაც თვითონ შეასრულებდა მთავარ როლს. მაგრამ ეს წუთი მალევე ქრებოდა: ყველანი უაზროდ მოძრაობდნენ. ანთებული ჩირაღდნები იწვევდნენ მეფისკენ⁷⁹ და უფორპო ჩრდილებს ისროდნენ თაღის სიღრმეში. მას კი თამაში სურდა. მაგრამ პირიდან სიტყვა არ ამოსდიოდა, ვერც მისი ხელების მოძრაობა იკვრებოდა აზრიან შესტებად. ისინი კი რა უცნაურად მოიწვევდნენ. მეფეს აზრი დაებადა, ჯვარს ავიკიდებო. და იცდიდა, ვიდრე მოუტანდნენ. მაგრამ ისინი მეფეზე ძლიერნი იყვნენ. ჯვრის მოტანა გადაუდეს და ნელა მოაცილეს იქაურობას.



გარეთ ბევრი რამ შეიცვალა. არ ვიცი, როგორ. მაგრამ ჩვენს შიგნით და შენს წინაშე, უფალო ჩემო, ჩვენს წიაღში: შენს წინაშე, მაყურებლო: განა მოქმედების გარეშე არ ვართ? თუმცა კი ვხვდებით, როლები რომ არ ვიცით ჩვენი, და სარკეს ვეჭებთ, რადგანაც გვინდა სახიდან გრიმი ჩამოვირეცხოთ, მოვიშოროთ ჩვენი სიყალბე და გავნამდვილდეთ. მაგრამ სადღაც მაინც ავკვრობია შენიღბულობის რაღაც მისხალი, რომელიც ჩვენ აღარც კი ვვახსოვს. გადაქარბების კვალი რჩება ჩვენი წარბების მოძრაობაში, ვერც იმას ვამჩნევთ, ტუჩის კუთხეები რომ გაგვმრუდებია. და აგრე ვცხოვრობთ და ვიარებთ: გამჭირდავნი და ნახევარნი: არც ყოფიერნი, არც მსახიობნი.



ეს იყო ორანჟის ძველთაძველ თეატრში⁸⁰ წესიერად ვერც შევავლე თვალთ ფასადს, მხოლოდ დიდი, გაურანდავი ქვები ჩამრჩა ცნობიერებაში, ქვები, რითაც ის იყო აგებული, და პირდაპირ შე-

ვადე დარაჯის ოთახის მინის კარი. იქიდან შევედი შენობაში. ირგვ-
ლივ მიმოყრილ სვეტებსა და ტუხტის ჭუჭა ხეებში აღმოჩნდი. მა-
თი წყალობით ერთ წამს ვერც დავინახე მაყურებელთა დარბაზის
დაფარდებული იატაკი, დარბაზისა, გიგანტურ ღია ნიჟარას რომ
წააგავდა. მას ისე ეფინებოდა ნაშუადღევის შუქრდრელები, რო-
გორც ვეებერთელა ნაზნექილ მზის საათს. სასწრაფოდ იქით გა-
ვემართე. როდესაც რიგებშორის ზემოთ მივიწვედი, ვიგრძენი,
რომ ვპატარავდებოდი. ზემოთ, სულ მალლა რამდენიმე მოცლილი
იღგა და უსაგნო ცნობისმოყვარეობით აქეთ-იქით იყურებოდა. მა-
თი ტანსაცმელი უსიამოვნოდ, მკაფიოდ და მკახედ ხედებოდა მზე-
რას, თუმცა თავად ერთი ბეწონი ჩანდნენ. ერთ წამს შემავლეს თვა-
ლი და გაიკვირვეს, რომ მეც ასე პატარა ვიყავი. ამის გამო უკანვე
მივტრიალდი.

მივტრიალდი და გავქვევდი. ო. ნამდვილად მოუძნადებელი აღ-
მოჩნდი იმისათვის, რაც დავინახე. იქ უზარმაზარი, ზეადმიანური
დრამა იყო გაჩაღებული. იმ სცენის მძლეთამძლე კედლის უწყვეტი
დრამა. ეს კედელი სამ შვეულ ნაწილად მოიწვედა წინ, მუქარით
აღვსილი და თვალშეუდგამი, თითქმის გამანადგურებელი თავიანი
სიღიღით, და უცებ ზომიერდებოდა იმ უზომობაში.

იქით დავეშვი, ბედნიერად გაოგნებული. ამ ევება შვერილის ვე-
ება ჩრდილები სახის ნაკეთებად იკეთებოდა. შუაგულში, როგორც
დაღებულ პირში, თავს იყრიდა მთელი სიბნელე, ხოლო ზემოდან
მთავრდებოდა გვირგვინოვანი ქვის თანაბრად ხვეული თმის ზვირ-
თებით: ეს იყო უძლიერესი, ყველაფრის მომცველი და დამფარავი
ანტიკური ნიღაბი, რომლის მიღმაც მთელი სამყარო ერთ უზარ-
მაზარ სახედ იკვროდა.

ამ დიდ, მორკალულ სამაყურებლო სივრცეში მომლოდინე, ცა-
რიელი, შემსრუტავი ყოფიერება გამეფებულიყო: მთელი ხდომი-
ლება მოჩანდა მიღმა: ღმერთები და ბედისწერა. და იქიდან (თუკი
მალლა აიხედავდი) მსუბუქად იღვრებოდნენ კედლის კიცურზე: მა-
ზადიულად გარდმომავალნი ცანი.

ახლა ვხვდები, სწორედ იმ წუთმა გამომდევნა სამუდამოდ ჩვენი
რეპტიდან. აბა, რა მინდა მისი სცენის წინ, საიდანაც ის კედელი
ხატებით დაფარული კედელი რუსული ეკლესიებისა) აღებულია,
ჩადგან ძალა აღარ ჰქონდათ მისი სიმკაცრით შეეკუმშათ არჩივით
ჭადვრილი მოქმედება, რომ იგი ზეთის მძიმე წვეთებად გადმოსუ-

ლიყო. და ახლა სანახაობა სცენის უხეშად დასვრეტილ საცერში ნამტყცდება. მერე ხვადება და ბოლოს იყრება, როცა საკმაოა. ეს ხომ იგივე უღლეური სინამდვილეა, ქუჩებსა და სახლებში რომ განფენილა, ოღონდ იქ უფრო მეტი გროვდება, ვიდრე სცენაზე.

¹ (წოდით. გულახდილნი ვიყოთ. ჩვენ თეატრი არ გავაჩნია ისევე როგორც არა გვყავს ღმერთი; ორივესთვის ერთიანობაა საჭირო. ყველა ჩვენგანს კი საკუთარი, პატარა-პატარა მიგნებები და შიშები აქვს, და სხვებს მხოლოდ ომდენად უჩენს, რამდენადაც თვითონ სჭირდება.

ჩვენ განუხრელად ვაწყალწყალებთ ჩვენს შეგნებას. რათა ის რამენაირად ყოველნაირ წვრილმანს გადასწვდეს. ნაცულად იმისა, რომ საერთო უბედურების კედლისკენ ვკიოდეთ; ამ კედლის მრღმ; ხომ მიუწვდომელი ძალა აღმართულა, მსხნელი ძალა, და საკმაოდ რო აქვს, რათა შეიკრიბოს. დაიძაბოს და შეიმართოს).



და ნამდვილი თეატრი რომ გვქონოდა, ნუთუ მაშინაც ასე იღვებოდრი დარბაზის წინაშე, შენ, ტრაგიკულო⁸¹. ასე ტანთხელა, გაშიშვლებული, უსაფარველო, იმათ წინაშე, შენი გამოფენილა ტკივილებით თავიანთ სულსწრაფ ცნობისწადილს რომ იქარევენ? წინასწარვე იგრძენ ნამდვილობა შენი ტანჯვისა, გამოუთქმელად გულის შემძვრელო; იგრძენი უკვე ვერონაში, როცა შენ, ჯერ კიდევ პატარა გოგონას, სცენაზე ვარდები გეპირა ხელში — წინახედვით, რომელსაც კიდევ უფრო უნდა დაეფარე. მართალია. შენ მსახიობთა შვილი იყავი, და როცა შენიანები თამაშობდნენ, სურვილიც ჰქონდათ, რაც შეიძლება ბევრს დაენახა, მაგრამ შენ ხომ მათ არა ჰგავდი. შენი ხელობა იგივე უნდა გამხდარიყო შემთვის, რაც მარიანა ალკოფორადოსთვის მონაზვნობა იყო (თუმცა თვითონ ეს არ იცოდა): გადაცმულობა — საკმაოდ მკვრივი, გამძლე და ხანგრძლივი, იმისათვის, რომ ამ საფარველს მიღმა თავშეუქავებლად-ბოლომდე ლატაკი ყოფილიყო, ყოფილიყო ლატაკი იმ დაჟინებით უხილავ ნეტართა ნეტარება რასაც ასხივებს. ყველა ქალაქში, სხვადაც კი შენ გითამაშია, შენს ჟესტებსა და მიმოხერას აღწერდნენ

¹ ხელნაწერში კიდევია მიწერილი. (რილკეს შენიშვნა).

მაგრამ ვერავინ ხელებოდა, შენ — დღითი დღე სულ უფრო უნუ-
გეწო და მარტოსული — როგორ ცდილობდი წინ რაიმე გაუმ-
ქვირვალე საგანი აგეფარებინა, რომ დაეფარე, თმა ან ხელები
გეკვირა ხოლმე შენი სახის ორ გამქვირვალე, გამომსხივარ სარკის
წინავე: შენ მათ ორთქლავდი, რადგანაც გამქვირვალური იყვენენ.
პატარავდებოდი, იმალებოდი. ბავშვებმა რომ იციან, ისე. და აი,
მაშინ გეწვეოდა ხოლმე ბედნიერი სულისგანაბეა და ანგელოზსდა
ელოდებოდი. მას უნდა მოეძებნე, უნდა ეპოვნე და სხვას არავის.
მაგრამ მერე ფრთხილად რომ ასწევდი ქუთუთოებს და აიხედავდი,
აშკარა ხელებოდა: მთელი ეს ხანი მხოლოდ ისინი გიყურებდნენ —
მაყურებელნი. შემოგცქეროდა თვალებად ქცეული საზიზღარი ფუ-
ტურო — დარბაზი, და მხოლოდ შენ გხედავდა. მხოლოდ შენ და
ანგელოზს აღარ, და მაშინ იყო, იდაყვიში მოხრილ, დამოკლებულ
ხელს დარბაზისკენ რომ იშვერდი უცებ. თითებით ნიშანს გამო-
ხატავდი: ავი თვალის საწინააღმდეგოს. და იმ მზერას გამოგლუჯ-
დი ხოლმე შენს სახეს, სახეს, რითაც ავი თვალი იკვებებოდა: აი,
ამ დროს შენ შენ იყავი. და თანამოდასეთ შიში იპყრობდათ ქალ-
ავაზასთან მიემწყვდია თითქოს ვიღაცას. კულისებმა კედელს ეკვ-
როდნენ და მხოლოდ იმ სიტყვებს ამბობდნენ, რაც ევალეობათ:
ოღონდ კი არ გაეღიზიანებინათ. შენ კი ისინი წინ გაყავდა. ხალხს
ანახვებდი და ისე ექცეოდი, როგორც ნამდვილებს. სცენის მთელი
ბუტაფორია — ფარატინა კარები. მოტყუებული ფარდები. მთელი
ის საგნები, უკანა მხარე რომ არ გააჩნია — წინააღმდეგობას, შე-
უსაბამობას გიქმნიდა მუდამ. რადგან ხომ გრძნობდი, გული რო-
გორ განუზრელად გიზვირთდებოდა უზარმაზარი სიმართლისა და
სინამდვილისკენ. და შეშინებული, კიდევ ერთხელ ლამობდი შენ-
კენ მომართული მზერები აბლაბუდასავით ჩამოგეწყვიტა. მაგრამ
უკვე გვიან იყო: უკვე ტავად ინთხოვდნენ მაყურებელნი: ზარდაცე-
მულნი შენგან დაძრული უკიდურესობით ბოლო წუთს თავიდან
იშორებდნენ შენეულ ძალას. რომელიც მათ აიძულებდა: შეეცეა-
ლათ ცხოვრება თვისი.



ცუდად ცხოვრობენ სატრფონი და მუღმივ საფრთხეში. ო. ნე-
ტავ თავი დაეძლიათ და გამხდარიყვნენ მოყვარულნი. დიდი მეტრ-
13. რაინერ მარია რილკე

ფენი. მეტრფეთა ირგვლივ უხეფ-თობა გამეფებულა. მათნი აღარა-
ვინ აღარ ეპედება, და აღარც თავად შეუძლიათ საკუთარი თავის
ლაღატი. მათში საიდუმლო მთლიანი და წმინდა გამხდარა და ისი-
ნიც ბულბულებივით ამოთქვამენ მთელ საიდუმლოს: ერთიანსა და
უნაწილებოს. ერთის გამო მოთქვამენ ისინი. მაგრამ ხმას უწყობს,
უდასტურებს მთელი ბუნება. რადგან უკვე მარადიულის გამო ვაე-
ბენ. დაკარგული სატრფოსკენ მიჰქრებიან, მაგრამ პირველივე ნაბიჯე-
ბით უსწრებენ მას და წინ უკვე ღმერთთა და სხვა აღარავენ. მათა
ლეგენდა ბიბლიდას⁸² ლეგენდაა, კავნოსს რომ გაედევნა თვით ლიკი-
ამდე⁸³. გულის აზავთება სატრფოს კვალდაკვალ მიაგვლევებდა,
ქვეყნიდან ქვეყნად, ვიდრე თავისი ძალის ნაპირს არ მიაღწია. მაგ-
რამ ისეთი მძლავრი და მალი გამხდარაყო ქროლეა-სწრაფვა მისი
არაების, რომ როს დაეცა, სიკვდილის მიღმა წმინდა წყაროდ ამოჩ-
ქრიალდა, სისწრაფეშეყრილ, სწრაფ წყაროდ წარდინდა

და პორტუგალიელ ქალსაც განა იგრევე არ დაემართა, რომ წყა-
როსთვალად გადაიქცა თავის წიადში? და განა ეს არ დავემართა
შენც, ელოიზა, თქვენ მოყვარულნო, დიდო მეტრფენო, რომელთა
მოთქვა-გოდებანაც ჩვენ მოგვადწია: გასპარა სტამპა, გრაფინია ფონ
დია⁸⁴, კლარა დ'ანდუზე⁸⁵, ლუიზე ლაბე⁸⁶, მარსელინა დებორა⁸⁷,
ელიზა მერკიორა⁸⁸ მაგრამ შენ კი, საბრალო და სულსწრაფო
აიშე⁸⁹, უკვე ყოყმანობდი და ბოლოს დასთმე. ღონემიხდილო ქი-
ული ლესპინას!⁹⁰ ან შენ, ბედნიერ ბალნარის უსასოო თქმულებავ:
მარი-ანნა დე კლერმონ!⁹¹

ახლაც ნათლად მახსოვს, დიდი ხნის წინათ შინ რაღაც ძველი:
პატარა ზარდახშა ვიპოვე. მარაოს ფორმის ბუდეს ორი მტკაველი
სიგრძე ექნებოდა და მუქმწვანე ტარსიკონში ჩატვიფრული ყვავი-
ლების ქობა დაპყვებოდა. ავხადე, ცარიელი იყო. ამას ახლა ვამბობ.
ამდენი ხნის შემდეგ. მაშინ კი, როცა ავხადე, მხოლოდ იმას ვხე-
დავდი, რისგანაც ის სიციარიელე შედგებოდა: ხავერდს. ძველი, უკ-
ვე კენობაშეპარული ხავერდის პატარა ბორცვს, და სასამკაულე სა-
ლუქ ღარს, — სევდის ერთი პატარა ტალღით უფრო ნათელი, იმ
ბორცვის გულში რომ გადიოდა. მხოლოდ ერთ წამს შეიძლებოდა
ამ ხილვის შენარჩუნება. მაგრამ მისთვის, ვინც სატრფოდ დარჩა
სამარადისოდ, და არა მეტრფედ, ის ზარდახშა, ალბათ, მუდამ ცა-
რიელია.

აბა. დასაწყისისკენ გადაფურცლეთ თქვენი დღიურები. ვანა არა გაქვთ აღწერილი გაზაფხულების ის მონაცემები. როცა ამოთქრი-
აღებული წელიწადი თითქოს საყვედურად ვხედებოდათ კვლავ?
გიპყრობდათ სურვილი—გაზარებულ ყოფილიყავით, მაგრამ გარეთ
რომ გალიოდი ვება სიერცეში, ჰაერს რაღაც გაუცხოება მოქონ-
და თითქოს. და ისეთი გაუბედავი გიხდებოდათ სიარული. თითქოს
გემბანზე მიიკვლევდით გზას. აი, ბალი იწყებდა ახალ სივრცეს.
თქვენ კი ზამთარს მოათრევდით და შარშანდელ წელიწადს. საუკე-
თესო შემთავებაში გაგრძელება იყო თქვენთვის ეს გაზ ფაქტი. და
ვიდრე იცდიდით, როდის ჩაერთვებოდა თქვენი სული არემარეში,
უცებ სხეულის ყოველი ნაკეთის სიმძიმეს გრძობდით და აუღ ვან-
დომის შესაძლებლობა გეჭრებოდათ ღია გუმანში. რაღა დაგრჩე-
ნოდათ, უნდა გადაგედოთ თხელი, მსუბუქი სამოსის ჩაცმა და თბი-
ლი შალი მოგესხათ მხრებზე. შემდეგ ხეივანში გარბოდით, ხეივ-
ნის ბოლოს ვრცელ ყვავილნართან შეჩერდებოდით გულამოგარდნი-
ლი. უკვე მიგელოთ გადაწყვეტილება: მთელ გარემოს შეერთებო-
დით. მაგრამ აი, ჩიტი ამღერდა, მარტო იყო, მარტო მღეროდა და
თქვენ უარგყოთ. ოპ. ნუთუ მასთან შესაერთებლად მკვდარი უნდა
ყოფილიყავით?

ალბათ. ალბათ ჩვენთვის ჯერ ახალია: შექცლოთ დაქლება წელი-
წადის და სიყვარულის. ყვავილი გაშლილია, ნაყოფი მწიფე. როდუ-
საც ცვივა. ნადირცხოველნი ერთმანეთს გრძობენ. პოულობენ და
ამდებიან. ჩვენ კი — ღმერთი განვიზრახეთ. წამოგწყეთ და ველარა-
ფერი. გაგვიწყვა. ჯერ შორსაა ჩვენი მწიფობა. ჩვენი ბუნება გავი-
მანძილეთ, შორს გადავწიეთ. ჯერ დრო გვჭირდება. რა არის ჩვენ-
თვის ერთი წელი, ან ყველა ერთად? ჯერ ღმერთს რივიანად არც
შევდგომივართ და უკვე შევლაღადებთ: „მომეც ძალა, ღამეს გაუძი-
ლო“. მერე სნეულებას, მერე სიყვარულს.

ო, კლემენტინა დე ბურჟი⁹² რომ უნდა მომკვდარიყო ყვავი-
ლობისას! უბადლო ვოგონა. უმშვენიერესი საკრავი იმ საკრავთა
შორის. რომელთა აუღერებამიც ტოლი არ ჰყავდა: მისი ხმის უმცი-
რესი რხევაც კი განუშეორებლად იყო შესრულებული. მის ქალიშვი-
ლობას ისეთი შემართება ახლდა, ერთმა ანიადგრებულმა მეტრფე
ქალმა ამ მზესავით ამომავალ გულს სონეტების წიგნი აჩუქა, წყურ-

ფილმოუკვლელი ლექსებით სავესე: პოეტ ლუიზე ლაბეს არ ეშინო-
და, რომ იმ გოგონას თავზარს დასცემდა, თუ სიყვარულის ტან-
ჯვათა ხანგრძლივობას გაუმხელდა თვისი ლექსებით. და მან აჩვენა
ღამეული აზვირთება მონატრებისა, დაჰპირდა ტკივილს — რო-
გორც უფრო დიად სამყაროს, უფრო ვრცელს, ვიდრე სამყაროა
სინარულისა. და მან იგრძნო, რომ თავისი განცდილი და გამოცდი-
ლი ტკივილით ბევრად ჩამორჩებოდა ბავშვის ბუნდოვნად ნაწინათ-
გრძნობ, მომავალ ვაებას, რაც იყო წყარო იმ ქაბუჯ-ასულის არან-
ხული სილამაზისა.



ჩემი სამშობლოს გოგონებო. ნეტავ თქვენ შორის უღამაზესმა
ზაფხულის ერთ ნაშუაღღევს ჩაბნელებულ ბიბლიოთეკაში ერთი
პატარა წიგნი იპოვოს. ესა და ტურნემ⁹³ რომ დასტამბა 1556
წელს. ნეტავ სიგრილემომბერი, გლუვი ტომი თან გაიყოლოს აზლ-
ზუნებულ სეხილის ბალში, ან იქით, ფლოჰსის რბილი ტეერისკენ,
რომლის ზეტკბილ სურნელებაში შეუტრეველი. წმინდა სიტყბოს ლე-
ქი იგრძნობოდა. ნეტავ გოგონამ არ დააგვიანოს ამ წიგნის პოვნა,
არ გაეპაროს ის დღეები, როცა საკუთარ სხეულზე იწყებს მზერის
შეჩერებას, როცა იმის ყმაწვილურ. ნორჩ პირს ჯერ კიდევ ძალუძს
დიდად. ღონიერად ჩაქბიჩოს ვაშლი და ამოივსოს ბნელი წიაღი.

და მერე. როდესაც უფრო აჩქროლებულ მეგობრობათა ჟამი გეწ-
ვევათ, ო, ქალიშვილებო, ნეტავ თქვენი საიდუმლო ის იყოს სწო-
რედ, რომ ერთმანეთს დიკეს უძახდეთ და ანაქტორიას, გირინოს და
ატთიდას⁹⁴. და ნეტავ. ერთმა თქვენზე ბევრად უფროსმა კაცმა. შე-
იძლება სულაც მეზობელმა. რომელმაც ყმაწვილკაცობაში იმოგზა-
ურა და დიდი ხანია ახირებულ ვინმედ ითვლება. გამოიცნოს თქვე-
ნი საიდუმლო: ის სახელები. ხანდახან შინაც მიგიპატიჟოთ და
გაჩვენოთ თავისი სახელგანთქმული ატმები. ან თეთრ დერეფანში
გამწკრივებული რიდინგერის გრავიურები⁹⁵, რომლებზედაც იმ-
დენს ლაპარაკობენ. რომ კაცმა თავისი თვალით უნდა ნახო ბოლოს
და ბოლოს.

ეგებ დაიყოლიოთ და რაიმე აამბობინოთ. ვინ იცის, ეგებ თქვენ
შორისაა ის ქალიშვილი, რომელსაც შეუძლია ისე შეეხვეწოს, რომ
ამ კაცმა თავისი მოგზაურობის დღიურებიც გამოიტანოს? .ის ქალი-

შვილი, რომელიც ერთ მშვენიერ დღეს, იმასაც დააცდენინებს. — საფოს ლექსების ცალკეულმა ნაწყვეტებმა ჩვენამდე მოაღწიაო, — და ვერ მოისვენებს, სანამ არ ათქმევინებს — თითქმის საიდუმლოს, რომ ამ ჩვენამდე მოღწეულ ლექსებს ეს გარყული, გულჩათხრობილი ადამიანი⁹⁶ მოცალეობის ქამს თარგმნიდა თურმე. და მაშინ კაცი აუცილებლად დასძენს, რომ დიდი ხანია აღარ მოუცლია თარგმანებისთვის, და ის კი, რაც თარგმნა, სალაპარაკოდაც არ ღიჯს. თუმცა, ბოლოს მაინც სიხარულით ამბობს ერთ-ორ სტროფს — მგულწრფელი ქალიშვილების წინაშე, რომლებიც აღარ და აღარ დაეხსნენ. ბერძნული ტექსტიც კი ასენდება, ბერძნულად ამბობს, რადგან, მისი აზრით, თარგმანი არაფერს იძლევა. და თან გულთ სწადია ახალგაზრდებს აჩვენოს ქვისსატეხი იმ ძველი, მასიური, კაზმული ენისა, რომელიც ასეთ ზემძლავრ ცეცხლში იდრიკებოდა.

და ეს ყოველივე კაცს ისევ სამუშაოს სურვილით აღანთებს. და მას ეწვევა ლამაზი, თითქმის ახალგაზრდული საღამოები, მაგალითად, შემოდგომის საღამოები, გრძელი და მშვიდი ღამე რომ მოსდევთ. და მერე მის სამუშაო ოთახში გვიანობამდე ანთია შუქი. მუდამ ასე კი არ ზის, ფურცელზე თავდახრილი, არა, ხშირად უკან გადაიწევა, თვლებს ხუჭავს ხელახლა წაკითხულ სტრიქონთა ზემოთ და მათი აზრი კაცს მთელ სისხლში უნაწილდება. არასოდეს ყოფილა აგრე ცხადი ანტიკურობა. მან ლამის მოწყალედ გაუღიპოს მთელ იმ თაობებს, საბერძნეთი დამთავრებულ, ჩველილ სპექტაკლად რომ წარმოიდგინეს, სპექტაკლად, სადაც თვითონაც სიამოვნებით ითამაშებდნენ. და მეყსეულად შეიგრძნობს იგი იმ აღრეული სამყაროული მთლიანობის დინამურ მნიშვნელობას: განა ის ერთიანობა ყველა დროის სულიერი წვია და დაგვის დიდ ერთობას არ გულისხმობდა?!

მას როდი აბნევს ის გარემოება, რომ საბერძნეთის თანმამდევრული კულტურა მთელი თავისი ნეტ-ნაკლებად სრულყოფილი გამოვლინებებით გვიანდელ საუკუნეთა მზერას ერთ ცალკეულ მთელად და მთლიანად გარდასულ სამყაროდ ეჩვენებოდა. თუმცა იქ მიწიერი ყოფის ნახევარ-თასს ნამდვილად ეხურებოდა ხოლმე სიცოცხლის მეორე, ზეციური ნახევარი, სწორედ ისე, ორი ჰემისფერო რომ ერთდება ღვთაებრივ, ოქროვან სფეროდ, მაგრამ შეერთდებოდნენ თუ არა ეს ნახევრები, მათში ჩართული სულები ჯერ ისევ მხოლოდ სიმბოლოდ აღიქვამდნენ ამ უნაშთო განხორციელებ-

ბას: მასიური ვარსკვლავითი წონას კარგავდა და მალე მიიწვედა ღამის სივრცეში, და მის ოქროვან სიმრგვალეში თავშეკავებულად ირეკლებოდა მწუხარება ჯერ ვერმიღწეულის და ვერდაძლეულის გამო.

და ამას რომ ფიქრობს მარტოსული თავის ღამეში, რომ ფიქრობს და აცნობიერებს, უცბად შეამჩნევს ხილით საესე თეფშს ფანჯრის რაფაზე. უნებურად ხელს სტაცებს ერთ ვაშლს, მაგიდაზე დებს და დაჰყურებს. ნეტავ გარს როგორ ეკერის ჩემი სიცოცხლე აი ამ ნაყოფსო, გაიფიქრებს. ყველა მწიფე და დასრულებული საგნის ირგვლივ ამოიზრდება განუხორციელებელი და შეუქმნელი სინამდვილე, ამოიზრდება და ძლიერდება.

და იმ განუხორციელებლობაზე რომ დაფიქრდება, უეცრად, ძალზე სწრაფადაც კი, თვალთა წინაშე აღემართება პატარა, უსაზრულობისკენ გაძაბული ფიგურა, რომელსაც (გალენის⁹⁷ მტკიცებით) გულისხმობდა იმ ეპოქის ყველა ადამიანი, როდესაც ამბობდა: „პოეტი ქალი“. რადგანაც, თუ ჰერაკლეს თავის საგმირო საქმეთა შემდეგ სამყაროს დანგრევა და გადაკეთებადა რჩებოდა, ამ ქალის დასრულებულ გულს მიაწყდნენ მთელი ნეტარებანი და სასოწარკვეთანი, რაც კი ყოფიერებას მარაგად ჰქონდა, მიაწყდნენ. რათა სიცოცხლე მოეპოვებინათ ამ გულის წყალობით და საგზლად გაჰყოლოდნენ საუკუნეებს.

და ნაყოფს დაჩერებული კაცი ერთბაშად შეიცნობს იმ შეუპოვარ გულს, რომელიც მზად იყო თავის თავზე აეღო და განეხორციელებინა მთელი სიყვარული — ბოლომდე. ამ კაცს არ უკვირს, რომ ეს გული ვერ ამოიცინეს, რომ ამ ფრიად და ფრიად შომაველის მეტრფეში მხოლოდ გადაჭარბება დაინახეს და უზომობა, და არა-ახალი საზომი სიყვარულისა და გულის ტანჯვისა. რომ ხელწერა მისი ყოფიერებისა ისე განმარტეს, როგორც მაშინ იქნებოდა დასაჭერებელი და ბოლოს იმ ადამიანის სიკვდილიც მიაწერეს, რომლის მსგავსთაც ღმერთი სათითაოდ აქეზებს: უპასუხო სიყვარულად ვადმოიღუაროს. შეიძლება მეგობარ გოგონათა შორისაც (თავად რომ შექმნა) იყვნენ ისეთები. რომელთაც არ ესმოდათ: რომ იგი თავისი გულისმიერი ქმედების სიმადლეზე იმ ერთი კაცის გამო კ არ ვაებდა, რომელმაც მისი მკლავები სამუდამოდ გაშლილი დატოვა. არამედ უკვე შეუძლებელი სატრფოს გამო გოდებდა იგი. მის სიყვარულს რომ შეეზარდა.

აქ, მოფიქრალი დგება და ფანჯარასთან მიდის. უცებ შეაწუხებს თავისი მაღალი ოთახის ზედმეტი სიახლოვე და ვარსკვლავების დანახვა სწყურია. და არც ტყუედება. იცის, რომ ეს მოძრაობა მის სულს აღავსებს, რადგან მეზობელ გოგონათა შორის ერთი მისთვის ახლობელია და ამ კაცს სურვილები აქვს (არა თავისთვის, არამედ იმ ქალიშვილისთვის). მისი გულისთვის შეიცნობს იგი ერთ მიმავალ, ღამეულ საათში მთელ მომთხროვნელობას სიყვარულისა. იგი გადაწყვეტს ქალიშვილს არაფერი უთხრას ამის შესახებ. უდიდეს საქმედ მიაჩნია, მარტო იყოს და მარტომ იფხიზლოს, და ქალიშვილის გულისთვის იფიქროს: თუ რა მართალი იყო ის შორეული მეტრფე ქალი, რომელმაც იცოდა: ორის შეერთებით მარტოობა იზრდება მხოლოდ; რომელმაც სქესის დროებითი მიზანი დაამსხვრია თავისი განზრახვის უსაზღვროებით; რომელიც მოხვედნათა სიბნელეში წყურვილის მოკვლას კი არ ეძებდა, არამედ მონატრებას; რომელსაც სძულდა, თუ ორიდან ერთი მეტრფე იყო, მეორე — სატრფო. და როცა სუსტი სატრფოები სარეცელისკენ მიჰყავდა, ისევ და ისევ ღვივდებოდა მეტრფედ, როცა ისინი მას სტოვებდნენ. ამ მაღალ დამშვიდობებათა წყალობით მისი გული ბუნებად იქცა. ბედისწერაზე ამაღლებული. იგი საქორწინო სიმღერებს უმღეროდა თავის საყვარელ მეგობარ ასულებს, როგორც მწვერვალთა გაყინულ თოვლს — აღლობდა მათ გულს, მათ ქორწინებას აღაზევებდა. გადაჰარბებოდა უქებდა ახლომყოფ საქმროს, რათა წათ ძალა მოეკრიბათ საქმროსათვის. როგორც ღმერთისთვის. და თავად ღმერთის დიდებულებისთვისაც გაქძლოთ.



ბოლო წლებში. აბელონე, ერთბეღ კიდევ გიგრძენი და გალიარე მოულოდნელად. მას შემდეგ. რაც დიდი ხანი იყო, აღარ მეფიქრა შენზე. ეს ვენეციაში მოხდა, შემოდგომით, ერთ-ერთ ისეთ სალონში. სადაც ვზად მყოფი უცხოელები სალონის ღიასახლისის ირველივ იკრიბებიან, რომელიც მათსავით უცხოა. ისინი, ირგვლივ მიმოდინან ფინჯანი ჩაით ხელში და აღტაცება იპყრობთ. როდესაც ვინმე გვერდით მდგომი, იქაურობას ვინც კარგად იცნობს, სწრაფად და მალულად კარისკენ გააზედებს და ყურში ვენეციურად მღერ რადაც სახელსა თუ გვარს ჩასაჩურჩულებს. ესენი ღიჯად

გახმაურებულ სახელებს არიან მიჩვეულნი, არაფერი აკვირებთ, რადგან, შინ რა ძენწი განცდებითაც არ უნდა ცხოვრობდნენ. აქ, ამ ქალაქში დაუდევრად ეძლევიან უკიდურეს შესაძლებლობებს. თავიანთ ჩვეულებრივ ყოფაში განსაკუთრებული მოვლენა აკრძალულში ერევათ, ისე რომ სასწაულებრივის მოლოდინი, რასაც უფლებას აძლევენ, მათში იარსებოს, ტლანქ, აღვირახსნილ გამომეტყველებად ეფინებათ სახეზე. რაც შინ მხოლოდ კონცერტებზე, ან რომელიმე რომანში ჩაძირულებს ემართებათ, აქ დასანახად გამოჰყვანენ ხოლმე ამ ლაქუცა, პირმოთნე საზოგადოებაში: როგორც სულის გამართლებულ მდგომარეობას. სრულიად მოუშვადებელნი, საფრთხის ვერაშემგრძნობნი, მსინი მუსიკის მომაცდინებელ აღსარებებს ისე ეძლევიან, როგორც სხეულებრივ უხამსობებს. მხოლოდ გაღიზიანება სწადიათ. აი, ასევე ეძლევიან ამ ქალაქში იმ ანაზღაურებულ მოთენთვას, გონდოლების რწევა რომ იწვევს და ოდნავდაც ვერ აცნობიერებენ ვენეციის ყოფიერებას. ახლად დაქორწინებულნი, მთელი მოგზაურობის მანძილზე მძულვარე სიტყვებით რომ ჩხვლეტდნენ ერთმანეთს, აქ აღარ იძირებიან მდუმარე თვითშეგუებაში. მამაკაცს თავისი იდეალების საამო დაღლილობა ეუფლება, ქალი კი თავს ნორჩად გრძნობს და უნდოდა აქაურებს ისეთი ღიმილით უქნევს თავს, თითქოს შაქრის კბილები ჰქონდეს და ერთთავად უდნებოდეს. და თუ ყურს მიუგდებ, გამოირკვევა, რომ თურმე მიემგზავრებიან: ზვალ, ზეგ ან კვირის ბოლოს.

აი, ასეთ ხალხში ვიდექი და მიხაროდა, რომ არსადაც არ მივემგზავრებოდი, ცოტა ხანში აცივდებოდა და ამ უცხოელების ხედვათა და მოთხოვნილებათა შესაბამისი დუნე, დაბანგული ვენეციაც მათთან ერთად გაქრებოდა. მერე კი, ერთ დილით თვალწინ სულ სხვა ქალაქი გადამეშლებოდა: ნამდვილი, ფხიზელი, ცინცხალი და სალუქი — ლამის შუშასავით მსხვრევადი ქალაქი, რომელზეც კი არ ოცნებობდი, არამედ გსურდა: არაფრის შუაგულში ჩაძირულ ტყეებზე წარმოსახვის მიერ იძულებით გაჩენილი ქალაქი და ბოლოს მაინც ფრიად და ფრიად ნამდვილი და არსებული ვენეცია. შეკუმშული, შეკრული სხეული — რაც აუცილებელია, მხოლოდ ის რომ აქვს — სხეული, რომელშიც დღედაღამ ფხიზელი არსენალი სისხლს ამუშავებს, და ამ სხეულის გამსჭვალავი სული, განუხრელად რომ იზრდება და ფართოვდება, და უფრო ძლიერია, ვიდრე არომატული ქალაქ-ქვეყნების მძაფრი სურნელი. შთამაგონებელი, დენადი ქალა-

ქი, რომელიც თავისი სიდატაკის მარილსა და მინას სხვადასხვა ხალხების სიმდიდრეზე ცვლის. მსოფლიოს მშვენიერი საპარწონე. ჩუქურთმებამდე ავსებული ფარული ენერგიითა და ძალებით, სულ უფრო ფაქიზად რომ იტოტებიან. აი, ეს ვენეცია.

შეგნება იმისა, რომ ამგვარ ქალაქს ვიცნობდი, გაუსაძლისად მძაფრად მომეძალა იმ თავმოტყუებულ ხალხში და მეც შემოიპყრო სურვილმა, ჩემი ცოდნა ვინმესთვის გამეზიარებინა. მივიხედ-მოვიხედე. ნუთუ იმ დარბაზებში ერთი ადამიანიც კი არ აღმოჩნდებოდა, ვინც უნებურად ელოდებოდა, როდის განუმარტავდნენ იქაურობის არსს? მაგალითად, ვინმე ახალგაზრდა, რომელიც მაშინვე გაიგებდა, რომ ამ ქალაქში სიამე და კმაყოფილება კი არა ჩქეფდა, არამედ იგი იყო მაგალითი ისეთი მომთხოვნი, მკაცრი და მბრძანებლური ნებისყოფისა, რომლის ბადალსაც ქვეყანაზე ვერსად ნახავდა. მივდი-მოვდიოდი. ჩემი ქეშმარიტება არ მასვენებდა. ცტყობა, ამ ქეშმარიტებამ ამდენ ხალხში იმტომ შემოიპყრო, რომ სურვილი ჰქონდა: გამომეთქვა, დამეცვა და დამქსაბუთებინა. უცებ გროტესკული რამ წარმოვიდგინე: დავინახე, როგორ დავიწყე ტაშის ცემა, რათა გამომეხატა ჩემი სიძულვილი იმ აბჯუბდის გამო, რასაც ვენეციაზე ლაყბობდნენ სტუმრები.

აი, ამ სასაცილო გუნებ-განწყობაზე დამდგარმა შეენიშნე ის ქალი. მარტო იღვა აბდღვრიალებულ ფანჯარასთან და მაკვირდებოდა მაგრამ არა თავისი ფიქრიანი და სერიოზული თვალებით, არამედ ტუჩებით, ირონიულად რომ ბაძავდნენ ჩემი სახის აშკარად გააუბულ გამომეტყველებას. მაშინვე შევიგრძენი მოუთმენელი დაძაბულობა ჩემი ნაკეთებისა და დაუდევარი სახე მივიღე, რის კვალდაც მისმა ტუჩებმა ბუნებრივი ქედმაღლობა გამოხატეს. მერე, წამიერა დაფიქრების შემდეგ, ერთდროულად გაუვლიმეთ ერთმანეთს.

ეს ქალიშვილი, თუ უნდა დავაზუსტო, მაგონებდა მშვენიერა ბენედიქტა ფონ ქვალენის⁹⁸ ახალგაზრდობის სურათს, ვინც დიდი როლი შეასრულა ბაგესენის ცხოვრებაში. მისი თვალების მუქი სიმშვიდის შემხედვარე, აუცილებლად მისი ხმის ნათელ სიბნელესაც ივარაუდებდა. იმდენად კოპენჰაგენურ ყაიდაზე ჰქონდა თმა დაწნული და ღია ფერის კაბის გულისპირი ამოქრილი, რომ გადავწყვიტე დანიურად გამოვლაპარაკებოდი.

მაგრამ ჯერ ახლოს არ ვიყავი მისული, მეორე მხრიდან მისკენ ხალხის ნაკადი დაიძრა. ჩვენი სტუმართმოყვარე გრაფინია — რო-

გორც ყოველთვის აღფრთოვანებული და დაბნეული — თანამდგომ-
თა მთელი ამალით მიაწყდა ქალიშვილს და სიმღერისათვის განკუთ-
ვნილი ოთახისაკენ წარიტაცა. დარწმუნებული ვიყავი, ქალიშვილი
იმ საბაბით მოუბოდიშებდა, დანიური სიმღერა ამ საზოგადოებას
არ დააინტერესებსო. ასეც მოიქცა. მაგრამ ამაჲ კიდევ უფრო გააბ-
ლიერა ჩოჩქოლი, ნათელ კაბაში გამოწყობილი მომღერლის ირგვ-
ლივ. შავანმა, თურმე, ისიც იცოდა, რომ ქალიშვილი გერმანულადაც
მღეროდა და „იტალიურად“ — შეავსო ინფორმაცია ვილატის მოცი-
ნარმა, ბოროტად დარწმუნებულმა ხმამ. ახლა უკვე აღარ ვიცოდი, რა
საბაბის მოფიქრება მესურვა მისთვის, მაგრამ მაინც მჯეროდა, რომ
ვერ გასტეხდნენ. აი, დამყოლიებელთ სიცილი შეაცივდათ, დაჰიმუ-
ლი სახეები გადაუსწორდათ და მშრალი წყენა გადაეფინათ. აი, ლა-
მაზი გრაფინიაც უკვე უკუდგა, ერთი ნაბიჯით: თანაგრძნობით და
ზვიადად, რათა საკუთარი ღირსება არ შეეღაბა. და აი, მაშინ, რო-
ცა ყველაფერი მოგვარდა და აღარაფერი იყო საჭირო. ქალიშვილმა
დასთმო. ისე გავწბილდი, მევე ვიგრძენი, მიტკლისფერი როგორ
დამედო. თვალებიც საყვედურით ამეკსო, მაგრამ პირი ვერბუნე:
არ ღირდა ქალიშვილის წყენინება. ის კი სხვებს გამოეყო და,
უცბად, ჩემს გვერდით აღმოჩნდა. მისმა კაბამ შემომანათა, მისი
სითბოს ყვავილოვანი სურნელი შემომეხვია. „მე მართლა მინდა
სიმღერა“. — თქვა დანიურად საღდაც ჩემს ლაწვთან. — „იმიტომ,
რომ ვალდებული ვარ, სწორედ ახლა ვიმღერო“.

ნელა გავეყვი სტუმრების ჯგუფს, რომელთან ერთადაც გოგონა
გამშორდა. მაგრამ მერე ყველას ჩამოვჩიი, ერთ მაღალ კართან შეე-
ჩერდი და დაველოდე, როდის დალაგდებოდნენ. შავად ამრეკლავ
კარს შიდა მხრიდან მივეყრდენი და ვიცდიდი. ვილატამ იკითხა, რა
ხდება, სიმღერას ხომ არ აპირებენო. ვუთხარი, არ ვიცი-მეთქი.
ვიდრე ვიტყუებოდი, ის უკვე ამღერდა.

ვერ ვხედავდი. თანდათან თითქოს სივრცე გაფართოვდა იტა-
ლიური სიმღერის გარშემო. რომლის მსგავსი სიმღერებიც ჩამოსუ-
ლებს ნამდვილი ჰგონიათ, რადგან გასაგებია და ადვილია. მაგრამ
მომღერალი ასე არ ფიქრობდა. იგი ტანჯვით უწევდა ხმას, ეძინეუ-
ბოდა. ტაშის ხმაზე მივხვდი, რომ დაამთავრა. მოწყენილი და დარც-
ხვენილი ვიდექი. ხალხი ამოძრავდა და გადაეწყვიტე, როგორც კი
ვინმე გავიდოდა, მეც გავყოლოდი.

მაგრამ შეეცრად სიჩუმე ჩამოვარდა. წარმოუდგენელი სიჩუმე

გამეფდა. გაგრძელდა, დაიძაბა, და უცებ ამ სიჩუმედან ამოიზარდა ხმა. (აბელონე, გავფიქრე მაშინ, აბელონე). ახლა ეს ხმა ძლიერი და სავსე იყო, მთლიანი, ყოველგვარი ბზარისა და ნაკერის გარეშე და არაფერი უმძიმდა. ქალიშვილი უცნობ გერმანულ სიმღერას მღეროდა; მღეროდა უბრალოდ, როგორც რაღაც აუცილებელს:

შენ, რომელსაც არ გაგიშვებ, რომ ცრემლების ღვრით
ვათენებ ღამეს,

ვისი არსებაც აკვანივით

მქანცავს და მარწევს,

შენ, რომელიც არ გამიმხებ, ჩემს გამო დარდით

თვალს რული რომ არ გეკარება,

აბა, მოთხარი, ამ ნეტარებას

ვით ავიტანდით,

რომ არა ვღუშდეთ?

(მცრე ხანს შეჩერდა და ყოყმანით განაგრძო)

შეხე მიჩნურებს.

მაშინვე, როცა აღსარება გადახანის გულებს,

უკვე სტყუიან.

ისევე სიჩუმე. ღმერთმა უწყის, რა იწვევდა ამ მღუშარებას. შემდეგ მსმენელნი აჩოქოლდნენ, ერთმანეთს მიეჯახნენ, მოუბოდიშეს, ჩაახველეს. უკვე სურდათ საყოველთაო, ყოველივეს წარმხოც ხმაურში გადანარცხებულებს, რომ ხმა ისევე ამოირხა, შეუპოვარ, ფართო ნაკადად ამოიტყორცნა:

შენ მარტოს მტოვებ. და შენ მარტოდენ შემოძლია

გაგცევალო ასე:

შენ წამი იყავ შეჩერებული,

და ახლა ისევე შრიალი მავსებს

ყოველი ჩქამი შენს თავს მაგონებს, შენითაა სამყარო სავსე,

ქარც შენა ხარ და უკვალო კეთილსურნელიც...

მე ყველა ქალი დამკარგვია, შემოვაქდე ვისაც მკლავები,

მხოლოდ შენ ერთი ისევე და ისევე დაიბადები,

რადგან არასდროს მივიჯაჰვე, ხარ განუყრელი.

არავინ ელოდა. თითქოს წელში მოიხარნენ ამ ხმის ქვეშ. ბოლოს ისეთი რწმენა და შეურყვევლობა იდგა იმ ტმაში, თითქოს ამ ხმამ ღიღი ხნით აღრე იცოდა: სწორედ ახლა, სწორედ ამ წუთში უნდა ეთქვა თავისი სათქმელი, ეჩვენებინა თავისი ძალა.

აღრე ზოგჯერ ვეკითხებოდნი ხოლმე ჩემს თავს, თუ რატომ არ მიმართავდა აბელონე თავისი დიდებული გრძნობის კალორიებს ღმერთისაკენ. ვიცი, ნატრობდა, თავისი სიყვარული უსაგნო გაეზადა. მაგრამ ნუთუ მისი მართალი გული ტყუევდებოდა, და ვერ ხვდებოდა, რომ ღმერთი მხოლოდ მიმართულებაა სიყვარულისა და არა საგანი? არ იცოდა, რომ არ უნდა შინებოდა მისგან საპასუხო სიყვარულისა? არ იცოდა ამ ზვიადი, ზეადმატებული სატრფოს თავდაქერა, აგრე მშვიდად სულ უფრო იქით და იქით რომ გვიწევს სიყვარულის სიხარულს, რათა ჩვენ — ნელებს — შესაძლებლობა მოგვეცეს, გამოვცადოთ და განვახორციელოთ მთელი ძალისხმევა ჩვენი გულისა? ან ეგებ აბელონე ქრისტეს გაუბოდა? ეგებ ეშინოდა შუაგზაზე ქრისტეს არ შეეჩერებინა და მისი სატრფო არ გამხდარიყო? ეგებ ამიტომ იყო, რომ არ სიამოვნებდა იული რევენტლოვის გახსენება?

თითქმის მჯერა: ქრისტეს წყალობით, რომელიც ღმერთს ააღვილებს, დაეშვა ფრთები ისეთი უბრალო და ძლიერი მეტრფისა. როგორიც იყო მეპტილდა⁹⁹ ისეთი შმაგისა, როგორიც გახლდათ ტერეზა ფონ ავილა¹⁰⁰ და ტკივილადქცეული ნეტარი როზე ფონ ლიმასი¹⁰¹. მათ დათმეს, საპასუხო სიყვარულით დადრეკილებმა. ო, ის, ვინც შემწე იყო სუსტათვის, უსამართლობად ევლინებოდა ძლიერთა გულებს: სადაც ესენი, სიყვარულით დაძრულები, შორი გზის გარდა აღარაფერს აღარ ელოდნენ. იგი ეგებებოდა ზეცის დაძაბულ წინკარში, ანებივრებდა მათ თავშესაფარით და თავგზას უბნევდა თავისი მამრობით. მისი მძლავრადგამშობი გულის ლინზა კიდევ ერთხელ კრებს მათი გულების უკვე პარალელურ ორ ჭავლს, ისევ აერთებს, და ისინიც, უკვე ანგელოზთ რომ შესტკეროდნენ და ღმერთი ეგონათ, იფერფლებიან მონატრებისა და ლტოლვის გვალვაში.

¹ (სატრფოდყოფნა — დაწვაა, სიყვარული კი — ნათება დაუშრეტელი ზეთით. სატრფოდქცევა — წარმავლობაა, სიყვარული კი — მარადისი ყოფიერება).

შესაძლოა, აბელონემ მოგვიანებით სცადა კიდევ გულით ეაზ-

¹ ხელნაწერში კიდევა მიწერილი. (რილკეს შენიშვნა).

როვნა, რათა შეუმჩნევლად და უბრალოდ დაკავშირებოდა ღმერთს. შემიძლია წარმოვიდგინო, რომ წერილებიც არსებობს მისი, რომლებიც გვიმელავნებენ ისეთ დაკვირვებულ შინაგან მზერას, თავად ჩაღის ამალია გოლიციანას¹⁰² წერილებში რომ გვეგებება, მაგრამ, თუკი ეს წერილები ვინმე კაცისადმია მიმართული, რომელთანაც აბელონე წლების განმავლობაში ახლოს იყო, როგორ დაიტანჯებოდა ის ადამიანი ამ წერილების თანდათანობით ფერისცვალებით! და თავად აბელონე: მე მგონი, მას ყველაზე უფრო ეშინოდა ამ სხვადაქცევისა, რასაც ჩვეულებრივ ვერ ამჩნევენ ხოლმე, რადგან მის დამამტკიცებელ ყოველგვარ საბუთს, როგორც ყველაზე უცხო საგანს, მუღმივად ზღლიდან უშვებენ.



ძნელად თუ ვინმე გადამარწმუნებს, რომ ძე შეცთომილის ლეგენდა არ არის ამბავი იმ კაცისა, რომელსაც არ სურდა. ვინმეს ყვარებოდა. როდესაც ბავშვი იყო, შინ ყველას უყვარდა, იზრდებოდა, მხოლოდ ასეთი ცხოვრება იცოდა და ეჩვეოდა თავისიანთა ვულის სიღბოს, რადგანაც ბავშვი იყო. მაგრამ, ბიჭს უკვე ეწადა ეს შერვევა და ჩვეულება თავიდან მოეშორებინა. ამას ხმამაღლა ხომ ვერ იტყოდა, მაგრამ, ამიტომ იყო, მთელი დღე გარეთ მარტოღმარტო რომ ეხეტებოდა, და ძაღლებიც კი აღარ სურდა ჰყოლოდა გვერდით, რადგან მათაც უყვარდათ ბიჭი: რადგან ძაღლების მზერაშიც მუდამ დაკვირვება იკითხებოდა, თანაგრძნობა, ზრუნვა, ლოდინი და მათ წინაშეც ვერაფერს მოიძოქმედებდი. რომ ან სიხარული არ მიგეყენებინა ან მწუხარება. ხოლო რაც ბიჭს უკვე მაშინ სწყუროდა, ეს გახლდათ თავისი გულის შინაგანი განუჩქველობა. ეს განცდა ზოგჯერ დილასისხამზე ისეთი სიწმინდით ეუფლებოდა ხოლმე მინჯვრებში. რომ ყმაწვილი სირბილს იწყებდა. რათა არ ჰყოფნოდა დრო და სუნთქვა, ყოფილიყო იმაზე მეტი. ვიდრე ერთი მსუბუქი წუთია, წუთი, როცა დილას ეგებება ჩვენი შეგნება.

ჯერ არყოფილი მისი ცხოვრების საიღუმლო იშლებოდა და იერცობოდა ბიჭის წინაშე. უნებურად გადაბოლა ბილიკიდან და შიგულ მინდორში მიგელავდა მკლავებგაშლილი. თითქოს სურს ყველა გზა და მიმართულება ერთდროულად დაიტოვოს. მერე კი სადაც ღობის იქით მიეგდებოდა და ყურადღებას არაფერს აქცევდა.

სალამური გამოითალა, ქვას ესროდა რომელიმე პატარა ნადირს, იკუზებოდა და ხოქოს აიძულებდა ზურგზე გადაბრუნებულიყო. მაგრამ ეს ყველაფერი ჭერ კიდევ არ იყო ბედისწერა, და ცანიც ისევე განურჩევლად მიედინებოდნენ მის თავზე, როგორც მთელი ბუნების ზემოთ. ბოლოს დგებოდა ნაშუაღღევი. და ბიჭი რაღას არ იკონებდა. აი, მეკობრე იყო კუნძულ ტორტუგაზე, და არავინ ავალღებულებდა ის ყოფილიყო, აი, კამპეჩეს¹⁰³ იღებდა ბრძოლით, იპყრობდა ვერაკრუსს; შეეძლო მთელ ლაშქარად წარმოედგინა თავი ან ცენზე ამხედრებულ, დიდ წინამძღოლად ანდა ხომალდად შუაგულ ზღვაში და ყველაფერად, რადაც თავს გრძნობდა, და თუ გააჩნებოდა, და დაიჩოქებდა, დეოდატ დე გოზონი¹⁰⁴ ხდებოდა, ურჩხულს ამარცხებდა და ავარვარებული ისმენდა, ეს გმირობა ცუდმედიდურობა და ურჩობააო, რადგან მან ეს საქმე ბოლომდე მიიყვანა. და თუმცა უსასრულოდ ენაცლებოდნენ ერთმანეთს უმკვეთრესი სურათ-ხატები, შიგადაშიგ მაინც ახერხებდა, ჩიტი ყოფილიყო, ერთი პატარა, უბრალო ჩიტი, სულ ერთია, რომელი. ეს იყო მსოლოდ: ბოლოს მაინც სახლის გზას უნდა გასდგომოდა.

ღმერთო ჩემო. ახლა რამდენი რამ უნდა დაევიწყებინა! წინააღმდეგ შემთხვევაში თავს გასცემდა, როცა ოჯახის წევრები მიესვოდნენ. ეპ, რამდენიც არ უნდა მდგარიყო ჭიშკართან, აქეთ-იქით ეცქირა და ფეხი ეთრია, ბოლოს ხომ მაინც უნდა შეეღო კარი. და აი, სახლი პირველივე ფანჯარას თვალივით აჭყეტდა და შეაკცქეროდა. რა თქმა უნდა, იქ ვიღაც იდგა. ძაღლები, რომელთა მოლოდინიც მთელი დღე იზრდებოდა, ბუჩქებიდან გამოცვივდებოდნენ, მიაწყდებოდნენ და ბიჭს აიძულებდნენ ის გამხდარიყო, ვინც თვითონ ეგონათ. დანარჩენს კი ოჯახი გააკეთებდა. აი, შეაბიჯებს თუ არა სახლის სავესე, შეჩვეულ ონშივარში, ყველაფერი უკვე გადაწყვეტილი იქნება. რადაც წვრილმანები შეიძლება სხვაგვარად მოხდეს, მაგრამ ძირითადად მაინც ის ადამიანი გახდება ისევ, რა ადამიანადაც თვლიან შინაურები, ის სულიერი, ვისაც ხანმოკლე წარსულიდან და თავიანთი სურვილებიდან რადაც ცხოვრება შეუქმნეს და მიუსაჯეს, საერთო არსება, რომელსაც დღედაღამ თავიანთ სიყვარულს შთააგონებენ, და ვინც დგას ასე მათი იმედითა და ეჭვებშიშებით, შექებითა და კიცხვა-ტუქსით გარშემორტყმული.

და აბა, ასეთს რაღას არგია, ფეხაკრეფით რომ აღის კიბზე.

ყველანი შუა ოთახში იქნებიან და კარი შეიღება თუ არა, მაშინვე ერთად გამოხედავენ. ბიჭი კი სიბნელეში რჩება, სურს იქ დაუცადოს იმათ შეკითხვებს. მაგრამ აი, ყველაზე აუტანელი წუთიც: ხელს ჰკიდებენ და მაგიდასთან მიჰყავთ, და თავად ყველანი ლამაშთან აისვენებებიან ცნობისწადილით. ამით რა ენადღელებათ, მათი სახეები ზემოთაა სიბნელეში და მხოლოდ მას მოიცავს ლამპის შუქი და სირცხვილი, რომ სახე გააჩნია.

აგრე დარჩება ამათთან ერთად და გაავრძელებს არანამდვილი ცხოვრების ტყუილს? განაგრძობს ცხოვრებას, მას რომ დაუწყეს და მიაწერეს, და თანდათან სახითაც კი დაემსგავსება ყველა ახლობელს? მუდამ აგრე უნდა გაიყოს თავისი ნების ნაზ სიმართლესა და ტლანქ ტყუილს შორის, იმ სიმართლეს რომ უმახინჯებს? ნუთუ ფარ-პალს დაჰყარის და ხელს აიღებს თავის სურვილზე. გახდეს ის, ვინც ვნება უნდა მოუტანოს თავისიანებს, რომელთაც ჯერჯერობით მხოლოდ ჩვილი გული გააჩნიათ და სხვა არაფერი?

არა, ის წავა. დასტოვებს კერას. თუნდაც მაშინ, როცა ყველანი ფაციფუცში არიან და აპირებენ დაბადების დღეს ყოველად შეუფერებელი საჩუქრებით აუვსონ მაგიდა, საჩუქრებით, რომელთა დანიშნულებაა კიდევ ერთხელ გამოასწორონ საქმე და გადაასწორონ წინააღმდეგობა-განსხვავებანი. წავა სამუდამოდ. და მხოლოდ გვიან, ძალიან გვიან მიხვდება იგი, რა ძლიერ ჰქონდა განზრახული ყმაწვილობისას, რომ არავინ არ ჰყვარებოდა, რათა არავისთვის დაეტება თავს ის საშინელება, სხვისგან მომდინარე სიყვარული რომ ატეხს ადამიანს. ეს წლების შემდეგ გაახსენდება და დაინახავს: მრავალი სხვა სურვილივით ესეც ვერა და ვერ განხორციელდა. რადგან იმ თავის მარტოობაშიც მას ისევე უყვარდა, მაინც უყვარდა, და სიყვარულს ვერ იშორებდა: ყოველი ახალი სიყვარულისას მთელ თავის არსებას უნაშთოდ ფლანგავდა და თან შიშობდა, სხვისთვის თავისუფლებაც არ წაერთმია. ძალიან ნელა, თანდათან ისწავლა, რომ საყვარელი საგანი თავისი განცდის გიზგიზა ჰქავლით კი არ დაეფლითა, არამედ გაენათებინა. და ის გაანებივრა თავზესაყრელმა აღტაცებამ: ნათელდაფენილ სატრფოს მკვირვალე სახების წყალობით ვეება სივრცეებს რომ შეიცნობდა, სივრცეებს, რომლებიც სატრფომ შეაგება მის უზარმაზარ სურვილს ფლობისას.

როგორ შეეძლო ღამლამობით კიდევ ერთი წყურვილისაგან: ნეტავ მეც დამაფინოს ვინმემ თავისი სიყვარულის შუქ-ნათელიო!

მაგრამ სატრფო, რომელიც ნებდება, განა მეტრფეა? ო, უნუგეშო ღამეები, როცა ის თავის მიერ გაცემული მადლის ნაკადებს ნაკუწ-ნაკუწ იღებდა უკან, დამძიმებულს წარმავლობით. ო, როგორ ჩაუფიქრდა მაშინ იგი ტრუბადურთა დიად მაგალითს. მათ ხომ ყველაზე უფრო ის აშინებდათ, რომ სატრფოს შეიძლებოდა შეეპინა მათი ღალადი! და იგი მთელ მოპოვებულ, ნამატ თანხას იძლეოდა დაუზოგავად, ოღონდ კი საპასუხო სიყვარული ჯერ არ სწევოდა. იგი ზეურაცხყოფას აყენებდა სატრფოს ამ უხეში საფასურით, რადგან ეშინოდა: სატრფო მის სიყვარულს არ შეგებებოდა; რადგან უკვე აღარ ჰქონდა იმედი, რომ შეხედებოდა ისეთ მეტრფე ქალს, რომელიც მას შინაგანად დაანაცრებდა.

იმ ხანებშიც კი, როცა სილატაყე ყოველდღე უფრად სულ უფრო მეტის დაუნდობლობით ეტანებოდა, როცა მის თმაგახუნებულ თავს სიღუბნირე საყვარელი ნივთივით მუდამ თან დაათრევდა, როდესაც ტანზე ჩირქოვანი იარები მომოეფინა, იარები, იძულებითა თვალებივით რომ განელიიყვნენ განსაცდელის ღამის პირისპირ, როცა ზარავდა უწმინდურება, სადაც მიაგდეს, რადგან თვითონაც უწმინდურებას მოჰგავდა უკვე: იმ ხანებშიც კი, გონს რომ მოდიოდა, უდიდეს საშინელებად მაინც ის ეჩვენებოდა: ჩემს სიყვარულს სიყვარულით არ უპასუხონო. აბა რა იყო მას შემდეგ მოსულ წყვილიათა წყება იმ მოხვევნათა შედეგებულ ნაღველთან შედარებით, როცა ყველაფერს მკლავებში კარგავდა? განა იმ გრძობით არ ახელდა თვალს, რომ წინ მისხალი მომავალიც აღარა ჰქონდა? განა უაზროდ არ დაბორილებდა, სიყვარულით გულნაჯერები, რადგან დაჰკარგვოდა ყველანაირი ზიფათის ნება? განა ათასჯერ არ უნდა მიეცა პირობა სატრფოსათვის, არ მოვეკვდებიო: ალბათ, ამ უკეთური მოგონების სიჯიუტე და ახირება გახლდათ. დაბრუნებიდან დაბრუნებამდე უსაზღოვებანა და შეუნარჩუნებინა ამ კაცის სხეული, ბინძურ ნაყარნუყარში მაინც რომ განაგრძობდა არსებობას მისი ცხოვრების ნება-სურვილით. და ბოლოს ისევ იპოვეს მარტოსული და მხოლოდ მაშინ, მწყემსობის წლებში დამშვიდდა მისი ვრცელი წარსული.

ვინ აღწერს, რა ემართებოდა მაშინ? რომელი პოეტი დაივიწყებს რომ შეუძლია მისი მაშინდელი დღეების სიგრძე ჩატროს ერთი ცხოვრების ხანმოკლეობაში? რომელ ხელოვნებას ხელეწიფება ღრადროულად გამოიხმოს ამ კაცის თხელი, მოსასხამში გამოკრული, სუსტი სხეული და მისი სულის უზარმაზარ ღამეთა სივრცე?

მისი ცხოვრების ეს მონაკვეთი იმით დაიწყო, რომ იგი თავს რა-
 ლაც ზოგად და ანონიმურ არსებად გრძნობდა, როგორც სწეული,
 შეფერხებებით რომ ჯანმრთელდება. მას არაფერი აღარ უყ-
 ვარდა, თუ არ ჩავთვლით, რომ ყოფნა უყვარდა. თავისი
 ცხვრების დაბალი სიყვარული არ ეხებოდა, როგორც სინათ-
 ლე ღრუბლებშორის მიმოფანტული, ის სიყვარულიც ირგვლივ აგრე
 იბნეოდა და რბილად ციმციმებდა მინდორ-ველებზე. მათი შიმში-
 ლის უცოდველ კვალს ადევნებულა. ის მიაბიჯებდა შორს, ამ ქვეყ-
 ნის დიდ საძოვრებზე. უცნონი ხედავდნენ მას აკროპოლისზე. და
 ეგებ ქალაქ ბოს¹⁰⁶ მწყემსებშიც ერია ერთ ხანს, და იხილა ლო-
 გორ იგერიებდა ბოს პრინციების მაღალი მოდგმა გაქვავებულ
 ეამს, მოდგმა, რომელიც შვიდისა და სამის მთელი ძალისხმევით
 ცდილობდა დაემარცხებინა თავისი ვაქსკვლავის ავბედითი თქვეს-
 მეტი სხივი¹⁰⁷. ან ეგებ ორანეში უნდა წარმოვიდგინო, ტრიუმფა-
 ლურ თაღს მიყრდნობილი? ეგებ იქ უნდა დავინახო სულებით და-
 სახლებულ ჩეროებში ელისეისა, სადაც ჭრიჭინას ადევნებს მზე-
 რას საფლავებშორის, რომლებიც ისე დაღებულან, ვით საფლავე-
 ბი მკვდრებით აღმდგართა?

სულ ერთია სად, მე უფრო მეტს ეხედავ, ვიდრე თვითონაა. მე
 ეხედავ მის ყოფიერებას, რომელიც შეუდგა ხანგრძლივ სიყვარულს
 ღმერთისადმი, ჩუმ, გარინდებულ, უმიზნო საქმეს. რადგან იგი,
 ვინც სამუდამო თავდაოკებას ელტვოდა მუდამ, კიდევ ერთხელ
 შეიბყრო თავისი გულის სხვაგვარად ყოფნის სულ უფრო
 მზარდმა ვერ შეემძლეობამ. ამჟერად კი მას იმედი ჰქონდა,
 რომ შეისმენდნენ. მთელი არსება, ხანგრძლივ მარტოობაში შეუმ-
 ცდარი წინათგრძნობა რომ შეეძინა, ჰპირდებოდა: მას, ვისაც აბ-
 ლა გულისხმობდა, ესმოდა სიყვარული, შეეძლო ჰყვარებოდა გამს-
 ქვალავი, სხივოსანი გზნებით. მაგრამ როდესაც მოინატრა, ნეტავ
 როდის შემეყვარებენ ეგზომ დიდოსტატურადო, სიშორებებს გაჩეყ-
 ული მისი გუმანი ჩასწვდა უკიდურეს მანძილს ღმერთამდე. დად-
 გა დამეები, როცა ეგონა, რომ სული ღმერთისკენ ასტყორცნა სივრ-
 ცეში; აღმოჩენებით სავსე საათები; როდესაც გრძნობდა, რომ შე-
 ეძლო იმ სიმაღლიდან დედამიწისკენ დაშვებულებო და თავისა
 გულის ქარიშხლებით ზეაეტაცა. იმ კაცსა ჰგავდა, რადაც დიდებუ-
 ლი ენა რომ ესმის და სიცხიანივით ლამობს ამ ენაზე ლექსების
 შეთხზვას. მაგრამ ჭერ წინ უცდიდა გაოგნება, როცა მიხედებოდა,

თუ რა ძნელი იყო ეს ენა. ჯერ არც კი სურდა დაეჯერებინა, რომ მთელი გრძელი ცხოვრება დასჭირდებოდა პირველი. მოკლე-უაზრო წინადადებების შედგენას. ისე გაიქრა სწავლის ძნელ გზაზე, როგორც მორბენალი სარბენ ბილიკზე. მაგრამ იგი შეანელა შესასწავლი საგნის სიმკვრივემ. ძნელი წარმოსადგენია უფრო დიდი რუდუნება და თვინიერება, რაც მისი სწავლის დასაწყისს ახლდა. მას სიბრძნის ქვა ჰქონდა ნაპოვნი და აი, აიძულდნენ, თავისი ბედნიერების აგრე სწრაფად დამზადებული ოქრო განუწყვეტილივ გადაექცია მოთმინების შეკუმშულ ტყვიად. და კაცი, ვინც ვეება სივრცეებს შეთვისებოდა, ახლა მატლივით მიცოცავდა მიხვეულ-მოხვეულ ბნელ გვირაბებში, არც მიმართულება იცოდა და არც გამოსასვლელი. და აი, ახლა, რაკი ეგოღენი წვითა და დაგვიტ სწავლობდა სიყვარულს, ეჩვენა: რა დაუდევარი და კნინი იყო ყველა წარსული სიყვარული, და რომ, არც ერთი მათგანისაგან არაფერი არ გამოვიდოდა, რადგან აქამდე მას არ ეცადა: სიყვარული მძიმე სამუშაოდ გადაექცია და ეს სამუშაო აღესრულებინა.

იმხანად მის სულში დიდი ცვლილებები ხდებოდა: ლამის თვით ღმერთი გადაავიწყდა დაუნდობელ მუშაობაში, რომლის მიზანიც ღმერთთან მიახლოება იყო. და ყველაფერი, რის მიღწევასაც, ალბათ, დროთა განმავლობაში იმედოვნებდა ღმერთთან, ახლა აქ ჭეშმარიტებად ქცეულიყო: „sa patience de supporter une âme“¹⁰⁸. ადამიანთათვის ეგზომ მნიშვნელოვანი და მრავალ-რამეტიკველი — შემთხვევები ბედისწერისა დიდ- ხანა- იყო. რაც დამოსწყდა იმის ცხოვრებას, მაგრამ დაიკარგა ის ყველაფერაც. სიხარულსა და ტანჯვა-ტკივილს რაც სჭირდებოდა: საკმაზის ჯემო, და დაიწმინდა და საკვებად ვარგისი გახდა მისი სულისთვის. მისი ყოფიერების ფესვებიდან ამოიზარდა სულ სხვაგვარი — ნაყოფიერი სიხარულის ნაზამთრალი, გამძლე მცენარე. მთლიანად ჩაიძირა ამ სიხარულში, რათა დაუფლებოდა იმას. რასაც მისი ფუტკრისებრი რუდუნება ელტვოდა. მას არ უნდოდა რაიმეზე გადამხტარიყო, გამოეტოვებინა, რადგან ექვი აღარ ეპარებოდა, რომ ყველაფერში მისი სიყვარული სახლობდა და იზრდებოდა. შინაგანი თვით-ფლობა ისე გაუძლიერდა, რომ გადაწყვიტა: განეხორციელებინა უმთავრესი საქმე, რის განხორციელებასაც აღრე ვერ შესძლებდა. ბავშვობა ჰქონდა მხედველობაში. რაც უფრო მშვიდად ფიქრობდა ბავშვობაზე, მით უფრო განუხორციელებელი ეჩვენებოდა იგი;

ბავშვობის მოგონებებს წინათგარძობის ბუნდოვანება ეფინათ. და სწორედ იმიტომ. რომ წარსულად ითვლებოდნენ, მომავლის სასიკეთოდ მიღებული. უნდოდა ბავშვობის მძიმე სამყარო ისევ თავის თავზე აეღო. აი, ეს იყო მიზეზი გაუცხოებულის შინ დაბრუნებისა. არ ვიცი, შინ დარჩა იგი თუ არა. ვიცი, რომ დაბრუნდა.

ხსენებული ამბის მთხრობელნი ცდილობენ ამ ადგილას სახლი გაგვასხენონ, სახლი — ისეთი როგორც იყო. რადგან იმ სახლშიცოტა დროს გაველო მხოლოდ, მცირედენ დათვლილ დროს. ცხადია, სახლის ყველა ბინადარს შეეძლო ეთქვა, რა ხანმა განვლო. ძაღლები დაბერდნენ, მაგრამ ცოცხლობდნენ. გვიამბობენ, ერთმა მათგანმა კიდევ შეჰყმუვლაო. ყოველდღიური საქმიანობა უეცრად შედგა. აი, სახეები ჩნდებიან ფანჯრებში. დაბერებული, მოწიფული თუ ნორჩი სახეები, გულისამაჩუყებლად რომ წააგვანან ერთიმეორეს. და ერთ-ერთმა ყველაზე ხნიერმა სახემ უეცარი გადაფითრებით გამოხატა: რომ იცნო მისული. ცნობა? ნუთუ მხოლოდ ცნობა იყო ეს? არა — პატიება. პატიება? კი მაგრამ, რა საფუძველზე? — სიყვარულის. ღმერთო ჩემო! მას, ვინც იცნეს, ამაზე სულ აღარ უფიქრია, ეგზომ დატვირთული იყო მთელი ის ხანი. აღარ უფიქრია რომ სიყვარული ისევ შეიძლება არსებულებო. გასაგებია. რომ ყველაფრიდან. რაც იქ ხდებოდა, მხოლოდ ეს გადმოგვცეს: დაბრუნებულის მოძრაობები. მისი გაუგონარი ქესტები, იქამდე რომ არავის ენახა: უსაზღვრო ვედრების გამომხატველი აპყრობა ხელთა, როცა ის მათ ფერხთით დავარდა და შეჰლადა: ნულარ, ნულარ გეყვარებითო. ღამფრთხალმა შინაურებმა ააყენეს დაჩოქილი და გულში ჩაიკრეს. მისი სიშმაგე თავისებურად ახსნეს და მიუტყვეს. და აი, მაშინ, ალბათ, ენით აღუწერელი თავისუფლება იგრძნო მისულმა: რომ დამხვდურებმა ვერ გაუგეს, ვერ გაუგეს, მისი საქციელის სასოწარკვეთილი ერთაზროვნების მიუხედავად. ახლა კი შეეძლო დარჩენილიყო. რადგან დღითი დღე რწმუნდებოდა, რომ ოჯახის წევრთა სიყვარული მას აღარ ეხებოდა, სიყვარული, რითაც აგრე მოჰქონდათ თავი და რისკენაც ერთმანეთს ფარულად აქეზებდნენ. ალბათ თითქმის ეღიმებოდა, მათ მოწადინებას როცა ხედავდა. ცხადი იყო: შინაურნი მას აღარ გულისხმობდნენ.

აბა, რა იცოდნენ, ვინ იდგა მათ წინ. დაბრუნებულის სიყვარული ახლა ძალიან ძნელი იყო და გრძნობდა კაცი: მხოლოდ იმ ერთს შესწევდა ძალა, ის უკვარებოდა. მას კი ჯერ არ სურდა.

შენიშვნები

I ნაწილი

1. ტულის ქუჩა — ქუჩა პარიზის ცენტრში, სადაც რილკე დასახლდა პარიზში პირველად ჩასვლისას, 1902 წლის აგვისტოში.
2. ვალ-დე-გრასი — (ფრანგ.) სიტყვასიტყვით: „მოწყალების ველი“, მონასტერი და სამხედრო პოსპიტალი.
3. Ah tais-tois, je ne veux plus (ფრანგ.) — ო, გაჩუმიდი, აღარ მინდა.
4. Nôtel-Dieu — (ფრანგ.) სიტყვასიტყვით: „ღმერთის თავშესაფარი“: პარიზის და თვით ევროპის უძველესი საავადმყოფო, აშენებული VII საუკუნეში.
5. საგანის პერცოგი — ოცდაათწლიანი ომის გერმანელი მხედართმთავრის ალბრექტ ვალენშტაინის ერთ-ერთი, იშვიათად ხსენებული ტიტული. უფრო ცნობილია მისი ტიტული: პერცოგი ფრიდლენდერი.
6. მადამ ლეკრანი — მეძველმანე ტანჯულთ ქუჩიდან—სიკვდილის მეტაფორა.
7. მეფე ქლოდვიგი — (დაახლ. 466—511) ფრანკთა მეფე მეროვინგების გვარიდან, ფრანკთა სამეფოს დამაარსებელი.
8. Voila votre mort, monsieur (ფრანგ.) — ინებეთ თქვენი სიკვდილი, ბატონო.
9. სევრული ფაიფური — სევრი, ქალაქი პარიზის მახლობლად.
10. ტიულის ბაღი — ბაღი პარიზში, ლუერსა და თანხმობის მოედანს შორის.
11. იგულისხმება ახალი — მთვარე. რომელიც ხალხში გავრცელებული შეხედულებით, ამინდს განსაზღვრავს.
12. Pont-neuf — (ფრანგ.) — „ახალი ხიდი“ ხიდი მდინარე სენაზე. პარიზის ხიდებიდან უძველესი.
13. როგორც სახე მანეს ნახატზე — ელუარდ მანე (1832—1883) ფრანგი მხატვარი.
14. ვიტორე კარპაჩო (დახლ. 1455—1525) აღორძინების ეპოქის ვენეციელი მხატვარი, ავტორი ცნობილი ციკლისა „წმინდა ურსულას ცხოვრება“. რილკე აპირებდა მასზე მონოგრაფიის დაწერას.
15. ფრიდრიხ IV — დანიის მეფე (1699—1730).
16. როსიკლე — XIII საუკუნის ტაძარი, სადაც მდებარეობს დანიის სამეფო გვარის აკლდამა.
17. ვერლენი — პოლ ვერლენი (1844—1896) დიდი ფრანგი პოეტი, რომელიც რილკეს გამორჩეულად უყვარდა.

18. მაგრამ ეს სულ სხვ. პოეტია — იგულისხმება ფრანგი პოეტი ფრანსის ეანი (1868—1938) რომელიც უმეტესად მშობ-
ლიური პირენეის მთებში ცხოვრობდა.
19. Chou-fleur — (ფრანგ.) — ყვავილოვანი კომპოსტო.
20. têtes-de moineau — (ფრანგ.) — სიტყვისიტყვით „ბელურის თავები“,
ქვანახშირის სახეობა, დაბალი ხარისხის.
21. დიუვალო — (ფრანგ.) — ერთ-ერთი იმ პარიზულ კაფეთაგან, რომელთაც
კარგი რეპუტაცია აქვთ. 'ფრანგი არქიტექტორის
შარლ დიუვალის (1800—1876) სახელის მიხედ-
ვით, რომლის პროექტებითაც აიგო უამრავი ისე-
თი კაფე.
22. Meiontent e tous... (ნაწყვეტი, ბოდლერის „ლექსები პროზად“. „უკმა-
ყოფილოს ყველათი და საკუთარ თავით, მსურს
გავამართლო საკუთარი არსებობა და აღვივო
ღირსების გრძნობით სიჩუმესა და ღამისეულ
მარტობაში. ო, თქვენ, სულელო, ვინც მე მი-
ყვარდით, ო, სულნო მათთა, ვისაც გიმღერდით,
განმამტკიცეთ, დამიფარეთ და განმარიდეთ უკე-
თური ოსშივარი ამა ქყვეენისა. და შენ უფალო,
ღმერთო ჩემო, მოიღე მადლი, რომ შევქმნა ერ-
თი-ორი კეთილი ლექსი, რომელიც მე დამიმტკი-
ცებს, რომ არა ვარ კაცთა შორის უკანასკნელი
და მათზე უარესი, რომელნიც დავგმე და შევი-
ძულე“).
23. „ქეში უმეცართა და უპატიოთა... ბიბლია, წიგნი იობისა, 30, 8—31.
24. სალპეტრიერი — ნერვულ ავადმყოფთა კლინიკა პარიზში.
25. Chapeau á huit reflets — (ფრანგ.) მოდური, ელეგანტური (აბრეშუმის მზხი-
ნავი) შლაპა.
26. S'il vous platt (ფრანგ.) — გთხოვთ.
27. „Riez Mais riez, riez (ფრანგ.) — გაიცინეთ. კი მაგრამ გაიცინეთ, გაიცი-
ნეთ“.
28. „Ditez-nous le mot; avant (ფრანგ.) — გვითხარით სიტყვა „წინ“ („აღრე“)... —
არაფერი არ ისმის, კიდევ ერთხელ“.
29. რადგან წმინდანი ვიხილე პანთეონში... — პარიზის პანთეონი თავდაპირვე-
ლად წარმოადგენდა წმინდა ენეიდეას ეკლე-
სიას. გადმოცემით, წმინდანმა იხსნა ქალაქი პუ-
ნების თავდასხმისაგან. ეს პასაჟი წარმოადგენს
ფრანგ მხატვარ-მონუმენტალისტის პიერ პიუვი
დუ შევანის (1824—1898) ნახატის აღწერას.
30. Une charogne — (ფრანგ.) „ლექსი“ ბოდლერის ცნობილი ლექსი
ციკლიდან „ბოროტების ყვავილები“, რომელ-
მაც დიდი გავლენა მოახდინა რილკეს პოეტიკაზე,
მის ესთეტიკურ მრწამსზე.

31. „Sait-Julien — l'Hospitaller — (ფრანგ.) „წიხდა ძულენი მტარველი“ იგულისხმება ფლობერის „ლეგენდა წმინდა ეთულინზე — მფარველზე“, რომელსაც პაგიოგრაფიული საფუძველი აქვს — ეს არის ამბავი მორწმუნე ადამიანისა, რომელმაც კეთროვანი მიიწვინა გვერდზე, რათა გაეტობო იგი.
32. კაცის სახე... — აქედან მთელი პასაჟი მიმართულია ბეთპოვენისადმი.
33. თეზისი — მხარე ზემო ეგვიპტეში.
34. ონანი — ბიბლიური პერსონაჟი.
35. Courage de luxe — (ფრანგ.) ირონიული: გაუგონარი გაბედულება.
36. მეფის მასხარა, ლუდოვიკ XI — კარლოს მამაყის მიერ მასხარასთვის შესენი (1828—1906) რომელსაც რილკე დიდ პატივს სცემდა.
37. და შენ აღმოჩნდი ცეცხლის შუქზე კოლბათა შორის — მინიშნებულია იმ გარემოებაზე, რომ ახალგაზრდა იბსენი ექვსი წლის განმავლობაში იყო მეთაფთოაქის თანაშემწე.
38. კავალერი — ძაღლის სახელი.
39. სპილოს ორდენი — რაინდთა პირველი ორდენი დანიაში. 1459 წელს განაახლა ქრისტიან I-მა და რომის პაპის ბულით დამტკიცდა, როგორც „ქალწულ მარიამის ძმობა“. როგორც ჩანს, მილტეს მამა სპილოს ორდენის კავალერი იყო.
40. საცეკვაო ბარათი — პატარა ფურცელი, რომელზედაც არისტოკრატი ქალები წერდნენ იმ კავალერთა სახელებს, რომელთაც ამა თუ იმ ცეკვას შეპირდნენ.
41. აღმირალი იუელი — იენს იუელი, დანიელი აღმირალი (1631—1700).
42. დანებროგის ორდენი — დანებროგი — დანიის სახელმწიფო დროშა, ლეგენდის მიხედვით 1219 წელს ერთ-ერთ ბრძოლაში ციდან ჩამოეშვა. დანებროგის ორდენი — დანიის შერთვე რაინდული ორდენი დააარსა ქრისტიან V-მ 1671 წელს.
43. დომინოები — საკარნავალო კოსტუმბი, კაპიშონიანი განიერი ლაბადა.
44. პიეროები — პიეროს ნიღბები, პიერო-იტალიური ნიღბების თეატრის პერსონაჟი, უნუგეშოდ უყვარდა მსახური ქალი კოლომბინა.
45. ლაფატერი — იოჰან კასპარ ლაფატერი (1741—1801) შვეიცარიელი მწერალი და თეოლოგი.
46. ქრისტიან IV — დანიის მეფე (1577—1648).

47. ნიშვეგენის კონგრესი — იგულისხმება ნიშვეგენის სამშვიდობო მოლაპარაკებანი 1678—79 წლებში, რომელმაც წერტილი დაუსვა ე. წ. პოლანდიურ ომს. ხელმოწერილ იქნა ნიშვეგენში (ახლანდელი ნეიმგენი, ნიდერლანდები).
48. გრუბზე... ბილზე... როზენკრანცი... გიულდენლიოვე — XVII საუკუნის დანიელ არისტოკრატთა გვარები.
49. ...ვერცხლისფერი სვეტი მრუმე მინდორზე — ბრათა საგვარეულოს რეალური ღერბის აღწერა.
50. განა ეს ის ერიკ ბრავ არ არის?... — აქ იგულისხმება შვედი გრაფი ერიკ ბრავე (1722—1756), რომელიც დასაჯეს შეთქმულებაში მონაწილეობისათვის.
51. ფელიქს ლიხნოვსკი — თავადი ფელიქს ლიხნოვსკი (1814—48) ფრანკფურტის ნაციონალური კრების დეპუტატი, მოკლეს აჯანყების დროს 1848 წელს.
52. სორიო — ქალაქი დანიაში.
53. აქ ხალიჩებია, აბელონე... იგულისხმება XVI საუკუნის ექვსი გობელენი ბუსაკების გვარის ძველი ციხე კოშკიდან, რომლებიც დაცულია საფრანგეთის ერთერთ მუზეუმში. მათზე გამოსახულია ქალი მითიურ ცხოველთან ცალეშვასთან (ელჩორფ) ერთად. შუასაუკუნეებში ეს ცხოველი ქალწულებრივი უბიწოების სიმბოლოდ ითვლებოდა. მაშინდელი რწმენით იგი ჩნდებოდა მხოლოდ იმ სარკეში, რომელშიც უბიწო ქალწული ჩაახედებდა.
54. „A mon seul désir, (ფრანგ.) — „ჩემს ერთადერთ სასურველს“:

II ნაწილი

1. Dame à la licorne (ფრანგ.) — ქალი ცალეშვასთან ერთად.
2. დელე-ვისტები — გობელენები განკუთვნილი იყო ვინმე კლოდ დე ვისტისათვის, როგორც საქორწინო საჩუქარი.
3. პიერ დ ობიუსონ — (1425—1503) იოანეტების ორდენის დიდი მაგისტრი, ბუსაკის ციხე-კოშკის მფლობელი, სადაც ინახებოდა ხსენებული გობელენები.
4. გასპარა სტამპა — (1523—1554) ვენეციელი პოეტი ქალის სონეტების ციკლში („ლექსები სიყვარულზე“) მისი სიკვდილის შემდეგ რომ გამოქვეყნდა, მან უმღერა თავის სიყვარულს გრაფ კოლალტინო და კოლალტოსადმი.

5. პორტუგალიელი ქალი — იგულისხმება პორტუგალიელი მონაზონი მარიანა ალკოფორადო (1646—1723). 1669 წელს პარიზში გამოქვეყნდა „პორტუგალიური წერილები“, სადაც მოთხრობილია ამბავი მისი ტრაგიკული სიყვარულისა მარკიზ დე შამილისადმი. დღესდღეობით მკვლევარნი თვლიან, რომ ეს წერილები სინამდვილეში ეკუთვნის ვიკონტ დე გიეერაგს (1628—1685), რილკე კი მათ პორტუგალიელი მონაზვნის წერილებად მიიჩნევდა და გერმანულად თარგმნა ისინი (1913 წ.).
6. ვალანსენი — ჩხირებით ნაქსოვი მაქმანი ყვავილოვანი ორნამენტით, ასე ეწოდება ჩრდილო-აღმოსავლეთ საფრანგეთის ქალაქ ვალანსენის მიხედვით.
7. ბინში — ქალაქი ბელგიაში (ბელგია ჩხირებით ნაქსოვი მაქმანების სამშობლოდ ითვლება).
8. გრაფი ბრაე — გერმანულ კომენტატორთა აზრით გრაფ ბრაეს პროტოტიპი უნდა იყოს ჰესენის ლანდგრაფი, რომელიც ხელმძღვანელობდა მისტიკურ-თეოსოფიურ საზოგადოების კოპენჰაგენში და დროდადრო აწყობდა სპირიტუზმის სეანსებს.
9. ბრედგადი — ქუჩა კოპენჰაგენის ცენტრში.
10. გრაფ ბრაეს მემუარები — წარმოადგენს ი. კ. ლაფატერის (1741—1802) ჩანაწერებს, როდესაც იგი მინისტრ გრაფ ანდრეას პეტერ ბერნსტორფის (1723—1797) მიწვევით მონაწილეობდა ჰესენის ლანდგრაფის სპირიტუალურ სეანსებში (1793 წ.) ეს ჩანაწერები რილკეს რომანის ერთ-ერთი წყაროა.
11. სვედენბორგი — ემანუელ სვედენბორგი (1688—1772) შვედი თეოსოფი. ცნობილია მისი თხზულება „ზეცის, ჯოჯოხეთისა და სულთა საუფლოს შესახებ“ (1758).
12. ეკერნფიორდე — ქალაქი შლეზვიგ გოლშტანში, სადაც თავისი ცხოვრების ბოლო ოთხი წელი გაატარა ცნობილმა ავანტურისტმა გრაფ სენ ჟერმენმა (1710—1784), რომელსაც ახლო ურთიერთობა ჰქონდა ჰესენის ლანდგრაფთან და მის წრესთან.
13. მარკიზ ფონ ბელმარი — გრაფ სენ ჟერმენის ერთ-ერთი სახელი.
14. Adieu, Madame — (ფრანგ.) ნახვამდის, ქალბატონო,
15. Jardin d'Acclimata-tion — (ფრანგ.) პარკი გასართობი სანახაობებით, ნაწილობრივ ნადირთა ვოლიერებით (პარიზში).
16. ბერნსტორფული წრე — იგულისხმება მინისტრ გრაფ ანდრეას პეტერ ბერნსტორფის არისტოკრატიული წრე—რევენტ-ლოვებისა და შიმელმანების ოჯახები.

17. იული რევენტლოვი — გრაფინია იული რევენტლოვი (1763—1863)—დაბადებით შიმელმანი, ცნობილი იყო თავისი სილამაზით, სინტრიფითა და ლეთისმოსაობით.
18. სტიგმები — ქრილობები, რომლებიც უჩნდებათ განსაკუთრებით მგრანობიარე სულის მორწმუნეებს იმ ადგილებზე, სადაც ქრისტეს ლერსმნები ჰქონდა ჩაქობილი.
19. ლანგელინი, ამალეგად — ქუჩები კომენაგენის ცენტრში.
20. „... სიკვდილამდე სამი საათით ადრე...“ — როგორც გერმანელმა კომენტატორმა დაადგინეს, ეს ნაწყვეტი წარმოადგენს თითქმის ზუსტ თარგმანს დანიური ტექსტისა („ლანიელ მეფეთა პორტრეტები“), სადაც აღწერილია ქრისტიან IV-ის სიკვდილი.
21. „ო, ექიმო, ექიმო, რა ჰქვია მას?“ — დანიური წესისამებრ, მეფე მესამე პირში მიმართავდა ქვეშევრდომთ. ამიტომ ექიმმა იფიქრა, რომ მეფეს მისი სახელი დაავწყდა და შეახსენა: შპერლინგიო. სინამდვილეში მეფეს ექიმის სახელი კი არა, სიტყვა „სიკვდილი“ დაავიწყდა. Döden დანიურად სიკვდილს ნიშნავს.
22. ალექსის ფელიქს არვერი (1806—1850) ფრანგი პოეტი. მისი სიკვდილის ისტორია გახმაურებული ამბავია.
23. ეან დე დიუ (1495 — 1550) ბერთა ერთ-ერთი ორდენის დამაარსებელი.
24. ...ის გამოგნებელი ნახატები — გერმანელ კომენტატორთა აზრით აქ შეიძლება იგულისხმებოდეს ბრეიგელის ან ბოსხის ნახატები.
25. გარიშა ოტრეპიევი — ცრუ დიმიტრი I, რომელიც ბოიარებმა მოკლეს 1606 წელს.
26. კარლოს მამაიცი — ბურგუნდიის პერტოგი (1467 წლიდან) „ვეროპის პირველ რაინდად“ წოდებული. მეფის ხელისუფლების მოწინააღმდეგე და ფეოდალური შეუზღუდავობისათვის თავზეხელაღებული მებრძოლი.
27. მარია ნაგაია — ივანე შრისხანეს უკანასკნელი (მეშვიდე) ცოლი. მეფის სიკვდილის შემდეგ (1584) ბოიარებმა გაასახლეს უგლოშიში მცირეწლოვან შვილთან, უფლისწულ დიმიტრისთან ერთად, რომელიც რვა წლის ასაკში დაიღუპა. 1605 წელს მარია ნაგაია ცრუ დიმიტრი I-მა გადასახლებიდან დააბრუნა. მარია ნაგაიამ, რათა ხელისუფლებისათვის სამაგიერო გადაეხადა, ცრუ დიმიტრი ანუ გარიშა ოტრეპიევი საკუთარ შვილად სცნო.
28. მარია მნიშეიცი — ცრუ დიმიტრი I-ის საცოლე (შემდეგ ცრუ დიმიტრი II-ისა), დათანხმდა მასთან ქორწინებაზე, რადგან ამ უკანასკნელმა მამამისს აღუთქვა ქალაქები — ნოვგოროდი და ტსკოვი.

29. შუისკი — თავადი ვასილი შუისკი, რომელიც ცრუ დიმიტრი I-ის მოკვდინების შემდეგ მეფე გახდა (1606—10) ბურგუნდიის საჰერცოგოს დედაქალაქი შუასაუკუნეებში (რილკე დიქციონარში იმყოფებოდა 1903 წლის 29 აპრილს გზად ვიარეჯოდან პარიზისაკენ).
30. დიქონი — ვერ აიღო კარლოს მამაცმა.
31. ქალაქი ლოზანა — ამ ქალაქთან კარლოს მამაციის ჭარი დაამარცხეს შვეიცარიელებმა 1476 წლის 2 მარტს.
32. გრანსონი — იგულისხმება შვეიცარიელთა ბუკები (ურთი შვეიცარიის ერთერთი კანტონია), რომელთა ხმა ძალზე აღიზიანებდა კარლოს მამაცს, რადგან ახსენებდა დამარცხებას ქალაქ გრანსონთან.
33. ურის ბუკები — ქალაქი ლოტარინგიაში, სადაც კარლოს მამაცი დაამარცხეს ლოტარინგიის ჰერცოგმა და მისმა მოკავშირე შვეიცარიელებმა. იქ დაიღუპა კარლოს მამაცი.
34. ნანსი — XV საუკუნის იტალიელი კონდოტიერი. ნანსის ბრძოლაში მიატოვა კარლოს მამაცი, რითაც ხელი შეუწყო მის დაღუპვას.
35. გრაფი ფონ კამპო-ბასო — კარლოს მამაციის მიერ მასხარასთვის შეჩვენული სახელი ნიშნად იმისა, რომ აბუჩად იგდებდა თავის კუზენსა და მტერს — საფრანგეთის მეფეს ლუდოვიკო XI-ს (1461—1483), რომელიც თავდაუზოგავად იბრძოდა ცენტრალიზებული სახელმწიფოს შესაქმნელად.
36. მეფის მასხარა, ლუდოვიკ XI — (1425—1502) ფრანგი პოეტი და ისტორიკოსი კარლოს მამაციის კარზე.
37. „...რომაელები ხომ არ გვიდგანან ზურგს უკანო...“ — იგულისხმება ის ფაქტი, რომ ნანსის ბრძოლაში კარლოს მამაცი გასცეს დაქირავებულმა იტალიელმა ჭარისკაცებმა, რომლებიც მოიხყიდა ლუდოვიკო XI.
38. იენს ბაგენენ — (1764—1820) დანიელი მწერალი.
39. ადამ ელენშლეგერი — (1779—1850) რომანტიზმის ეპოქის დანიელი მწერალი.
40. შაკ ფონ სტაფელდი — (1769 — 1828) დანიელი მწერალი.
41. ბეტინა — ბეტინა ფონ არნიმი (1785—1859) კლემენს ბრენტანოს და ახიმ ფონ არნიმის მეუღლე, გერმანელი მწერალი ქალი, რომანტიზმის ეპოქის მნიშვნელოვანი პიროვნება, უაღრესად ემოციური, ინტუიტიური, უშუალო ბუნების ადამიანი. ცნობილია მისი მიმოწერა გოეთესთან („გოეთეს მიმოწერა ბავშვთან“ 1835).
42. ბეტინა

43. „... პათმოსზე შეხლმოდრეკილი იოანესაით“ — იველისხმება მოცქული და მახარობელი იოანე, რომელიც იმპერატორმა გასდევნა კენძულ პათმოსზე. სადაც მან დაწერა თავისი აპოკალიპსი („გამოცხადება“).
44. ელიოზა — იველისხმება ფრანგი ფილოსოფოსისა და თეოლოგის, პიერ აბელიარის (1079—1142) გუელე ელიოზა და მისი წერილები აბელიარისადმი, რომელთაც ის სწერდა მონასტრიდან, მას შემდეგ, რაც მოსწყვიტეს თავის გუელეს.
45. La presse — (ფრანგ.) — პრესა, გაზეთები.
46. სან სულპიცი — წმინდა სულპიციის ეკლესია პარიზში, ლუქსემბურგის ბაღის ჩრდილოეთით.
47. რომ ეს სახელმწიფო ამ უბედურის გულისთვის არსებობდა... იველისხმება: სახელმწიფო წარმოშობს ასეთ ბედკრულ, გაუბედურებულ ადამიანებს, რომლებიც ბედნიერებზე უფრო ახლოს იმყოფებიან ღმერთთან, რადგანაც მათი გრძნობები (ტანჯვა-ტკივილი, შიშ) უკიდურესად გამძაფრებულია. ისინი არიან „ღვთის რჩეულნი“, ნამდვილ ყოფიერებაში მღვთონი, განსხვავებით ბედნიერებისა და დაღვინებულებისაგან, რომელთა ყოფიერებაც ზედაპირულია.
48. იველისხმება წინა პასაჟში აღწერილი განუთების გაყიდველი და მისი მსგავსნი — ცხოვრების ფსკერზე მყოფნი, უბედურებისა და ტანჯვისთვის განწირულნი.
49. „...თითქოს ცივი ლამპარი სკეროდეთ ხელში“ — მათეს სახარება 25,2.
50. „...განა იგი ერთადერთი კაცი არ არის...“ — ლამპარია საფრანგეთის მეფეზე, კარლოს VI შეშლილზე (1368—1422), რომელსაც ხშირად ქმონდა სულიერი ავადმყოფობის შეტევები. იგი სულ უფრო და უფრო გულგრილი ხდებოდა თავისი მეფობის მიმართ და ხალხმა მას „საყვარელი მეფე“ შეარქვა, რადგან მან დაიახლოვა მესამე წოდება.
51. კანცლერი ჟან შარლ ვერსონი (1363—1429) ეკლესიის უდიდესი ქადაგი XIV საუკუნეში, თეოლოგიის პროფესორი პარიზის უნივერსიტეტში.
52. Parva regina — (ლათ.) პატარა დედოფალი. იველისხმება ნორჩა და თვალწარბატი ოდეტა დე შანდივერი, ავადმყოფი მეფის კონუზბინა.
53. ჟან უიუვენალ დეზიურსენი (1369—1431) გავლენიანი პოლიტიკოსი კარლოს VI კარზე.

54. „... რომ მისი ძმა მოკლეს...“ — იგულისხმება ლუდოვიკო ორლეანელი, კარლოს VI-ის ძმა, მისი რეგენტი. იგი 1407 წელს მოკლეს დაქირავებულმა მეკლულებმა, რომლებიც მოუგზავნა მეფის ბიძაშვილმა ბურგუნდიის ჰერცოგმა იოანე უშიშარმა (1371—1419).
55. ვალენტინა ვისკონტი — ლუდოვიკო ორლეანელის მეუღლე. იგი მეუღლის სიკვდილის შემდეგ მალე გარდაიცვალა (1408 წელს).
56. კარლოს VI-ს ახსენდება დიდი გამარჯვება ფლამანდიაში, როზბეკთან.
57. ეს ირემი დასიზმრებია ახალგაზრდა კარლოს VI როზბეკის ბრძოლის წინ.
58. სენ დენის ქუჩაზე — ქუჩა პარიზში, სადაც შუასაუკუნეებში იმყოფებოდა რაღაც „თეატრალური გაერთიანება“ მისტერიათა დასადგმელად (დაიარსდა 1402 წელს). ამ გაერთიანებას განსაკუთრებულად მთავრელობდა კარლოს VI.
59. ქრისტინე პიზანელი — (1364—1431) იტალიური წარმოშობის ფრანგი მწერალი ქალი. აქ მინიშნებულია მისი წიგნის („ხანგრძლივი სწავლების წლები“, 1402) ზოგიერთი მოტივი.
60. ქრისტინე პიზანელის წიგნში მოთხრობილია სიზმარი, რომელშიც ქალაქ კუმაში მცხოვრები წინასწარმეტყველი ქალი მთავარ გმირს აიყვანს ზეცაზე, სადაც ქვეყნიერებში-ოთბი დედოფალი იმაზე კამათობს, თუ ვინ არის საუკეთესო მეფე.
61. იმპერატორი ვენცლო — იგულისხმება ჩეხი მეფე ვაცლავი IV (1378—1419), რომელიც 1400 წლამდე იყო გერმანული იმპერიის იმპერატორი. 1397 წელს კარლოს VI ჩავიდა რაიმსში იმპერატორთან საეკლესიო საკითხებზე მოსალაპარაკებლად.
62. „...აენიონს კი კარგადიცილობდა“. — 1398 წელს კარლოს VI ჩავიდა აენიონში, სადაც მას მისპინძლობდა პაპი კლიმენტ VII.
63. „... აენიონური საქრისტიანოს ხანა იდგა“ — საფრანგეთის მეფე ფილიპ IV ლამაზმა პაპის ტახტზე დასვა ფრანგი არქიეპისკოპოსი და უბრძანა მას ყოფილიყო არა რომში, არამედ პროვანსის ქალაქ აენიონში ე. წ. „პაპების აენიონური ტყვეობა“ 1309 წლიდან 1377 წლამდე გრძელდებოდა. შემდეგ კი კათოლიკურმა ეკლესიამ ისევ მოახერხა რეზიდენციის გადატანა ვატიკანში. 1378 წლიდან 1417 წლამდე მუდამ ორი პაპი იყო. ერთი რომში, ერთი აენიონში. სწორედ ამ დროს მეფობდა კარლოს VI.

64. პაპი იოანე XXII — (1245—1334) ავინიონის მეორე პაპი იყო (1316 წლიდან).
65. ყველა წმინდანის დღე — ყველა წმინდანის მოხსენების კათოლიკური დღე-სასწაული (I ნოემბერს) ლაპარაკია 1331 წლის ქადაგებაზე.
66. იგულისხმება თავად ოთხმოცდახუთი წლის პაპი.
67. ნაპოლეონ ორსინი — (1263-დაახ. 1342) კარდინალი. პაპ ნიკოლოზ III-ის ნათესავი.
68. იოანე ფონ კაპორი — პაპ იოანე XXII-ის საერო სახელი.
69. გრაფ ფონ ლინის ვაჟი — პიერ დე ლუქსემბურგ-ლინი (1369—1387) შუასაუკუნეების ვენდერკინდი, რომელიც 17 წლისა უკვე კარდინალი იყო ავინიონში.
70. იგულისხმება შუასაუკუნეები.
71. წმინდა ლუდვიგი — წმინდა ლუდოვიკო (1214—1270) ლუდოვიკო IX, საფრანგეთის მეფე.
72. გრაფი ფონ ფუ — გასტონ ფეზი (1331—1391) ასწლიანი ომის ეპოქის ერთ-ერთი დიდი ფეოდალი, ცნობილი თავისი სისასტიკით.
13. ლერდი — ქალაქი სამხრეთ საფრანგეთში, კათოლიკე პილიგრიმთა ცენტრი.
74. ცელესტინელთა ორდენი — პაპმა ცელესტინმა დააარსა ბერთა უმკაცრესი ორდენი (რომელსაც მისი სახელი ეწოდა).
- 75 Beau Sire Diu — (ფრანგ.) კეთილი უფალი ღმერთი...
76. ალბა, სირვენტი — შუასაუკუნეებრივი პროვანსული ლირიკის ეანრები.
77. სამების მონასტერი — საავადმყოფო.
78. მიქელ მთავარანგელოზის ბრძოლა ეშმაკთან შუასაუკუნეების მისტერიათ: გავრცელებული თემა იყო.
79. გერმანელ კომენტატორთა ვარაუდით, აქ მეფეს უნდა აგონდებოდეს, თავისი ცხოვრების ერთი ეპიზოდი, როცა ერთ-ერთ საქორწინო ზეიმზე შემთხვევით ხანძარი გაჩნდა და მეფე კინალამ დაიწვა.
80. ორანჟის თეატრი — რომაული ამფითეატრი ორანჟში (პროვანსი) გვიანანტიკური არქიტექტურის შესანიშნავი ძეგლი მე-2 ს. წ. გათვალისწინებული დაახლოებით 7 ათას მყურებელზე. ამ თეატრის გარეთა (37 მეტრის) კედლს ლუდოვიკო XIV თავისი სამეფოს საუკეთესო კედელი უწოდა. რილკე იქ იყო 1909 წლის შემოდგომაზე.
81. იგულისხმება ელეონორა დუზე (1859—1924) გამორჩენილი იტალიელი მსახიობი, ვისი ხელოვნებაც რილკეს უსაზღვროდ აღაფრთოვანებდა. პირადად გაიცნო 1912 წელს ვენეციაში.

82. ბიბლია — მილეტის ასული (მილეტმა დააარსა ქალაქი მილეტი მცირე აზიაში), რომელიც იმდენხანს ტიროდა თავისი ძმისადმი — კენოსისადმი ცალმხრივ სიყვარულის გამო, რომ წყაროდ გადაიქცა (ოვილიუსი, მეტამორფოზები, წიგნი 9).
83. ლეკია — ადგილი მცირე აზიაში ანტიკურ ეპოქაში.
84. გრაფ-ნიკოლოზი — ცხოვრობდა XIII საუკუნის დასაწყისში, უყვარდა ტრუბადური რამბოეტ III და უძღვნიდა მას კანცონებს.
85. კლარა ჯ'ანდუზე — XIII საუკუნის პროვანსელი პოეტი ქალი.
86. ლუიზა ლაბე — (1525—1566) — ლიონის სკოლის ფრანგი პოეტი ქალი. რიკემ თარგმნა მისი 24 სონეტი (1917), სადაც პოეტი ვაუბს სატრფოსთან (როგორც ვაჟულაობენ პოეტ ოლივიე დე მანისთან) განშორების გამო.
87. მარსელინა დეზორდ-ვალმონი (1786—1859) — ფრანგი პოეტი ქალი.
88. ელიზა პერკიორი — (1809—1855) ფრანგი პოეტი ქალი.
89. აიშე — იგულისხმება ავტორი „მადრუაზელ აიშეს წერილები“-სა. არის თუ არა ამ წერილების ავტორი ახლავარდა ჩერქეზი ქალი, რომელიც განგებამ პარიზის „არისტოკრატიულ წრეში“. მოახვედრა (1695—1733). გაუაუქოველ საკითხად რჩება. ზოგიერთები ამ წერილებს ანონიმურ ავტორს მიაკუთვენებენ.
90. ეული ლესპინას — (1732—1776) ცნობილი იყო, როგორც უადრესად განათლებული და ღრმა პიროვნება. მის სალონში იმ დროის მრავალი გამორჩენილი ადამიანი იყრიდა თავს.
91. მარი-ანა დე კლერმონ — (1697—1741) უზომოდ მწუხარებდა და ღირსეულად იტანდა ტანჯვას—ჰერცოგ დე პელიუნიის სიკვდილის გამო, ვისთანაც ფარულად იყო დაქორწინებული.
92. კლემენტინა დე ბურკი — ლუიზე ლაბეს მეგობარი, განსაკვიფრებლად ლამაზი და გონიერი ქალიშვილი, რომელიც გარდაიცვალა მწუხარებისაგან. როდესაც მისი შეუვარებელი პროტესტანტებმა სიცოცხლეს გამოასალმეს.
93. ეან დე ტურნი — (1504—1564) ლათინელი მბეჭდავი, რომელმაც გამოსცა ლუიზე ლაბეს სონეტები.
94. დიკე, ანაქტორია. გირინო, ატიდა — ს. ფოს მც. ობარ ქალიშვილთა სახელებია
95. რიდინგერის გრაფიურები — იოჰან ელიას რიდინგერი (1698—1769) გერმანელი ფერმწერი და კრაფიკოსი.

96. გველეშარა აზრით უნდა იგულისხმებოდეს პოლ სეზნა (1839—1906), რომლის ხელოვნებამაც დიდი გველენა მოახდინა რილეებზე.
97. კლავდიუს გალენი (131—210) ცნობილი ძველბერძენი ექიმი.
98. ბენედქტა ფონ ქვალენი — ქალი, რომელსაც დანიელი მწერალი იენს ბაგეენი ამოდ ეტრფო. სა.
99. მეპტილდა ფონ მაგდენბერგი (1210—1282—?) შუასაუკუნეებში მისტიკის წარმომადგენელი.
100. ტერეზა ფონ ავილა — (1515—1582) ესპანეთში მცხოვრები კათოლიკე წმინდანი ქალი, ფილოსოფიურ-რელიგიური თხზულებების ავტორი.
101. როზე ფონ ლიმა (ისაბელ ფლორესი, 1586—1617) პერუელი რელიგიური მღვდელი, 1671 წელს წმინდანი იქნა შერაცხული.
102. თავადის ქალი ამაღია გოლიცინა—დაბადებით გრაფინა შვეტაუ (1718—1806) მეუღლე რუსი თავდას დემეტრი გოლიცინისა, რომელიც იყო რუსეთის წარუხვადი პარიზში. თავისი დროის ერთ-ერთი უგანათლებლესი ქალი, ქალთა ემანსიპაციისათვის მებრძოლი.
103. კამპეჩე — ქალაქი კამპეჩეს ყუბაში. მექსიკის ყურეს სამხრეთ ნაწილში.
104. დეოდატ დე გოზონი — შუასაუკუნეების რაინდი, რომელიც დასაჯეს. რადგან აკრძალვის მიუხედავად მოკლა დე აკონა.
105. ბო — ძველი ქალაქი პროვანსში.
106. როგორც თავად რილე განმარტავს, ბოს პრინციების უძველესი მოდგმა ერთ-ერთი აღმოსავლური მოგვიდან, მეფე ბალთაზარიდან იღებდა სათავეს, და რთ ღერბზე გამოსახული იყო თექვსმეტსიხიანი ჯარსკვლავი, რომელიც დაპნათის ბაგას. უაღრესად ცრუმორწმუნე პრინციებს ავბედითად მიაჩნდათ ამ ვარსკვლავის თექვსმეტი სხივი და ებრაძოდნენ მას „ბედნიერი“ რიცხვებით: სამით და შვიდით; ყოფდნენ მამულებს შვიდ ნაწილად და ა. შ.
107. Patience de supporter — (ფრანგ.) მოთმინება, რითაც ის გაიმტკიცებდა ცოცხალ სულს.

კომენტარების ნაწილი თარგმნილია წიგნიდან:

Reiner Maria Rilke, *Ausgewählte Prosa*,
Moskau, 1984.

მხატვარი გ. ფირცხალაიშვილი
მხატვრული რედაქტორი შ. დედანაშვილი
ტექნიკური რედაქტორი ო. კახანაძე
კორექტორები: დ. ფირცხალაია,
თ. ფირცხალაია
გამომშვები ნ. რაშოევი

შეკვეთა № 143

ფახი ხახელშეკრულებო

გამომცემლობა „მერანი“, რუსთაველის გამზ. 42. თბილისი, 1992.

გამომცემლობა „ლომისი“, რუსთაველის გამზ. 42. თბილისი, 1992.

1

საქართველოს რესპუბლიკის ბეჭდვითი სიტყვის დეპარტამენტის № 1 სტამბა.
თბილისი, ჩუბინაშვილის, 50.